

# تَفْوِيضُ بِالْقَتْلِ

إسلام وهيب

رواية





## تفويض بالقتل

للمزيد من الروايات والكتب الحصرية  
انضموا لجروب ساحر الكتب

[sa7eralkutub.com](http://sa7eralkutub.com)

او زيارة موقعنا



الكتاب : تفويض بالقتل

المؤلف : إسلام وهيب

تصميم الغلاف : محمد مجدى

تدقيق لغوي : أحمد أسامة

رقم الإيداع : 25093 / 2016

الترقيم الدولي : 978-977-778-093-3

الطبعة الأولى : 2016

20 عمارات منتصر - الهرم - الجيزة

ت-011-27772007 02-35860372

[Noon\\_publishing@yahoo.com](mailto:Noon_publishing@yahoo.com)

جميع حقوق الطبع والتوزيع محفوظة للناشر





لتحويلك إلى الجروب أضغط هنا



لتحويلك إلى الموقع أضغط هنا

للمزيد من الروايات والكتب الحصرية  
انضموا لجروب ساحر الكتب

[sa7eralkutub.com](http://sa7eralkutub.com)

او زيارة موقعنا



# تفويض بالقتل

## رواية لـ

إسلام وهيب



للمزيد من الروايات والكتب الحصرية  
انضموا لجروب ساحر الكتب

[sa7eralkutub.com](http://sa7eralkutub.com)

او زيارة موقعنا



## بالتفصيل عن

للتفصيل عن

للتفصيل عن

للتفصيل عن

للتفصيل عن

للتفصيل عن

للتفصيل عن

للتفصيل عن

للتفصيل عن

للتفصيل عن

للتفصيل عن

للمزيد من الروايات والكتب الحصرية  
انضموا لجروب ساحر الكتب

[sa7eralkutub.com](http://sa7eralkutub.com)

او زيارة موقعنا



بعض الناس يقرأون الروايات ليطمئنوا أن كل شيء سيكون  
على ما يرام في النهاية ، ولابد للخير أن ينتصر ، أنا لا أكتب هذه  
النوعية من الروايات ...

إسلام وهيب



روايات وروايات من الروايات والكتب الحصرية  
انضموا لجروب ساحر الكتب  
او زيارة موقعنا



## ( الفصل الأول )

الخميس

2011/6/16

شارع هادىء بمدينة راقية تطل مباشرة على طريق الأوتوستراد الشهير، مدينة غلب عليها الطابع الصحراوى بكل ما تحمل الكلمة من معاني، فهي مدينة سكنية تحتوى على تضاريس لا تضم سوى جبال وهضاب وكُثبان رملية، مناخها مناخ صحراوى جاف، تقع حدودها عند آخر شريط من البنايات المتراصة بجوار بعضها البعض، إذا كنت من سكان تلك البنايات التى تقع على الشريط الحدودى للمدينة ونظرت من نافذة منزلك لرأيت على مرمى بصرك صحراء جرداء شاسعة لا حياة فيها، صحراء جافة ليس بها سوى جبال عملاقة ومُنحنيات لا حصر لها، يزعم بعض أساتذة الجيولوجيا أنَّ هذه الصحراء الجرداء سوف تصل بك إلى جبال البحر الأحمر إذا تحرك من خلالها في اتجاه معلوم، في الغالب "شمال شرق" مسافة لا تقل عن مئات الكيلو مترات!!!

الحقيقة لا يهتم أحد برأى هؤلاء الأساتذة فمن المستحيل أن يذهب أى شخص عاقل إلى البحر الأحمر مشيًا على الأقدام أو حتى على ظهر ناقة، لكن تلك المعلومة تُرسخ في ذهن كل من سمعها كم هي مدينة صحراوية تشبه كثيرًا أحياء المقطم المُقْفِرة، خلف ذلك الشريط الحدودى الفاصل وعلى مسافة قريبة منه تجد أعلى هضبة مرتفعة بنائية غير محددة الملامح أى أنها لم يكتمل بناءها حتى الآن، فهي لا تزال تحت الإنشاء، تعود تلك البناية إلى أحد الرجال الذين ظهرت أموالهم فجأة بعد القيام بثورة بناير العظيمة.

مساحة تلك المدينة ليست كبيرة فتستطيع أن تجوب شوارعها بأكملها في نصف ساعة تقريبًا إذا كنت تمتلك سيارة، المدينة مقسمة إلى عدة أحياء، الحي الواحد مكون من مجموعة من البنايات السكنية، زُرِعَ أمام كل مجموعة بنايات بعض الأشجار والحشائش داخل شيء أشبه بحديقة صغيرة، فكرة كانت عبقرية من مهندس الإنشاء لكسروحشة الصحراء المحيطة بالمدينة من كل جانب، شوارع المدينة هادئة تمامًا في كل الأوقات تقريبًا، فهنيئًا لك إذا قابلت أكثر من شخص في أن واحد، محلات تجارية بسيطة ومتفرقة في جميع أنحاء المدينة، "موقف للميكروباصات" يتوسط المدينة أنشأ خصيصاً لربط المدينة بكل المناطق والمدن المحيطة قريبة كانت أو بعيدة، تحتوى على عدد قليل من المدارس الحكومية وعدد أقل من المدارس الخاصة باهظة الثمن، تحتوى أيضًا على قسم شرطة واحد وعلى مستشفى واحدة أيضًا تحمل نفس اسم المدينة، ليست مستشفى بمعناها الحرفي ولكن من الممكن أن تكون أشبه بوحدة صحية وذلك بسبب صغر حجم بنايتها وقلة عدد العاملين بها من أطباء، ممرضين، موظفين، وأفراد أمن، حتى أنها تعاني من فقر شديد في أعداد المرضى الذين يترددون عليها، فعلى الرغم من أنها مستشفى حكومية إلا أنها تعاني بعض الشيء في الخدمات الطبية والعلاجية والأجهزة والإمكانات بشكل عام، فلا يذهب إليها سكان المدينة ليلاً إلا في الأمور الضرورية جدًا أو حالات الإصابات بالنوبات المفاجئة التي تحتاج إلى إسعافات وتدخل طبي سريع أمّا بالنهار فقد يلجأ إليها البعض في الكشفوفات الطبية والفحوصات العادية، غير ذلك يذهب السكان إلى تلك المستشفيات الاستثمارية الكبيرة التي تقع في مدن أخرى قريبة، مبنى تلك المستشفى يقع في أقصى أقصى المدينة، له طريق واحد مُمهّد خاص به فتشعروكأنه أراد أن يتزوى بعيدًا عن كل شيء في المدينة.

نعود إلى الشارع الهادئ مرة أخرى تحديدًا إلى تلك البناية التي تتوسطه، في الدور الثاني يقطن دكتور إبراهيم أبو طالب مدير تلك المستشفى ذات البناية الصغيرة والبعيدة .

الساعة الآن الثامنة والنصف مساءً.

دكتور إبراهيم يجلس على تلك الأريكة المحببه له، في يديه صحيفة يتصفحها بعناية من خلف عويناته الكبيرة ذات الإطار العملاق، أمامه انتفخ كرشه الذي بدأ يتكون منذ أن افتتح عقده الخامس، تجاعيد خفيفه بدأت تُغازله في أماكن متفرقة

من وجهه , دكتور إبراهيم يمتلك شخصية رائعة فهو رجل فريد من نوعه فقط مع الجنس الناعم, هوايته التعرف على البشر الذين نُقِشَ في بطاقتهم الشخصية في خانة النوع كلمة أنثى, يتقن أبجديات الكلام واستراتيجيات التعامل مع الجنس اللطيف خاصة اللواتي يتميزنَ بجمال جذاب ومظهر لافت للعيون, إذا أراد أحداً إتمام شيء في العمل حتى إن كان غير قانوني رَجَّ بأنثى في طريق الدكتور إبراهيم تتمتع بسلاح الميوعة وتُجيد التعامل به فتنتهي تلك الخدمة على أكمل وجه فهو رجل ذو نِزوات وميل شديد للهوى, بجواره تجلس زوجته تتابع شيئاً ما على شاشة التلفاز بمثل شديد, من الحين إلى الآخر تلتفت له فتجده لا يزال يتصفح الجريدة بتركيز شديد, ملامح وجهها المنكمشة دائماً بسبب تصرفاته الصبيانية التي تصاعدت بشكل كبير في الآونة الأخيرة, هي تعلم أنه يُحبها ولكن في الوقت ذاته تعلم أن لُعبه يسيل على كل أنثى يلتقى بها فكانت تقول في نفسها هكذا يُحب الخُثالة!! هذا الوصف الخالي من أى تقدير لم يأتى هباءً فقد كانت على علم بمعظم نِزوات زوجها, أى أنها على علم يقين بأنه شخص غير مستقيم ولا يقدس أى حياة زوجية مهما كانت, بالتالى هولن يحمل لزوجته أى احترام أو تقدير, للأسف إدراكها لم يكن مؤهباً لمعرفة تلك الأمور في البدايات وإنما أدركتها بعد مرور وقت طويل, وقت كان فيه هدف تربية الأطفال أسمى بكثير من إنهاء تلك الحياة المقرزة بالنسبة لها.

فُتِحَ باب إحدى الغرف وخرجت "سُهيلة" ابنة الدكتور إبراهيم, تلك الطالبة الجامعية المتفوقة, انضمت إليهم وجلست معهم وهي تتأفف بزهد وملل شديد.

- مالك يا سهيلة في إيه؟؟

سألها والدها فأجابته وكأنها تحمل إصراً.

- زهقت من المذاكرة يا بابا.

- طب خلاص اقعدى معانا شوية وكفاية مذاكرة.

- أقعد معاكم أعمل إيه بقى ما حضرتك قاعد تقرا الجرنال وماما بتتفرج على التلفزيون يعنى لو قعدت مقعد مع نفسى!!



- لا يا ستي هسيب الجرنال، أنا بس كنت بشوف وصلوا لحد فين في موضوع البنك اللى اتسرق عندنا في المدينة ده.
- آآآه صحيح هما لقوا الحرامية ولا لا؟؟
- سألت بشغف واهتمام زائد.
- لسه بيقولوا الشرطة بتبحث عن الجناة، الموضوع أصله مش سهل في ظل الانفلات الأمني اللى بقينا عايشين فيه ده، بعدين الجريمة ما فاتش عليها عشر أيام.
- بصراحة يا بابا موضوع الانفلات الأمني ده بقى حاجة في منتهى القرف، البنك اتسرق الساعة 12 الظهر يعني في عز النهار.
- سطو مسلح يا سهيلة، شوية ناس مقنعة دخلوا على البنك بسلاح قشطوه.
- حاجة تقرف، لا وماشين بالسلاح الآلى في الشارع.
- فوضى، أدى اللى خدناه من ثورة الشباب.
- لا يا بابا الثورة ملهاش ذنب، دى ناس كده كده كانت مستعدة للبلطجة سواء كان في ثورة ولا لا.
- بقولك إيه أنا مش ناقص قلبة دماغ.
- خلاص أنا هسكت، قولى بس هم سرقوا فلوس كتير طيب.
- آه، حوالى سبعة مليون.
- يا نهار أبيض!!!! سبعة مليون.
- آه سبعة مليون، ياريت بقى يقبضوا على البلطجية دول وينهوا على الفوضى اللى أنتم مسمينها توابع ثورة دى وهيبة الشرطة ترجع تانى بقى زى زمان.





من الصبحة والحقيقة , اصطنع أنه سَلِمَ من كلامها وأفعالها, هبَّ واقفًا وراح يُتمتم بكلام لم تفهم منه سوى.

- دى ما بقتش عيشة, دا واحد صديقى فى المستشفى أهو, اسمه الدكتور سنوسى, الدكتور سنوسى.

وضع شاشة الهاتف فى وجهها فرأت عليها " مكالمة لم يرد عليها " أسفلها اسم المتصل " د/سنوسى "

أخذ الهاتف واستمر فى حالة العصبية المفرطة التى تنتابه بلا داعي, مرع إلى غرفته وأغلق الباب خلفه, ابتسمت زوجته بسخرية واستهزاء وهى تهز رأسها ببطء, سهيلة ثعاتها وهى على وشك البكاء.

- ما كانش ليه لزمة الكلام ده يا ماما , كدة بابا زعل .

أجابتها بقوة وثقة.

- أنتِ دخل عليكى الحركتين دول, أبوكى عمل كده يا حبيبتي علشان يهرب من المواجهة, أبوكى بيعخوني يا سهيلة ومع ستات وبنات أقدر ما يمكن, هو أنا لسه معرفه النهاردة, دى عشرة عمر مهبب, كله نزوات وعلاقات وحاجة تقرف , بس للأسف عرفت كل حاجة متأخر.

ظهرت آثار تلك الكلمات على وجه سهيلة.

\*\*\*

د/إبراهيم يجلس على السرير بعدما تخلص من تلك العصبية المصطنعة التى يجيد تمثيلها ببراعة , على وجهه اهتمام بالغ وفى يديه هاتفه الخلوي, يعاود الاتصال بـ د/ سنوسى مرة أخرى, تلقت أذناه تلك الرسالة الحمقاء التى يكرها فالهاتف الذى يحاول الاتصال به ربما يكون مغلقًا أو غير مُتاح!!

- وبعدين بقى, غريبة الحكاية دى!!



تأفّف في سَنَم وانزلق في السرير واضعًا رأسه على الوسادة مُحاولاً النوم.

\*\*\*

الجمعة - 2011/6/17

الساعة السابعة صباحًا.

دكتور إبراهيم نائم على سريره داخل غرفة نومه، يتجول في أحلامه، عقله الباطن يبني على ذلك الحدث الأخير الذي حدث له "مكالمة د/سنوسي" أساطير وحكايات، عينه تتحرك تلك التحركات السريعة التي تبدو كتشنجات، إذاً هو الآن داخل أحد المغامرات بصحبة د/السنوسي، هاتفه الخلوي يصرخ بتلك النغمة المقززة التي خصصها هو للدكتور سعيد نائبه بتلك المستشفى النائية، صوت الهاتف المزعج اخترق أحلامه بوقاحة شديدة واطلقت بها دون الاهتمام بخُرمة ذلك الحلم الذي هبأه له عقله الباطن، الهاتف مستمر في بث نغمته المملة، وكزّته زوجته بكوعها فكادت أن تخرق جانبه الأيمن من شدة الوكزة، أخبرت بصوتها الأجنس الغليظ.

- يا ترد يا تقفل الزفت ده علشان عاوزه اتخمد.

فتح أبواب عينه ببطء وهو يزفر من المتصل الذي يعلمه بالتاكيد من النغمة المملة المخصصة له والتي تشبه بالفعل، حرك يده إلى الكومود المجاور له، أمسك بالهاتف واقترب به من أذنه وهو يُردد بصوتٍ خافت "عاوز إيه يا دكتور زفت على الصبح".

ضغط على زر الاتصال وبصوت يوحى بمدى الضجر الذي يشعر به تجاهه أجاب.

- أيوة يا سعيد في إيه؟؟

اتسعت عيناه فجأة ونهض بسرعة فائقة جالسًا نصف جلسة فيبدو أن دكتور سعيد أخبره بشيء ما غير محمود.

- نعم!! يا خير اسود , إنت متأكد يا سعيد , يعنى أنت هناك , يادى المصيبة السوداء, أنا جاى حالاً, لا لا لا , مسافة السكة.

أغلق الهاتف وانتفض من على السرير راکضاً تجاه خزانة الملابس ليستبدل ثيابه, زوجته تبتسم بشماته وهى تُردد بصوت خافت جداً.

- أحسن, إشرب بقى شوية.



## ( الفصل الثاني )

دكتور إبراهيم داخل سيارته، يتشبث بعجلة القيادة بقوة زائدة أدت إلى بروز عروق كُفَّيْهِ بشكل مخيف، أطرافه ترتعش بشكل لا إرادي، لا يستطيع فرض سيطرته عليها، يميل بنصف جسده إلى الأمام في وضعية تنمُّ عن مدى الضغط الشديد الواقع هو تحت تأثيره، يقود السيارة بسرعة جنونية وكأنه داخل حلقة مغلقة مخصصة لسباق السيارات، المؤشر الخاص بعدد السرعة يتقدم إلى الأمام بشكل هستيري دون أن يُعيقه أى شىء، ضربات قلبه في تصاعد وتزايد سيؤدي حتمًا إلى ارتفاع ضغط دمه وربما لن تصمد شرايينه تحت ذلك الضغط الهائل فتنفجر بحملها الزائد، الدكتور إبراهيم ليس هو الدكتور إبراهيم الذى اعتاد عليه الجميع فقد غدا ذُمِيَّة بلهاء مصنوعة من القماش البالى بين يدي القلق يُحركها ويتلاعب بهما كيفما شاء، يحرك يديه من حين إلى آخر ليرفع عويناته العملاقة التى تنزلق كثيرًا بسبب قطرات العرق التى تكسو وجهه بوحشية، شوارع المدينة خاوية تمامًا من المارة فلم يلمح أى شخص منذ أن تحرك بسيارته وهو فى طريقه إلى المستشفى فى ذلك الوقت المبكر، يبدو أن ما أخبره به دكتور سعيد ضرب جهازه العصبى بشكل جعله فى حالة عدم تركيز، بصوت خافت بالكاد يُسمَع همَّسَ إلى نفسه.

- استرها معايا يارب، أنا مش عاوز بهدله فى آخر أيامي، أنا عارف إنى عملت حاجات كتيرزى الزفت بس أنا مش عاوز بهدله أنا مهما كان مدير مستشفى برضو.

ظل يتابع القيادة وهو يحاول أن يُطمئن نفسه ويخبرها بأن كل شىء سيصبح على ما يرام، البناءات السكنية من حوله بدأت تشح تدريجيًا إذاً فهو أصبح على مقربة من مبنى المستشفى، ظل منطلقًا بسيارته حتى وصل إلى طريق طويل مُمهّد، يتلوى كثعبان يزحف على الأرض، طريق فى نهايته ذلك المبنى المتزوى عن المدينة، مبنى المستشفى.

ارتفع صوت حشجة موتور السيارة وصنعت العجلات سحبات ضخمة من الغبار والتراب خلف السيارة، سحبات قادرة على حجب الرؤية تمامًا، استمر فى الركض بتلك السرعة الجنونية حتى وصل إلى بوابة المستشفى الحديدية، هنا ارتفع صراخ

العجلات وهي تحاول التفاوض مع الأسفلت لتتوقف السيارة بعدما احتضنها الكايح بقوة.

توقفت السيارة أمام مبنى المستشفى مباشرة المكون من طابقين، لون وجهته الخارجية مائل إلى اللون الأبيض، أمامه توجد بوابة حديدية كبيرة تمر من خلالها سيارات الإسعاف وسيارات العاملين للدخول إلى الحرم الخاص بالمستشفى، بجوار تلك البوابة الحديدية الكبيرة حجرة ضئيلة بها مكتب صغير، إنها حجرة رجال الأمن الذين لا يزيد عددهم في الغالب عن اثنان في الفترة الصباحية وواحد فقط في الفترة المسائية، بعد البوابة الحديدية بعدة أمتار ستحتاج لصعود خمس درجات تصاعديّة لتصل إلى الباب الزجاجي الشفاف الخاص بالمبنى، أعلى تلك البوابة الزجاجية تُثبت لوحة بيضاء رُسم عليها باللون الأحمر هلال كبير إلى حد ما بجواره نقش خطاط مُتمرس اسم المستشفى، النوافذ الزجاجية تنارت على وجهة المبنى كما تتناثر الحبوب على وجوه المراهقين، أجهزة التكيف بارزة بجوار بعض الشبابيك في الأماكن الهامة بالمستشفى كغرفة المدير طبعًا.

بسرعة فائقة خرج الدكتور إبراهيم من السيارة، لمَحَ أنَّ هناك سيارتين أمام البوابة الخارجية واحدة منهم ترجع ملكيتها للدكتور سعيد نائبه أمّا الأخرى فمجهولة الملكية بالنسبة له، كل هذا لا يهم فهناك مُصيبة قابعة في انتظاره، هرع كالمجنون إلى داخل المستشفى، كان يركض بسرعة لا تتناسب مع سنه الذي أوْشَكَ على الخامسة والخمسين، سرعة تُشعرك أنه يحاول الفرار من حيوان مفترس يبغى الفتك به، وصل إلى الكاونتر الخشبي الذي يبعد أمتار قليلة عن البوابة الزجاجية، هناك وجد حسن موظف الاستقبال في الفترة المسائية يجلس على مقعد مستطيل من الخشب " دُكَّة خشبية " مجاور للكاونتر، يُطأطن رأسه ويدفنها داخل كفيه، كانت عيناه تدمع وجسده يرتجف، حسن كان موجودًا بالأمس وقت وقوع الجريمة لذا يجب أن أتحدث معه ليخبرني بما حدث، هذا ما يدور في عقل و صدر دكتور إبراهيم حينما رآه، انطلق صوبه، وَكَّزَه في كتفه فرفع حسن رأسه ببطءٍ ثم هبَّ واقفًا حينما اكتشف أنه دكتور إبراهيم مدير المستشفى، بشيء من العجالة التي لم تخلو من الخوف الشديد والتوتر سأله دكتور إبراهيم عما حدث أمس، فوجيء بأن حسن انخرط في نوبة شديدة من البكاء وبدأ يُتمتم بكلام غريب لم يستطيع هو تفسير أى شيء منه فردَّعه بصرامة شديدة .

- أنا مش فاهم حاجة بطل عياط وفهمنى إيه اللى حصل، دى جريمة قتل مش لعب عيال.

- والله العظيم أنا ما أعرف اللى حصل ولا عارف حتى مين اللى قتلها، أنا معرفش حاجة، معرفش حاجة.

- آمال مين اللى يعرف؟؟ مش إنت اللى كنت هنا امبارح؟؟ إيه ده إنت إيه اللى معورك كدة، أنا ما كنتش واخد بالي!!!

رأس حسن ملفوفة بضمادة من الشاش الأبيض، على جبهته هناك بقعة كبيرة حمراء ربما دمانه صبغت الشاش بذلك اللون، أوريما هولون " المكروكروم " الذى استخدمه لتطهير الجرح أوريما هوقَّ نضبه حسن ليتوارى خلفه!!!، كل هذه التخيلات جاءت فى رأس دكتور إبراهيم حينما نظر إليه، فى البداية لم يلاحظ ما فيه حسن بسبب الضغط العصبى الشديد الذى يقع هو أسيرًا تحت رحمته.

- أنا فى حد أقرع كان لأبس قناع فانديتا ضربي على دماغى بعدها ما حستش بحاجة لحد الصبح، ولما فوقت لقيتها مقتولة فى أوضة النبطشية.

قال حسن جملته الأخيرة فى انهيار تام لدرجة أنه حينما وصل إلى كلمة " النبطشية " ظل يلطم صدغيه دون رحمة، ثمَّره دكتور إبراهيم ثم سأل هل قاموا بإبلاغ الشرطة أم خبر الجريمة لم يخرج حتى الآن خارج أسوار المستشفى.

- أيوة وهما فوق بيرفعوا البصمات فى أوضة النبطشية.

- دكتور سعيد فين؟؟

- فوق معاهم.

- طب أنا طالعلم.

هزَّول دكتور إبراهيم تجاه السلالم الداخلية للمبنى ليصعد إلى الدور الثانى، لم يلاحظ وهو تحت تأثير صدمة الخبر أن حسن استبدل ملابس عمله " اليونيفورم "



بملايسه الشخصيه!!! هو قد ذكر له انه ضُربَ على رأسه بالأمس فأغشى عليه إذا ضُربَ أثناء فترة عمله بالمستشفى أى أنه من المنطقى كان يرتدى زى العمل الخاص بالمستشفى " البنطال الكُحلى والقميص الأزرق ", أخبره أيضًا أنه حينما استعاد وعيه وجدها مقتولة داخل غرفة النبطشية وبالطبع أبلغ الجميع إذا متى استبدل ملابس العمل بتلك الملابس وأى أعصاب ستتحمل وعقل يُفكر باستبدال الملابس مع تلك الفاجعة ثم إنه لماذا هو مضطر إلى ذلك؟؟؟ هناك سر وراء حسن لم يُكتشف بعد!!!

\*\*\*

أمام غرفة " النبطشية " يقف كل من د/سعيد، د/حسام على بعد خطوات من باب الغرفة بأمر من رجال البحث الجنائى لمتابعة عملهم، تجلس يارا القرفصاء، تستند بظهرها على الحائط، تبكى بحرقة شديدة وكأنها فقدت والديها معًا دفعة واحدة، تُردد بصوت حزين .

- ياريتنى ما كنت سيبتك يا رنا، ياريتنى ما سيبتك وروحت يا رنا.

بجوارها جلست ممرضة بدينة وصلت المستشفى للتو، تُحاول تهدئتها، د/إبراهيم يقترب من ذلك التجمع، تحرك اتجاهه كل من دكتور سعيد وحسام حينما رأوه زلفة ليلتقوا به فى منتصف المسافة الواقعة بينهم.

- حد يفهمنى بقى إيه الى حصل؟؟

سألهم دكتور إبراهيم بلهفة وتوتر شديد فأجابه د/حسام سريعًا وهو يُحاول أن يُبعد أى شبهة عنه.

- أنا لسه جاى حاليًا، أنا عندى نبطشية النهاردة فى المستشفى شغال طوارئ.

نظر د/إبراهيم صوب د/سعيد فأجابه.

- حسن اتصل بيّا الساعة ستة الصبح تقربًا وبلغنى أنه لقي رنا مقتولة الصبح فى أوضة النبطشية.



صفع جبهته بيداه حينما تناولت أذنه ذلك الكلام الغريب.

- يعنى إيه لقاهها مقتولة مش هو اللى كان مترقت بايت هنا!!

- بيقول حد ضربه على دماغه ولما صحى لقاهها مقتولة.

- الكلام ده مش داخل دماغى يا سعيد.

تناولت أذنه بكاء ونواح يارا وهى لا تزال تُردد بصوت كاد أن يكون على شفا الانهيبار.

- ياريتنى ما كنت سيبتك يا رنا، ياريتنى ما سمعت كلامك.

تأملها د/إبراهيم وتأمل كلماتها التى تنم عن شىء ما.

- هى يارا كانت نبطشية معاها يا سعيد.

- أه، بس أنا لما وصلت الصبح لقيتها لسه واصله!! دى كانت حتى مش لابسه

اليونيفورم بتاع المستشفى، واضح إنها ما كانتش موجودة فى المستشفى امبارح وقت النبطشية واللى بياكد كلامى إنها عماله تقول ياريتنى ما كنت سيبتك يا رنا.

لمعت عين د/إبراهيم قبل أن تتجه إلى أعلى اليسار، فى علم لغة الجسد إذا تحدثت إلى شخص ورأيت عيناه تتجه أعلى يساره فاعلم أنه يستعيد شيئاً أو صورة ذهنية من الماضى أى أنه فى تلك اللحظة يُقلب فى ملفاته العقلية عن كل الأحداث المتعلقة بالشيء الذى يتحدث معك فيه، أمّا إذا اتجهت عيناه أعلى اليمين فاعلم أنه يكذب ويخلق أحداث لأن العين لا تذهب إلى أعلى اليمين إلا فى الكلام المتعلق بالمستقبل.

- مالك يا دكتور؟؟

سأله دكتور سعيد.

- حسن.
- ماله؟؟
- ما كانش لابس اليونيفورم هو كمان لما أنا دخلت، واضح كمان إن حسن ما كانش فى المستشفى وموضوع الضربة اللى على دماغه دا فيلم.
- ينظر له دكتور سعيد بترقب شديد.
- هى الشرطة لسه ما حقتش معاهم؟؟
- الشرطة لسه ما جاتش اللى وصل بتوع المعمل الجنائى وبيرفعوا البصمات.
- الشرطة اتأخرت أوى ليه كده، أنا وصلت قبلهم.
- فعلاً اتأخروا جداً.
- هو مين اللى كان نبطشى إمبراح؟؟
- دكتور عصمت.
- بمجرد أن سمع الأسم، اتسعت حدقته وارتفع حاجبيه سويًا، ردد اسمه مرة أخرى بصوت هادئ ممطوط وكأن هذا الدكتور الذى يدعى عصمت كان يترصد لها، أردف سعيد بصوت كفحيح الأفاعى.
- صح يا دكتور إبراهيم.
- هو إيه اللى صح؟؟
- اللى بتفكر فيه، لو رتبنا الأحداث بمنطقية هتلاقى إن الممرضة ما كانتش موجودة وحسن إضرِب على دماغه ببقى مفيش إلا عصمت، بعدين حضرتك عارف إنه كان على خلافات شديدة مع رنا الله يرحمها ولا أنت شايف إيه؟؟

رمقه دكتور إبراهيم بغيث شديد بدا فيه كالضبع الماكر.

- فعلاً يا سعيد عندك حق بس برضو ما تنساش إن إنت كمان كان في بينك وبينها خلافات ومشاكل، على الأقل اللي كان بينها وبين عصمت كان بمزاجها إنما اللي كان بينك إنت وبينها كان غصب عنها، دا ما فانش أسبوع على آخر مرة لما هزقتك في الكافتريا ولا نسيت، دا غير طبعاً فتاك المذلل اللي اسمه حسن اللي واضح إنه ما كانش موجود في مقر عمله وقت وقوع الجريمة، يعني دى لوحدها قضية حتى ولو مش هو القاتل، ساعتها بقى هيتكلم وهيقول على كل حاجة.

ظهرت أثار تلك الكلمات القاسية على وجه الدكتور سعيد الذى بهت لونه فجأة، ابتلع ريقه مُصدراً صوتاً مسموعاً، ابتسم ابتسامة صفراء باردة رغمًا عنه مُحاولاً أن يُبدد الشعور الغريب الذى تسلى إليه رغمًا عنه، دكتور إبراهيم يتابعه بعيناه الجاحظة القوية، ظهر حسن فجأة بعدما صعد السلالم ليُخبرهم بأن الشرطة قد وصلت أمام باب المستشفى.



## ( الفصل الثالث )

أمام مبنى المستشفى تقف سيارة ملاكى حمراء اللون، أعلى يمين زجاج السيارة الأمامى لصقت شارة مربعة داخلها صورة لميزان أسود اللون، خلفه مباشرة خطان يقطعان منتصف الصورة بميل منتظم، أحدهما لونه أخضر والأخر أحمر، نُقش فوق صورة الميزان الأسود على رقعة بيضاء كلمة " النيابة العامة "، فُتِحَ باب السيارة ليخرج منها شاب فى أوائل عقده الثالث، طويل القامة، جسده متناسق جدًا كأنه مانىكان لعرض الأزياء، بشرته بيضاء بياض لامع فيُخيل إليك أنه يضع مادة دهنية تُعطيه ذلك اللمعان الملحوظ الذى يشعر أنك أنه مخلوق من الشمع، يُصفف شعره الناعم بعناية فائقة جدًا تبقية متألّقا داخل إطار الوسامة الذى اعتاد عليه، يرتدى عوينات تُعطيه مظهر جذاب، ملامحه المصرية تنم عن نَعرة الرجولة التى يتسم بها كالشجاعة والإقدام فلا يمكن أن يُسلب حق مواطن أمامه ويمر الأمر مرور الكرام، حينما تراه للمرة الأولى ستجد نفسك تُردد كلمة " ابن ناس " بشكل لا إرادى، يرتدى بذلة سوداء وكرافتة منقوشة ليبدو وسيم للغاية، إنه شريف موسى وكيل نيابة.

خلف تلك السيارة الحمراء يوجد سيارة شرطة " بوكس "، يقودها شاب رفيع ممصوص، عيناه لا تكف عن الحركة والتّرقب طوال الوقت، يعمل لدى جهاز المباحث ويدعى الأمين مؤمن، بجواره جلس رجل فى منتصف الثلاثينات، يرتدى بنطال وقميص أنيق، على وجهه نظارة شمس سوداء، حواجبه كثيفة الشعر ولديه شارب كث، منتصف جبهته يوجد علامة صغيرة داكنة اللون دليل على كثرة السجود، جسده متناسق رفيع إذا استثنينا ذلك الكرش البارز إلى الأمام الذى يبدو غير ملائم مع جسده الرفيع فيبدو فيه وكأنه فتاة نحيفة جدًا فى شهرها الأخير قبل ولادتها، شعره خشن وكثيف، لا يهتم تقريبًا بتصفيفه فهناك أمور أكثر أهمية من الاهتمام بتصفيف الشعر وتهذيبه، هكذا كان يفكر سليم أبو فرحة رئيس المباحث الذى كُلفَ بالتحقيق فى بلاغ جريمة القتل التى تمت فى مستشفى مدينة 15 مايو، سليم أبو فرحة رجل يُقدس عمله ويعتبره أهم شئ فى حياته، أهم من زوجته وأهم من أطفاله الذين يعيشون معه حياة عسكرية لا ريب فيها، حياة تحكمها قوانين صارمة وضعها هو ثم عَزَمَ على تنفيذها بقبضة من



حديد، فهناك مواعيد محددة للطعام والنوم والاستيقاظ حتى في أيام الإجازات، قراراته صارمة معهم فتبدو أقرب إلى فرمانات عثمانية لا رجعة فيها أبدًا حتى وإن كانت خاطئة، ما دام قد أصدر القرار فعلى الجميع تنفيذه، هذه هي معاملته مع أفراد أسرته فماذا ستكون معاملته مع المتهمين والشهود الذين يحقق معهم، قدراته جعلته يرتقي في عمله حتى وصل إلى رئيس مباحث، يتمتع بذكاء حاد يظهر في لمعان عيناه حينما يضع تركيزه في شيء، يسيطر عليه دائمًا إحساس الشك ويتعاضم هذا الإحساس حينما يشرع في حل أى لغز لجريمة ما، يشك في كل شخص حتى في نفسه لحين يثبت له أنه برىء، الكل مُدان حتى يثبت العكس هذا كان مبدأه الذى لم يقتصر على حياته العملية بل توغل في حياته كلها بشكل عام.

جلس في الصندوق الخلفى لسيارة الشرطة الأمين "فتحي"، أمين شرطة يعمل في جهاز المباحث التابع لقسم المدينة مع الظابط الصارم سليم أبو فرحة، يرتدى زى مدنى يعكس مدى ضخامته الجثمانية، أسود اللون وملامحه قريبة من ملامح "الشاويش عطية" إذا تجاهلنا أنه أبطش الأنف، جاحظ العينين، لديه ندبة كبيرة على رقبته تُخلد تلك الذكرى المشرفة التى تمكن فيها من القبض على مجرم هارب من العدالة، جسده صلب كأجساد لاعبي إفريقيا لكرة القدم، جسد متين فتشعر أنه عبارة عن صبة أسمنتية تمشى على الأرض، شعره خليط بين الأبيض والأسود، له لهجة صعيدية صارمة تنم عن جليده وشدته مع كل من يستحق، أمامه جلس الأمين "راضى"، أمين شرطة آخر، جسده متناسق، خمري اللون، بشرته أقرب إلى النسكافيه، لديه شارب رفيع كالكرجاج السودانى الذى لم يُضرب به أحد حتى الآن، يصفف شعره الكثيف بعناية، يرتدى عوينات شفافة تظهر أسفلها عيناه خضراء اللون، على وجهه يبدو الذكاء الشديد.

خرج دكتور إبراهيم عبر البوابة الزجاجية وبصحبه دكتور سعيد ودكتور حسام، تقدم صوب قوة الشرطة التى جاءت للتحقيق في جريمة القتل، في الوقت الذى أوقف فيه وكيل النيابة موتور سيارته ووطأ الأرض بقدميه كان سليم وأمنائه يتصدرون المشهد أمام مدير المستشفى ومن معه، مدّ دكتور إبراهيم يده مصافحًا رئيس المباحث فنظر إليه بقوة وبملامح وجه صارمة لا تنم عن خير أبدًا بعدما نزع نظارته الشمسية من على وجهه ليكشف عن عيناه السوداء الحالكة، لم يمد يده ليصافحه فسحب



دكتور إبراهيم يذّه بإحراج شديد، لم يُعنيه ذلك الإحراج الذى سببه للدكتور إبراهيم فقط ظل ينظر للجميع بنظرات شك مُقيّنة دفعت شعور غريب بالخوف يتسلل إلى أجسادهم، علاوة على أن عين سليم كانت مليئة بالمكر والدهاء الشديد.

- فى بلاغ جه من المستشفى بيقول إن فى جريمة قتل حصلت هنا، الكلام ده مضبوط.

- قالها سليم بحزم شديد وبلمهجة تُترجم للجميع قوة شخصيته وتُجسد تلك الكاريزما التى امتاز بها.

- مضبوط يا باشا.

- إنت اللى بلغت.

- سألّه سليم وهو يُشير إليه بإصبعه المنتصب تجاهه، اقتحم دكتور سعيد الحوار.

- لا يا باشا، أنا اللى بلغت.

- نظر إليه سليم بقوة وصرامة.

- إيه اللى حصل بالضبط؟؟

- أنا اتصل بيا حسن الصبح قالى إنه لقى رنا الممرضة مقتولة فى أوضة النبطشية.

- حسن!! مين حسن؟؟

- دا المسئول عن المسائل الإدارية فى الفترة المسائية ويعتبر أمن برضو.

- اقتحم وكيل النيابة الحوار موجّهاً كلامه إلى دكتور إبراهيم.

-عاوز أطلع على الأوضة اللى تمت فيها جريمة القتل.

-حاضر يا باشا، اتفضلوا معايا، دا حتى رجالة المعمل الجنائى فوق.

-رجالة المعمل الجنائى وصلوا قبل أنا ما أوصل ، برافو، حاجة تضاف لهم فى

السيرة الذاتية.

قالها سليم بنوع من العظمة وهوهم بالدخول مع الأمناء ووكيل النيابة إلى

داخل مبنى المستشفى.

\*\*\*

داخل مبنى المستشفى وقبل صعود الدور العلوى حيثُ غرفة النبطشية، توقف

رئيس المباحث عن متابعة السير فجأة، ينظر حوله، يتجول بعيناه فى كل متر داخل مبنى

المستشفى وكأن حسه الأمنى يُخبره بأن هناك أمراً ما غير طبيعى، تضيق عيناه بخبث

شديد وكأنه يعتصر رأسه ليصطفى منها عصارة الأفكار، دكتور إبراهيم يلاحظ تلك

التغيرات التى بدأت تظهر على سليم أبو فرحة، الكل يتجه إلى السلالم حيثُ الدور

الثانى وغرفة النبطشية عدا دكتور إبراهيم الذى توقف عمداً ليسأل سليم عن سبب

توقفه وبحثه الدقيق، أجابه وهو مازال يتجول بعيناه داخل المكان.

-إيه يا دكترة هو الوقوف هنا ممنوع ولا إيه؟؟

-لا ما أقصدش أنا بس...

تركه سليم وهو يتكلم متجهاً ناحية الكاونتر الخشبي، جلس القرفصاء، دقق النظر

فى بقعة حمراء جافة على الأرض بجوار الكاونتر، حَكَّها بيده قبل أن يستنشقها، اقترب

منه دكتور إبراهيم ليسأله بصوت هادىء ما هذه البقعة الحمراء الصغيرة؟؟، أجابه

سليم بطريقته الساخرة.

-عصير فراولة.

-نعم!!

-هيكون إيه يعنى يا دكتور، بقعة دم طبعًا، يا من المتهم يا من المجنى عليها، هو المكتب ده بتاع مين؟؟

-حسن.

-حسن تاني، حلو أوي، واضح أن أبو على مشواره طويل معايا، مش ده اللى بلغ على الجريمة.

-ده اللى بلغ دكتور سعيد، ودكتور سعيد اللى عمل البلاغ.

-تمام، فين بقى الشبح ده ولا هو بلغ سعيد وخلع.

-لا يا باشا أنا لما جيت الصبح لقيته بس كان مغبوط على دماغه ومتعور فمممكن يكون الدم ده من الجرح اللى فى راسه.

-هنشوف كل حاجة ما تستعجلش، أنا متشوق للجريمة دى أوى وحاسس كدة أنى هاخد بسببها ترقية.

ينتظر له دكتور إبراهيم باستغراب شديد.

-يالاً علشان زمان شريف بيه فى أوضة النبطشية.

تركه سليم وانصرف فى الوقت الذي لمَح فيه على وجهه المستفز ضحكة صفراء خبيثة لا يعلم منها هل هو يحاول فقط إثارة أعصابه أم أنه يعلن من خلالها عن إضافة اسم جديد فى كشف المشكوك بهم فى ارتكاب الجريمة.

\*\*\*

غرفة النبطشية بها رجلان من رجال المعمل الجنائى يتابعون عملهم فى هدوء تام، أحدهم يقوم برفع البصمات والأخر يقوم بتصوير الجثة ومكان وقوع الجريمة، وكيل

النيابة يتفقد وحيداً غرفة " النبطشية " , يترجل داخل مسرح الجريمة كيفما شاء , يضع يده اليمنى حول خصره والأخرى يَحْكُ بها ذقنه وهو يُشاهد كل شيء بتمعن شديد , أمناء شرطة المباحث يقفون على باب الغرفة يمنعون أى أحد من العبور حتى وصل سليم أبو فرحة واقتحم مسرح الجريمة ليُعابنها هو الآخر بتمعن شديد .

وكيل النيابة يقترب بوقار شديد من السرير الراقد عليه جثة المجنى عليها , يمد يده ويُزح الغطاء " الملاءة التى تغطى الجثة " ليكشف عن وجهها , ها هى رنا تظهر أمامه مفتوحة العينين والفم , وجهها أزرق دليل على عدم وصول الأكسجين للمخ , ترتدى زي المستشفى المُخصص للممرضات , نظر لها وكيل النيابة بثبات دون أن يُحرك عيناه بعيداً عنها فقد اعتاد على مشاهدة تلك الأشياء , بجواره يقف رئيس المباحث يشاهد الجثة هو الآخر بتمعن شديد , تضيق عينه لما يراه , ليس تأثراً بحالتها ولكن تضيق وهو يشرع فى البحث عن أول خيوط الجريمة , اقترب أحد رجال المعمل الجنائى من وكيل النيابة ورئيس المباحث ويحمل فى يديه كيسين من البلاستيك مُخصصة لوضع أدوات وأدلة الجريمة بداخلها .

-الوفاة جت نتيجة عملية خنق عنيفة جداً منعت وصول الأكسجين للمخ وهى اللى أدت للوفاة .

قالها رجل المعمل الجنائى وهو يمد يده تجاه الجثة مُشيراً إلى تلك العلامة الحمراء البادية على رقبتها و التى تدل على أن هناك عملية اختناق تمت بعنف شديد , رمق وكيل النيابة تلك الآثار ثم ترك الملاءة لتسقط وتحجب جثة رنا عن الرؤية , مدَّ رجل المعمل الجنائى يده بالكيس البلاستيكي الأول إلى وكيل النيابة فأخذه منه يطلع عليه , بداخله هاتف خلوى ولكن مبعثر , البطارية تمردت على الهاتف وانفصلت عنه , الغلاف البلاستيكي أيضاً للهاتف استقل بذاته فابتعد عنه نهائياً , رفع وكيل النيابة الكيس إلى أعلى وكأنه طبيب يطلع على أشعة أحد المرضى بالقرب من لمبات النيون .

-التليفون ده كان واقع جنب السرير ومفكوك من بعضه , تقريباً كان على الكومود اللى جنب السرير ده ووقع نتيجة اشتباك .

-اشتباك!!



-آه، المعاينة الأولى للفوضى التي كانت في مسرح الجريمة بتقول إن كان في اشتباك قبل وقوع الحادث، ممكن كانت نوع من أنواع الدفاع عن النفس، كمان كان في كمية ورق أبيض مبعثر على الأرض بشكل عشوائي.

-تمام، أكيد ده تليفون المجنى عليها، ارفعوا البصمات اللي عليه واتأكدوا.

-التليفون ده مش بتاع رنا.

الكلمة كانت مباغتة، التفت الجميع صوب يارا الباكية وهي تُردد تلك الكلمات المؤثرة في اتجاه سير القضية .

-أمال بتاع مين التليفون ده؟؟؟

سألها رئيس المباحث فأجابته بصوتها الحزين "دكتور عصمت".

-مين دكتور عصمت؟؟

سألها رئيس المباحث مرة أخرى فأجاب دكتور إبراهيم بسرعة فائقة دون أن يعطيها أى مجال للرد وكأنه يريد إثبات شيء معين ضد ذلك الطبيب.

-دكتور هنا في المستشفى، وبالمناسبة كان نبطشى إمبراح، بس المستشفى كلها عارفة أنه على خلاف مع المجنى عليها.

نظر صوب دكتور سعيد بطرف عينه ثم أردف.

-زى ناس تانية كتير لها برضو معاها خلافات.

سرعة رد فعل دكتور إبراهيم وإجابته السريعة التي كانت دون تفكير تقريبًا وتلك الإضافة التي تعمد إضافتها "كان نبطشى إمبراح" ليضعه في دائرة الشك جعلت سليم أبو فرحة يُكون الانطباع الأول عنه، دكتور إبراهيم متورط في تلك القضية لا محالة!!!

رجل المعمل الجنائي مدّ يده لوكيل النيابة بالكيس البلاستيكي الثاني وفيه أشلاء  
”مج “ من الصبني.

-ده مج لقيناه مكسر جنب السرير اعتقد برضو أنه سقط من على الكومود  
نتيجة الاشتباك.

انترع سليم رئيس المباحث الكيس الثاني وظل يشاهده بين يديه, يتطلع إليه وسط  
نظرات رجل المعمل الجنائي التي يتعجب فيها من حماس سليم أبو فرحة وانتزاعه  
الكيس بهذه الطريقة ولكنه في الوقت نفسه اعتاد على هذه التصرفات الغريبة من  
رجال المباحث خاصة المتحمسين دائماً منهم.

أتاهم صوت يارا مرة أخرى مباغتاً.

-الكوباية دي كمان بتاعت الدكتور عصمت.

بمجرد أن سمع دكتور إبراهيم ذلك الاسم ثانية أشارتجاه يارا بلامح وجهه من  
وجد فرصة للنجاة.

-شفت يا باشا, دكتور عصمت تاني أهو.

-واضح أن رنا دي ما كانتش بتحب تزعل حد في نبطشيته.

-بلاش الكلام ده يا باشا, إنت دلوقتي بتتكلم عن واحدة ميتة.

قالتها يارا وعيناها ممتلئة بالدموع فنهراها سليم بحدة وبقوة ليمتلك من  
البداية زمام الأمور.

-جري إيه يا بت, إنت هتعليميني أتكلم إزاي ولا إيه؟؟

رجل المعمل الجنائي لوكيل النيابة.

-إحنا كدة تقريبًا خلصنا شغلنا في مسرح الجريمة , هنطلع دلوقتي على المعمل الجنائي نرفع البصمات ونطلع التقرير النهائي.

-كوبس جدًا, أنا عاوز التقرير يكون على مكتبى في النيابة بأسرع وقت علشان أقارنه مع تقرير الطب الشرعى لما يوصلنى بعد تشريح الجثة.

-تمام يا باشا, التقرير هيبقى في النيابة في أسرع وقت.

أوماً إليّه برأسه في هدوء ووقار يتناسب معه كرجل يعمل في النيابة العامة, انسحب رجال المعمل الجنائي بعدما أخذوا متعلقاتهم وأدلة الجريمة في أكياسها الشفافة.

وكيل النيابة بدأ يوجه التعليمات إلى رئيس المباحث.

-سليم باشا, ياريت تخلص الاستجواب المبدئى بتاعك والتحقق بشكل عام في أسرع وقت وتحول الموضوع كله للنيابة.

-أكيد يا باشا في أسرع وقت, ووعد كمان من سليم أبو فرحة أنه مش هيحول القضية دى إلا وهو قابض على الجانى ومعترف بكل المتورطين معاه.

أنهى كلماته وهو يحدق النظر في دكتور إبراهيم فتعرفت جهته وراح التوتر الشديد يضرب جسده بلا هوادة.

-كوبس جدًا, ما تنساش كمان تبعت الجثة لمصلحة الطب الشرعى علشان نتشرح ويسلمونا التقرير.

-اعتبره حصل سعادتك.

أوماً برأسه قبل أن يترك الغرفة وينصرف في هدوء, دسّ رئيس المباحث يده في جيبه وأخرج علبة السجائر, انتشل منها واحدة ووضعها بين شفتيه, اشعلها وهو يرمق الجميع بحدة, سحب نفسًا طويلًا ثم صنع سحابة مؤقتة من الدخان أمام وجهه.

-كده دور البحث الجنائي انتهى، ودور النيابة كمان انتهى، ودورى أنا يادوب هيبداً أهو، معلومة ليكم كلكم، أكثر حاجة بتعكر مزاجى إلى أصحى بدرى يوم الجمعة علشان ده أجازتي، فأنا صحيت، وجيت، بس مقريف ومزاجى زفت، فاللى هيتعاون معايا هيبقى حبيبي إنما بقى اللى هيعمل بُرم ويقعد يلف ويدور ويحور هيدل أمه، أنا لا بيفرق معايا صحافة ولا إعلام، ولا اعرف حاجة اسمها حقوق إنسان، مدام قررت تلعب معايا قط وفار، إلعب أنا مش هقولك لأ، بس استحمل لعبى أنا كمان، وعلى فكرة أنا لعبى غبى وما بهزرش، إنتم سامعين ولا مش سامعين، أدبنى قلت أهو، اللهم بلغت اللهم فاشهد.

سحب نفس من سيجارته وزفره قبل أن يعاود استكمال الحديث وبقايا الدخان الراقد في صدره يخرج مختلطاً مع كلماته الجامدة.

-دكتور إبراهيم، أنا محتاج عربية الإسعاف اللى في المستشفى علشان أنقل الجثة دى للطب الشرعى.

دكتور إبراهيم يتبادل النظر مع دكتور سعيد.

-إيه يا دكترة هتصوروا بعض كثير، عاوز عربية إسعاف.

قال نصف الجملة الأخير بحزم دفع دكتور إبراهيم لئجيوب عليه بتوتروارتجاف شديد.

-ما هو، أصل، السواق مش موجود.

-آآآآه، خلاص، هخلي أمين الشرطة يشيلها على كتفه ويروح بيها لحد الطب الشرعى علشان تبقى مبسوط بس.

قالها بسخرية فأجابه دكتور إبراهيم بنبرة صوت مرتعشة.

طيب أنا مكن اتصل بيه واجيبه حالاً.

-واحنا بقى هنستنى سعادة البية لحد ما يشرف.



-طب أعمل إيه أنا ما عنديش غير سواق واحد بس لأن العدد اللى شغال فى المستشفى هنا محدود بعدين دا نادر جدًا لما تلاقى مستشفى فيها عربية إسعاف أصلاً.

-بقول إيه أنا مش جاي اشترى المستشفى, أنا عاوز انقل الجثة.

-طب أعمل إيه بس.

-أنا اللى هعمل يا دكترة, أمين فتحي.

-تمام يا فندم.

-بتعرف تسوق صبح؟؟

-أيوة يا باشا.

-حلو أوي, هتشيل الجثة أنت وزميلك وتنقلها بعربية الإسعاف بتاعت المستشفى للطب الشرعى ولما تخلص براحتك خالص تطلع على القسم ولما سواق العربية يشرف براحته يبقى يعي ياخذها من القسم .

-تمام يا فندم.

شرع فتحي فى الانصراف فاستوقفه سليم.

-فتحي, معلىش نسيت حاجة مهمة, اللى يعترض طريقك اقبض عليه بتهمة تعطيل السلطات وخذه على القسم روقه.

-أوامرك يا باشا.

انصرف الأمين فتحي ناحية الجثة, بمساعدة زميله الأمين راضى والدكتور حسام بدأ ينقل الجثة بالملاءة التى تكسوها إلى سيارة الإسعاف, قبل أن يمسك الملاءة أو يمس أى شىء استوقفه الدكتور حسام ناصحًا إياه بارتداء جوارب حتى لا تختلط البصمات, ابتسم له فتحي قبل أن يرتدى القفاز هو وراضى ويقوموا بنقل الجثمان

على ذلك الترولى التى أحضرته تلك الممرضة البدينة التى جاءت فى الصباح للعمل فى نوبتجيتها يوم الجمعة، فى الوقت نفسه اقترب سليم صوب الدكتور إبراهيم، وضع يده على كتفه وكأنه لقاء حميم بين أصدقاء لم يلتقوا منذ زمن بعيد، تَرجُل معه خارج الغرفة وخلفهم الدكتور سعيد يحاول أن يَسترق السمع أمّا يارا فجلست على باب الغرفة تُكمل البكاء.

-دكتور إبراهيم تعالى نطلع بره ندردش شوية ونسيب الأمناء يشوفوا شغلهم.

-حاضر يا افندم.

-كنت عاوز أعرف مين اللى كان موجود امبارح فى النبطشية مع المجنى عليها.

-الدكتور عصمت وحسن وغالبًا يارا الممرضة.

-غالبًا، حلوة غالبًا دي، متأكد إنك مدير المستشفى مش كده.

قالها بسخرية دفعت دكتور إبراهيم للتجهم.

-لأ ما تكشرش كدة يا دكترة من أولها، دا السكة لسه طويلة أوى أوى، أطول من الليلة السوداء .

تلعثم ولم يجد كلمات مناسبة للرد على سليم الذى يفرض سيطرته بالكامل على مجريات الأمور.

-دكتور إبراهيم أنا عاوز أروح على مكتبك علشان أحقق مع كل الناس اللى كانت موجوده إمبارح فى المستشفى.

هز رأسه فى استسلام تام.

\*\*\*

تلك الممرضة البدينة تدفع التrolley خارج المستشفى، على سطحه ترقد جثة المجنى عليها "رنا" ملفوفة بالكامل بملاءة السرير، ووضعت في سيارة الإسعاف بواسطة الأمين راضى والأمين فتحى الذى انطلق بسيارة الإسعاف لينقل الجثة إلى مصلحة الطب الشرعى.

\*\*\*

رئيس المباحث لا يزال يقف مع الدكتور إبراهيم والدكتور سعيد بالقرب من باب غرفة النبطشية، تصطدم أعينهم بولد صغير لا يتعدى عمره الخامسة عشر عامًا، يرتدى بنطال وتى شيرت رياضى، يقترب من غرفة النبطشية، يُدقق النظر فى التجمع القريب من باب الغرفة، فى يديه مجموعة من الجرائد والمجلات وعلى وجهه ترتسم ملامح الخوف والذعر الشديد، توقف فجأة حينما اجتاز تلك المسافة التى بينه وبين الدكتور إبراهيم وسليم أبو فرحة وبات قريبًا جدًا منهم، توقف فجأة وكأنه دمية نفذت بطايرتها فجأة، نظر لهم فى سكون تام، تبدلت ملامحه الطفولية المذعورة إلى ملامح خوف جنونى لا يعلم أحدًا سببًا له، سليم هو أول من أدرك ذلك الإحساس الذى يتلفعه منذ اللحظة الأولى التى ظهر لهم فيها وهو فاقد السيطرة تمامًا على قدميه التى ترتعش دون تدخل منه.

-إيه يا عمرو مالك متنح كدة ليه؟؟

قالها دكتور إبراهيم فلم يُجيبه ذلك الفتى!! فقط ظل متيبسًا مكانه كتمثال من الشمع، لمعت عين سليم قبل أن تضيق كعادتها مأل برقبته قليلاً وابتسم تلك الابتسامة الصفراء التى سبق وابتسمها للدكتور إبراهيم من قبل، اشم سليم رائحة ما يعرفها جيدًا، رائحة تميزها أنفه حينما تكون هناك جريمة، ليست رائحة الخوف أو الأدرينالين وإنما هى رائحة شخص متورط فى الجريمة، هذا الولد يُخفى أمرًا ما خاص بالجريمة، أشار بإصبعه إلى عمرو بأن يأتى، رجع عمرو خطوة إلى الخلف فتناولت أذنه أمر من الدكتور إبراهيم.

-تعالى يا عمرو واسمع كلام سليم باشا رئيس المباحث.



اتسعت عيناه حتى بلغت اقصاها حينما سمع كلمة رئيس المباحث، ظل يرجع ببطء إلى الخلف حتى التقطت أذنه وقع أقدام شخص يأتي من خلفه، التفت فوجد الأمين راضي، أمره سليم بأن يحضر ذلك الفتى في الحال.

استنشق راضي كمية كبيرة من الأكسجين ملأها صدره قبل أن يركض تجاه عمرو دون تفكير فهناك أوامر من رئيس المباحث شخصيًا، ركض عمرو هو الآخر تجاه راضي حيث سلم الهبوط، قبل أن يدركه انزلق على الأرض كلاعب كرة قدم يحاول اختطاف الكرة من قدم خصمه، انزلق على الأرض عابرًا من بين قدمي راضي إلى الجهة الأخرى، استعاد توازنه وانطلق بسرعة قصوى ناحية سلم الهبوط، الوقت الذي استهلكه راضي للانتفاف إلى الخلف والنظر صوب عمرو كان ذلك الفتى الصغير يهبط درجات السلم برشاقة ومرونة بالغة، بأقصى سرعة بدأ راضي يركض خلفه، خرج ذلك الفتى من باب المبنى متجهًا إلى البوابة الزجاجية، راضي لم يستطيع أن يعدو بنفس سرعته فبمجرد أن وصل إلى بوابة المبنى الزجاجية كان الفتى وصل إلى البوابة الحديد الخارجية، هنا زعق راضي في الأمين مؤمن الذي يجلس بجوار سيارة البوكس يُدخن لفافة تبغ بأن يلحق بذلك الفتى ويقبض عليه في الحال، شدّد عليه في ذلك الأمر وأخبره بلهجة لا تحمل أي ذرة من المزاح أن هذه أوامر سليم باشا.

انتفض مؤمن وركض خلف ذلك الفتى السريع الذي يستمد سرعته من الأدرينالين الذي يُحفز عضلاته ويمدها بالقوة المطلوبة للهروب، يده تقطع الهواء وهو يركض بميكانيزم منتظم.

الأمين مؤمن يعدو خلفه بسرعه تقل قليلاً عن سرعة ذلك الفتى فلياقته البدنية ضلت طريقها إلى جسده منذ زمن، عضلاته فقدت قوتها وجسده تنازل بالكامل عن مرونته، يركض وثغره مفتوح عن آخره، يحاول أن يلتقط أنفاسه برئة ملأت شعها الهوائية برواسب دخان السجائر، قلبه الذي شاع على الرغم من أنه لم يغادر الثلاثينات ينبض بقوة كبيرة جدًا يشعر معها مؤمن أنه سينفجر، يحاول جاهدًا ضخ الدماء في شرايين ضاقت بتراكم الكوليسترول ومخلفات الطعام الجاهز على جدرانها، هذا هو حال الأمين مؤمن الذي توقف عن الركض وظل يلهث بشدة وكأنه ركض



أميلاً، لسانه يتدلى بالكامل خارج فمه بعدما أصفر لونه وبيات بَاهِتًا، هل استسلم مؤمن؟؟ هل سترك ذلك الفتى الذى ربما يحمل أسرارًا هامة تخص القضية يهرب؟؟ هل ستركه سليم أبو فرحة حينما يعود إليه بخفى حُنين؟ أم سيجعل منه نموذجًا فاشلاً يتحاكى به أمام الجميع، وصل إلى عقله صورة ذهنية مستقبلية مكونة من عدة أشخاص أبرزهم سليم أبو فرحة وهو يمارس عليه أشد أنواع العذاب النفسى وهو يقف مطأطئ الرأس لا يملك لنفسه ضراً ولا نفعاً، هنا اشتعلت طاقته الداخلية وضخت غدته الكظرية كمية لا يستهان بها من الأدرينالين فتضاعفت قواه وهو يركض خلف ذلك الفتى الصغير، يركض بسرعة قصوى يقطع فيها خيوط تلك المسافة الواقعة بينهم، لطم الهواء وجهه فازداد إصراراً على إصراره، ازدادت سرعته فبات قريباً منه وعلى وشك أن يمسك به، تحامل عمرو على نفسه وحاول أن يزيد من سرعته لكنه لم يستطع، حطّ الأمين مؤمن عليه مثلما يحطّ النسر على الشاه الضالة فأسقطه أرضاً، ارتطمت رأسه الصغيرة بالأرض فشعر بدوار وحشى اكتنف رأسه، هنا نهض الأمين مؤمن مستغلاً ما حدث، جثا فوقه، ضم يديه خلف ظهره، قيدها بالأساور الحديدية مُردداً.

-عاملى فيها أحمد السقا، دا إنت متشوف أيام سوده.

من بعيد يقف الأمين راضى على البوابة الحديدية يُشاهد ما حدث ويطمئن قلبه على تنفيذ أوامر سليم أبو فرحة.

\*\*\*

دكتور إبراهيم لا يزال يقف كما هو أمام غرفة النبطشية بصحبة الدكتور سعيد ورئيس المباحث الذى بدأ يستفسر منه عن ذلك الفتى الذى قرّ هارباً حينما رأهم.

-هو مين الواد ده يا دكترة؟؟

-دا عمرو يا باشا.

-والله، ما أنا سمعتك وأنت بتنده عليه وعرفت أن اسمه عمرو.

-أمال حضرتك بتسأل عن إيه؟؟

-آآآه، ماشى يا دكترة، مادام أنت ماشى فى السكة دى همشى معاك ومعتبرك مش فاهم على الرغم من إنى واثق إنك ذكى جدًا وفاهم كل حاجة، طبعًا هتقولى جبت الثقة دى منين، هقولك من علم الفراسة، أصل اللى واقف قدامك ده بيعب العلم جدًا وبيقدرس أوى الثقافة، وأكثر حاجة مهتم بيها أوى بقى علم الفراسة علشان كدة بقولك إنت ذكى جدًا، عمومًا مش هطول عليك، أنا بهدوء كدة عاوز أعرف الواد ده كان بيعمل إيه هنا فى المستشفى؟؟

سأل سليم سؤاله الأخير بحدة وبأسلوب تشعر معه أنه بوجه إنذار أخير قبل حدوث ما لا يُحمد عقباه.

-الولد ده اسمه عمرو وبيبيع جرايد ومجلات وكتب، بيعبى المستشفى هنا مرتين فى اليوم، مرة فى الفترة الصباحية ومرة فى الفترة المسائية علشان بيع جرايد وكتب للناس اللى شغالة هنا فى المستشفى، بيعترزق يعنى.

انتبه سليم إلى كلام دكتور إبراهيم وأنصت إليه جيدًا، رفع سبابته وبدأ يتحدث بشكل رصين.

-دكتور إبراهيم بتعرف تلعب ميكانو.

-أفندم!!

-يبقى ما بتعرفش، طب هساعدك كدة فى تكوين الحدث، الولد ده بيعبى مرة الصبح ومرة بليل، وأول ما شاف حد غريب مش من المستشفى إتخض، ولما عرف إنى ظابط مباحث جري، يبقى الواد ده يعرف حاجة مهمة فى القضية بس السؤال هنا لو افترضنا أنه عارف حاجة وجاى يقولها الطبيعى إنه بيعبى يلاقى شرطة يبقى ليه خاف لما عرف إنى ظابط ولو ميعرفش حاجة مفيش حاجة يخاف منها، الواد ده لغزيا دكترة، على الله ما تقبضش عليه يا راضى علشان أعلقك.

-مش ممكن يكون خاف يا باشا؟؟

قالها الدكتور سعيد.

-خاف!! ممكن برضو، بس هي ما تتقالش بالسطحية دي يا سعدة، تتقال بأسلوب أعمق من ده، الواد ده حاجة من ثلاثة، يا إمّا شاهد على الجريمة وعنده معلومات وخايف يدخل في موضوع كبير وقضية هوشايف إنه أقل منها بكثير، يا إمّا ما يعرفش حاجة بس عارف إنكم عارفين إنه بييجي هنا كل يوم وأكيد إنتم قلتولي معلومة زي دي فهو خاف إنى أنحفظ عليه، يا إمّا الواد ده ليه يد أصلاً في الجريمة دي.

- على فكرة يا باشا، الواد ده مش بييجي المستشفى بقاله حوالى عشر أيام وأنا أول مرة أشوفه النهاردة من ساعة ما أختفى .

تراخت ملامحه وهو يتفاجأ بذلك الخبر الذى أملاه عليه دكتور إبراهيم لتوه.

-معلومة خطيرة!!

تبيس قليلاً وظل ينظر إلى الدكتور إبراهيم قبل أن تتحرك شفثيه بصوت خافت.

-واضح إن القضية دي هتبقى مليانه تشويق.

-بتقول حاجة يا باشا.

-لا سلامتك يا دكترة، ياريت بقى نروح على مكتبك علشان عاوز منك كلمتين كده.

في تلك اللحظة اقتحم الأمين راضى حديثهم، فقطع سليم حديثه وظل يرمق راضى في هدوء.

-تمام يا سليم باشا، الأمين مؤمن قبض على الواد وهيطلع بيه على القسم.

-حلو، عاوزكم بقى تتوصوا بيه توصية حلوة لحد ما أروح أنا.

-تمام سعادتك.



ابتسم سليم ابتسامة خبيثة هادئة قبل أن يأمره أن يذهب بصحبة الدكتور سعيد ويأتي بالدكتور عصمت بالقوة إلى مكتب الدكتور إبراهيم للتحقيق معه.



## ( الفصل الرابع )

غرفة متوسطة الحجم بداخلها مكتب خشبي امتلأ سطحه بإكسسوارات هائلة كجهاز الكمبيوتر وأوراق مكتبية متناثرة على سطحه، ساعة صغيرة تحمل صورة لابنة الدكتور إبراهيم، في واجهة المكتب من الأمام تتصدر المشهد لوحة خشبية مستطيلة محفور عليها بخط واضح "دكتور / إبراهيم أبو طالب"، أسفل الاسم نُقش بخط صغير "مدير مستشفى 15 مايو"، خلف المكتب يوجد كرسي هيدروليكي أسود في غاية الفخامة مُخصص للدكتور إبراهيم، يسار المكتب وعلى بعد خطوات معدودة توجد مكتبة ضخمة، كبيرة الحجم وشاهقة الارتفاع، قُرِبت على أن تمس سقف الغرفة، مكتبة تحتوي على عدد كبير من الكتب الطبية المتخصصة وتحتوي أيضًا على مراجع علمية ذات قيمة وأهمية كبيرة بالإضافة إلى المستندات الخاصة بالمستشفى، بالقرب من المكتبة توجد ترائيزة خشبية بيضاوية الشكل مُحاطة بعدد قليل من الكرامى الخشبية أعدت خصيصًا للاجتماعات، خلف مكتب الدكتور يوجد شباك زجاجي من الألومونيوم يطل مباشرةً على بوابة المستشفى الحديدية.

يُخيم على الغرفة الهدوء والسكون الثقيل الذى لا يخلو من صوت المعركة المشتعلة بين جهاز التكييف والرطوبة المرتفعة داخل المكتب، معركة تعكس مدى الإهمال الشديد المصابة به معظم المنشآت الحكومية، إمدار جثيم للمال العام المتجسد الآن في صورة الكهرباء التى تغذى جهاز التكييف الذى يحاول أن يبرئ جو المكتب الخاوى ليصبح ملائم للعمل!!!

اتسعت فرجة باب المكتب الجرار ليظهر دكتور إبراهيم وهو يمسك بمقبض الباب، يفرد ذراعيه عن آخرهما لتتسع فرجة الباب أكثر وأكثر، يُشير باهتمام زائد إلى سليم الذى دخل إلى المكتب وهو يُحرك رأسه يمينًا ويسارًا، يتفقد الغرفة بعناية فائقة وكأنه ينوى شراءها، يترجل في المكتب كيفما شاء وكأنه مكتبه هو في الأساس، هرع إلى كرسي المكتب الهيدروليكي، أخذ منه مقعدًا له، استند ظهره على الكرسي في وضعية مريحة للغاية، استرخى عليه وكأنه أنهى لتوه عملاً شاقًا احتاج منه إلى مجهود جبار،

أخذ يتأرجح به يمينًا ويسارًا لا يبالي بدكتور إبراهيم الذى ينظر له جاحظ العين فاغر الفم لما يشاهده أمامه من تصرفات رئيس المباحث التى يظهر فيها أنه لا يخشى أحدًا، لم يتوقف سليم عند هذا الحد بل أذكى ذلك الاستفزاز بتثبيت كفيه خلف رأسه وكأنه فى جلسة استجمام، رَسَمَ تلك الابتسامة الصفراء السمجة على وجهه المثيرة للاستفزاز، دكتور إبراهيم يضغط على أعصابه ويتحمل كل هذه التصرفات الحمقاء دون أن يبدي أى اعتراض، يهدوء جلس دكتور إبراهيم على الكرسي المقابل للمكتب الخشبي، أغمض سليم عيناه ومدَّ قدميه إلى الأمام فى استجمام تام، دكتور إبراهيم بدأ يسأم تلك المعاملة الوقحة التى يتلقاها من سليم منذ وصوله إلى المستشفى.

ظل السكون هو سيد الموقف، لا صوت يعلو فوق صوت حشرة جهاز التكيف، زفر الدكتور إبراهيم فى هدوء مُرددًا بعد الابتهالات الدينية التى تبعده عن الغضب، جرح ذلك السكون وطرح على سليم سؤاله الأول.

- هو حضرتك ساكت ليه؟؟

أجابه سليم ببرود وسخرية عارمة دون أن ينظر إليه.

- أصل التكيف بتاعك حلو أوى فمستمتع بيه، شوف نسمة الهوا يا أخي، تحفة.

يُحاول سليم أن يُعظم أعصاب دكتور إبراهيم قدر المستطاع، يُحقر من شأنه ويُشعره بتلك التصرفات أنه لا قيمة له على الإطلاق، يُحاول أن يزج به كي تنفلت أعصابه ويصبح غير قادر على فرض سيطرته عليها، ظل دكتور إبراهيم يتابعه مندهشًا لمدة تزيد عن دقيقتين، بعدها التفت إليه فجأة وبدأ يتحدث معه وهو يرمقه بعين الشك.

- بص يا دكتور أنا عارف إني رخم وببقى أرخم لما بزعل فياربت اللى أسأل عليه تجاوب عليه علطول، ماشي؟

أوما إليه برأسه في استسلام تام أدرك معه سليم أن دكتور إبراهيم قد خارت أعصابه وأصبح ذلك الوقت هو الأنسب للانقضاض، بطريقة غليظة وبأسلوب قاسي بدأ يوجه إليه تلك الأسئلة السريعة.

- المجنى عليها اسمها إيه بالكامل؟
- رنا سليمان حواس.
- بتشتغل إيه؟؟
- ممرضة.
- من إمتى تقريبًا؟؟
- من حوالى سنتين.
- من المعاينة الأولى المجنى عليها كانت نبطشية صح؟
- صح يا باشا.
- بتهم مين بقتلها؟؟
- ما أقدرش يا باشا أتهم حد معين لأن المجنى عليها كانت على خلافات كثير مع ناس كثير، زى دكتور عصمت ودكتور سعيد وناس من بره المستشفى.
- كل دول!! كانت شرسة بنت الأيه، إنما إنت بقى وهى كنتم حبايب مش كده؟؟
- تلعثم في البداية وراحت شظايا كلمات غير مفهومة تتناثر من فيه، فسؤال سليم جاء مباغتًا.
- أنا مدير مستشفى وطبيعى لازم أبقى مختلف، مش هينفع أدخل في صراع مع موظفين أو عاملين، وحتى لو هدخل عيب أوى إنى مدير يدخل في صراع مع ممرضة.



- بس الى يسمعك يا مديروانت بتتكلم عن الدكتور عصمت لما لقينا التليفون بتاعه جنب سرير المجنى عليها يقول غير كده؟؟

- يا باشا أنا زى ما قولت لحضرتك أنا ما أقدرش أتهم حد بعينه كله مجرد شك.

- عمومًا زمان الأمين راضى بيحيب عصمت ده من قفاه علشان أحقق معاه، ياريت إنت بقى يا دكترة تعرفنى "بالسى فى" بتاعه وبتاع المجنى عليها، علشان لما أقعد أحقق أبقى عارف الدنيا ماشية إزاي؟؟

- حاضريا باشا.

- قبل ما تحكى أحب أفكرك علشان ممكن تكون راجل كبير وبتنسى، أنا مش هرحم أى حد هيفكر إنه يلعب بيا أو يشتغلني، فاهم يا دكترة ولا نقول كمان.

\*\*\*

قبل وقوع الجريمة بشهر واحد.

المجنى عليها، ها هي هناك، تسير وحيدة على الطريق المهد في رحلة الذهاب إلى بوابة المستشفى، تحمل في يدها شنطة بلاستيكية وتحمل أخرى جلد على كتفها، تفوح الآن أذكي العطور في ذلك الطريق المهد الذي يتمنى أن تُبث فيه الروح ليهب واقفًا استعدادًا لأسعد لحظات حياته، لحظة العناق التي يتمناها منذ أن بدأت رنا السير عليه، يقف أمامها ويفتح ذراعيه لتركض هي نحوه وترتمى في أحضانه فيضمها إلى صدره شاعرًا بحرارة جلدتها الدافئ، يترك أنفه تستقبل أريجها العطر، يغمرها بالحنان الكافي ويُقبلها بجنون، ويُنكس أيتها الفاتنة، كيف تُحرك مشاعر الجميع حتى الجماد لم ينجو من تلك اللعنة التي تنشرها في كل مكان، رنا تستطيع أن تُحرك مشاعر أى شيء حتى الطريق غدًا لا يستطيع عليها صبرًا، فهي تُعتبر نموذجًا حقيقيًا للأنوثة الطاغية وتُعد أيضًا آية من آيات الجمال أو هكذا كان يطلق عليها معظم الرجال وترجع هذه التسمية إلى عدة عوامل ساعدت على تكوين تلك الفكرة لديهم منها أنها فتاة جميلة جذابة، بيضاء اللون، شقراء الشعر، وجهها مستدير دقيق الملامح، عيناها واسعة



يكسوها لمعان جذاب يُعطى انعكاسًا يَسُرُّ الناظرين، لديها نظرات عميقة جدًا تُنمُّ عن امتلاكها لخبرة كبيرة لا يُستهان بها على الرغم من أنها مازالت عذراء إلا أنها استمدت تلك الخبرة من العلاقات والصدقات التي صادفتها في حياتها، جسدها مثل آلة موسيقية لا تتوقف أبدًا عن عزف أعزب وأرقى الأنغام، جسد أنثوى تحمل كل زاوية فيه نوعًا خاصًا من المتعة لدى الرجال، تميل منحنياتها القياسية حينما تتبختر وتتمايل في مشيتها كسنابل القمح الذهبية إذا داعبها الهواء، حينما تتواجد في مكان تتلاعب بقلوب المارة نساء كانوا أرجال، النساء ينظروا لها بعين الحقد والحسد وكأنهم يقولون لها لماذا أنت؟ لماذا تحصدي كل هذه النظرات؟ ومن أين أتيت بهذا الجسد الهلامي مُتفجر الأنوثة أما الجنس الآخر فقد كانت تعيد الحياة إلى أسلات الرجال بمجرد النظر إلى جسدها الأبيض المعجون طينته بلبني مكتمل الدسامة، تسلل النار إلى أطرافهم فيطربوا على أجنحة اللذة قبل أن تنقشع عنهم كل الأمراض الجنسية المزمنة التي باتوا يُعانون منها، ينظروا لها نظرة الظمان لكوب مياة مثلج فكم من عيون وصدور وأقدام تلقط ضربات فجائية قوية من نساءهم حينما لا يمتلكون أنظارهم أمام تلك الغزالة التي تُدعى رنا، لا تلتقط أذن تلك المهرة سوى كلمات الإطراء المُختارة من قواميس الغزل العالمية لتزيدها غرورًا وتفاخرًا بصدرها الشاهق المرتفع وبخصرها المنحوت وأردافها البارزة، حينما تتحدث معها ستجد نفسك تخرج عن الإطار رغمًا عنك لتختلس نظرة سريعة غير بريئة لمفاتنها المفعمة بالأنوثة، لم تكتفى رنا بكل هذه الإمكانيات بل عكفت على ارتداء اللباس الضيق الذي يُبرز معاسنها فتزداد توحشًا في نظر الجميع وتصير هي الأنثى الأكثر جاذبية على وجه الأرض.

تمر أمام الكشك الصغير القريب من بوابة المستشفى والمُخصص لبيع العصائر والحلوى، بداخله رجل في أواخر الخمسينات ينحني على الطاولة التي أمامه ويرتكز عليها بساعديه ليُتابع تلك المهرة التي تمر من أمامه الآن، بطرف عينها تلمح شبق ذلك العجوز هالك الصحة فتبتسم ابتسامة ثقة زائدة قبل أن تتبختر بميوعة جعلته يخرج عن صمته ليرشق بعض كلمات الغزل التي تخرج عن إطار الأدب والذوق العام.

- وغلاوتك يا بلح لطلعلك النخيل مخصص وأجيبك.

تنظر له وتبتسم قبل أن تُجيبه بدلال زائد يُخدر الأعصاب.

- يا شيخ إلهي، أنت أخرك تتفرج على البلج بس إنما طلوع النخل خلاص بقي صعب عليك دلوقتي.

قالت كلماتها الأخيرة وهي تغمز بإحدى عيناها لتؤكد له كم هو شخص ضعيف لا يتحمل أى شىء.

دنت رنا من البوابة ولكن قبل وصولها تلمح سليمان يحاول أن يتخفى خلف السيارات القابعة أمام باب المستشفى ليصل إليها، اتسعت عيناها وضربها إحساس مقبت تشعر به دومًا كلما رأتها أمامها، يتسلل إليها القلق ليعيطها من كل جانب، سليمان ذلك العجوز الذى فقد عقله تمامًا فقد تجده دومًا يتشاجر مع نفسه دون سبب واضح، يُتمتم بكلام غير مفهوم وغير مُرتب فلا تعلم ماذا يقصد به، يكسيه التراب فتشعر أنه خرج لتوه من مقبرة، يرتدى ملابس مُهلهلة ومُتسخة للغاية تكسوها الرقع المكونة من قطع القماش الملونة، ملامحه تُكاد لا تظهر من التجاعيد التى ترسم على وجهه مسارات متداخلة لا تدرك بدايتها ولا نهايتها، شعر رأسه غزير وكثيف جدًا لكن لا يذكر آخر لقاء بينه وبين المياه ولا يذكر أيضًا آخر معركة حربية بينه وبين مقص الحلاق، عشائر من القمل صنعت لنفسها إيواء داخله، التعم شعر رأسه مع لحيته الغير مُهندمة فطمرت ملامح وجهه أكثر وأكثر، شخص مُقزز يُشعرك بالاشمئزاز حينما تنظر له، يُسرع سليمان ذلك الشحاذ غريب الأطوار من خطواته تجاه رنا، يُزيد من سرعته وكأنها فرسة يُقبل على اصطيادها، يُريد أن يصل إليها بأى صورة ممكنة، لا ليلقى عليها الأدعية أو ليتأجر بأمرضه وهينته القذرة فتشفق عليه وتندس يدها فى شنتطها وتُعطيه مألًا بل هناك أمر أكثر عمقًا.

تبدلت ملامح رنا حينما رأتها وتأكدت أنه يأتى مُسرعًا تجاهها، هربت الدماء من عروقها وذبلت تلك الابتسامة العريضة التى كانت تعكس ثقتها الكبيرة بنفسها، بدأت تركض بسرعة خفيفة تجاه بوابة المستشفى، توقف سليمان عن متابعة السير وظل يرشق نظراته العميقة المُهممة تجاهها بعدما مأل برأسه قليلًا إلى الأسفل لتصبح نظرتُهُ مُخيفة ثاقبة، رَفَعَ ذراعُهُ وأشار تجاهها بإبهامه متقمصًا دور بطل فيلم أكشن فى وضعية تصوير البوستر الخاص بالفيلم، التفتت له، لمحتهُ فضربها خوفٌ عظيم بعدما كانت تضرب هى الأرض بثقة زائدة، ضاقت عيناها وهو مازال متقمصًا دور بطل فيلم

الأكشن، يتوعد لها ولكن يبدو أنه يعرفها جيدًا ويبدو أيضًا أن هناك أمر جعله يتصرف هكذا، دكتور إبراهيم يتابع كل ما يحدث من خلال شبك مكتبه الذي يطل مباشرةً على بوابة المستشفى، حرك سليمان رأسه تجاه الشباك ليرمق دكتور إبراهيم الذي لا يزال يتابع ما يحدث وكأنه هاتفًا وسوس له وأخبره أن الدكتور إبراهيم يتابع ما يحدث، نظره سليمان نظرة عميقة جدًا تحمل توعد لا يقل عن ذلك التوعد الذي قذفه تجاه رنا، ضاقت عيناه وابتسم بسخرية مما جعل دكتور إبراهيم يغلق الشباك بعدما اطمأن أن رنا دخلت من بوابة المستشفى.

رنا داخل مبنى المستشفى تضع يديها على قلبها، تغمض عينها، تزفر قلقها الذي يقطن داخلها، تحرك يديها على شعرها في اللحظة التي يمر فيها أحد الموظفين بجوارها فينتبه لها قبل أن يتوقف عن متابعة السير ليُفرقها بهرمون رجولته الممزوج بنكهة القلق عليها.

- في حاجة يا رنا؟؟

تفتح عينها بسرعة لتكتشف أنه مجرد موظف سَمج.

لا مفيش.

استمر في ضحك هرمون الرجولة اللزج بلا هوادة.

- طيب إنتِ مش محتاجة حاجة؟ قوليلي بس أنا في الخدمة.

تبعثرت ملامحها وتراصت بطريقة عجيبة مُتعمدة داخل إطار وجهها وكأنها تُرسل له رسالة صامتة بأنك رجل عُثْلٌ وثَقِيلٌ إلى حد لا يحتمل.

أرسلت له ابتسامة جافّة قبل أن تتركه وتنصرف متجهة إلى عيادة الباطنة حيث مكان عملها، تتبخر في مشيتها مُستعرضة كل إمكانياتها الفتاكة فتبدو وكأنها بطة تتباهى بحوصلتها الممتلئة عن آخرها، تُحاول لفت وشد انتباه كل من بالمستشفى، تتفقد هم بأعينها قبل أن ترسم ابتسامة خفيفة تدل على ثقها الكبيرة في نفسها.



تصل إلى عيادة الباطنة لتجد عدد بسيط من المرضى يجلسون على كراسي الانتظار البلاستيكية أمام باب العيادة، تنظر لهم رنا نظرة ماسحة وكأنها تحصر عددهم قبل أن تتبسم مُعلقة " إيه ده إنتم بايتين هنا من امبارح ولا إيه "، خرج ذلك العجوز الجالس في نهاية الصف عن صمته.

- هو الدكتور هيتأخريا بنى.

أجابته بدلال زائد.

- لا يا جدو مش هيتأخر متقلقش، دكتور عفيفى ممكن تظبط عليه الساعة، يعنى 10 بالدقيقة متلاقيه هنا.

يرمق العجوز ساعته وهو يتهد مُرددًا " هانت ".

تدخل رنا إلى العيادة، تستبدل ملابسها التى ترتديها بملابس المستشفى القصيرة التى تُظهر ساقها ناصعة البياض، علاوة على أن ملابس المستشفى ضيقة إلى حد ما أو هكذا كانت إرادتها، لون الملابس الوردى جعلها تبدو كالدُمية الشهيرة " باربي "، تنظر فى ساعة يدها إنها العاشرة إلا عشر دقائق، باستخدام غلاية الماء التى أخرجتها من الشنطة البلاستيكية التى كانت تحملها تصنع كوبًا من الكافيين الساخن تضعه على سطح مكتب دكتور عصمت داخل غرفة الكشف، صرخت ساعة يدها وكأنها تُخبرها بوصول العقرب الكبير إلى الرقم 12 أى أن الساعة أصبحت العاشرة، نظرت إليها فابتسمت وهرعت تجاه الباب، حركت مقبضه إلى الأسفل فالتسعت فرجته الصغيرة لترى من خلالها رجل شديد النحول فى سُمك القلم الرصاص، عيناه تستندان على عظمتى وجنتيه البارزتين، طُمِرَ خداهُ داخل عظم جمجمته بسبب قلة لحم وشحم وجهه، يرتدى نظارة نظرسينة المظهر وهبتها له هيئة التأمين الصحى ضمن نفقاتها للعاملين بالقطاع العام، شعر قصير ودقيق يُمكن حصره موزع بطريقة عشوائية على لحيته فلا تدرى هل هو ينوى تربية لحيته أم فقط يتكاسل عن حلاقتها، شعيرات قصيرة بيضاء تغزو شعره على استحياء تَنُمُ عن بدء وصول الشيب إلى رأسه على الرغم من أنه لم يتجاوز عامه الثالث والثلاثون، حينما يتكلم تهتز رأسه هزة بسيطة يمينًا ويسارًا وحينما يزداد فى العصبية أو حينما يصير الحوار أكثر جدية يُمطُ رقبتة إلى



الأعلى من حين إلى آخر مع الاحتفاظ بتلك الهزة البسيطة، عروق رقبتة بارزة فتبدو كالأخاديد المجسمة المرسومة على سطح مستوى، نادراً ما تجده يتكلم بهدوء فهو دائماً منفعل، عصبي، قد تصل سرعة انفعاله إلى 150 زعقة في الدقيقة، تستطيع أن تنقش اسمك بسهولة في موسوعة جينيس للأرقام القياسية إذا جعلته يبتسم ولو مرة واحدة فقط في حياته، داخل رأسه تقطن أعداد هائلة من الأفكار والمعتقدات الذهنية سوداوية اللون، كل شيء فيه يؤكد أنه مريض نفسياً لا محالة حتى مشيئه تعكس مدى الصراعات النفسية التي تحدث داخله فهو عادة يمشي مائلاً بجسده إلى الأمام علاوة على أنه يعرج بقدميه عرجة خفيفة تُشعرك أن إحدى قدميه أطول قليلاً من الأخرى، يبدو متجهماً طوال الوقت فوجهه يُشعرك دائماً أنه ينظر إلى منظر مقزز لا يفارق عيناه حتى وإن كان ينظر لك فلا تستبعد أنه كان رمزاً للكآبة لدى الفراعنة القدماء، يرتدى ملابس واسعة طوال الوقت لا تتناسب مع جسده النحيل، يغلق كل أزرار القميص حتى زرة الأخير لكن اتساع وكبر ملابسه تُعطي لك إحاء أنه يرتدى تيشرت ياقته على شكل (V) بسبب رقبتة النحيلة.

فُتح باب العيادة ليدخل بخطواط ثابتة دون أن يلقي السلام على أحد حتى المرضى، دخل متجهماً إلى مكتبه ليجلس على كرسيه بعدما ارتدى البالطو الأبيض، يفتح الشنطة " السمسونايت " التي كان يحملها في يده، أخرج منها سماعة وجهاز لقياس الضغط ونوتة صغيرة مُخصصة لكتابة العلاج، دون أن يلقي السلام على رنا ودون حتى أن ينظر لها.

- نادى على المرضى لو سمحت يا Nurse.

- طب مفيش سلاموا عليكموا، صباح الخير، أى حاجة.

ينظر لها بمضض.

- صباح الخير!!!! أنا مليش في الكلام الفارغ والهايف ده.

- صباح الخير بقت كلام هايف وفارغ يا دكتور!!!

- بالنسبة الى آه كلام فارغ وهايك ولو سمحت مش عاوز جدل ونقاش مالوش لزمة، إتفضلى إندهى على المرضى.

- طب بلاش صباح الخير إرمى عليها سلام ربنا.

- وبعدين بقى.

يُحرك عيناه بعيدًا فتصطدم بكوب الكافيين الساخن، أبدى تعجبه الشديد ودهشته مما يراه، أشار بإصبعه.

- إيه ده يا Nurse.

- نسكافية.

- مين اللى حطه هنا؟؟

- أنا.

- أنتِ!!! ليه؟

بدأت تتحدث معه بدلال زائد وميوعة يعشقها الرجال بالتأكيد عدا هو.

- عارفة إنك بتحب الكافيين ع الصبح، إيه الحق عليها يعنى.

يتحدث إليها بأشمنزاز شديد يوحى إليك أنه يمتص نصف ليمونة فيغتصب حمضها حلقه.

- إحنا فى مستشفى يا Nurse مش فى ملهى ليلى ولا فى فى مطعم علشان تعملى اللى عملتيه ده، شيلى، شيلى البتاع ده بسرعة و بلاش استهتار وكلام فارغ.

هَرَب الدم من عروقها وانتصب شعرها. فهى لم تلقى هذه المعاملة من أحد طيلة حياتها، رنا تُدرك جيدًا أنها جميلة وجذابة واعتادت أن يتلف عليها الجميع ويركضون

خلفها مثلما يركض اللاعبون خلف كرة القدم ليلحقوا بها، كانت لا تتوقع أبدًا هذا الرد الجارح المؤلم.

- يعنى أنا تابعة نفسى وعامله ده كنوع من أنواع التقدير ليك يا دكتور علشان يبقى ده ردك ليا، أخرتها أنا مُستهترة وبعمل كلام فارغ.

أجابها بلهجة قوية لم تخلو من العصبية التى اعتاد عليها الجميع منه.

- المفروض إننا فى مكان شغل محترم، وأعتقد إننا لازم نراعى المرضى اللى قاعدين بره دول، مش نسيهم ونقعد نشرب شاي وكافيين، إتفضللى لى الفوضى دى وشوفى هترميها ولا هتديها لحد غلبان ولا هتعملى فيها ايه، بعد كدة اندهى على المرضى اللى بره بترتيب الحجز، الله أعلم بقى إنت عارفة مين اللى حجز قبل مين ولا كنت مشغولة فى الشاي والقهوة.

- دكتور عصمت بعد إذنك أنا عارفة شغلى كويس أوى وعمري ما قصرت فيه.

يلوح لها بيده وكأن كلامها مجرد وهمي لا صحة له.

- روحى يلا إندهى على المرضى ويأريت لو حد حب يديكى حاجة كدة ولا كدة علشان يدخل فى دور غير دوره ما تدخلهوش وراعى ضميرك شوية.

يحتقن وجهها وتنفر عروق رقبتها غيظًا، ما هذا الكائن العجيب!! إنه لا يملك أى فنيات أو تقنيات خاصة بالتعامل مع الناس، تضرب الأرض بقدمها قبل أن تنصرف بغضبٍ عارم، انتزعت كوب النسكافية بقوة أدت إلى تساقط بعض قطراته على الأرض، فتحت باب العيادة وخرجت مسرعة ترى أمامها أشباه أشياء، بطريقة سريعة خلت تمامًا من التركيز والاهتمام ألقت على المرضى "اللى عليه الدور يدخل، أنا مش هقف

أنظم المرور" ثم انصرفت في طريقها وألسنة الغضب تتصاعد بداخلها فتصهر ملامحها الجميلة وتحولها إلى ملامح غاضبة قاسية، تضرب الأرض بكعب نعلها تعبيراً عن ذلك.

تستمر في السير على تلك الشاكلة حتى تصل إلى رواق خاوي تمامًا من الممرضات والأطباء، رواق يصل بك في نهايته إلى غرفة الاستراحة الخاصة بالممرضات ولكن لا أحد هناك، الرواق خاوي تمامًا فالكل مشغول في عمله، من سيذهب إلى هناك في وقت ذروة العمل، وصلت رنا إلى الاستراحة، اقتربت من الباب، وضعت يدها على مقبضه فاستمعت إلى صوت أنفاس كالفحيح تقترب منها، نظرت بجانبها فوجدت الدكتور سعيد كأنه كان يتريص لها في الخلاء، شهقت رنا حينما وجدته فجأة، أغمضت عينها ووضعت يدها على قلبها، يبرود متناهي اتسع ثغره ليرسم تلك الابتسامة الاستفزازية التي يشتهر بها.

- إيه!! شفتي عفريت ولا إيه؟؟

لم تخلُ كلماته من تلك اللهجة التي جليها معه من محافظة البحيرة.

- مش عفريت ولا حاجة بس ليه الرعب ده يا دكتور سعيد الحكاية مش ناقصة الصراحة.

- رعب!!! رعب!!! إيه بس.

- ما لما حد يطب عليك كده في مكان ما فهوش حد يبقى اسمه رعب.

يُحرك دكتور سعيد رأسه ويتجول بعيناه على مرمى بصره فلا يجد أحدًا سواهما في تلك اللحظة، يبتسم لها بوجهه الذي يُشبه كثيرًا وجه قط سيامي سمج.

- أصل أنا كنت حاسس إن إنتِ هتيجي هنا.

بتعجب شديد ممزوج بصبر بدأ ينفذ.



- ليه يا دكتور سعيد أنت سبت الطب وبقيت تشتغل في الأمن ؟؟

قهقه مجاملاً ثم بلغة حوار يُحاول فيها أن يُبدى أعجابه الشديد بها.

إحساسي قال لي , على الرغم يعني من إنك المفروض دلوقتي تكوني في شغلك , بس زى ما بقولك كدة إحساسي قال لي إنك هتبقى هنا , هو إنت سايبه شغلك ليه , ما قلنا لك بلاش شغل مع دكتور عصمت إنت اللى صممتي , على العموم أنا ممكن أعمله جزاً لو مزعلك , لا جزاً إيه أنا ممكن أنقله خالص .

يُهدم ملابسه بغرض التباهى والتفاخر المبالغ فيه ثم أردف وكأنه نابليون.

- ما تنسيش إني نائب المدير وأقدر أعمل كده بسهولة.

قهقهت بسخرية عارمة ارتفع فيها صوتها وبات مسموعاً , تلك القهقهة العالية أثارت اشمعراز دكتور سعيد فسألها عن سببها.

- يا دكتور سعيد سيب الكلام ده لعيل من عيالك أهو على الأقل يبقى لايق عليه شوية إنما إنت عجزت وكحككت على الحاجات دى أوى يا جدو.

يجز على أسنانه غيضاً فتنهى هي حديثها سريعاً.

- سلام يا جدو علشان عندي شغل ومش قاضية للعب العيال ده.

همت بالانصراف ولكن قبل أن تدنو إلى الغرفة تجد أصابعه مغروزة في لحم ذراعها الطرى مُحاولاً استوقافها قبل أن تنصرف.

- استنى بس يا رنا ما خلصناش كلامنا لسه.

تعمد أيضاً الضغط بقوة على لحمها فنظرت له بحدة وقوة رادعة , نظرت له بملامح وجه قاسية تشعر معها وكأنها ستطلق السنة اللهب من فمها كالتنين الثائر , ترك ذراعها على الفور وتراجع خطوات معدودة إلى الخلف خجلاً منها , يهرب بعيناه

بعيدًا عن عيناها التي تتسع عن آخرها وملاحمها التي تستشيط غضبًا لا يُبدد بسهولة، يهدوء بدأ ينسحب وسط نظراتها الجامدة.

على مسافة قريبة منها وخلف إحدى الأعمدة يقف دكتور عصمت مختبئًا يتابع ويُشاهد كل شيء بتركيز وانتباه مُخبر أو رجل مباحث يُراقب أحد الخارجين عن القانون، ترك المريض وترك كل شيء وهرع خلف رنا يراقبها من بعيد وهو مختبئ مثلما كان دكتور سعيد يختبئ، لكن لماذا؟ لأبد وأنَّ هناك سرٌّ خطيرٌ يُخفيه هذا العصمت غريب الأطوار، لمحتة رنا بطرف عيناها قبل أن تدنو إلى الغرفة.

غرفة صغيرة الحجم لا يوجد بها سوى منضدة خشبية صغيرة حولها مجموعة من الكراسي الخشبية الغير مُريحة، مرصوفة بطريقة عشوائية تُشبه كراسي قاعة الأفراح بعد انصراف المعازيم، الغرفة غلب عليها الإهمال الشديد فهي غرفة غير نظيفة وهناك أكياس بلاستيكية كثيرة تغزو الأرض وسطح المنضدة أيضًا، تجلس يارا على إحدى الكراسي الخشبية، تلك القصيرة التي يتعثّر لسانها في نطق حرف الراء فحينما تُنادى على أخيها كريم تُسمع منها "كويم" تمتلك ابتسامة ملائكية لا تُفارقها، ترسم على وجهها أوتوماتيكيا حينما تنظر لك ثم تنحفر نقطتان في بداية خديها ليُكوّنا غمازتين جميلتين تسرُّ الناظرين، تضيق عيناها الملونة مع الاحتفاظ بلمعان بسيط يُميزها، وجهها دائري جذاب، كل هذه الإمكانات والمقومات التي تُرشحها إلى جائزة ملكة جمال مصر لا تجعلها تتفوق على رنا، فمهما امتلكت من إمكانات ومقومات لا تستطيع أن تمس مكانة تلك المهرة الأصلية التي ينجذب إليها الرجال كما ينجذب الحديد إلى المغناطيس، تدخل رنا الغرفة وهي تحت تأثير حالة من الغضب الشديد، تضرب الأرض بأقدامها وتُتمتم بكلمات بذينة لا تُذكر في حالة وجود أطفال، تضع كوب الكافيين على سطح الطاولة بغضب عارم لتجذب انتباه يارا المُهمكة في تناول سندوتش، تزفر رنا بصوت عالٍ في محاولة منها للفت انتباهها ولكن لا حياة لمن تُنادى فيأرا تاكل بهم شديد ولا ترى سوى ذلك السندوتش الساخن الذي ابتاعته منذ قليل، تصفعها رنا بكل قوة على كتفها فتصرخ يارا وتتطاير بقايا الطعام من فمها.

- إيه الغباوة دي!!!

- هو إنتِ يعني مش حاسة بيه لما دخلت.

- ومحس بيكي ليه, عاصفة داخله عليا.  
بغضب وضيق شديد.
- إنت مستفزة.
- مالك يا بنتي عصبية ليه؟؟  
مازالِت مُتحفظة بنغمة الغضب التي تتحدث بها.
- الدكتور الزفت اللي اسمه سعيد ده.  
وكانها بمجرد أن ذكر اسمه استعادت هي تاريخه الأسود.
- ييبيبيبيبه, ماله تاني.
- عمال يطلعلى فى الرايحة والجاية زى عفريت العلبة وياريت اكتفى بكدة, لأ  
النهاردة حط إيدته على كتفى ومسكتى, هو مش واخد باله إنه فى سن أبويا ولا إيه.
- ما قلنا مليون مرة بلاش موضوع أبوكى ده بالذات, هيفكر ك بالذى مضى يا  
رورو.
- جعلت تلك الكلمات طاقة نفسية سلبية تحيط برنا على الرغم من أن صديقتها  
قالتها كنوع من المزاح والدعابة, اتسعت عيناهما وبدت ملامحها فى غاية الشراسة وكانها  
قطة تستعد للهجوم على من يعبت بأطفالها.
- أنا مش قلتك قبل كدة ما تجيبيش سيرته وإنت معايا, أنا ما عملتلوش  
حاجة, سامعة ولا مش سامعة, هو اللي أذانى وأذى نفسه.
- أنا بهز يا رنا والله ما أقصدش أضايك.
- قالتها يارا بنبرة صوت مرتعشة تنم عن خوف شديد.
- ما تهزريش تانى بالكلام ده لو سمحت, ماشى, أدبنى قولت أهو.

هزت رأسها بخيفة شديدة ثم وقعت عينها على كوب الكافيين فأرادت أن تقوم بتغيير مجرى الحديث.

- إيه ده يا رنا؟
- كباية زفت كنت عملها لذكر البط اللى اسمه عصمت وفي الآخر طردني زي الجزمة.
- إيه ده هوجه!!! طلب إنت سايبه شغلك وقاعدة هنا ليه؟ كدة هيحبلك جزا، أنا قاعدة هنا علشان دكتور حسام اللى شغاله معاه مجاش.
- يجيب اللى يجيبه أنا مش طايقه أبص في وشه أصلاً.
- يا بنتي دا مجنون.
- مجنون على نفسه.
- إنت حرة يا رنا، طول عمر دماغك ناشفة.
- أيوة أنا حرة، مش كفاية مشغلني مع واحد مريض.
- مريض!!!
- أيوة طبعاً مريض.
- تقصدي دكتور عصمت.
- أيوة هوزفت.
- مريض إزاي!!!
- ما أي راجل مشاعره ما تتحركش ناحيتي يبقى مريض على طول ولازم يكشف على نفسه وعلى أعصابه.



تنظر لها يارا باستغراب شديد فأردفت هي بعصبية واندفاع.

- مش عارفة أعمل إيه علشان أشده!! مش عارفه؟؟

أجابها بنبرة صوت متقطعة.

- نعمل إيه في إيه يا رنا، إنت بتحبيه بجد ولا إيه؟ إيه الأوفر اللي إنت فيه ده .

- أحبه!! أحب مين يا هيلة.

قالتها باستنكار شديد جدًا، أردفت وهي تُجسد أبشع صور النرجسية التي سنجدها على الإطلاق.

- ما ينفعش راجل يشوفنيش وما يتشدلي، ما ينفعش أشوف واحد مش هيموت عليا، ما ينفعش أشوف واحد عينه ما بتتشالش من على جسمي، أنا أجمل وأجمل حد هنا.

تنسع عين يارا في ذهول!!!

- أقعدى بقى برقيلى في عينك واسرحى في وشي، إنت صاحبه هم أصلاً وأنا غلطانة إني بتكلم معاكى، أنا هروح أجيب جدول التبطشية.

ترك رنا الغرفة وتنصرف.

\*\*\*

سليم أبو فرحة لم يتحرك من على مكتب الدكتور إبراهيم، يستمع إلى كل تأويله وحكاياته عن رنا وعلاقتها بالدكتور عصمت وزملاء العمل، حكَّ ذقنه فور انتهاء دكتور إبراهيم من السرد.

- جامدة أوى الدخلة دى يا هيم، أجمل من دخلة العيال بتوع الألتراس، عصمت مجنون، سعيد بتاع نسوان، رنا شمال، الناس كلها زى الزفت ما عدا إنت طبعًا.

قال كلماته الأخيرة وهو يرفع أحد حاجبيه باستهزاء شديد.

- لا يا باشا مش بالظبط كده، عصمت ده فعلاً مش طبيعى، بنى آدم متطرف وغير سوى أمّا رنا فدى كانت تركيبة غريبة شوية، لا الصراحة يعنى تركيبة غريبة أوى، تركيبة مُعقدة لدرجة إنى لسه مش قادر أفهمها لحد دلوقتى، أنا هحكى لحضرتك على واقعة هتكتشف إنها غريبة، مرة....

بثر سليم كلماته.

- إستنى بس يا دكترة وما تاخذنيش فى دوكة الله يباركلك، حكاوى القهاوى اللى إنت عمال تحكيها دى جبتها منين، يا راجل دا إنت بتحكى الفيلم بالحوار بتاعه، إيه كنت قاعد فى جيب المجنى عليها مثلاً!!

- رنا الله يرحمها كانت بتعتبرنى بالنسبة ليها حاجة كبيرة أوى، مثل أعلى، وكانت بتحكىلى على كل صغيرة وكبيرة داخل المستشفى.

- يا راجل مش تقول كدة من بدرى، وأنا اللى ظلمتك، بقى كانت بتحكىلك على كل صغيرة وكبيرة، يعنى الله يرحمها كانت عصفورة كمان.

قال جملته الأخيرة وهو يغمزله بإحدى عينيه باستفزاز مقيت، ثم أردف بنفس تلك النبرة الهادئة المثيرة للأعصاب.

- أصل عندنا هنا فى المحروسة كل مدير بيبقى ليه عصفورة أو اثنين أو ثلاثة، هو بقى وحجم قفصه، وواضح أن إنت يا دكترة قفصك ما كانش كبير كفاية.

دكتور إبراهيم يتابعه فى إضطرابات لا يُحتمل، فقد بدأ يَبْغُضُ ذلك الأسلوب المَكْتَنَظُ بالسخرية والاستهزاء الثرى بالاستفزاز والفضاعة.

- لا يا باشا، رنا ما كانتش عصفورة ولا حاجة، رنا كانت بتحكى اللى يخصها وبس.

- ماشى يا دكترة، على العموم المعلومة دى ما تهمنىش، مش هتفيدنى ولا تُخصنى، أنا اللى يَخُصنى إنى أعرف القاتل والمتورطين معاه، كمل يا دكترة حكاويك وخلينى أندھش.

- بعد اللى حكيتك لسعادتك ده بكام يوم رنا جت لى المكتب.

\*\*\*

دكتور إبراهيم أبو طالب يجلس على مكتبه مُتَهَمَك فى قراءة مجموعة من الأوراق التى تخص المستشفى، يرتدى عويناته ويتجول بعينه يمينًا ويسارًا داخل الأوراق، يقرأ بتركيز تام حتى دهمه صوت طرق على الباب.

- إنفضل.

قالها وهو يتابع عمله ففتح الباب لتظهر رنا من فُرجته، تدخل ثم تغلق الباب خلفها، مازال دكتور إبراهيم مُتَهَمَك فى القراءة، لم يرفع عيناه ليرمق حتى الشخص الذى اقتحم المكان عليه، ظل يواصل القراءة دون توقف حتى داعب أنفه ذلك العطر المميز الذى ينبعث من رنا دومًا، استنشقه جيدًا ليتأكد منه، بالفعل إنه هو ذلك الأريج المغهود الذى يُغلف ملابسها باستمرار، على الفور رفع عيناه ونظر إلى تلك الفتاة.

- صباح الخير يا دكتور إبراهيم.

- صباح الخير يا رنا، أخبارك إيه؟؟

- الحمد لله يا دكتور، والله كله تمام.

تجلس على الكرسي القابع أمام مكتبه، يلاحظ هو من خلال خبرته الطويلة أن رنا قد أتت إلى هنا لسبب ما تريد أن تزيحه عن صدرها، شيء ثقيل تريد أن تفصح عنه لترتاح من جملة الزائد.

- أخبار الشغل إيه يا رنا إوعى يكون فى مشاكل.

- لا لا يا دكتور مفيش مشاكل خالص، ربنا ما يجيب مشاكل أبدًا.

- أمم، بس شكك بيقول غير كدة.

- هو في بس موضوع صغير كدة كنت عاوزة حضرتك فيه.

باهتمام زائد.

- خير أؤمرى يا رنا.

- طبعًا قبل ما أكلم وأقول أى حاجة حضرتك عارف إنى بعثورك زى أبويا بالظبط.

قاطعها دكتور إبراهيم مازحًا ذاك المزاح الأصفر الملىء بالحقائق المستترة.

- ما بلاش موضوع أبوكى ده بالذات.

\*\*\*

يقتحم سليم أبو فرحة كلام دكتور إبراهيم ويوقفه عن الكلام غنوة حينما بدأ يتحدث.

- هو إيه موضوع أبوها ده بالظبط !!! من شوية واني بتحكى قولت أن يارا قالتها قلنا مليون مرة بلاش موضوع أبوكى ده بالذات، هيفكرك بالذى مضى، والله يرحمها قفشت، دلوقتى إنت بتقولها ما بلاش موضوع أبوكى ده بالذات ممكن أفهم بقى أبوها ده ماله بالظبط.

بهدهوء وحكمة.

- رنا الله يرحمها ما كانتش بتخبي عليا حاجة زى ما قلت لسعادتك قبل كده وأنا طبعًا لازم أعرفك كل حاجة علشان خط سير القضية بس سيبنى أخلص اللى أنا



بقوله الأول علشان ما أنساخ حاجة بعد كده أنا هجاوب سعادتك على كل حاجة إنت عاوزها.

أخرج سليم أبو فرحة علبة سجائر، انتزع منها سجارة، أشعلها وهو يرمق دكتور إبراهيم وتضيق عيناه، سَعَبَ نفس عميق من السيجارة أخرج نصف دخانه من أنفه والنصف الآخر بدأ يخرج مع الكلام.

- ماشى يا دكترة، على الرغم من إن ده مُخالف للقواعد بتاعتى بس ماشى خليه عليا أنا المرادى.

يُشير له سليم بأن يستكمل سرد باقي الأحداث التى كان يرويها حينما قاطعه وسأل عن والد رنا فيستأنف دكتور إبراهيم الحديث قائلاً.....

\*\*\*

أعاد دكتور إبراهيم آخر جملتين كنوع من أنواع التأكيد ليستقطب تركيز رئيس المباحث سليم أبو فرحة.

- طبعًا قبل ما أقول أى حاجة حضرتك عارف إني بعترك زى أبويا.

- ما بلاش موضوع أبوكى ده.

رمقته بحدّة فظهرت عليه مظاهر الخجل الشديد.

- أؤمرى يا رنا أنا سامعك.

- عاوزة حضرتك فى موضوع شخصى.

باهتمام بالغ.

- قولى أنا سامعك أهو.

تنظر له وتبتسم ابتسامة جريئة.

- بصراحة كدة بقى يا دكتور أنا نفسى أتجوز.

انفجر دكتور إبراهيم فى ضحكك هستيرى لدرجة أن جسده أصبح يتحرك بلا هوادة، يميل إلى الأمام بجسده حتى تكاد أنفه تمس سطح المكتب قبل أن يرجع إلى الخلف ويرفع وجهه إلى أعلى ليفتح فمه عن آخره وهو يضحك ليُشبه ذلك الطفل الذى توضع صورته دومًا على إعلانات حملات تطعيم الأطفال.

- جرى إيه يا رنا هو حد قالك عليا إنى بشتغل خاطبة اليومين دول ولا إيه.

- يا دكتور إبراهيم إدينى فرصة أشرحك.

وهو مازال يضحك.

- أشرحى يا ستى.

- أنا عاوزه أرتبط بإنسان معانا هنا فى المستشفى.

بدأت الضحكات تتلاشى ويأخذ الموضوع جدية.

- إيه ده معقول، أوعى يكون أنا.

ابتسمت رنا ثم أردفت.

بص يا دكتور فى إنسان أنا معجبة بيه جدًا وشايفة أن هو إنسان مناسب بالنسبة ليا، وبما أن حضرتك الأب الروحى ليا فأنا حابه إنك تساعدنى.

- خطوة جريئة أوى، ومين بقى سعيد الحظ ده.

بعيون جريئة يظهر بداخلها الإصرار الشديد.

- دكتور عصمت.



مَطَّ رأسه إلى الأمام حينما سَمِعَ ذلك الاسم، اندمشت كل ملامح وجهه دفعة واحدة وتباعدت عن بعضها البعض تدريجيًا.

- دكتور عصمت!!!! عصمت اللي هو عصمت؟ إنت متأكدة يا رنا؟ ولا إنت شاربة حاجة ولا حكايتك إيه؟  
تبلسم بهدوء.

- أيوة متأكدة طبعًا وعارفه أنا بقول إيه، دكتور عصمت دكتور الباطنة اللي أنا شغاله معاه.

- دا معقد يا بنتي، على طول مكشرو عمري ما شوفته بيضحك دا غير أن تصرفاته غامضة وكل كلامه غير مفهوم وغريب ولا أفكاره كلها تطرف، مش معقول دي أفكار بني آدم طبيعي، إنت إيه اللي جابرك على كدة.

تُجيبه دون خجل أو حياء.

- معجبه بيه وبجبه.

ارتفع حاجباه معًا واتسعت عيناه، زحزح عويناته قليلًا فاستقرت على مقدمة أنفه.

- أنا شايفه فيه حاجات إنتم مش شايفينها.

- طب ما دام إنت شايفة كدة ما حولتيش تلفتي إنتباهه ليه حاجة زي كدة.

- حاولت والله يا دكتور كتير بس لقيته زي الطوبية، بتكلم مع دبشة قاعدة قدامي، لا مشاعر ولا أحاسيس ولا حاجة خالص.

- طب يا رنا ما إنت كدة بتأكدى كلامى أهو وهو كمان من غير ما يُقصد أثبتلك كل كلامى وأكد على إنه معقد، على فكرة أنا شاكك أساسًا إنه مريض

ومتزعليش منى يا رنا يعنى إنت عارفة أنا بعزك قد إيه بس أنا خايف يكون عصمت ده زى اللى قبله.

قطبت جبهتها وأغمضت عينها، انقبضت أصابع يدها بعصبية مُفرطة وكأنها تعصر شيئاً، كلمة مفاجئة بالنسبة لها أدت إلى إصابتها بالشلل المؤقت، فتحت عينها وأحْتَدَ بَصَرُهَا فتشابكت نظراتها مع نظرات دكتور إبراهيم الذى أدرك تماماً الحالة التى وصلت إليها بسبب كلماته التى حملت لها أذىً نفسياً كبيراً، حاولت رنا أن تكبح ذلك الشعور الذى يعتريها بسادية، ابتسمت ابتسامة جافة كاذبة محاولة أن تُبدد أى أفكار سيئة وصلت إلى الدكتور إبراهيم من رد فعلها المفاجئ..

- أنا دلوقتى يا دكتور بقيت أحسن من الأول بكثير، حتى نظرتى فى الرجالة اختلفت ولا إنت شايف إيه؟؟

فرصة هائلة وجدها فى طريقه للدخول من خلالها لهدئ من روعها.

- طبعاً يا رنا، طبعاً.

ابتسمت له فابتسم لها وهو يقول إلى نفسه "لا، رنا لم تقع فى حب عصمت، أعلم ذلك جيداً، هناك أمر آخر خطير جعلها تتصرف بهذا الحمق، ربما تُريد أن تلتقم من تلك الأيام السوداء التى رأت فيها كل أنواع العذاب لكن ما دخل عصمت بهذا الأمر فهو لم يتسبب لها بأى عذاب، لا أنا متأكد أنها لم تقع فى حب هذا المتطرف النحيل، أنا متأكد أن هناك أمراً آخر دفعها لهذا الفعل الغريب الغير متوقع، سأتركك تُخرجين ما بجعبتك يا رنا"

- هتساعدنى يا دكتور ولا لأ؟؟

- ماشى يا رنا أوعدك إنى هتصرف، هجس نبضه واشوف دماغه فيها إيه وهرد عليكى فى أقرب فرصة إن شاء الله.

رسمت على وجهها ابتسامة القائد الذى لاذ بالنصر الأكبر فى أعنى معاركه الحربية.



انصرفت رنا من المكتب واسترخى دكتور إبراهيم على كرسیه الوثیر، ترك كل شيء في يده ووجه عقله إلى شيء واحد فقط ألا وهو اكتشاف السر الغامض الذي دفع تلك الحورية إلى الانجذاب نحو هذا الكائن الذي توفي أكنيليكيا ولكن لم يُعلمه أحد بالوفاة، لماذا؟ لماذا أحببت تلك الجثة التي لا فائدة منها في أي شيء؟ هل بالفعل وقعت في حبه؟ ماذا وجدت فيه لتُحبه؟ أو ماذا فعل هو ليُدك حصون قلبها؟ لا شيء، عصمت لا يمتلك أي شيء يؤمله إلى تلك المكانة التي يُقبل عليها فهو لا يملك مشاعر ولا أحاسيس رومانسية حتى نصيبه في الوسامة تنازل عنه لشخص آخر، عصمت لا يمتلك سوى هيكل عظمي ولحية غير مُهندمة فحينما تصطدم عيني به أتذكر قول الله عز وجل "يُحْيِي الْعِظَامَ وَهِيَ رَمِيمٌ" كيف الدكتور عصمت وكل شيء فيه تُغلفه الكأبة والحزن الشديد والسواد القاتم، لماذا اختارته هو بالذات؟؟، حتماً لابد من معرفة السبب الحقيقي المستتر حتى الآن!!!

\*\*\*

دكتور إبراهيم يجلس على كرسیه خلف مكتبه، يستند بساعديه على سطح المكتب ويميل بنصف جسده العلوي إلى الأمام، يتحدث إلى الدكتور عصمت الجالس أمامه متجهماً يستمع إلى حديثه بمضض شديد وبملامح طفل يشعر بالنعاس وهو يستمع إلى قصة أسطورية مُملة يتوقع نهايتها بكل سهولة ويُسر، دكتور إبراهيم يدرك ذلك جيداً ولكنه مستمر في حديثه إلى أن ينتهي، يتحدث إليه مستخدماً تلك الاستراتيجية السخيفة التي يستخدمها مندوبي تسويق الشركات في إقناعك بمنتجاتهم العقيمة، حينما يقرع جرس الباب وتهم أنت بفتحه لتعلم من الطارق؟؟ هنا ستجد أمامك شخص يبدو كممثل فاشل يُحاول أن يُفركك احتراماً وفي الوقت ذاته يعتذر لك عن الدقائق التي سيبترها هو من وقتك ليعرض عليك كل محاسن منتج شركته مُتجاهلاً تلك العيوب القاتلة التي تملؤه.

يستخدم استراتيجيات قوية جداً في الإقناع ليوجه نظرك وتركيزك إلى شيء واحد فقط ألا وهو محاسن منتجاته التي غالباً ما تكون غير موجودة أو ربما لا تحتاجها أنت، يظل يتراقص أمامك راسماً على وجهه تلك الابتسامة السَمِجة التي يُكمل بها دوره السخيف فأما أن تقتنع وأما أن تغلق الباب في وجهه.

دكتور إبراهيم يستخدم نفس الاستراتيجية دون اللجوء إلى التراقص ليظهر محاسن رنا فيخبره أنها فتاة جميلة جذابة وأي شاب يتمنى الزواج منها فكيف لا ترى أنها من أجمل أجمل ما رأيت أنا في حياتي، إنها رنا ماهرة المستشفى التي كان يجب عليها أن تترك عملها هنا وتذهب للعمل في مستشفى الأمراض النفسية فحينما يراها المريض سينسى مرضه ولا يتذكر إلا هذا الوجه الصبوح الجميل، يحاول دكتور إبراهيم أن يبدد تلك الصورة السيئة التي يضعها عصمت في رأسه والنظرة الخاطئة التي يرى بها كافة نساء العالم، لم يتوقف دكتور إبراهيم عند هذا الحد بل أضاف له أيضًا أنها تحبه وتعشقه وأنها على أتم استعداد لتضحي بنفسها وبعمرها لو أصابه مكروه مثلما فعلت كيلوبترا من أجل أنطونيوليخبره في النهاية أنه سيكون في غاية الغباء إن لم يظفر بها ولكن لا حياة لمن تنادي، عصمت سيبقى عصمت مهما حاول إقناعه، لم يتغير رأيه ولا فكرته عن رنا وعن كافة النساء حتى ولو سنتيمترا واحد بل زاد عنادًا وتمسكًا برأيه وشعر أنه على صواب، استقبل وابل الكلمات التي ألقاها دكتور إبراهيم محاولًا فيها إقناعه بهزة رأس خفيفة وكأنه يُردد كلمة "لا حول ولا قوة إلا بالله".

- دكتور إبراهيم، حضرتك مقتنع بالكلام الهزلي والفارغ الذي أنت عمال تقولونه من الصباح ده.

- أفندم!!!!

- أصل بصراحة أول مرة أشوف بجاحه بالشكل ده، دي إنسانة مش متربية ولا عمرها عرفت يعني إيه تربية ويعني إيه دين، وواضح كمان إنها عايشة كدة من غير لا دم ولا كرامة، بس ده في الأول أو الآخر شيء يخصها إنما أنا اللي يخصني إن الموضوع ده مرفوض تمامًا ورنا دي لازم تتعاقب على الكلام الغير مسئول اللي خرج منها ده، دا غير طبعًا إن منظومة الزواج دي منظومة أثبتت فشلها بشكل متفشى جدًا، كل البنات والستات خونه، كلهم خونة إلا طبعًا من رحم ربي، كل القضايا اللي في محاكم الأسرة سببها البنات والستات، الكائن ده لازم يتباد من على وجه الأرض، ما بالك بقي لما يكون الكائن ده رنا!!!

- دكتور عصمت، ياريت تتحفظ شوية على ألفاظك وتتكلم عن البنات اللي مش موجوده بشكل أحسن من كدة.

- أولاً كويس أوى إنى إتكلمت عليها بالشكل المهذب ده، رنا دى جريئة جداً ومش بتحط حدود فى حجم العلاقة اللى ما بينها وبين أى حد بتتعامل معاه فبالتالى بيطلع فيها ثانياً علمونا زمان أن أى بنت بتيجى تعترف إنها بتحب فلان تبقى بنت مش محترمة وبجحة.

نهض واقفاً لينهى الحديث.

- الحوار إنتهى يا دكتور وياريت تبلغ رنا هانم اللى مش متريية إنها نتلم شوية بدل ما ألمها أنا وأربها وأعلمها يعنى إيه اختلاط ودين.

انصرف وسط حالة من الذهول الشديدة التى تجتاح ملامح الدكتور إبراهيم.

\*\*\*

رئيس المباحث يستمع إلى دكتور إبراهيم بتركيز شديد، فى يده لفافة تبغ مشتعلة سَهَا عنها حتى كادت النيران أن تحرق أصابعه بعدما ابتلعت اللفافة بأكملها، أطفالها وهو يبتسم ابتسامات صفراء لا تخلو من السخرية.

- وطبعاً روحت قولت لرنا الكلمتين دول فما عجبهاش الكلام وقررت إنها تعمل حاجة تنتقم بها وتخرج الشحنة اللى إنت شحنتها بيها وترد على الرد المستفز ده، مش كدة برضو يا دكترة.

- تمام يا فندم، حضرتك توقعت اللى حصل بالظبط.

- لا دا مش توقع يا دكترة، الفكرة كلها إنى بحب أتفرج على روتانا سينما كثير جداً.

- أفندم.

- والله زى ما بقولك كده، دا حتى الفيلم اللى إنت بتحكيه ده لسه متفرج عليه أول إمبارح.

- يا باشا أنا...



قاطعه سليم بحده شديدة.

- أنا عاوزك تحكى كل اللى إنت عارفه مش تحكى اللى إنت عاوز توصله ليا بالطريقة اللى إنت عاوزها.

أسند ظهره إلى الخلف قبل أن ينظر في عيناه بشراسة ويستأنف حديثه.

- ياريت ما تلفش حبل المشنقة حوالين رقبتك أكثر من كده.

لا يوجد ما هو أصعب من أن تجد نفسك متهماً أمام ضابط بحجم سليم أبو فرحة، الخوف تملك من كل خلية من خلايا الدكتور إبراهيم، تسرب ذلك الخوف وباتت رائحته ظاهرة بالنسبة لسليم فهو ماهر جداً في استنشاق رائحة الأدرينالين، أردف بنوع من الثقة بالنفس.

- ها يا دكترة، إحكيلى بقى بقية الفيلم، أقولك إحكيلى من أول ما الدكتور عصمت جه واتهجم عليك فى مكتبك وقالك قدام كل الناس إنه هينتقم منك ومنها.

تبيس الدكتور إبراهيم بعدما هربت الدماء من عروقه، يرمق رئيس المباحث تلك النظرة التى تشعر من خلالها أنه مسخ لا يستطيع الاقتراب منه، فقط يظهر الهول على عيناه وملامحه.

\*\*\*

## قبل وقوع الجريمة بأسبوعين.

دكتور إبراهيم جالس على مكتبه وبصحبته لجنة من الأطباء المشرفين من وزارة الصحة، يتحدثون فى أمور هامة خاصة بقرارات جديدة سوف تعلن عنها وزارة الصحة فى القريب العاجل، تتناول أذنهم تلك الأصوات المرتفعة الناتجة عن الشجار الذى نشب بين دكتور عصمت وسكرتيرة المكتب التى تحاول منعه من اقتحام مكتب مدير المستشفى، ارتفع الصوت واحتد قبل أن يقتحم الدكتور عصمت المكتب، ينظر إلى د/ إبراهيم بلامح يتجسد فيها الغضب الجامح، صدره يعلو ويهبط وطاقته أنه تنسع بوحشية كالغوريلا.



- اسمع زى ما بدأت المهزلة دى تنهيا يا إمّا ودينى وما أعبد لأكون منتقم منها،  
إنت متعرفش لحد دلوقتى عصمت ممكن يعمل إيه، إنت فاهم ولا لا.

انتفض دكتور إبراهيم من مجلسه وكأن عقرب قد لدغه وراح ينهر عصمت على  
ذلك الأسلوب الغير مهذب بصوت احتد خاصةً من أجل ذلك الحدث.

- إنت أزاى تتكلم معايا بالطريقة دى، وإزاى تدخل المكتب بالشكل ده، إنت  
متحول للتحقيق يا دكتور واتفضل من هنا باحترامك بدل ما أجيبلك الأمن يرميك بره،  
إتفضل.

- ماشى يا دكتور إبراهيم بس أنا معرف إزاى أخذ حقى يا دكتور إفتكر  
الكلمة دى كويس.

ركل بقدمه إحدى الكراسى القابعة بالقرب منه فسقط الكرسي على الأرض  
وانصرف دكتور عصمت بغضب وعصبية مفرطة.

\*\*\*

سليم أبو فرحة يتأرجح على الكرسي يمينًا ويسارًا، ينظر إلى السقف بطرف  
عينه ويعقد يديه على صدره، يحك ذقنه فى برود ويتحدث إلى دكتور إبراهيم دون  
النظر إليه.

- وهو لما عصمت عمل كده وهدد بالشكل ده ما بلغتش ليه من ساعتها.

- ما توقعتش أن.....

قاطععه سليم بتكرار كلمته الأخيرة بنوع من السخرية والاستهزاء.

- ما توقعتش!!!! لا برافو عليك يا دكترة، رؤية مدير فعلاً.

- هو سعادتك ليه بتكلمنى كده.



- معلى يا دكترة استحملنى شوية أصل أنا غتت, أغتت ظابط ممكن تقابله فى حياتك, حظك بقى.

- طب ممكن اسأل سؤال؟؟

- يا سلام بس كدة, إسأل يا دكترة.

- هولىه أيمن باشا السلحدار مش هو اللى بيعقق فى الموضوع ده, مش هو برضو رئيس مباحث قسم المدينة؟؟

ابتسم سليم مستهزئاً وهو ينظف أظافره, صمت للحظات تعاظمت فيها الأنا الغليا المتعاظمة فى الأساس بداخله, أصفر وجهه قليلاً ثم أجابه وهو يضغط على أعصابه مُحاولاً ألا تظهر عليه آثار الضيق أو الاختناق من كلماته المستفزة.

- أنا هجاوبك رافة بيك لأن واضح إنك مش نايم فى المستشفى بس لا إنت نايم على نفسك فى كل حاجة, أيمن باشا السلحدار إنتقل من قسم 15 مايو لقسم الخليفة وأنا جيت مكانه من هناك, ودى أول قضية ليا, بقول لسه يا هادى, كده أنا إديتك معلومات من قلب الداخلية نفسها ومن منطلق بقى أن مفيش حاجة ببلاش أنا هكتب فى التحقيق إنك أصريت وبشدة على وجود أيمن باشا السلحدار, هو يعنى كان انتقل من شوية, واضح إنك كنت بتعزّه أوى يا دكترة.

ابتسم له باستفزاز ثم أردف.

- قولى بقى سَعده حاول يتعرضلها تانى؟؟

- سَعده مين؟؟

- سَعده, سعيد الهوا, دكتور سعيد يا مدير.

- أه, كثير, هو حاول يضايقها كذا مرة وبعدين عرض عليها الجواز, طبعاً هى رفضت, هدهدها بالقتل لما حكيت للمستشفى كلها وفضلوا يتريقوا عليه فى الراححة والجاية.

- وطبعًا إنت عرفت كل ده لإنك الصدر الحنين بتاعها.
- باشا بعد إذتك كلمنى بأسلوب أحسن من كده، أنا مهما كان مدير مستشفى، وخلقى بال سعادتك إنت بتتعامل مع شامد مش مع متهم.
- قالها د/إبراهيم بصبر بدأ ينفذ وبِعصبية تَنُمُ عن عدم تحملهُ للضغط أكثر من ذلك، تبعثرت ملامح سليم مستهزأ ومدعيًا الخوف والارتجاف مِن رد فعل مدير المستشفى.
- روق بس يا دكترة وما تأفورش عليها كده.
- إسمى الدكتور إبراهيم، ولو سمحت مش عاوز أسمع كلمة دكترة دى تانى.
- قالها بانفعال شديد والشرر يتطاير من عينه، ما كان من سليم إلا أن بَسَطَ يده وطلب يهدوء شديد هاتفه الخلوى، هدا دكتور إبراهيم قليلًا وتَسائل فى تعجب ودهشة شديدة عن سبب ذلك الطلب المباغت الغير متوقع بالمرة فى مثل ذلك الوقت!!
- مطلع رقم تليفون المجنى عليها علشان هبعت أجيب آخر مكالمات ليها من شركة المحمول.
- مش معايا الرقم.
- أشاح بوجهه بعيدًا وتحدث معه بشيء من العنف دون النظر إليه.
- هنده أى حد ملوش لزمة شغال فى المستشفى هاخد منه الرقم ومكتبه على موبيلك وهلاقيه معاك ومسجله هلبسك قضية تضليل السلطات.
- مدَّ يده وأمسك بصورة د/إبراهيم مع أسرته الموجودة على سطح المكتب، وأشهرها فى وجهه.
- وحياة ولادك دول ما تخلينى أزعل منك، علشان أنا زعلى غيى أوى.

ماذا فعلت في حياتي لئيبتيلىنى الله بتلك الداهية التى تمكث أمامى الآن، ما هذا الرجل الذى لا تمر منه صغيرة ولا كبيرة إلا حللها وفسرها وتَسائل عنها، ما هذا الفطن الذى كلما وجهت له سؤالاً مبالغتاً وجدت عنده إجابة مقنعة، أنا لا أستطيع حصره فى أى شىء، معه دائماً يتقلب السحر على الساحر ويحصرنى هو بكل يسر، نعم علمت أخيراً من هو!! إنه حظى السىء الذى أتى بذلك الثعلب إلى قسم المدينة قبل وقوع ذلك الحادث الغاشم، لعنة الله على ذلك الحظ السىء الذى لم يفارقنى أبداً، هذا ما يدور فى عقل دكتور إبراهيم، نظر له سليم طويلاً ثم استنّه.

- رقم التليفون يا دكتور إبراهيم، هو إنت نمت ولا إيه؟؟

مدّ يده داخل البذلة وأخرج هاتفه الخلوى ذو الشاشة العملاقة، داعبها بأصابعه التى ترتعش رغماً عنه وسط نظرات سليم المتسلطة على يديه التى ترتجف بلا هوادة والتى يدرك جيداً حجم الضغط العصبى الذى يَضَعُه فيه، نظر إلى شاشته طويلاً ثم بدأ يعطيه الرقم.

- 01187

انترّع منه سليم الهاتف على حين غفلة وهو يرمقه بملامح وجه بارده مستفزة، رفع إحدى حاجبيه باستفزاز مبالغ فيه.

- أنا هشوف الرقم بعينى، أصلى سمعى تقيل شوية.

رمى الشاشة بعدما ابتسم له باستفزاز شديد، اتسعت عيناه وابتعد حاجبيه عن بعضهما البعض وكأنهما فى خصومة وخلاف شديد، يتابعه دكتور إبراهيم بتوجس وخيفه شديدة كادت أن تقضى على حياته.

- إيه يا دكترة، مش المجنى عليها كانت ممرضه برضو واسمها رنا.

مزراسه دون أن يتكلم ثم طقطق فيه فى استفزاز.

- الله أمال مسجلها عندك دكتور السنوسى ليه.



تلعثم دكتور إبراهيم في البداية ثم حاول سريعًا استجماع قواه.

- للأسف أنا مش بعرف أتعامل مع الموبايلات الجديدة دي فحصل خلط بين رقم رنا وبين رقم صديقي الدكتور السنوسى.

يستمع إليه سليم دون أن ينظر إليه ودون أن يرفع عينه ليلاحظ كلماته ولسانه المرتعش، فقط ظل يداعب شاشته بلا هوادة بحثًا عن شيء أخريفضج كذبه.

توقف فجأة وابتسم وكأنه وجد دليل إدانه جديد.

- فعلاً يا دكترة، ثقافتك فى التليفونات الجديدة قليلة فالأمر اختلط عليك بدليل إنك باعتلها رسايل بنفس الاسم ده، دكتور السنوسى، مش بقولك إنت مصمم تزعلنى منك، أنا مش بقول أى كلام.

تعرفت جيته وساد ملامحه الوجوم الثقيل وهو يصغى إلى كلمات سليم القاسية، تعالت دقات قلبه تباغًا وهو يستوعب فكرة أن رئيس المباحث يزحزحه شيئًا فشيئًا تجاه جبل المشنقة، قطب جيته وتعالى أصوات أنفاسه وهو ينظر إلى سليم وعيناه مفتوحتان لا تطرفان، أردف سليم بنبرة صوت باردة مذيبة للأعصاب.

- المجنى عليها اتصلت بيك الساعة تسعة يعنى وقت وقوع الجريمة تقريبًا، وإنت ما ردتش عليها بس رجعت كلمتها تانى بعدها بسبع دقائق تقريبًا وهى ما ردتش، تفسرده بأيه يا دكترة؟؟ صدفه وتصادف مثلاً.

- سليم باشا، أنا ماليش دعوة بالجريمة دي، أنا ما كانش فى أى خلافات بينى وبينها.

حاول الدكتور إبراهيم أن يخلى رأس سليم من كل الأفكار التى تضعه فى خانة الجانى أو على الأقل فى خانة الشريك الذى كان همه سماع خبر وفاتها فى أسرع وقت، لكن ذلك الطراز الذى ينتمى إليه سليم أبو فرحة لا تنقشع من رأسه أى أفكار بتلك الطريقة التى يتصدرها القسم المتكرر، لن يستطيع أن تزحزح ما برأسه إلا عن طريق شيئًا ماديًا ملموسًا.

أجابه سليم بتلك اللهجة الملولة التي يجدها رجال المباحث جيدًا والتي لن تخلو أبدًا من السخرية والاستهزاء الذي اشتهر به سليم.

- أنا قولت كده يا دكترة لا سمح الله، دكترة، حتى بقى أقول يا دكترة من غير ما تفور عليها، مش يمكن يا دكترة كانت بتتصل ببيك تشتكيلك من اللى قتلها مثلاً، أو بتقولك إن فى حد بيتهجم عليها، ما تنساش إنك صدرها الحنين.

دكتور إبراهيم وصل إلى مرحلة كان بها على وشك البكاء، لا يدري ماذا يفعل وماذا يقول له ليبعد تلك التهم التي تتساقط على رأسه بلا تَمَهُّل، استكمل سليم تحقيقه.

- قولى كده مين اللى كان فى المستشفى أمبارج.

- أنا قلت لحضرتك من شوية؟

- معلش أصلى عندى زهايمر.

- يارا الممرضة والدكتور عصمت وحسن بتاع الاستعلامات أمّا الغفير كان أجازة.

قالها الدكتور إبراهيم بلهجة مرتعشة ثم تذكر شيئًا ما فأردف سريعًا.

- آه وفى واحدة بتاعت نظافة اسمها أم هانى.

- أفهم من كده بقى إن دايرة الشك بتاعتنا يا دكترة فيها خمسة، دا على أساس إنك لحد دلوقتى شاهد ملك، دكتور عصمت، دكتور سعيد، يارا، حسن، أم هانى، خمسة مش كده.

- آه، ولو الجريمة دى تمت قبل كده بأربع أيام بس كان زمانهم بقوا ستة.

- عروستى!! مش فاهم يعنى.

- لسعة.

احتدت قسّمات وجه سليم وكأنه كان لا يتوقع سماع ذلك الاسم المريب.

- مين؟؟؟؟!!!!

قالها بجدية خالية من أى استهزاء على عكس باقى حوار التحقيق منذ بدايته.

- لسعة، واحد كان بيتردد على رنا فى الفترة الأخيرة.

- إيه لسعة ده!! ملسوع يعنى؟

- معرفش يا باشا، هو كان لقبه كده.

- أيوة إيه حكاية عم لسعة ده، وكان بيتردد عليها ليه؟؟ وإنت كنت شاكك فيه ليه؟؟ وأشمعنى أربع أيام؟؟

\*\*\*

القمر ينير سماء تلك الليلة الهماء معتمة الظلام، ميكرو باص أبيض يتوقف أمام بوابة المستشفى، يهبط منه شاب له هيئة الخارجين على القانون، لا تلتقى عينك بعينه إلا ووجدت ثمة خفقان غريب يحدث لقلبك، ستشعر بعدم طمأنينة من هيئته المريبة التى لا ريب فيها، تكوينه الجسمانى يشى بتلك الحياة الإجرامية التى يعيشها ومدى الصراعات النفسية القاسية التى تحدث بداخله، ربما هى لها علاقة بماضيه وربما هى تكوين نفسى حديث لما يجده الآن فى حاضره، قصير القامة، ذو وجه وعر، عظام جمهته عالية، عيونه غائرة، أنفه شبيهة بالمنقار، لديه خط فك حاد وأسنان غير اعتيادية، نحيف لدرجة أن وجهه أقرب إلى جمجمة مُحنطة، تلك المواصفات المحددة تضعه فى خانة عالم الإجرام طبقًا إلى نظرية الرجل المجرم التى وضعها تشيزرى لومبروزو، تلك النظرية التى تعتبر حجر الأساس فى علم "الأنثروبولوجيا الجنائية"، يمتلك أيضًا شارب دقيق يبدو وكأنه رُسم بقلم ذات خط رفيع، يترجل عابراً بوابة المستشفى مرورًا بذلك الغفير الصعيدى الذى دائماً ما تجده يُصارع النوم ودائماً ما تجده يخسر خسارة فادحة فقط من اللكمة الأولى، دخل إلى المستشفى ليصطدم بـ "حسن" ذلك الشاب المصوص الذى يمتلىء جسده بالأمراض المستوطنة، ينتمى إلى ذلك الطراز الذى يعمل

في أى شيء مقابل لقمة العيش، يعمل رجل أمن ورجل استعلامات ومسئول اتصال في الفترة المسائية بالمستشفى، وربما في يوم من الأيام لو احتاجوا إلى طبيب لوجدوه يعلن لهم عن نفسه!! لا بأس فمن منا يعمل في تخصصه من الأساس!!!!، تلك هي نظريته الخاصة التي يعيش بها.

دخل "لسعة" يترنح بطريقة تُظهر آثار تلك المادة المخدرة التي ربما هو تحت تأثيرها الآن.

- مساء الجمال والانتعاش الزائد.

قالها إلى حسن الذي ظل ينظر له باشمزاز شديد للغاية.

- حضرتك عاوز تكشف، دكتور النيتش....

قدّ كلماته ثم أردف سريعًا.

- يا عم أكشف مين، إنتم مفكرين الثلاثة مترالى إنتم قاعدين فيهم دول مستشفى.

- آمال إنت عاوز إيه؟؟

- أنا عاوز رورو، رنا.

- مين!!

- رنا الممرضة يا جدع!! حد في المدينة كلها ميعرفش رنا الممرضة دي مربية أجيال.

قالها بذهول من يتحدث عن الفنانة مرفت أمين ثم اكتشف أن شخصًا ما لا يعلم من هي!!! استكمل حديثه بنفس تلك اللهجة الغربية.





- قولها إنت بس لسعة وهى هتنشكج.
- لس... إيه؟ اسمك إيه؟؟
- يييييه، دا إنت لبخة أووووى.
- صرخ بصوت عالٍ وكأنه يستنجد بها.
- رناااااا، يا رناااااا.
- يا أستاذ مينفعش كده.
- إهبط يلا وما اسمعش صوتك، إنت متعملى فيها وزير الصحة.
- استكمل صراخه بلا توقف أو انقطاع حتى ظهرت له رنا تركض بسرعة تجاهه.
- فى إيه، فى إيه؟؟؟
- عمال أندع عليكى يا رنا إنت فين؟؟
- إنت تعرفى الأشكال دى منين يا رنا.
- قالها حسن فى تحيّر شديد فأنفجر فيه " لسعة " بصوته الغليظ الذى لا يخلو من  
أثارتك المخدرات التى يتعاطاها بشكل دورى.
- مالك يا ض عامل فيها أحمد زويل ومحدث عاجبك كده، يا ض دا انت فرد  
أمن هنية ولا ليه أى لازمة أصلاً.
- صفعته على كتفه بقوة جسدت ذلك الإحساس المقيت التى تشعر به تجاهه.
- إطلع بره وإخرس، إخرس.

دفعته إلى الخارج وهي تغرق حسن بالاعتذارات المتتالية التي لا حد لها، استوقفته خارج باب المستشفى، تتحدث معه بحدة وصرامة غير مسبوقة.

- إيه الشبورة اللى إنت داخل بيها دى، اللى يشوفك كده يقول عليك القيمة.
- وليه الغلط ده يا رونى يا حبيبة قلبى ، أنا غلطان يعنى علشان بسأل عليكى!! والله عيب يا رورو الكلمات دى.

يتحدث إليها وهو يتفاعل مع كلمته بجسده الذى لم يتوقف عن التراقص، اقترب منها وحاول أن يضع يده على جسدها فانتفض قبل أن تدفعه وهي تكشف له عن أظافرها الحادة التي ستخدش بها جسده إن حاول تكرار فعلته.

- لا إنت تلم نفسك بدل ما ودينى أقطع الجزمة وأنزلها فوق دماغ أهلك، إنت تتلسع فى دماغك على أى حد إلا أنا، فاهم ولا أعيد تانى.
- شرسة، واللى خلق الخلق طول عمرك شرسة.
- لخص يا لسعة فى يومك علشان يعدى.
- ماشى ياختى هاتى الأمانة علشان أنزاح من هنا.

بوجه مبعثر الملامح مدت يدها فى جيب بذلة الممرضات التي ترتديها ثم أعطته ظرف أبيض مغلق ممتلئ عن آخره بشيء ما لا نعلم ما هو، أخذه منها ثم قبَّله وكأنه ابنه الذى وجدته بعدما كان تائهاً قبل أن يبتسم لها ابتسامة سَمِجة.

- من يد ما نعدمها يا رونى.
- بعد كده لما تيجى هنا تيجى بأدب يا أمّا ودينى وأيمانى ما هتشوف منى حاجة تانى.
- ليه يا رونى الإسلوب ده ما تخليكى مهذبة كده.

- سمعت ولا ما سمعتش.
- سمعت يا ختى وكلامك خرم طيلة ودانى.
- سمعت الرعد فى ودانك يا بعيد، يلا بقى شد من هنا يا عسلية علشان دكتور إبراهيم هنا ومش عاوزة مشاكل، مش أخذت الحاجة بتاعتك غور بقى من هنا.
- لا يستجيب لها فقط تتعلق عيناه على باب المستشفى، رنا لا تدرك سبب ذلك التيبس المفاجئ، التفتت خلفها لتجد دكتور إبراهيم مدير المستشفى يقف على الثلاث درجات التى تصل بك إلى الباب الزجاجى الخاص بمبنى المستشفى، يسترق السمع لحديثهما، تلعثمت رنا وارتبكت وكأنه اقتحم غرفتها فوجدها فى وضع فاحش، رفق "لسعة" وهو يدس يهدوء ذلك الظرف الأبيض الممتلئ التى أعطته هى إياه فى جيب بنطاله الخلفى.
- فى إيه يا رنا، إيه اللى بيحصل هنا؟؟
- دا عبد الرحمن ابن خالتى كان جاى ياخذ منى حاجة كده وخلاص خدها.
- قالتها بارتباك شديد أثار الشك والريبة فى قلب دكتور إبراهيم، أردفت بعجالة شديدة.
- يلا يا عبد الرحمن إمشى إنت علشان تلحق شغلك.
- انصرف "لسعة" دون أن ينطق بكلمة واحدة، صعد إلى سيارته "الميكروباس" لكن قبل أن ينطلق بها كَحَ الدكتور إبراهيم شاب أخري يجلس فى المقعد المجاور له، لم يستطيع تحديد ملامحه بسبب الإضاءة الخافتة والسرعة التى انطلق بها هو بالسيارة ولكنه كَوَّن صورة ذهنية بسيطة عن هيكله وإطاره الخارجى.
- كان عاوز إيه ده يا رنا؟؟
- دا ابن خالتى وكان عاوز الشهيرة اللى تساعد بيها خالتى.

- شهرية!!!!

- أه أصل خالتي دى مريضة وقاطعة رجلها بعيد عنك وجوزها كمان متوفى وعندها عيال كثير فأنا بساعدها بمبلغ كده صغير من باب الثواب يعنى.

- ماشى يا رنا، إنت حرة فى تصرفاتك وفى فلوسك بس الأشكال دى مش عاوز أشوفها تانى هنا ممكن.

- دا ابن خالتي يا دكتور.

- رنا حسن قاللى على الطريقة الزفت اللى دخل بيها هنا، مش عاوز أشوف الأشكال دى تانى يا رنا.

- حاضر.

\*\*\*

بعد تلك الواقعة بشهور و  
قبل الحادث بأسبوع.

أمام باب غرفة الممرضات، دكتور إبراهيم يترجل داخل المستشفى، يتفقد كل صغيرة وكبيرة بنفسه كعادته منذ أن تولى زمام أمور القيادة، يقترب دون عمد من باب الغرفة مُحكم الغلق، يستمع إلى صوت شجار نشب بين رنا وشخص ما لا نعلم من هو، لا يستطيع أن يتوقع لأى شخص ذلك الصوت الأجش الغير مميز، يقترب من الغرفة أكثر، يمد رأسه ويضع أذنه على باب الغرفة وكأنه دكتور باطنة يضع أذنه على صدر مريض.

- إشتري نفسك يا رنا وقوليلي هما فين، أنا أمى بتموت فاهمة يعنى إيه أمى بتموت، وإنتِ مش هتبقى أغلى عندى منها.

قالها ذلك الشاب فأجابته رنا بكل حدة.



- تموت ولا تعيش وأنا مالى، أنا أساسًا مليش صله بهم، ناس وكنت أعرفهم عن طريقك وخلاص بج، كل حى راح لحاله، ومن النهاردة بقى مش عاوزة يبقى ليه صله بيك إنت كمان.

- يا رنا ما تركبش دماغك واللى خلق الخلق هضرك، أنا لحد دلوقتى مش عاوز أذيكى يا بنت الحلال أنا أمى بتموت ولازم اتصرف، واللى خلق الخلق لازم اتصرف.

- يابنى وأنا مال ، روح اتصرف بعيد عنى.

- ماشى يا رنا، بس إنت كده جبتيه لروحك واللى خلق الخلق جبتيه لروحك بقى.

يستمع إلى صوت صراخ مكتوم وتشابك بالأيدى، يفتح الباب على مصراعية بقوة فيجد أمامه " لسعة " يمسك رنا من شعرها بعنف زائد، يلف ذراعه حول رقبتها ويعتصرها بقوة، يكتم فيها بقبضة يده المتكتلة على فيها، ملامح وجهه لا تنم أبدًا عن خير، الشرر يتطاير من عينه بجنون، ينتفض حينما فتح الباب ووجد أن دكتور إبراهيم يقف أمامه منتصب، جامد الملامح، تتراخى ملامحه ويتركها شيئًا فشيئًا، ينظر إلى دكتور إبراهيم طويلًا قبل أن ينفجر فيه.

- إطلع بره يا حيوان يا همجى، أنا لولا إنك قريبها أنا كنت بلغت الشرطة حالًا وسجنتك .

ينظر لها والشر يخرج من عينه، يتوعد لها عن طريق تلك النظرات النارية، يتركها ويتجه ناحية الباب، دكتور إبراهيم يقبض على ملابسه بقوة، يستوقفه، يحدثه بعنف دون أن ينظر إليه.

- لولمحتك بس عديت من قدام باب المستشفى أنا هوديك فى ستين داهية، إنت سامع ولا لا.

يدفعه إلى الخارج وسط نظرات الغيظ التى يسدها إلى رنا.

- ماشى، بس إبقى افكرها يا بنت خالتى.

صرخ فيه إبراهيم " برررة "، فخرج وهو يُتمتم بكلام غير مفهوم، التفت إليها، تحدث معها بضجرو وقسوة.

- أنا مش مسألك هو إيه اللي خلاه يعمل فيكى كده لأن ده شىء ما يخصنيش، إنما أنا اللي يخصنى سبق وقولته قبل كده، مش عاوز أشوف الأشكال دي هنا وشفتها، عندك خصم يومين والمرة الجاية هيبقى فى تحقيق ووقف عن العمل.

أماءت برأسها وفي عينها لا يظهر أى انكسار بل هى ملامح توحى بالانتقام الجامح الآتى بلا ريب أو شك.

\*\*\*

حينما بدأ الضوء ينسحب تدريجياً ليحل مكانه الليل والظلام كان دكتور إبراهيم يجلس على مكتبه يلوم نفسه على ما فعله، لماذا عاقب رنا وهى لم تدعوه أو تطلب منه أن يأتى إليها فى مكان عملها، ربما هى مرغمة على مقابلته لأن هذا الصنف من البشر أمثال ابن خالتها لا يعرف عن الذوق أو الاحترام أى شىء، ظل دكتور إبراهيم يُحاور نفسه حتى وصل فى نهاية الأمر أنه قد أخطأ حينما عاقبها هى، لابد أن يقف بجانبها فربما هى فى محنة حقيقية وتريد من يساندها وليس لمن يعاقبها، أحس أنه فى حاجة ماسة إلى استنشاق هواء نقى لعله يساعده على التفكير والتركيز، نهض من على مكتبه واتجه إلى تلك النافذة التى تطل على بوابة المستشفى، أزاح الستار وقبل أن تمتد يده على النافذة لاحظ أن رنا تركب سيارة غريبة بجوار شخص ما، لم يتمكن هو من رؤية وجهه، فقط وقعت عيناه على جزء من ذراعه الذى يخرج من نافذة السيارة، بعدها خرجت رنا مهزولة، إقتعدت السيارة ثم انطلقت بها فى أسرع ما يكون.

ما حدث أمامه أثار دهشته بشكل كبير وجعله يشعر أن هناك أمراً ما غير طبيعى يحدث مع رنا.

\*\*\*

حاول دكتور إبراهيم أن يقص كل الأحداث الماضية بطريقة مفعمة بالغموض والإثارة فيستعير فيها تركيز سليم، ربما لتغيير وجهة نظره وابتعد هو عن دائرة الشك

التي يعلم جيدًا أن اسمه قد خُفِرَ فيها، سليم يستمع له بإمعان شديد وهو يُحرك القداحة الخاصة به بين أصابعه برتابة.

- قتلتي الواد ده إسمه إيه.
- لسعة.
- لا أنا عاوز الحقيقى.
- عبد الرحمن.
- عبد الرحمن إيه.
- لا ما أعرفش.
- ما تعرفش آاه، ماشى، عمومًا أنا هعرف بطريقتى ولو إن يعنى الكلام اللى إنت بتهرى فيه ده مش واقعى.
- يا باشا، رنا عمرها ما كذبت عليا فى حاجة.
- جرى إيه يا هيمما ما تفوق شوية من الأوهام اللى إنت عايش فيها دى، هو فى مرتب ممرضة فى مستشفى حكومى بيكفها علشان تساعد بيه حد، ولو فرضنا يعنى إن الكلام ده صح، إزاي إنت سمعته بودنك وهو بيقولها أمى بتموت يارنا وهى بتقوله وأنا مالى ومال أمك، منين بتساعدنها ومنين مالهاش دعوة بها!!
- أغمض دكتور إبراهيم عَيْنَيْهِ ونظر إلى الأرض، لا يجد ما يقوله بعدما أفحَمَهُ سليم بالمنطق والحُجة، عين سليم تلمع بهريق ملحوظ وهو يمارس الضغط العصبى على دكتور إبراهيم طيلة الوقت، استأنف العبث بتلك القداحة بين أصابعه وهو ينتظر ردًا مقنعًا من دكتور إبراهيم الذى بدأ يُغرقه العرق وكأنه على شفا الدخول فى نوبة قلبية قاتلة.
- دكتور إبراهيم.

قالها سليم مفاجأة فارتعد.

- كنت قولتلى إنك مدير المستشفى مش كده؟

اللعنة على هذا الأسلوب الهادئ الشرس فى الوقت نفسه، كل هذا الضغط العصبى والتملُّك ونحن فقط فى مجرد استجواب بسيط، ماذا سيحدث عندما تُبحر السفينة إلى تحقيق رسمى فى قسم الشرطة.

- أنا الصراحة ما أعرفش إيه هى اختصاصات مدير المستشفى، بس أعتقد إنها كبيرة، على الأقل أكبر من اللى إنت بتحكيه ده يا دكترة، حاسس كده إن كل حياتك فى المستشفى لربنا وبس، زعقتلها الصبح فضميرك شكشكك المغربية والمفروض ما تعملش كده، المفروض ما تعاقبهاش المفروض تقف جنبها، جرى إيه يا عم عمرو دياب دى لو مراتك مش هتعمل كده.

- يا باشا لو سمحت كفاية تجريح لحد هنا.

- وانت يا هياما كفاية اشتغالات لحد هنا.

- يا باشا حتى لو كان كلامى عن لسعة ده إشتغالات فمش هتفرق لأنه إتوفى قبل الجريمة بخمس أيام بالظبط، بس حصلت حاجة غريبة قبل الوفاة بتاعته بيوم واحد بس.

\*\*\*

أقدام دكتور إبراهيم تتابع الخطى مُصدرة ذلك الصوت الرتيب حتى وصل إلى باب كبير مكون من دلفتين إحداها مفتوحة على استحياء، عُلِقَ على بابها من الأعلى لافتة كُتب عليها "الرعاية"، تتكون من أربعة أسِرَّة، يفصل بين كل سرير والأخر ستارة خضراء، "لسعة" نائم على سرير فاقد الوعي تمامًا، على وجهه وجسده آثار كدمات تخبر كل من تقع عيناه عليها بأنه تم سحله على الأسفلت لفترة طويلة، يخرج من فمه ومن جسده أسلاك لا حصر لها توحى إليك وكأنها تجربة معقدة لإعادة الحياة إلى أحد الموتى، بجواره تجلس رنا، صوت أقدام دكتور إبراهيم دفعها لتتجنب على السرير فجأة وكأن هناك قنبلة سوف تنفجر داخل الغرفة، رَمَقَها دكتور إبراهيم سريعًا وهى تتجنب



على سرير المريض، لم يأخذ الموضوع في اعتباره، ربما هي تبكى على ما وصل له ابن خالتها، اقترب منها ببطء، وضع يده على ظهرها يهدوء فانتفضت وكأن عقرب سام لدغها.

- إيه يا رنا بتعملى إيه هنا.

- قاعدة جنب ابن خالتي.

حرّكت قدمها بشكل غير طبيعي تجاه السرير، دكتور إبراهيم شعر بحركة قدمها ولكنه لم يأخذها في الاعتبار، اعتبرها حركة لا شعورية ناتجة عن التوتر الشديد.

- هو إيه اللي حصل؟؟

- عربية خبطته وهو بيعدى الشارع.

- هنا في المدينة!!! أنا عمري ما شفت حد هنا ماشى بسرعة.

- أهو نصيبه بقى، رنا يستر يا دكتور إبراهيم الحالة بتاعته وحشة أوى.

- ما تقلقيش يا رنا أنا هتابع حالته بنفسى ولو إنه يعنى ما يستاهلش بس مهما كان دى وظيفتى.

- رنا يخليك يا دكتور إبراهيم.

- هو إنت نبطشية النهاردة؟؟

- لا.

- طب إيه اللي مقعدك هنا، قومى يلا أنا هروّجك.

- يعنى معقول هروح وهسيبه مش كفاية خالتي قاطعة رجلها ومش هتعرف تيجى.

- وقعدتك جنبه مش هتعمله حاجة، قومى يا رنا ومن الصبح بدرى خليكى جنبه وراعيه.

تستجيب هي إلى كلامه الرصين الذى لا غبار عليه، شرعت بالنهوض ودكتور إبراهيم يمسك يدها في محاولة منه لإنهاضها واستعادت توازنها، وقعت مقلتيه على تلك الشاشة التلفزيونية التي تُظهر رسم القلب الدائم لمريض الرعاية وتُظهر أيضاً ضغط دمه بصفة مستمرة، الشاشة لا يظهر عليها أى شيء وكأن هذا المريض قد توفي.

- هو المونيتور مش شغال.

- يا دكتور ما حضرتك عارف معظم الحاجات هنا في الرعاية مش شغالة.

- ماشى هبقى اتصل بشركة الصيانة بكره تيجى تشوفه.

خرجوا سوياً من الرعاية، فجأة وقبل أن يبتعدوا بعيداً عن الغرفة تذكرت رنا هاتفها الخلوى، استأذنت من الدكتور إبراهيم وعادت مرة أخرى ولكن حدث شيء غريب لم يستطيع هو تفسيره، أثناء عودتها وقبل الدخول إلى غرفة الرعاية، استمع إلى أنين هاتفها الخلوى القابع في جيبيها!!!! إذا هي لم تسهو عنه ورغم ذلك أسرع من خطواتها ودخلت بسرعة إلى الرعاية!!!

دكتور إبراهيم ينظر لها بدهشة، يفكر في الأمر، لماذا إدّعت بأنها سهت عن الهاتف.

خرجت بعد عشر دقائق كاملة فوجدت الدكتور إبراهيم في انتظارها، استفسر منها عن ما حدث، وكيف عادت إلى الداخل لتأتي بهاتفها وهو قد استمع إلى أنينه قبل أن تصل هي إلى الداخل، أجابته بسرعة وتلقائية عالية.

- أنا كنت راجعة أجيب موبايل عبد الرحمن بدل ما حد ياخده من الممرضات.

\*\*\*

سليم يستمع إلى حديث دكتور إبراهيم بتركيز طالب داخل لجنة امتحان فيزياء، سألته بلهجة جامدة تُظهر مدى قوة شخصيته البوليسية.

- هو المريض توفى إزاي؟؟
- هبوط حاد في الدورة الدموية.
- وماله، عمومًا أنا هأمر بتشرح جثة المتوفى ومعرف سبب الوفاة الحقيقي مش اللى منقوش على ورق المستشفى.
- طبعًا يا فندم حقك، بس ممكن أعرف ليه؟؟
- ما شكيتش لحظة إنها تكون هي اللى قتلته.
- لأ طبعًا.
- ليه؟؟
- صمت قليلًا ثم يهدوء قال له.
- ابن خالتها برضو، مهما وصلت بينهم الخلافات مش ممكن تفكر في حاجة زي دي ثم إنها هتقتله إزاي؟؟
- ما دخلتش وراها ليه لما تليفونها رن؟
- قولت يمكن كانت مستنية تليفون ومش عاوزة تعرفني ولا عاوزاني أسمع، أصل أنا مديرها مش أبوها.
- انحنى سليم ثم أزاح ياقة القميص عن رقبته وتحدث إلى دكتور إبراهيم بسخريه.
- بص كده يا دكترة، شايف الختم اللى على قفايا ده، شايفه.
- استعاد هيبتة ثم تحدث معه بلهجة رسمية متعالية.

- دكتور إبراهيم، أنا بوجهك تهمة قتل المجنى عليها أو على الأقل التورط في قتلها، أمّا بقى بالنسبة للرواية اللى إنت عمال تهري فيها من أول ما قعدنا دى فدا كلام فارغ، إنت مفكر إنك بالطريقة دى تقدر تتوهنى يا بتاع دكتور السنوسى.

- أنا ما قتلتش حد.

- بعد الاستجواب ما يخلص حضرتك هتشرقنا فى القسم شوية علشان نعرف موضوع إن المجنى عليها اتصلت بيك وقت وقوع الجريمة بالضبط، الموبايل بتاعك ده هيفضل حرز معايا لحين الإنتهاء من التحقيق.

- بس يا فندم أنا.....

صوت طرق على الباب قطع حديث الدكتور إبراهيم، رئيس المباحث باهتمام " إتفضل " فتَح الباب ببطء ليظهر أمامه شخص منحول ذو عظام وجه بارزة ، نظر له سليم بإمعان، نَقَّب فى تلك المواصفات التى ذكرها له دكتور إبراهيم فأدرك أنه دكتور عصمت، إذا كان هو بالفعل فدكتور إبراهيم لم يُبالغ فى وصفه له، ابتسم ابتسامة بدت كأخدود يرتسم على وجه قاسى.

- دكتور عصمت مش كده.

أوما برأسه، بجواره كان يقف الأمين راضى.

- راضى.

- أيوة يا أفندم.

- مع دكتور إبراهيم، إتحفظ عليه فى مكان أمين لحين الإنتهاء من الإستجواب، ممنوع إنه يتكلم مع أى حد مهما كان ولو خالف الأوامر بلغنى.

ثار دكتور إبراهيم.

- ليه كل ده!!!! أنا مش متهم، أنا شاهد.



- يلا يا دكتور لو سمحت وما تضيعش وقت المباحث، إتفضل مع الأمين راضى.

نهض دكتور إبراهيم بصحبة الأمين راضى، ترجل تجاه الباب وسط نظرات عصمت القاسية، عيناه الجاحظة من وجهه الذى ينمُّ على أنه لم ينل تغذية حقيقية منذ ولادته تتبع دكتور إبراهيم أينما ذهب كما تتبع زهرة الشمس القرص الأصفر، ظل يتأمله حتى بات يبعد عنه خطوة واحدة، رفق كل منهما الآخر بعين شاخصة توحى بأنهم عدوين لدودين على وشك أن يقتتلا، تدخل سليم لفض هذا النزاع البصرى بكياسة بعدما تأكد من الأمر.

- راضى ... مع الدكتورة.

- تمام يا فندم، يلا لو سمحت وما تجيبليش الكلام.

انصرف معه الدكتور إبراهيم بهدوء واستسلام تام وكأنه تحت تأثير التنويم المغناطيسى، دكتور إبراهيم لم يبالغ كثيرًا في وصفه للدكتور عصمت الذى يبدو عليه النحول الشديد والعصبية المفرطة، رأسه غير ثابتة، تهتز بلا هوادة وهو ينظر إلى سليم بعينين بارزتين على وجه شاحب قليل اللحم، بالفعل وجهه يعكس مدى الصراعات النفسية التى تحدث داخله، ينظر له سليم بثبات وهو يدرك جيدًا من أين سوف يبدأ.

- إتفضل يا دكتور عصمت واقف ليه؟؟

شرع عصمت فى الجلوس فأردف سليم ساخرًا.

- إتفضل يا روميو.

انتفض من مكانه وهبَّ واقفًا وكأن عقرب كان فى انتظاره على الكرسي، تحدث بعصبية مفرطة.

- لو سمحت أنا مش هبدأ التحقيق بالشكل المستفز ده، أنا بنى آدم نظيف ومحترم، وكل الوساخة اللى حالك عليها إبراهيم الحرامى ده كذب فى كذب، إبراهيم ده ضلالى أصلاً ونجس، أنا مش عاوز أغتائبه أكثر من كده.

تجهّم سليم وبدأ يكشف النقاب عن ذلك الوجه السيء الذي يحاول إخفائه قدر المستطاع، برزت عروق جبهته في حين أن قُطر رقبته بدأ يتعاظم وهو يزفر آخر دخان لفافة التبغ، احتدّ صوته وبدأ أغلظ مما كان عليه.

- صوتك لو على تانى أنا هوديك في ستين داهية، أقعد على الكرسي واتكلم باحترامك، إنت بتتكلم مع رئيس مباحث إنت فاهم ولا لأ.

كلمات سليم الحادة جعلته أكثر هدوءًا لكنه في الوقت نفسه ظل محتفظًا بذلك الوجه الممتقع، جلس على الكرسي في حين أن سليم دفن لفافة التبغ في تلك القطعة الزجاجية التي يطلقون عليها " طقطوقة " .

بهدوء بدأ الدكتور عصمت الدخول إلى الحديث مرة أخرى.

- طبعًا هو قالك إني أنا إتهجمت عليه في مكتبه وهددته هو وورنا الله يرحمها، بس هو حكى لحضرتك الموضوع من آخره، طبعًا مش هيقول لسعادتك إن رنا دى تقريبًا كانت بتحاول تعمل معايا تصرفات وحاجات أنا أخجل إني أقولها، إبراهيم لعب بالورق وحكى لحضرتك الحدوتة من آخرها مش من أولها، لأنه راجل وسخ، أوسخ من الوساخة نفسها، بتاع حريم وستات والكل عارف إنه راجل نجس، بس اللي الناس ما تعرفهوش بقى إنه حرامى.

- حرامى!!!

- أيوة حرامى.

- في دليل ضده.

- في دليل بس مش بالظبط.

- يعنى إيه بقى، فوزرة دى؟؟

- ممكن تدينى فرصة أحكى لسعادتك.

نظر سليم في ساعة يده.

- بس إختصر وحياة أبوك علشان عاوزين نطلع على القسم.

## ( الفصل الخامس )

دكتور إبراهيم يجلس على كرسیه الوثیر خلف مكتبه, يستند بساعديه على سطح المكتب, يتابع من خلف عويناته الكبيرة تلك السطور المنمقة المكتوبة بعناية شديدة على برنامج الورد, يتطلع إلى تلك الأوراق بتركيز شديد فربما هی أوراق تخص شيئاً ما هام خاص بالمستشفى.

فُتِحَ الباب فجأة وظهر دكتور عصمت كالنمر الغاضب, یزأربلا صوت فقط عيناه البارزة من وجهه النحيل كانتا تشعان نازاً, دخل بخطوات بدا فيها كوحش مجنون لا یهدأ ولا یريد أن یهدأ, دكتور إبراهيم يتابعه بعيناه دون أن ينطق بكلمة واحدة, سألته بحدة وهو یجُرُّ على أسنانه.

- أنا عاوز أعرف إسمی إتشال لیه من لجنة الفحص الفنى بتاعة المستلزمات الطبية اللى جاية.

نظر له دكتور إبراهيم طويلاً قبل أن تتكور شفاته على جانب فيه الأيمن فى ابتسامة باردة لا رأس لها ولا ذيل, تلك الابتسامة الباردة أثارت استفزاز الدكتور عصمت وجعلته يستكمل حديثه بأسلوب أعنف وأشد قسوة.

- أنا سألت سؤال وعاوز عليه إجابة.

خلع نظارته يهدوء وألقاها على سطح المكتب, أسند ظهره على الكرسي قبل أن يداعب شفتيه بأصابعه.

- مش هجاوب عليك إلا لما تهدا وتقع.

- مش هقع ومش ههدا.

- وأنا حر، أختار اللى يعجبني وأحطه فى اللجنة، إنت مش هتحاسبنى، أنا هنا المدير وإنت مجرد موظف تحت أيدى يعنى تسمع كلامى، مش عاجبك روح اشتكىنى فى الوزارة.

- إنت بتقولى كده علشان عارف كويس إن الوزارة مش بتسمع غير كلام المديرين وبس.

- خلاص سيب المستشفى وامشى، قاعد فيها ليه؟؟

- ماشى يا دكتور إبراهيم إنت اللى إختارت، أنا هشتكىك بس مش علشان شيلت إسمى لأ علشان حرامى.

انتفض دكتور إبراهيم من على مكتبه.

- إخرس يا حيوان وإطلع بره إنت متحول للتحقيق.

- طالع يا حرامى وعلى فكرة أنا عرفت إن الشركة اللى وُزِدَت الحاجة للمستشفى دى بتاعتك من الباطن وأنا مش هسكت، سامعنى مش هسكت.

خرج عصمت مندفعًا فاصطدم بالسكرتيرة التى كانت فى دورة المياه وعادت مسرعة حينما ارتفع الصوت داخل المكتب.

\*\*\*

سليم يستمع إلى تلك القصة التى يرويها د/عصمت وعلامة تعجب كبيرة تظهر فوق رأسه، استكمل عصمت كلامه.

- دكتور إبراهيم كان صاحب الشركة دى من الباطن وطبعًا محدش كان عارف بس أنا قدرت أوصل للمعلومة دى بعد عذاب، فضلت أراقبه فى كل حنة حتى هنا فى المستشفى لحد ما عرفت المعلومة دى، الشركة دى مش أول مرة تورد حاجات وتطلع تعبانة، البيه كان بيعمل شركات وهمية وبيخلى ناس تدخل قدام شركته



المناقصات بأسعار مرتفعة علشان الموضوع يرسى عليه هو في الآخر، الشركة دي كانت بتورد للمستشفى مستلزمات كتير إحنا مش محتاجنها تقريبًا بضعف ثمنها.

- يعني الخلاف ما بينكم ما كانش على أن المجنى عليها طالبت الارتباط بيك.
- هو قال لسعادتك كده، كداب والله العظيم كداب، عمر الحوار ده ما حصل ولا اتفتح بيننا.

- طيب لما أنت دخلت عليه المكتب كان لوحدة ولا كان معاه حد؟؟

- كان لوحده .

- يعني مكنش معاه ناس من الوزارة؟؟

- هو قال لسعادتك كدة ، والله ما حصل بس دكتور إبراهيم يعرف ناس في الوزارة وسهل أوي يخلهم يشهدوا أنهم كانوا قاعدين .

نظر له سليم طويلاً .

- طب والسكرتيرة اللي منعتك من الدخول ، أزاى أنت بتقول اتصدمت فيها وأنت خارج؟؟

- وأنا داخل مكنش في سكرتيرة قاعدة أصلاً بس سهل أوي دكتور إبراهيم يخلها تشهد بأي حاجة .

- وبعدين بقى معاكم إنتم الإثنين، إنتم هتحدفوني ما بينكم ولا إيه؟؟

- يا باشا دكتور إبراهيم ده مش سهل، دا ثعبان مليون سم قاتل، مالوش لا مسكة ولا ملكة.

- طب واحدة واحدة كده يا عم الطاهر, إنت معاك دليل على إن الشركة دى بتاعته من الباطن؟؟
- للأسف لا.
- يبقى كلامك كله مالوش لزمة.
- بس حقيقة.
- إثبت.
- مثبت لسعادتك, بعدما لقيت رنا زى ما يكون مزقوقة عليه, طلبت نقلها لقسم الباطنة وطبعًا الطلب إتوافق عليه هوا, من ساعتها وهى بتعمل معايا حاجات غريبة ومتعمدة, زى ما تكون كده كانت عاوزة تجيب رجلى لحاجة أستغفر الله العظيم, طبعًا دى تصرفات مش عشوائية, دكتور إبراهيم هو اللى أكيد طلب منها تعمل كده, كان عاوز يثبت عليًا حاجة علشان أبطل تخريب وراه.
- هى منقولة معاك فى القسم بقالها أد إيه؟
- 3 شهور, على فكرة رنا حبيبة دكتور إبراهيم أوى, العصفورة بتاعته اللى محدش يقدر بيعى جنبها فى المستشفى كلها.
- بس كل اللى إنت قولته ده مش دليل ومحدش هياخد بيه, إحنا عايشين فى دولة قانون وورق, وواضح أن دكتور إبراهيم ده ذكى جدًا وعارف إزاي يرتب ورقه حلو أوى.
- للأسف يا باشا إحنا بقينا نستخدم قواعد غريبة فى حياتنا ما أنزل الله بها من سلطان, حالة زى بتاعة دكتور إبراهيم دى هيقولك كذب مرتب ولا صدق منعكش,

بقينا نصدق الكذب لمجرد إن صاحبه محترف ونسينا إن الكذب أصلاً شيء مكروه ومنهى عنه تماماً.

- طيب عمومًا كل اللي إتحدى ده ما يخصنيش دا يخص المباحث الإدارية، أنا اللي يخصني الجريمة، الجريمة وبس.

أخرج لفافة تبغ واشعلها.

- إنت كنت نبطشي يوم الحادثة مش كده؟؟

- آه، كالعادة دكتور إبراهيم مطلعها معايا بس المرادى واضح إنه كان حبيب يخلص مننا إحنا الإثنين.

- عاوز أعرف إيه اللي حصل بالظبط وأخر مرة شفتها كانت إمتي؟؟

\*\*\*

يوم حدوث الجريمة.

غرفة النبطشية هادئة هدوء المقابر، عقرب الساعة الكبير يزحف ببطء تجاه رقم 9 لتعلن بعدها الساعة أنها أصبحت السابعة إلا ربع تقريبًا، دكتور عصمت يركض بسرعة قصوى هربًا من ذلك الديناصور الطائر العملاق الذي يحاول أن يلحق به موزعًا ألسنة اللهب الغاشمة الخارجة من فيه في كل مكان، ظل دكتور عصمت يركض حتى أصبح ظهره إلى الحائط، ليس هناك مجال للهرب أو للركض، الديناصور يقترب منه ببطء بعدما انكششت أجنحته وبدأ يترجل على الأرض بطريقة بدا فيها كأنها أعرج، يقترب من عصمت فتتزايد أعداد حبّات العرق على وجهه، هنا انتفض من نومه تاركًا ذلك الديناصور في حلمه الأسطوري، استفاق من نومه بسبب ذلك الحلم المزعج وبسبب درجة حرارة الغرفة المرتفعة فتلك المروحة التي لا تنتج سوى صوتًا مزعجًا لم تستطع مقاومة الرطوبة، جلس على طرف السرير وقطرات العرق تنهمر على وجهه بغزارة، ترجل إلى ذلك الحوض المتسخ دائمًا والموجود في أقصى الغرفة، غسل وجهه

ليستعيد تركيزه ونشاطه، ذهب إلى السخان الكهربى ليُعد كوبًا من الكافيين، بحث كثيرًا عن الكوب الخاص به فلم يجده، بحث داخل شنطته وفي أغراضه فلم يجده، تأفف كثيرًا وظل يلعن كل شيء أمامه، بحث مرة أخرى فكانت النتيجة مماثلة، اضطر أن يأخذ كوبًا من تلك الأكواب الموجودة في غرفة النبطشية، غسلها جيدًا بالماء، أفرغ بداخلها الكافيين ثم صبَّ عليه الماء الساخن، شعر بعدها أنه في حاجة ماسة للذهاب إلى الحمام، غطى الكوب بورقة ثم خرج من الغرفة متجهًا إلى الحمام.

كانت رنا تقف في الرواق الذى يصل غرفة النبطشية بالحمام، تحديدًا كانت تقف أمام تلك الغرفة المُخصصة للممرضات في النبطشية، تقع هذه الغرفة على بعد أمتار قليلة من غرفة الأطباء، سدد لها نظرة بطرف عينه ثم ذهب إلى الحمام، في طريقه كَحَّ بطرف عينه " أم هانى " مسئولة النظافة في الفترة المسائية تصعد السلم قريبًا هي متجهة إلى غرفة الممرضات، وصل إلى الحمام، هناك أفرغ حِمل مئانته بالكامل، كان يستمع إلى صوت المياه المُحبب وهي تترجح عنه ويتنفس الصعداء، وقف بعدها أمام صنوبر المياه وتوضأ.

عاد إلى غرفته، صلى المغرب ثم شرب كوب " النسكافيه " الذى كان قد أعدّه قبل الذهاب إلى الحمام، أمسك بكتاب وجلس على السرير يقرأ، ثم تمر دقائق حتى بدأ يشعر أن النوم يصارعه بشكل وحشى وكأنه صراع من أجل البقاء، رأسه ثقيل قد تزن طن أو أكثر، غلبه النوم وهو مُمسك بالكتاب في يده.

في الصباح بدأت أذنه تتناول أصوات صُراخ وعويل، استمع إلى صوت ربما يعرفه لكن سكرات النوم دومًا لا تخلو من الهلوسة، تحول الصُراخ والعويل إلى نقاش حاد فبدأ يتعرف على الصوت، نعم إنه صوت يارا الممرضة أو في الغالب هو، تتحدث بنبرة صوت قد عبرت حدود الجنون، هو لم يسترد كامل وعيه ولكن تناولت أذنه كلمات مثل " يعنى إنت شفته أهو، أمال بتقول ما تعرفش إزاي ، هو ده اللى شفته وأعرفه، أكثر من كده ما أعرفش، ما أعرفش " في البداية ظن دكتور عصمت أنه مجرد كابوس يُغازله في منامه مثل ذلك الكابوس الذى كان يركض فيه هربًا من الدنيا صور، فتح عينه ببطء وجلس نصف جلسة بوعى شبه مبتور لكن لم ينقطع عنه صوت الصراخ ولا الشجار



المستمر، ارتباب في الأمر، نهض سريعاً وركض تجاه الباب، حاول أن يفتحه لكنه اكتشف أنه مُحكم الغلق، بدأ يطرق على الباب وهو يُحاول فتحه بالقوة.

- في إيه؟؟ مين اللي قفل الباب بالمفتاح؟ وإيه اللي بيحصل بره؟؟

هدأ الشجار ثم استمع إلى وقع أقدام تقترب من الغرفة، شخصاً ما وضع يده على مقبض الباب يحاول فتحه فاكتشف هو الآخر أن الباب مُحكم الغلق، هنا أناه صوت حسن من الخارج.

- الباب مقفول يا دكتور بالمفتاح.

- هو في إيه بره يا حسن؟؟

- لقينا رنا مقتولة يا دكتور، لقينا رنا مقتولة.

هنا أصابته حالة من الانهيار العصبي الشديد، جُنَّ جنونة حينما استمع إلى تلك الكلمات، ظل يضرب باب الغرفة بقدميه بغضبٍ وجنون حقيقى، كان يضربه بكل ما أوتي من قوة حتى كُسِرَ الكالون، فتح الباب ووجهه مصفراً كنبات الكُرْكُم من هول ما سَمِعَ، كانت ملامحه توحى بالجنون، المكان كان ليس فيه سوى صوت بكاء ونحيب يارا التى جلست على الأرض تلمطم خدها بلا هوادة، أمّا حسن فالموقف كان يتجسد بقوة على ملامح وجهه، رأسه كانت ملفوفة بالشاش، على جبهته هناك بقعة حمراء تظهر آثارها بوحشية على الشاش الأبيض الشفاف، هيئة حسن كانت كما وصفها دكتور إبراهيم بالضبط فور وصوله إلى المستشفى، أمسك الدكتور عصمت حسن بقوة من ملبسه الخاصة التى استبدلها بدلاً من زى المستشفى، سألته بنبرة صوت جاءت من أعماق الجنون عما حدث، هنا ظهر دكتور سعيد نائب المدير فور وصوله إلى المكان، كان يلهث مُحاولاً التقاط أنفاسه فربما كان يركض بسرعة لا تتناسب مع عمره المتقدم، نظر في عين دكتور عصمت طويلاً وكأنه يتهمه هو بقتلها ثم سأل حسن هل قام أحد بإبلاغ الشرطة، نفى حسن ذلك فنهذه د/سعيد قبل أن يهرع هو ليبلغ الشرطة

بنفسه لكن استوقفه صراخ يارا الجالسة على الأرض تبكي وتردد بصوت به بحة ناتجة عن كثرة البكاء " ياريتنى ما كنت سيبتك يا رنا، ياريتنى ما كنت سيبتك "

دكتور سعيد يستمع إلى كلماتها بإمعان شديد ثم يسأل حسن.

- هو مين اللى كان نبطشى معاها؟؟

- يارا

- أمال سابتها إزاي يا حسن، بعدين دى مش لابس زى المستشفى، دا لبس خروج عادى، وإنك كمان مش لابس زى المستشفى ومتعور فى دماغك، فى إيه يا حسن حصل إيه؟؟

- دى قصة كبيرة أوى لازم أقعد أحكيها لحضرتك.

- أنتم بلغتكم دكتور إبراهيم؟؟

- لا مش معايا رصيد إلا لرقم حضرتك وبس.

- أنا هبلغه.

أخرج د/ سعيد الهاتف وأجرى اتصال بالدكتور إبراهيم ليُخبره بتلك الكارثة التى حطت على المستشفى، كانت الساعة وقتها السابعة صباحًا تقريبًا، هرع بعد ذلك إلى هاتف المستشفى ليبلغ الشرطة.

\*\*\*

سليم يستمع إلى تلك القصة الأسطورية التى يحاول بها د / عصمت أن يدفع أى اتهام يَصَبّ تجاهه، سليم لا يصدق حرفًا واحدًا مما قيل هذا ما نُخبرنا به ملامحه، فقط ظل ينظر له وعلى وجهه ترسم تلك الابتسامة الباردة، الساخرة التى لا تفارقه حينما يُدرك أن من يقف أمامه يحاول العبث بعقله، من خلال قراءته للغة جسده ربما هو يقول الحقيقة لكن ما سَمِعَه لا يمكن تصديقه!!!، حسن رأسه ملفوفة

بالشاش إذا هناك شجار قد نشب بينه وبين أى شخص، مهما كان نومه ثقيل كان سيستيقظ على أصوات الشجار، وربما هو من ضرب حسن على رأسه وادّعى أنه كان نائمًا يغط ولم يعلم ماذا حدث!!

- بعد كده رجالة المعمل الجنائى جت ترفع البصمات وتعاين مسرح الجريمة.

أجاب سليم بكل سخرية.

- إيه بقى فيلم الكرتون اللى إنت بتحكيه ده؟؟ المفروض إنى أصدق الهبل ده؟؟

إجابة سليم الغير متوقعة بالنسبة له جعلته فى حالة جمود غير طبيعى، جمود يوحى إليك أنه تحول إلى تمثال أوربما لجثة هامدة.

- ها يا عصمت، أسكت الله حسك يعنى؟؟

أجابه بصوت مرتعش بدا الخوف بارزًا بين ثناياه.

- هو ده اللى حصل والله العظيم، أنا والله ما كذبت فى أى حاجة.

- عصبوة أنا بكره اللى يقعد يحلف كثير، خصوصًا لما يكون كذاب.

- كذاب!!

- آه كذاب، وكلامك مليان خروم زى مصفة المكرونة كده، واستحالة يدخل عقل عيل صغير مش رئيس مباحث.

بدأت رأسه تهتز بهدوء كعادته، عروق رقبتة تنفرو وجيهه ممتقع دون إرادة منه، على ملامحه بدأ يتعاظم الشعور بالقلق والتوتر، سليم يحاول أن يدهس كامل أعصابه تحت مركبته العملاقة التى يقودها باحترافية عالية، أردف سليم سريعًا قبل أن تعود الدماء إلى عروقه ويستجمع قواه.



- إنت اللى قتلتها يا عصمت.

- لا.

- لا إنت اللى قتلتها.

مركبة سليم مهما كانت قوية فلم تقف أمام غضب وعصبية ذلك النحيف، احتشد الغضب في وجهه وصعد الدم إلى رأسه بشكل جعله يقذف تلك الكلمات بلهجة لا يقبلها سليم من أحد حتى ولو كان على صواب.

- حضرتك قولت من شوية إننا دولة بتاعة قانون وورق، وأنا مفيش دليل واحد ضدى، أنا بكلمك أهو بنفس المنطق بتاعك يا باشا، منطق كذب مرتب ولا صدق منعكش، مع العلم أني والله العظيم ما قتلتها.

نبش ذلك الأحق سليم، أيقظ شيئاً فيه يحاول هو أن يبقيه نائماً، أيقظ بداخله لعنة مقبلة حتماً لن تروق له، أثبت عصمت دون وعى منه تلك النظرية التي تصف هؤلاء المتعصبين المندفعين بأنهم محدودى الذكاء.

- ماشى يا دكتور وأنا قبلت المنطق ده وهلعب معاك نفس اللعبة.

قالها بحدة وشراسة وشيء من التوعّد.

- س، إيه اللى ودى المجر بتاعك وتليفونك المحمول أوضة المجنى عليها؟؟ مش بس كده، دا المجر كان مكسور جنب السرير اللى لقينا عليه الجثة والتليفون كان واقع تحت السرير، عاوز تفسير منطقى بالحجة والدليل؟؟

صمت دكتور عصمت وكأن على رأسه الطير، لا يجد ما يقول، فقط عاد بذاكرته إلى ما حدث أمس ثم أجابه بصوت خفيف وبحروف بطيئة.



” ما أنا لسه قايل لسعادتك إني أصلاً الكوباية بتاعتي كانت ضايعة واضطريت إني أشرب في كوباية لقيتها في الأوضة، حتى حضرتك هتلاقها زي ما هي أنا ما غسيتهاش.

سليم يستمع إلى كلمات عصمت باستمتاع شديد وكأنه كان ينتظرها بشغف، أجابه بهدوء لا يخلو من ذلك الانقضااض الذي قد جاء وقته.

- أنت طلبت دليل يدينك وأنا إديتك الدليل اللي تقريباً بنفى كل الكلام اللي أنت حكيتة ده، عاوز أنا بقى دليل يثبت كلامك ده.

بدأت سحب القلق تتجمع فوق رأسه فتحجب الضوء عن مصيره الذي بات تحت رحمة من لا يرحم، زاغت عيناه وكأنه يتلقى هاتفاً يخبره بذلك الدليل المادى الذى يريدُه سليم، لا يصدق دكتور عصمت أنه بات أسير ذلك الموقف، يتمنى لو يعود إلى الديناصور الطائر ويتضح أن كل ما هو فيه مجرد كابوس يخوض هو غماره، كابوس صنعه له الجاثوم في منامه.

وسط ذلك الهدوء الذى خَيَّم على المكان، سليم ينظر إلى دكتور عصمت بتشفي وشماتة، يقول له بعينه الضيقة التى تلمع في سعادة ” على نفسها جنت مراكش ”.

- عارف يا دكترة، أنا بحب القراءة والثقافة أوى، أوى، أصلها بتفيدنى كثير الصراحة ، مرة بقى قرئت حكمة عجبتنى أوى، كانت لمين... لمين.. لمين يا سليم، آه إفتكرت، كانت لغاندى، بتقول إيه بقى الحكمة دى، الغضب يطفى سراج العقل، نوره يعنى، حكمة حلوة إكثيها يمكن تفيدك فى الكام يوم اللى قبل إعدامك، أصلها تنطبق عليك أوى علشان إنت مندفع، ومن غير ما تحس لفيت الطوق حوالين رقبتك، وواضح كمان إنك عبيط وواضح أن إبراهيم ذكى جداً ، وعرف يرتب ورقه، بس فى حلقة وصل ما بينكم ولازم أعرفها، أصل إنت كذاب وهو كذاب وأنا معرف ازاي أخليكم تتكلموا فى القسم، ووعد منى هاخذ الإعتراف منكم وإنتم متعلقين.

رَمَّ حاجباه في خبث ومن منخاريه أخرج خَطُّى دخان رمادى وهو يتحدث بخُشونة  
وفظاظَة شديدة.

- دكتور عصمت، أنا بوجهك تهمة قتل المجنى عليها.

- ما حصلش.

- إثبت، إنت الوحيد اللى الحاجة بتاعتك كانت جنب سرير المجنى عليها.

- الباب بتاع الأوضة اللى كان مقفول والمفتاح اللى اختفى.

- حركة، حركة إنت عاملها، معاك نسختين قفلت بواحدة وضيعت الثانية  
وعملت الفيلم ده.

نهض واقفًا ثم مرع تجاه الباب، فتحه وبصوت عالى نادى على الأمين راضى، نظر  
إلى عصمت نظرات تملأها الكراهية.

- على جئنى إن القضية دى تتأيد ضد مجهول، ولو حصل هَلْبَسها لواحد  
فيكم، يا إنت يا إبراهيم، علشان تبقى تاخدني سكة وتقولى فساد إدارى ومناقصات  
كويس، فاكرنى عبيط زيك ها؟

وصل راضى إلى مكتب الدكتور إبراهيم، أمره سليم بحدّة أن يأخذ الدكتور  
عصمت ويتحفظ عليه مع الدكتور إبراهيم لحين الانتهاء من الاستجواب أنهضه راضى  
وألزمه أن يسير تحت قيادته على خطٍ مستقيم، استوقفه سليم قبل أن يخرج.

- أقعد بقى مع الدكتور إبراهيم بقى فكروا مين فيكم اللى هيشيل الليلة  
علشان كلها نصاية وهنطلع هبلا ببلا على القسم.

ابتسم له ابتسامة تَنُمُّ على أن القادم أسوأ لا محالة.

## ( الفصل السادس )

### قبل الجريمة بساعات

رنا داخل غرفة استراحة الممرضات، تجلس بصحبة حيرتها التي تظهر على ملامحها الشرسة الماكرة، عيناها سارحة، حاملة في تلك المكيدة التي يبدو أنها تُدبر لها، هالة من الشر تحيط بها وبأسها الممتلئة بالأفكار السوداء، تعقد ذراعها على صدرها في تحدى وهي تستمع إلى صراخ ذلك الطعام الذى يُهرس تحت أسنان صديقها يارا التي تأكل بنهم شديد، تأكل وكأنها ستكون المرة الأخيرة وبعدها سينفذ كل طعام العالم، تنظر لها رنا بطرف عيناها في البداية قبل أن تلتفت لها وترمقها بكل قوة لكن هى لم تبال بكل ردود الأفعال الصادرة من رنا، استمرت في تناول الطعام بشكل مستفز للغاية بالنسبة لها مع إصدارها لذلك الصوت الرتيب الذى يَنُمُ على أنها تستمتع بمذاق الطعام، فجأة وبدون سابق إنذار استقر ذلك اليقين في أحشائها أن يارا لا تعبر لتلك النار المُنْقَذة بداخلها أى احترام، سحقًا لذلك الفعل المُشين، صفعتها بقوة كادت أن تخلع كتفها من مكانه، نهرتها يارا والتحمت ملامح وجهها لتعبر عن ذلك الغضب الجامح الذى اشتعل بداخلها.

- في إيه يا رنا، إيه المعاملة دى؟؟
- عماله بَلُغِي من الصبح ولا معبرانى، إنتِ مش شيفانى بغلى جنبك!!
- لفظتها بضجر شديد يَنُمُ عن تلك الحالة النفسية السيئة التى تشعر بها.
- وبتغلي ليه يا ست الغالية؟؟
- هو دكتور عصمت اللى معانا النهاردة فى النبطشية مش كده؟؟

- آه هو، ما شاء الله من ساعة ما دكتور إبراهيم وصاكي عليه وإنّ معاه في كل نبطشية تقربيًا.

- المشكلة إني مش فاضية ليه النهاردة.

قالتا بصوت خافت.

- بتقولى إيه؟؟

- بقولك عاوزه أفكر أعمل في حاجة.

- ما كفاية يا رنا، إهدى شوية، إنتم ميهدين الرجل.

- وهو ده اللى طلبوه وعاوزه دكتور إبراهيم، بس عارفة بعيدًا عنه يعنى أنا مش ههدى إلا لما أكسره وأجيبه راعق قدامى فى الأرض، لأنه هو الوحيد فى المستشفى كلها اللى قربت منه وما كانش معبرنى ولا هيموت عليا، ولما حاولت أقرب أكثر عاش الدور وعملى فيها شريف، آه هو الموضوع كله توصية من الدكتور إبراهيم بس أنا خرت فى نفسيتي أوى إني ألاقي حد مش هيموت عليا، بس أنا وديني ما هسيبه.

يارا ترمقها فى فزع فقد غدت رنا كائن غير سوي، كائن يعج بالأمراض النفسية المعقدة التى لا يمكن حصرها، تتصرف برعونة ولا تفكر إلا فى لفت نظر الجميع، لا تهدأ إلا حينما تجد كل الرجال المتواجدين معها فى مكان واحد ينظروا إليها باستماتة شديدة وقتها تشعر بسعادة بالغة لا يمكن حتى وصفها، عصمت هو الشخص الوحيد الذى خالف ذلك النظام والقانون لذلك تريد هى أن تنتقم منه انتقامًا باردًا يشفي غليلها علاوة على انتقام دكتور إبراهيم الذى أوصاها به من الأساس، رنا باتت مريضة نفسية لا محالة، فى عينها لا يظهر سوى الجنون الممزوج بتلك القصة القديمة التى عبثت فى كيان شخصيتها البكر وحولتها إلى تلك المريضة التى تمكث أمامى الآن.

- بتبصيلي كده ليه؟؟



- رنا بجهد إنت بقيتي مش طبيعية، أنا فعلاً بدأت أخاف منك وعليكي.

أجابتها شأن من لا يملكون وقتًا نهائيًا لذلك السخف.

- والله إنت اللي هبله يا يارا، أنا مش هَضَيِّع وقتي معاكي، أنا هقوم اضبط شوية حاجات وإنتِ ما تروحيش تجيى أكل، أنا النهاردة عزمائي.

- إسمعنى النهاردة يعنى؟؟؟

أجابتها وهى تنهض تمهيدًا للانصراف.

- ما ترغيش كثير، قولى حاضر وخلاص.

- لا مش حاضر، أنا معايا أكل أصلاً، جايبه معايا سندوتشات.

ضاققت إحدى عيناها وهى تنظر لها بغيث شديد.

- يارا إسمعى الكلام بدل ما ودينى أخلى دكتور إبراهيم ينقلك، وإنتِ عارفه مخليه يوديكي فين، ها.

انصرفت وسط نظرات يارا الباهتة.

\*\*\*

بعد مرور ساعة تقريبًا.

تمرتلك القصيرة التى تدعى يارا داخل الرواق الذى يصل بها فى نهايته إلى معمل التحاليل، فى يدها عينات ستُسلمها إلى مسئول المعمل ليأتها بالنتائج، استمعت إلى همسات تداعب أذنها قبل وصولها إلى باب المعمل، التفتت لتجدها رنا، تختبئ خلف إحدى الجدران وعلى مُخَيَّأها ارتسمت ابتسامة خبيث شديدة توحى بأن هناك كارثة على وشك أن تبدأ، تُشير إليها بأن تأتى، رُمقتها يارا بعدم فهم فى الوقت الذى تعالى فيه

صوتها وازدادت فيه رغبتها بحضورها على وجه السرعة، القلق داهمها في الوقت الذي شرعت فيه بالاقتراب منها، أخرجت كيس بلاستيكي أسود في الوقت الذي ارتسم فيه على وجهها انحرافات نفسية حادة، فتحت الكيس أمام عين يارا التي بدا عليها عدم الفهم نهائياً، الكيس يحتوي على "مج" وجهاز تليفون جوال، ما هذا الهُزء أكانت تلك الحمقاء تستدعين بذلك الشكل الهستيري المثير للتوجس من أجل هذه الأشياء البائسة، لعنة الله عليك يا رنا.

- عارفة الحاجات دى بتاعة مين؟؟
- مين؟؟
- د/عصمت.
- قالتها وفي عيناها لمعة جنون مرجفة، قالتها وهي تبتسم ابتسامة جنونية حقيقية، أردفت دون توقف.
- أكثر حاجة تغلى د/عصمت يتعفرت هو إن حد يلعب في حاجته أو إن حاجة تضيع منه علشان كده بقى أنا إستغلّيت فرصة إنه هو في الحمام وسرقت الحاجات دى من شنطته.
- تصدق إنك تافهة وهايفة وعيلة صغيرة كمان.
- كلها ساعات وتشوفي دماغ الهايفة التافهة دى متخليه يتنطط إزاي.
- ولو حد شافك وإنّ بتعملي كده يا ناصحة هتبقى حرامية فاهمة يعنى إيه حرامية.
- حرامية!! هسرق إيه يعنى من الكحيان ده، أنا بس بضايقه بخليه يقول حقي برقبتي.
- رنا يشفيكي يا رنا، إنتِ الموضوع عندك زاد عن حده أووى.

- طب روى، روى ودى العينات اللى فى إيدك دى أجرى، يلا، على الله بس تكون عينات دم مش حاجة تانية.

\*\*\*

قبل وقوع الجريمة بسويغات قليلة جدًا.

المكان : غرفة النبطشية الخاصة بالمرضات.

الساعة المعلقة فوق السرير الحديدى تدق الساعة، يارا تجلس على السرير تاكل بملعقة بلاستيكية علبة الكشرى القابعة داخل يدها، تأكلها بنهم وتتذوقها وكأنها تتناول هذا الطعام للمرة الأولى فى حياتها، الطعام هو أهم شىء فى حياة يارا الفارغة، صوت طرق على باب الغرفة المغلق.

- ما تدخلى يارنا وانتِ من إمتى يعنى بتستأذنى.

قالتها بصوت غير واضح بسبب كرة الطعام التى تملأ فمها، فتُخ الباب ببطة لتظهر "أم هانى" تلك المرأة البدينة المسؤولة عن النظافة ليلاً.

- هو انتِ يا أم هانى، تعالى خشي.

تدخل الغرفة بتلك الخطوات المرتبكة، شعرت يارا بريبة غريبة سرت فى جسدها حينما نظرت إلى وجهها بادی التوجس والقلق.

- خير يا أم هانى، مالك كده شكلك ما يطمئنش.

- أنا عاوزة أزوح دلوقتي .

- إزاي يعنى!!!!!!

- إبنى تعبان أوى وأنا سايباه مع إخواته بس قلقانه عليه أوى وقلبي شاغلنى.

- هو تعبان أوى يعنى.

- آه، سخن وبیخطر ف.
- ما إنت عارفه یا أم هانی، الموضوع ده صعب أوی.
- بصی أنا هَرُوح یعنی هَرُوح ، أنا أبني بيموت .
- قالتا بعده غريبة لم يعتد أحد عليها، هذه ليست المرأة الطيبة التي نَعَوَّدُوا عليها، إنها امرأة أخرى تلبسها روح خبيثة وشريرة، انتاب القلق الشديد يارا وهي تنظر إلى وجهها مبعثر الملامح.
- ما إنت عارفة إن المشي ممنوع بعدین النهاردة الدكتور عصمت المُعَقَّد اللى بيعمل من الحبة قُبَّة، ورنا حبيبة دكتور إبراهيم یعنی مش عاوزة كلام مع حد.
- وهی علشان رنا حبيبة المدير هتتحكم فينا یعنی؟؟
- آه، هو ده نظام الأماكن الحكومية یا أم هانی، القريب من المدير يعمل اللى هو عاوزة، وإنت أول مرة تعرفی یعنی، دا إنت حتى قريبتی تطلعی على المعاش.
- طب والعمل؟؟
- استنى بقى لما أرئلك على القربة من المدير.
- تبحث حولها عن هاتفها الخلوى فلم تجده، فُتِحَ الباب على حين غفلة وانطلقت رنا كالرصاصة قائلة.
- والقربة من المدير بتقولك روي یا أم هانی أمّا إنت بقى یا سوسة فحسابك معايا بعدین.
- نظرت إليها بدهشة وعدم تصديق، رنا تلك الكتلة المليئة بالمتاعب والمشاكل تساعد غيرها!! هذا حدث تاريخي، شكرتها تلك البدينة وانصرفت خارج الغرفة، ظلت عين يارا معلقة على رنا حتى لاحظت هي ذلك.



- مالك يا بت متنحه كده ليه؟؟

- إنت إزاي تعملى كده، مش فى سلطتك إنك تمشى حد من النبشية أو الوردية.

- مش إنت قولتى القريب من المدير يعمل اللى هو عاوزه.

- أنا بقول كده علشان أطفشها، تقومى إنت تعملى كده.

- حرام، إنها نعبان.

- يا سلام!! من إمتى بقى الحنية دى يعنى؟؟ ما كانت بتبوس رجلك قبل كده علشان تستأذن ساعة وكنتى بتببى وتشتري فيها، يا بنتى إنت سادية أصلاً وبتستمتعى وإنت بتشوفى اللى قدامك بيتعذب، وتشوفيه عاوز إيه وتعملى عكسه على طول.

- يارا مش عاوزه قلبه دماغ الله يباركلك، حظى لسانك فى بُقْ وأقطني بقى.

- طب إفرضي دكتور عصمت عرف.

- هيعرف منين، دكتور زفت عصمت ده يرمى دماغه على المخدة بالليل مش بيقوم إلا لما حد يصحبه يقوله فى حالة وأنا من يوم ما إشتغلت هنا من سنتين مجاش إلا حالة واحدة، أصلاً المستشفى بتاعتنا تقريباً بتخدم منطقة مقطوعة أو اللى عاوز يتعالج يروح مستشفى نضيفة.

- إحنا بقى حظنا هيبقى زى الزفت وبتحصل حاجة النهاردة وبتطبل فوق راسنا.

- يا بت إجمدى شوية هيجصل إيه يعنى.

- أنا طول عمرى فقيرة وعارفه حظى كويس أوى.

- ما تقلقيش أنا عارفه أنا بعمل إيه.

تذفر في قلق.

\*\*\*\*

بعد مرور نصف ساعة تقريبًا

استمعنا إلى صوت كلاكسات سيارة مزعج أمام باب المستشفى، فزعت يارا منها في حين أن رنا ظلت تبتسم بخبث شديد وكأنها على علم بما يحدث، لاحظت يارا ذلك فسألتها بدهشة عن ما أصابها.

- مش عارفه كلاكسات مين دي؟؟

- لا.

- دا وائل خطيبك يا هبله.

اتسعت عيناها وهي تنظر لها بعدم تصديق، لا يمكن أن يأتي خطيبها إلى هنا، أولاً لأنه لم يعتد على فعل ذلك، ثانيًا هناك خلاف نشب بينهم منذ يومين انتهى بغلق كل منهما الهاتف في وجه الآخر.

- إنت بتهزري صح.

- والله العظيم وائل خطيبك.

- وإنت عرفتي مين؟؟

- الباشا اتصل بيا وقعد يترجاني إني أصالحكم على بعض وطلب إنه بجيبك يصالحك وتخرجوا مع بعض وأنا وافقت ووعدته إني مساعده.

- إنت إزاي تعملي حاجة زي كده، وهو كلمك إزاي وجاب رقمك مين، دا ما شافكيش غير يوم الخطوبة بس.

- في إيه يا يارا، دا خطيبك وإنت أختي، يعني خطيب أختي.

قالتا بعده فتراجعت يارا.

- أنا ما أقصدش، الفكرة كلها بس جاب الرقم متين؟؟
- إنت ممكن تسأليه هو على فكرة ، بعدين أنا غلطانة يعني؟؟
- لا والله بس هعمل إيه فى النبطشية؟
- لو على النبطشية مالكيش دعوة، إتكللى على الله وتعالى الصبح بدري قضي سهرتك براحتك وروحي وتعالى هنا على سبعة.
- بس دكتور....

قاطعتها.

- مفيش بس، يمين الله لو ما عملتى اللى بقول عليه لأكون قايله للدكتور إبراهيم إنك نايمة طول النبطشية وسيبانى سهرانة لوحدى، وأنا سهل أوى إنى أقلبه عليكى وأنتى عارفه.

تنظر لها دون أى رد فعل، شعرت أن رنا لها رغبة مميتة فى إبعادها عن المستشفى فى ذلك اليوم بالذات، نفس ذلك الإحساس تجسد أمام عينها فى تصرفات رنا مع أم هانى، أعتقد أن تلك الشيطانة تدبر شيئاً كبيراً لا يمكن تخيله.

- إنت هتنعي وخطيبك عمال يكلكس تحت يلا.
- والله يا رنا إنت جبانة، ليه عملتى كده.
- تدفعها بقوة تجاه الدولاب لتبذل ملابسها.

- طب يلا بس وبعدين أبقي أعرف أنا جبانة ولا لأ، كلتى الكشرى اللى جبتهملك.

- أه.

- حبيبتي.

فتحت لها الدولاب وأخرجت لها ملابسها، أعتطها لها ثم في عَجالة أخبرتها أنها ذاهبة إلى وائل خطيبها حتى لا يصاب بالملل أو يشعر أن يارا لا تريد مقابلته، بنبرة حازمة أمرتها ألا تخبره بالحديث الذي دار بينهم، أمرتها ألا تلومه على اتصاله بها من أجل فض النزاع، حتى لا تفسد اليوم.

أنهت تعليماتها الصارمة ثم نزلت هي لاستقباله حتى لا يُصاب بالملل خصوصاً أن تلك الكلاكسات هدأت تمامًا وبات لا وجود لها نهائيًا، يارا تعلم جيدًا أن رنا لا تحب إلا نفسها، حتى وإن رَقَّ قلبها تجاه شخص لن ينال كل هذا التقدير والاهتمام، تصرفاتها الغير معتادة عليها أثارت دهشتها، لماذا كل هذا الاهتمام بحياتي، لِمَ نَصَبْتَ نفسها قاضي لفض النزاع الناشب بيني وبين خطيبي، ربما هو ضميرها الذي أستفاق فجأة من غفوته أو ربما هناك شيئًا آخر مستتر لم يُتْرَع عنه النقاب حتى الآن.

\*\*\*

رنا تصب شيئًا ما في أذن وائل الهائم على وجهه، استغلت هي حبه الشديد ليارا وأخبرته بشيء ما في أذنه جعله يُقَبِّلُ يدها ويعتذر لها عما بدر منه علمًا بأنه لم يكن المخطئ ولكن لا يوجد شيء مستحيل أمام تلك الماكرة التي تدعى رنا، استطاعت في أقل من خمس دقائق أن تلتف حوله وتقنعه بأن يفعل ما يفعل.

ما حدث جعل يارا في حالة انهيار، تنظر إلى رنا بخيفة شديدة، ماذا فعلت تلك الشيطانة لتجعله هكذا، انزلقت في الكرمى المجاول له بصحبة الدهشة وعدم التصديق المصاحب لها، انطلق هو بسيارته المستعملة إلى كافية يُعد الأشهر داخل المدينة.

جلسوا سويًا، نظر لها بحنان قبل أن يبتسم لها ابتسامة جذابة قادرة على تحطيم قلوب النساء، لكنه فوجيء بردود أفعال باردة ونظرات يملأها العتاب الشديد الذي يقترب إلى الغضب، سألها طالبًا تفسير ذلك؟؟



- من إمتى وانت بتكلم رنا فى التليفون تطلب منها حاجة زى دى؟؟

الكلام أثار دهشته فى البداية ثم أجابها متسائلاً.

- هى رنا قالتلك إيه؟؟

- وائل، رد عليا لو سمحت.

- ما خلاص بقى يا يارا، إنتِ غاوية نكد.

- وائل!!!

- أنا ما كلمتش حد يا يارا، صاحبتك هى اللى كلمتى.

- !!!!!!!!!!!!!

تَعَانَقَ حاجباها وضافت عيناها على أثر ذلك الكلام الغريب الذى تناولته أذنها، رَجَّتْ رأسها بعدم فهم.

- إزاي الكلام ده؟؟

- والله زى ما بقولك كده، هو ده اللى حصل؟؟

- دى قالت لى إنك كلمتها وطلبت منها تصالحنى عليك علشان إنتِ حاسس بالذنب.

- لا يا يارا، دى هى اللى كلمتى وقالت لى مينفعش اللى حصل ده وقالت لى كمان إنك عندك انهيار عصبي وعماله تعيطي عياط هستيري، وتقريبًا كنتي شبه مغمى عليكى، دا حتى لما قولتلها إنى مصالحك بكرة صممت إنه يكون النهاردة، وقالت لى كمان إنها متتصرف فى موضوع النبطشية ومتضطبط كل حاجة، كل اللى عليا بس إنى أجي كمان ساعة قدام باب المستشفى.

- هي بتعمل كده ليه!!
- ما يمكن نيتها خيرا يارا، دي مهما كانت صاحبتك يعني.
- ما هي علشان هي صاحبتى بقولك إن الكلام ده مش صح، رنا ما تعملش حاجة لله كده أبدًا .
- شعرت بتقلص غريب في معدتها، ألم تجسد على ملامح وجهها المتأثرة بذلك الألم، وائل لاحظ ذلك.
- مالك في إيه؟؟
- ما أعرفش مغص كده فجأة.
- طب إيه تحي نقوم؟؟؟
- لا لا لا، دا مجرد مغص عارض مش أكثر.
- ألف سلامة عليكى.
- الله يسلمك، قولى بقى قالتلك إيه تانى؟؟
- قالتلى كمان إني ما أقولش الكلام ده وأقول إني أنا اللي اتصلت بيها وطلبت ده منها، بس إنت عارفة أنا ما بعرفش أكذب خالص.
- استندت بظهرها على الكرسي وهي تحت تأثير حالة عميقة من التفكير، تلهث وراء تلك المفاجآت المتتالية بلا هوادة، عصرت ذهنها وهي تفكر في السبب الذي دفع رنا إلى فعل ذلك، بكل تأكيد هو ليس الحب، هناك سبب آخر لابد أن تعرفه.
- يا ترى بتفكري في إيه يا رنا، رينا يستر.
- مدام إنت عارفة إنها سوسة كده مصاحباها ليه.

- أنا بعها يا وائل والله، بس المشكلة بخاف منها أوى، رنا تركيبة غريبة، شوية كويسة وشوية لأ، أنا ساعات كثير بلبتمسلها العُذربسبب اللي حصلها واللى مرت بيه، بس اللي واثقة منه إن رنا إنسانة مش سهلة ومش طيبعية، والحاجة السيئة اللي في الموضوع بقى إنى فعلا بعها.

شعرت بذلك التقلص مرة أخرى يُداهم معدتها بقوة، انحنت وهى تضع يدها على بطنها من أثر ذلك الألم الذى لَحِقَ بها ثانية ولكن هذه المرة أقوى بكثير.

- مالك يا يارا فى إيه؟؟

- مش عارفة مخلص جامد أو ووى المرادى، آآه.

هرعت إلى الحمام بسرعة فائقة، وسط أنظار وائل المتبسة عليها، نهض هو الآخر وهرع خلفها إلى الحمام.

أما باب دورة المياه الخاصة بالسيدات ظل واقفاً ينتظر خروجها، مرت حوالى عشرين دقيقة ولم تخرج، هو فى حالة توتر شديدة، يحتاج تلك الأمطار القليلة منات المرات ذهاباً وإياباً وكأنه أمام باب غرفة العمليات ينتظر سماع صراخ مولوده الأول، تلك اللحظة جاءته سيدة تعمل فى ذلك الكافية، طلب منها أن تدخل إلى الحمام لتطمئن على خطيبته، بالفعل دخلت إلى هناك ثم خرجت وهى تستند عليها وتحتضن باليد الأخرى قولونها، إذا الألم لا يزال مستمر والمغص لم يهدأ، هرع إليها وأسندها هو الآخر.

\*\*\*

أمام عمارتها مباشرة توقفت سيارته، ينظر لها وفى عينيه قلق شديد.

- أنا مش فاهم يعنى تبقى شغالة فى مستشفى ورافضة إننا نروح علشان نتطمئن عليكى ليه؟؟

تحدث إليه بصوت يتخلله أنين الألم الشديد الذى تشعر به.

- الموضوع مش مستاهل يا وائل بعدين دا دكتور عصمت اللى هناك وهى مش ناقصة قرفه بصراحة.
- طب تعالى نروح صيدلية.
- لا أنا هاخذ إسبرين وهشرب حاجة دافية وهبقى كويسة.
- دماغك ناشفة.
- خلاص بقى يا وائل.
- فتحت باب السيارة تمهيدًا للنزول ثم تذكرت شيئًا ما فعادت إليه بوجهها سريعًا.
- وائل.
- إيه يا حبيبتي؟؟
- أنا لو ما عرفتش أتفق مع رنا إني ما أروحش خالص هتعبك معايا تيجي توصلني الصبح للمستشفى علشان مش هينفع ما أروحش.
- خلاص تمام على 7 كده.
- لا أنا عاوزه أبقى هناك على 7.
- خلاص ماشى.
- سلام.
- سلام.

\*\*\*



يارا على سريها تحاول الاتصال برنا قبل أن تخلص إلى نومها فتأتيها تلك الرسالة السمجة بأن الهاتف الذي تحاول الاتصال به ربما يكون مغلقاً أو غير متاح، ألقت الهاتف محاولة الذهاب إلى أحلامها وسط مغازلات الألم المستمرة.

لم تستطيع النوم طوال هذه الليلة فكانت تذهب إلى الحمام بشكل هستيرى لدرجة أنه انتابها إحساس شديد بأنها مصابة بتسمم أو ما شابه.

مع ظهور أول خيط للنهار أمسكت بهاتفها وحاولت الاتصال برنا فتأتيها نفس الإجابة الأولى، الهاتف مغلق وغير متاح، نوبات الألم التي كانت تتناوب عليها هدأت كثيراً ولكن وجهها تأثروا بمرهقاً ومُجهّداً بشكل كبير، الألم والتقلص الشديد تارة وعدم النوم طوال الليل تارة أخرى، يارا لم يكن لديها القدرة على العودة إلى المستشفى فقررت أن تطلب رقم المستشفى الأرضي فيأتيها أن الرقم المطلوب مرفوع مؤقتاً من الخدمة، إذا لا حل سوى الذهاب للمستشفى، أخذت الهاتف واستدعت رقم وائل.

\*\*\*

توقفت سيارة وائل أمام باب المستشفى مباشرة.

- تحي استنى أوصلك.

- لا أنا لسه مش عارفة ظروفى، ممكن الممرضة بتاعة النهاردة ما تجيش وأبقى مضطّرّه أطبق مكانها، روح إنت ولو احتاجتك فى حاجة هكلمك.

- طيب خليك ورايا لو ماردتش لاني جعان نوم.

- حاضر وعموماً أنا بقيت كويسة متقلقش، سلام.

- سلام.

حطت يارا على الأرض وترجلت إلى داخل المستشفى فى حين أن وائل تركها وانصرف، عبرت البوابة الحديدية، لا يوجد أحد فالغفير فى إجازة منذ يومين، صعدت

درجات السلم وعبرت البوابة الزجاجية متجهة إلى السلم الداخلى، الوضع غريب يوحي بالتوجس، الكاونتر الخشبي فارغ، حسن ليس هناك، سطح الكاونتر فى حالة فوضى كبيرة، الهاتف الأرضى مُلقى على الأرض والسماعة تبتعد عنه وكأنهم على خصومة وخلافات كبيرة، تابعت التقدم فظهر أمامها حسن يأتى من ناحية دورة المياه الموجودة فى الدور الأول، رأسه بالكامل ملفوفه بالشاش وهناك على جبهته بقعة حمراء تبدو من الوهلة الأولى وكأنها بقعة دماء، حالته دفعها لتتناسى ما تبقى لها من ألم فسحبت نفس استعدادًا للحديث.

- مالك يا حسن!! وإيه الشاش اللي على راسك ده إنت اتعورت ولا إيه؟؟

نظر لها وعيناه تمتلئ عن آخرها بالدموع، جسده يرتعش بشكل غير طبيعى، شكل يوحي إليك أنه راغب فى التبول، فسألته بلهجة أقوى هذه المرة.

- هو فى إيه يا حسن؟؟ إنت عامل كده ليه؟؟ وإيه الفوضى دى، تليفون المستشفى على الأرض والحرارة مرفوعة، وتليفون رنا مغلق من امبارح.

نظر حسن على الأرض حيث الهاتف الأرضى، انحنى ووضع السماعة على التليفون فعادت الحرارة، التقطه ووضعها فى مكانه على سطح الكاونتر ثم يهدوء مُريب وبعلامح وجه من يقع تحت تهديد شيء ما قال لها أن رنا قد قُتلت.

اتسعت عينها على إثر تلك الصدمة، صرخت ثم اعتصرت ملابس حسن، صرخت فى وجهه بعدم تصديق فى البداية ثم وجهت له اتهام مباشر بقتلها، حاول حسن تهدئتها، ظل ينفى تلك الاتهامات الموجهة إليه وهو يُغرقها بالقسم بين الجمل والكلمات، دفعته بالقوة ثم ركضت، صعدت السلالم وهي تصرخ بجنون، ذهبت كالمخبولة إلى غرفة النبطشية، دخلت الغرفة فوجدتها على سريرها نائمة جثة هامدة، فمها مفتوح وعيناه زائفة وسارحة إلى أعلى وجسدها قد تَخَشَّب بالكامل، لطمت وجهها بقوة دون شفقة أورحمة، خرجت إلى خارج الغرفة، قبضت على رقبة حسن مرة

أخرى، صرخت فيه بلا هوادة منذرة إياه بالويل، هو كان بمثابة عصفور صغير بين يدها بالغة القوة، يحاول أن يُخبرها بأنه لم يفعل شيئًا ولم يعلم شيئًا عمّا حدث.

أخرسته هي بنبرة صوتها التي عبرت حدود الجنون، تحدثت معه بملامح وجهه باتت تحت تأثير هياج عصبي جامح لا شك ولا ريب فيه.

قطع حديثهم طرق دكتور عصمت على باب غرفته من الداخل وهو يحاول فتح الباب، استطاع حسن أن يدفعها لأن أعصابها هدأت وخارت قواها بشكل كبير حينما استمعت إلى صوت الدكتور عصمت، اكتشفوا أن الباب مُحكم الغلق لكنه كُسِرَ بأقدام دكتور عصمت حينما أخبره حسن أن رنا وجدوها مقتولة في غرفة النبطشية.

في نفس اللحظة حضر الدكتور سعيد بعدما أبلغه حسن عبر الهاتف بما حدث، لون وجهه كان مُصفرًا صفارًا غريبًا، بدأ يوزع نظرات الشك تجاه الدكتور عصمت منذ أن ظهر أمامنا وحتى بدأ يسأل حسن هل أبلغ الشرطة بتلك الجريمة أم كان لديه رأى آخر، نهره بشدة حينما أخبره أنه لم يبلغها ولم يُبلغ الدكتور إبراهيم أيضًا لأنه لا يمتلك رصيد يكفي ثم تكفل هو بإبلاغ الشرطة والدكتور إبراهيم مدير المستشفى.

\*\*\*

سليم يتأرجح على الكرسي الوثير وهو يسدد تلك النظرات اللاذعة إلى يارا الماكثة أمامه كالحمامة المتكومة على نفسها، غارقة في دموعها المنهمرة على نفسها، يتجول بمقلتيه فيها، يتفرس في كل أركانها وجوانحها عن تلك الحالة التي تعترها، هل هي بالفعل حزينة أم مجرد شعور كاذب تحاول هي بقَّة لتثبت شيئًا ما في رأسها للجميع، سليم بطبيعته سيميل ناحية الخيار الثاني علاوة على أن شعور الشك في تلك الفتاة التي تصطنع الحزن يراوده بسادية غريبة، لِمَ لا فريما هي القاتلة!!

سليم أدرك الآن من خلال تلك الأحداث التي قَصَّتها عليه لماذا وجدها دكتور إبراهيم بغير ملابس العمل لحظة وصوله إلى المستشفى، يارا على حد قولها لم تقوم



بتلك النبطشية ولم تكن موجودة في المستشفى وقت وقوع الجريمة، لو فرض بأن هذا الكلام صحيح، ماذا عن حسن، لماذا لم يكن يرتدى ملابس العمل وما سر ذلك الشاش الذي كان يغطي رأسه، وماذا كانت تدبرنا من الأساس؟؟؟

مدّ يده إلى علبة السجائر الراقدة بالقرب منه، استخلص واحدة ثم أشعلها دون أن يحرك عيناه عنها، لا يزال يتفرّس فيها بنظرات عميق وثبات، أغلق القداحة بتلك الحركة التي تشعر معها أنه أحد رجال رعاة البقر بأمريكا، زفر الدخان وهو يبتسم ابتسامة خبيث شديدة.

- يا بنت اللعيبه.

قالها بنبرة صوت خافتة.

- حضرتك بتقول حاجة؟؟

- آه بقول، يارب تهدي شوية يا أنسة يارا علشان أنا محتاجك مركزة معايا.

- أنا مركزة مع حضرتك أهو.

قالتها وهي تصدر ذلك الصوت المعروف عندما تُحاول منع مخاطك من الانزلاق.

- إنت عارفه اللى إنت قولتیه ده معناه إيه؟؟

نظرت له بعينها الممتلئة عن بكرة أبيها بالدموع فأردف هو.

- معناها إن دليل الإدانة الوحيد للدكتور عصمت هو برئ منه، أو إنت

عاوزه تبرايه والخيار التاني ده بقى يزعلي أوى.

- وأنا معمل كده ليه، أنا لو عرفت مين هو اللى قتل صاحبتى دا أنا أشرب من

دمه.



ينظر لها سليم وإحدى عيناه تضيق فأردفت هي.

- بعدين كلامي هيخلي دكتور عصمت برىء ليه؟؟

- الكوفاية اللي كانت في أوضة المجنى عليها والموبايل اللي لقيناه إنت بتقولى إن هي سرقتهم منه يعنى هو بره الليلة دى.

- وليه ما يكونش هو استغل حاجة زى دى علشان إحنا نقول كده.

- إزاي يا عميقة؟؟؟

- يعنى مثلاً ممكن يكون د/عصمت اكتشف إن التليفون بتاعه مش موجود فقام يدور عليه، ممكن يكون استعان بتليفون حسن ولا أى حد فاكتشف إنه مع رنا فحصل ما بنهم اشتباك انتهى بالجريمة وخصوصاً أن رنا كانت بتعمل كثير فى دكتور عصمت.

- واشمعنى دكتور عصمت؟؟

- لسبيين، أولاً دكتور إبراهيم كان موصى رنا عليه، كان حاططها فى طريقه علشان تزهره وتطفشه، هو عارف إن رنا تقدر تعمل ده بسهولة بس هي عاوزة اللي يبقى فى ضهرها ويحميها، مهما كان دى ممرضة، بس تفرق كثير لما تبقى ممرضة وفى ضهرها مدير مستشفى، دكتور إبراهيم نقل رنا مخصوص من فترة عيادة الباطنة علشان الموضوع ده.

- وإبراهيم يعمل كل ده فى عصمت ليه؟؟

- ما أعرفش ولا رنا حتى كانت تعرف، الموضوع كان بمثابة خدمة طلبها منها ولما حاولت تعرف منه السبب رفض يقولها، وفى نفس الوقت ما تقدرش تقوله لا.

- ليه؟؟

- ضهرها سعادتك, محدش فى المستشفى كلها كان يقدر يبجي جنب رنا ما دام  
دكتور إبراهيم موجود.

- للدرجادى!!

- واكثر كمان, المستشفى كلها عارفه إن دكتور إبراهيم بتاع بنات وستات,  
وبيضعف قدام أى واحدة, رنا بالنسبة له ما كنتش أى واحدة فكان ضهرها وبيعملها  
كل اللى هى عاوزاه فمش معقول بعد كل ده يطلب منها حاجة وتقوله لأ حتى ولو كانت  
مش عارفه السبب.

- طيب ده أولًا, ثانيًا بقى؟؟

- ثانيًا, رنا كانت ما بتحبش حد يتجاهلها, أو ما يحسسهاش بكيانها الأنثوي,  
كان لازم كل اللى حوالها يجروا وراها ويبقوا هيموتوا عليها, لما بقت فى سكة الدكتور  
عصمت كانت متغيلة إنها تقدر تجيب رجله بسهولة لكن لفته متجاهلها خالص ومش  
معبرها, الموضوع ده كان مموتها ومغلها عاوزة تنتقم منه أكثر من الدكتور إبراهيم  
نفسه.

سليم ينظر لها وبيتسم, يعلم فى قرارة نفسه أن بذلك الاعتراف دكتور عصمت  
كان محققًا, ربما إبراهيم استعان بتلك الشيطانة ليقضى تمامًا على عدوه اللدود, لكن  
من الواضح أن أحدًا لم يكن يتوقع أن ذلك النحيف سيظل متماسكًا للنهاية, من  
الواضح أيضًا أن دكتور إبراهيم متورط فى شئ كبير وهذا يُفسر سرائر ارتبأكه أمامى.

نظر إلى يارا نظرة طويلة ثم ظهرت على وجهه أمارات الاستهزاء.

- يعنى رنا كانت بتحب اللى يقعد يبص عليها ويلاغها, واضح إن الله يرحمها  
كانت ش.....

قاصطته مسرعة.

- كانت مريضة نفسيًا.

سحب نفس عميق من سيجارته المشتعلة ثم زفره بعنف زائد.

- يعنى إيه بقى الكلام ده، القضية هتقلب مجانين ولا إيه ، لا لا معلى أنا ما بحبش النهايات دى خالص لأى قضية.

- رنا كانت أكثر حاجة بتستمع بيها هى نظرات الرجالة ليها، بتفضل ورا أى حد لحد ما تخليه متعلق بيها بعد كده تقعد تذل فيه.

- ليه يعنى؟؟

- بسبب مشكلة حصلت لها زمان، المستشفى كلها عارفة إن رنا أنسة بما فيهم دكتور إبراهيم إنما الحقيقة غير كده، رنا مدام ومُطلقة كمان.

هز رأسه بثبات، أَسْرَفِيْ نَفْسِهِ تلك الجملة التى سمعها من الدكتور إبراهيم والتى تدل على أنه على علم بذلك الموضوع حينما جاءته رنا تخبره برغبتها فى الزواج من الدكتور عصمت فكان جوابه " على فكرة أنا شاكك أساسًا إنه مريض ومتزعزئش منى يا رنا يعنى إنتِ عارفة أنا بعزك قد إيه بس أنا خايف عصمت ده يكون زى اللى فات " هذا الكلام معناه إن دكتور إبراهيم كان على علم بما حدث لها وكان أيضًا على علم بأنها مُطلقة، إمَّا أن يارا تحاول التلاعب بسليم أو أن رنا كانت تتلاعب بالجميع وتوهم كل شخص بأنه بثر أسرارها، أردفت يارا كلامها.

بدأت تقص عليه ما حدث.

\*\*\*

رنا حالها حال كافة بنات حواء، تعلم بذلك اليوم الذى سترتدى فيه الفستان الأبيض الجميل وهى تُزف وسط أقاربها وأصحابها، حلمًا كان يُراودها دومًا، جمالها الطبيعى المبالغ فيه جعلها تلوذ بعدد لا يحصى من المتقدمين للزواج، الكل كان يلتهث



ورائها حتى رق قلبها إلى ذلك الوسيم الذى شعرت معه أنه سيهيها من كنوز الحب ما لم تعيش فتاة فى نفس عمرها، حلق قلبها بعيداً حيث الحياة المليئة بالرومانسية والحب البكر البريء، شعرت أنه هو الرجل الوحيد لفرط انخطافها به، كانت كلما رآته شعرت أنها كالفراشة الجميلة التى تنتقل بين الزهور فى رشاقة وتفاصيل شديد، جاءها ذلك الوسيم من حيث لا تدرى ولا تعلم فعاشت معه أجمل وأرق أوقات حياتها، استطاع بأسلوبه الجذاب أن يحفر فى رأسها وعلى جدار عمرها أجمل الذكريات، حتى جاءها يوماً يطلب منها تحديد موعد للاحتفال، فى أقل من شهر كانت تجلس جواره بفستان أبيض جذاب يبرز معالمها القياسية الجميلة، والدها وأهلها كانوا يعارضون فكرة الزواج من هذا الشاب ولكن إصرارها الشديد وتعلقها به جعلهم يوافقون على إتمام تلك الزيجة رُغمًا عنهم.

فى أقل من أسبوعين بدأ يشح ذلك الحب لدرجة أنها شعرت بأن هناك خللاً أو عطلاً فنياً فى جهاز الرومانسية الخاص به، بدأت تشعر وكأنه إنسان أخر غليظ القلب، ليس هذا هو الفارس الذى حلمت بالهروب معه على جواده الأبيض، بعد هذه المدة القصيرة من الزواج كان لا يصلها منه سوى شظايا بسيطة من تلك الجمل التى كان يفرقها بها قبل الزواج، علاوة على أنه غدا شخصاً عصبياً، عنيفاً، لا يتحمل أى شىء، يعاقبها بالضرب والسب على أتفه أتفه الأسباب خاصة حينما أدركت هى أنه مريض جنسياً ولن يصمد جهازه العصبى كثيراً أمام أنوثتها الصارخة، تحولت حياتهم إلى جحيم بدأ يرسم كل يوم أخدود على جدران ذكرياتهم، بدأ يشوه تلك الفترة الجميلة التى عاشتها معه قبل ذلك، بدأت أوراق عمرها بالتساقط بعدما أدركت تماماً أنه شخص مريض، فقد بقيت كما هى عذراء بعد مرور الشهر الأول بالكامل من الزواج.

مرضه كان يُسبب له أزمة نفسية شديدة، كَوْنُ له فهماً خاطئاً وتفسيراً بعيد كل البعد عن الصواب فكانت كلما نظرت له أو تقابلت عيناه بعينها صفعها دون سبب أو ذنب، يعتبر هذه النظرة هى شفرة حادة تجرح بها رجولته الهزيلة العاجزة، كانت كلما حدثته أو نوهت له فقط بفكرة الذهاب إلى الطبيب نالت ما تَنَلُهُ الفتيات الصغيرات فى زمن الرقة والعبودية، امتلأ قلبها بالتجاعيد وباتت لا تستطيع العيش معه تحت سقف واحد، عرضت عليه فكرة الطلاق فكان الجزاء علقه ساخنة كادت أن تودى بحياتها.



استشارت بعض الناس على موقع التواصل الاجتماعي خاصة تلك الجروبات التي تتحدث دائماً على حل مشاكل المرأة، أشارت إليها واحدة من رواد ذلك الجروب بأن تلجأ إلى القضاء، تُحرر ضده بلاغاً ثم تُقاضيه بحجة أنها تخاف ألا تقيم حدود الله.

أدرك هو ذلك الأمر وهو لا يزال في مرحلة المهد فجاءها ليلاً وحولها من أنسة بكر رشيد إلى مدام متزوجة ولكن عن طريق تلك الطريقة البدائية التي يطلقون عليها "الدُخْلَة البُلْدِي"، أصابها الجنون وظلت تصرخ وسط بركة الدماء التي تغطي ملاء السرير، أصابها انهيار عصبي شديد ظلت تعاني منه لأسابيع، شعرت أنها بلا كرامة وبلا أى ثمن، خافت أن تُقص على أبويها ما حدث فيلقوا عليها باللوم والعتاب شديد اللهجة الذى ينتهى فى النهاية بكلمة "اشربى بقى" هى على يقين تام بأن والدها لن يتحرك لعمل أى شئ لأنه كان يعترض من البداية على تلك الزيجة، إذاً هو لن يتدخل حتى وإن قُتِلت أمامه، هكذا كانت شخصيته!!!

لا يوجد حل ولا يوجد شخص فى حياتها يُخبرها بالحل اليقين سوى الشيطان الرجيم الذى قرر التحالف معها، قرر مساندتها حتى يتم لها مرادها، بالفعل استطاعت هى التخلص من زوجها المريض بعد عناء شديد، أرشدها ذلك الرجيم إلى الحل الأمثل فأجبرت زوجها على الطلاق بعدما استعانت بأناس لا يعرفون فى حياتهم سوى البلطجة والعنف، أعطت لهم أموالاً كثيرة مقابل خطفه والضغط عليه بكافة الطرق حتى ينقش إمضائه على ورقة طلاقها، وينقش أيضاً إمضائه على شيك غير مُحدد المبلغ حتى يصبح وسيلة ضغط تحمىها إذا فكر ذلك المريض فى إيذاها مرة أخرى، الغريب أن ذلك الشخص العصبى الهمجى تحول إلى قطة مُدلة أمام هؤلاء البلطجية، أحببت رنا نظرة الخوف والذل التى رأتها فى عيناه، عشقتها لدرجة أنها شعرت بنشوتها الممتعة، بعد ذلك الموقف قررت رنا أن تصبح شخصاً سادياً لا يرحم أحداً، تدهس كل شخص بعدما تجذبه تجاهها لترى فى عينه تلك المذلة التى أحببت مذاقها كثيراً.

عاشت معه فترة قاسية تركت أثاراً فى غاية السوء فى شخصيتها الملائكية وحولتها إلى شخصية سادية ماكرة، تمتلك أظافر حادة تفرزها فى قلب كل رجل تقابله، تحولت رنا إلى مريضة نفسية تفتك بكل رجل يقع فى طريقها، تُحاول أن تثارلزمين قُمعت فيه

أنوثتها وشعرت فيه أنها لا تساوى شيئاً، كل هذه الأحداث قبل أن تأتى إلى المستشفى أى قبل سنتين من الآن وحينما وصلت بدأت بنصب المصائد لكل من حولها من رجال، استطاعت بسهولة أن تمتلك الجميع وتلاعب بهم كيفما شاءت عدا الدكتور عصمت الذى ظل كالشوكة فى حلقها لم تستطع أن تهره بجمالها فلجأت إلى طرق أخرى حتى يعلن هو استسلامه، لا أحد كان يعلم بهذا السرسوى أنا، صديقتها الوحيدة يارا.

\*\*\*

نظر إليها سليم باستغراب شديد وهو يعقد ذراعيه على صدره، هناك طاقة نفسية غريبة تحيط به، لا يوجد عقل بشرى يستطيع أن يصدق كل هؤلاء الكاذبين فى قضية واحدة، نعم كلهم كاذبون حتى تلك التى تمكث أمامى مستترة خلف دموع التماسيح المنهالة على خديها كاذبة وتحاول أن تتلاعب بى، تحاول أن تتلاعب برئيس مباحث فى حجمى.

- مالك يا باشا، حضرتك مش مصدقنى ولا إيه؟؟

قالتها يارا فضاقت عيناه وهو يجيب عليها بخبت شديد.

- لا إزاي مصدقك طبعاً، أنا بس حاسس إنى بحقق فى خمسين قضية مش فى قضية واحدة.

- ليه يا باشا؟؟

- محدش بيقول الحقيقة.

- أنا مش بكذب يا باشا!!

تجاهل سليم ذلك.

- كان فى مشاكل بين المجنى عليها والدكتور سعيد.

- طبعًا.

قالتها بسرعة وتحدى غريب وكأنها كانت تتمنى سماع ذلك السؤال لتزج به،  
استغل سليم ذلك الاندفاع وسألها.

- تفتكرى هو اللى عمل كده؟؟

- ما أعرفش بس مش بعيد يكون هو اللى عمل كده ليه لا.

- ليه؟؟ اللى كان بينهم ممكن يوصله إنه يقتلها؟؟

- آه وأكثر لأن رنا عملت فيه مقلب مش ممكن ينساه أبدًا.

\*\*\*\*

قبل الحادث بأيام قليلة

في إحدى الكافيات التى تطل مباشرة على النهر الخالد د/سعيد يرتدى بذلة  
باهظة الثمن تجعله ذو مظهر جذاب، يجلس على تراييزة بصحبة رنا التى تضع هاتفها  
الخلوى وشنته يدها على سطح التراييزة بالقرب من دكتور سعيد، ترتدى ملابس تبدو  
فيها في غاية الجمال، د/سعيد يتفحصها بنظرات مليئة بالشهوة، رنا تدرك ذلك جيدًا،  
بدأت حديثها بأسلوب مستفز لا يظهر فيه أى احترام له ولا لمكانته.

- أيوة بقى يا عم سعيد كنت عاوزنى في إيه؟؟

أثار دهشته ذلك الأسلوب الخالى من أى احترام أو تقدير له ولمكانته كطبيب  
ونائب مدير المستشفى التى تعمل هى فيها ممرضة.

- عم سعيد!!!!

- بقولك إيه، إحنا بره المستشفى وبعدين إنت عازمنى فى كافية وبتاع يعنى المفروض إحنا أصحاب فأقولك بقى عم سعيد، سعيد، سعدة براحتى ولا أنت شايف إيه يا عالمي.

التوت ملامحه التواء طفيف حاول هو سريعاً أن يطمره.

- مالك قلبت سحتك إيه ؟؟

- سحتي!!!! إيه يا رنا الأسلوب ده؟؟؟

- أسلوب إيه؟؟

- يعنى حاسس كده إنك إنت بتعاقبيني علشان طلبت أقعد معاى.

بإنكار شديد وصل إلى حد السخرية.

- أنا!! يالهووى، لأ طبعاً، حد يقدر يعمل كده برضو مع سعدة، دا إنت الأصلي وربنا المعبود.

تتعمد تحريك حاجبها وأطرافها وهى تتحدث راسمة تلك الابتسامة الساخرة التى تبدو فيها مستهزئة بكلام دكتور سعيد.

- رنا ياريت نتكلم جد شوية.

- دا على أساس أن اللى بيحصل من ساعة ما طلبت إنك تقعد معايا فى مكان عام لوحدينا ده هزار.

نظر فى عينها بقوة ثم طلب الارتباط بها لعل قلبها يرق وتترك تلك الطريقة التى لا تليق به، قهقهت هى لدرجة أن رأسها رجعت إلى أقصى مدى لها للخلف، أزاحت الكرسي إلى الوراء قليلاً ووضعت قدمها على أخرى وهى تصفق له باستهزاء شديد جداً، ضحككت بصوت عالى مُلفت للانتباه فظهرت أثار تلك التصرفات الساخرة بدت على وجهه المستاء بشدة، أجابته بنفس تلك النبرة الساخرة.



- بقولك إيه، قول والنبي الجملة دى تانى، بالله عليك قولها تانى، أصلها فصلتني ضحكك، يخربيت فقرك، شرباااات، إنت شرباااات.
- ظالت تصفق بيديها وسط نظراته المستاءة بشدة.
- إنت إيه اللى بتعمله ده يا رنا؟؟؟!!
- والله مبسوطه، بجد أنت حرام متيقاش ممثل كوميدى .
- ممثل كوميدى!! إنت بتستظرفي يا رنا!!
- بقولك إيه يا عم سعيد، هو احنا من شهرين كده لما كنا مع بعض فى قاعة الأفراح بتاعة النقابة بتاعتكم، مش كان ده فرح بنتك برضو، دا غير إنك متجوز اتنين أصلاً.
- وإيه يعنى أنا لسه بصحتي بعدين الشرع محلل أربعة.
- واشمعنى دى الحاجة الوحيدة اللى متطبقها فى الشرع، هو إنت بتصلى أصلاً.
- ينظر لها تلك النظرة الحادة الغارقة فى الشر والتوحش.
- فوق لنفسك يا سعيد وبلاش تجرى ورا شهواتك إنت مش عيل صغير تافه المفروض إنك نائب مدير.
- والله، والرد ده ما ظهرش ليه إلا دلوقتى.
- ليه وهو أنا صرحتلك بحاجة قبل كده.
- أيوة.
- كداب.

- طريقتك معايا كانت بتقول كده.
- دى طريقتي مع كل الناس، إنت بقى فهمت غلط دى حاجة ترجعلك.
- ماشى يا رنا، بس أنا بقى مش هسيبك فى حالك، معلمك الأدب وهخليكى تندمى على اليوم ده وابقى خلى بقى دكتور إبراهيم الكلب بتاعك ينفعك ها.
- التقطت هاتفها القابح على سطح الترايزة ثم ابتسمت بخبث شديد جدًا قبل أن تداعب أصابعها الحادة شاشته، ضغطت على شئ ما قبل أن يظهر على مُخَيَّأها ابتسامة الانتصار.
- بما إنى حافظة أسلوبك الوسخ فكل الى داربنا دلوقتي إتسجل، إخلع بقى عن دماغى بدل ما وشرقى أفضحك فضيحة المتطاهر فى المستشفى كلها.
- اقتربت منه بوجهها، دست يدها فى شعرها وراحت تبعثرة وهى ترسم بملامحها المستفزة لمحة الجنون المصطنعة بنبرة صوت لا تغلو من السخريّة.
- وإنت عارفى مجنونة وممكن أفضحك يا راجل يا مُهزأ.
- اتسعت عيناه وهو يستقبل تلك الكلمات المهيبة من شخص يرأسه هو فى العمل، شعر فجأة بأنها تصفعه بسادية على وجهه وليس له الحق نهائياً فى الرد أو الاعتراض، لا يملك سوى السكوت المमित فى محاولة يائسة منه للاحتفاظ بما تبقى له من كرامة أمام كل العاملين بالمستشفى، طقطق فمه فى ضيق وراح يرسم على قسّمات وجهه آثار ذلك الكلام المّهن، لم يستطيع أن يصمد أكثر من ذلك فى الوقت نفسه أراد ألا يندفع حتى لا تأتية صفعات أخرى مباغتة.
- إيه يا سعيد، ساكت يعنى ومش بترد، أنا قلت كرامتك هتناح عليك وتقوم تاخذنى قلمين على وشي.
- بطلي استفزازيا رنا بدل ما أقوم أمسح بيكى الأرض، إنت فاهمه ولا لا.
- أمسكت هاتفها بأطراف أصابعها وراحت تُأرجحه أمام عينه ذهابًا وإيابًا.

- وبعدين بقى يا سعيد، إنت ناسى التسجيل ولا إيه، أنا ممكن أفضحك فى المستشفى كلها وتبقى مسخرة، دا أنا حلفت.

- بشرفك!!!، طب إحلفى بحاجة عليها القيمة.

ابتسمت له قبل أن يحتد بصرها بشدة.

- طب وشرفي اللي مش عاجبك ده لتشوف يا سعيد.

قالتها بتحدى وإصرار يجسد ذلك الإحساس التراكمى داخلها والرغبة فى الانتقام من ذلك الكائن الذى يدعى سعيد.

- هاتى التليفون ده.

حاول أن يتهجم عليها ليأخذ منها الهاتف بالقوة فصرخت بشكل يوحى لك بأنه يفتصبها لتتجمع حولهم الناس خاصة وأن الكافية مزدحم فى تلك الساعة، الشباب والرجال حاولوا منع وصوله إليها، فقط يرشق بعض الكلمات والشتائم البذيئة وسط صراخها هى وعويلها، انتهزت هى ذلك الزحام وهولت بخطوات سريعة خارج المكان وسط صُراخه للجميع بأن يلقوا القبض عليها.

\*\*\*

بعد تلك الواقعة بيومين  
وقبل وقوع الجريمة بعشرة أيام.

دكتور سعيد وصل إلى المستشفى، بمجرد عبوره البوابة الزجاجية لا يقابله أحد إلا وأصابته نوبة ضحك هستيرى، ممرضات يمنعن أنفسهن من الضحك أثناء مروره بجوارهم، طبيب استشارى يقابله بابتسامة سخرية وحركة رأس تدل على إنه شخص غير مسئول بالمرّة، ماذا يحدث؟؟، إذاً قد أشيع الخبر، رنا نفدت تهديدها إليه، أسرع فى خطواته حتى وصل إلى استراحة الممرضات، ضرب الباب بعنف زائد كان معه سينفسخ

مزلاق الباب، ها هي رنا، تجلس على كرسي خشبي بجوار يارا التي فُزعت من هيئة الدكتور سعيد أما رنا فظلت ترمقه وفي عينها نشوة الانتصار، وضعت قدمًا على أخرى وراحت تطرقع اللادن الذي يملأ قمها بطريقة استفزازية سمحت لضغط الدكتور سعيد بتسجيل رقم قياسى جديد فى الارتفاع، صدره يعلو ويهبط بطريقة مخيفة، الشر كان يخرج من عينه حينما بدأ يكشر عن أنيابه ويبرز لها أجنحة الوطواط المستترة خلف تلك الهيئة الهادئة الملائكية التي يتعمد الظهور بها.

- ماشى يا رنا، بس وشرفك اللى إنتِ حلفتى بيه ونفذتى لأندمك على اللى عملتيه ده يا رنا.

\*\*\*

سليم يستمع إلى كلام يارا التي لا تزال عيناها تمتلئ بالدموع.

- وبعدين بقى فى الشغلانة المنيلة دى، هى رنا دى كانت إيه !! سفنجة.

- ما أنا قولت لحضرتك بقى على اللى فيها.

- عارفه هو إيه اللى فيها بجدة، إنى أرميكم كلكم فى السجن واتسلى عليكم واحد واحد، أرزع الواحد فيكم العلقه التمام، يقر على كل حاجة بدون كذب.

- يا فندم أنا قولت لحضرتك كل اللى أعرفه بما يرضى الله، دى كانت صاحبتى الوحيدة ومهما كنت بعترض على أسلوبها وطريقة تفكيرها إنما والله بحياها.

- طيب بما إنك بقى بتحبيها يا ست يارا، تهمنى مين بقتلها؟؟

- ما أقدرش أتهم حد بعينه بس أنا شاكه فى الدكتور سعيد أو الدكتور إبراهيم أو الدكتور عصمت أو حتى حسن.

- تسمى عن حد اسمه لسعة.

- آه طبعًا، رنا كانت بتقول إنه جارها، وهو اتوفى هنا فى المستشفى.



- جارها ولا ابن خالتها.

- لا يا فندم، قالتلى إنه جارها.

- أستغفر الله العظيم يارب، دكتور إبراهيم قال إنه ابن خالتها.

- لا يا فندم، والله العظيم قالتلى إنه جارها.

- طب ما تعرفيش مات إزاي؟؟

- خبطته عربية واتوفى هنا فى المستشفى بعدها بيوم أو اثنين.

- بس مش عربية إن عربية تخبط حد هنا فى المدينة الهادية دى.

- لسعة ده كان بيعمل كل حاجة غلط، شكله كده كان غلط وما كنتش برتاحله، وباما حذرت رنا منه.

- طب إيه اللى هيخلى جارها يجيلها هنا على طول بصفه دايمة.

- أنا شفته مرتين أو ثلاثة بالكثير ولما سألت رنا قالتلى جارى ولما كنت بقولها بيبجى ليه كانت بتقولى خليكى فى حالك.

- كنتى هنا لما اتوفى.

- أه أنا لقيت ناس جايباه وجاية، جريت بلغت رنا وكانت يومها عاملة زى المجنونة.

ينظرلها بفراسة ودهاء شديد.

- كنتى بتحبيها فعلاً يا يارا، يعنى هي فرق معاكى فراقها.

انخرطت فى البكاء، دفنت وجهها فى كفها، وراح اللون الأحمر يصبغ وجنتها، تنهال الدموع من عيناها وسط نظرات سليم الماكرة، نهض من مكانه، مدّ يده انتزع كفها بعيداً عن وجهها، مسح دموعها بأصابعه ثم تذوق تلك الدموع وكأنه يتذوق طعام ليعرف

مذاقه، ابتسم في خبث وسط نظراتها الغير مفهومة، راح يصدر أصواتاً غريبة من فمه وكأنه انتهى لتوه من أكل وجبة دسمة.

- دموعك حلوة يا يارا.

- حضرتك بتستهزأ بمشاعري، إيه دموعك حلوة دي؟؟

ضاقت إحدى عينيه وهو يتحدث وكأنه أخيراً كُشِفَ عن السر.

- لأ دموعك حلوة يا يارا بجدر، يعنى مش مألحة، والدموع المألحة في علم النفس دموع حزن أمّا الدموع العذبة دموع فرح أو دموع تماسيح فإنّ بقى يا فرحانة فيها يا إمّا إنت بتمثللى علشان كنتى جزء من اللى حصل أو إنت اللى قتلاها أصلاً يا يارا.

اندفعت بكل قوة وراحت تبعد عنها تلك الشُّبّهات التى يسدها لها سليم.

- حضرتك إزاي تقول كده، رنا دي أختي، أختي.

- إيه المشكلة، دا الأب ممكن يقتل ولاده يبقى الأخت بقى مش هتقتل أختها.

- غلط، غلط، الكلام ده غلط.

- تقدرى تقوليلى لما خطيبك نفى كلام رنا ما رجعتيش ليه المستشفى؟؟؟

- أنا كنت راجعة والله، بس جالى مغص رهيب، مغص فظيع ما كنتش قادرة منه، بطنى كانت بتتقطع، أنا ما كنتش جاية الشغل أصلاً لولا إني قعدت اتصل بيها تانى يوم الصبح وكان موبايلها مقفول ورقم المستشفى مرفوع فخفت يحصل حاجة وحد يعرف إني رُوحت وتبقى مصيبة.

- إنت كلمتى خطيبك عرفتيه باللى حصل.

- كلمته مرة واحدة ما ردش عليه وأنا مفيش أعصاب أعمل حاجة.

- وريني تليفونك.

أخذ منها التليفون دَسَّهُ في جيبه ثم بلمهجة قوية قال لها.

- أنا مضطر أتخفظ عليكى لحين الانتقال للقسم، إنتِ رهن الاعتقال، يعنى ممنوع الكلام والتليفون لحين انتهاء التحقيق الرسمى.

- ليه كل ده أنا مظلومة والله العظيم ما عملت حاجة.

- إحنا لما كنا فى أوضة النبطشية وسألت على التليفون وإنتِ اللى قولتى إنه بتاع دكتور عصمت، ولما سألت على المج وقولتلى إنه هو برضو بتاع دكتور عصمت، ما عرفتنيش ليه إنه جه هنا عن طريق رنا نفسها، يعنى هى اللى كانت سارقاه.

- كنت هقول لسعادتك والله، بس ما كانش ينفع أسيح قدام كل الناس، دى كانت مأمنانى على سروي حية مش هفضحها بقى وهى ميتة.

- الكلام ده لما بقى قاعدين فى النادى بناخد درنك وبينتم على أصحابنا دودو ومودى، مش لما يبقى فى جريمة قتل، التحقيق انتهى يا أستاذة، ميعادنا فى القسم، هيتحقق معاكى إنتِ وخطيبك بس بشكل رسمى، وشرف أمى لأعلقك إنتِ وهو.

- يا باشا أنا...

قاطعها ولم يستمع إلى كلامها، كالعادة نهض واستدعى الأمين راضى بنبرة صارخة ثم أمره بالتخفظ عليها لحين الانتهاء من التحقيق، ثم أمر راضى أن يأتى إليه بحسن ليكون آخر شخص يحقق معه قبل أن ينتقلوا جميعًا إلى مقر المباحث فى قسم شرطة المدينة.



للمزيد من الروايات والكتب الحصرية  
انضموا لجروب ساحر الكتب

sa7eralkutub.com

او زیارة موقعنا



## ( الفصل السابع )

### يوم حدوث الجريمة الساعة السابعة والرّبع مساءً

يجلس حسن على الكاونتر الخشبي مرتدياً زى العمل المميز، بنطال كحلي اللون وقميص أزرق، ينكب بعيناه على تلك اللعبة العقيمة التي نقلها عن طريق " البلوتوث " من زميله مسنول الفترة الصباحية قبل أن ينصرف، يحاول أن يكسر ذلك الملل الموحش الذي يشعر به في تلك الفترة المسائية العجفاء التي لا يؤنس في وحشتها شيء منذ أن عمل في تلك المستشفى النائية، البعيدة عن كل شيء.

صوت أقدام تتابع الخطى، تهبط درجات السلم الداخلى متجهة إلى الطابق الأرضي الذي يقع فيه الكاونتر الخشبي الخاص بـ " حسن "، يرفع عيناه من على شاشة التليفون ليسترق النظر وليعلم لمن يعود ذلك الصوت الرتيب، إنها ( أم هاني ) المسنولة عن نظافة المكان في الفترة المسائية، تهبط إلى الطابق الأول وهي ترتدى ملابس توحى بأنها أنهت عملها وستذهب إلى بيتها، نهض حسن سريعاً حينما رآها وكأنه يستعد للقتال ليستوقفها ويستفسر منها عما يحدث، فهي تريد أن تخرج قبل موعد انتهاء عملها إذا هذه السيدة سترتكب جريمة شنيعة من وجهة نظر حسن الأمنية!!

- رايحة فين يا أم هاني، إنتِ هتمشي من أول الوردية!!

قالها بتعجب شديد واستنكار يوحى إليك بأنها ترتكب خطيئة لا يدرك كيف سيُغفر لها.

- بقولك إيه يا حسن أنا ابني تعبان ومش طايقه نفسى، وسع كده خلينى أروح له.

- مين اللى إدالك الأذن إنك تروحي!! كلمتى الدكتور عصمت.

- أنا قولت لـ "رنا" وهى متخلص كل حاجة.

- رنا!! بس رنا مش هتشيل الجزا اللى هاخده لو حد عرف إنك روحتى وأنا مبلغتش .

- يا حسن رنا ممكن تشيلك إنت شخصيًا من مكانك وتنقلك حتة ثانية، ياراسه قايلة فوق دلوقتى هو ده نظام الأماكن الحكومية، القريب من المدير يعمل اللى هو عاوزه، وإنت عارف بقى رنا تبقى إيه بالنسبة للدكتور إبراهيم.

- استعفر الله العظيم يارب.

- إوعى يا حسن عدينى.

خرجت أم هانى وسط تأفف حسن ونظرات عدم الرضا التى تملأ ملامح وجهه، أشاح بيده بعنف وهو يردد بصوت خافت " رنا يتوب علينا بقى من الشغلانة دى ، أنا تعبت ".

عاد إلى الكاونتر وهو يتأفف ويتمتم بكلام غير مفهوم، جلس وهو يغرق فى تلك الأفكار السوداء التى تحدد مصيره فى ذلك المكان الموبوء، انكب مرة أخرى على شاشة الهاتف وراح يلعب تلك اللعبة العقيمة حتى يمر الوقت فلا يشعر بملل أو زهق، فى تلك الأثناء ظهرت رنا أمامه، اقتربت منه ببطء شديد كالقطة التى تتمسح فى صديقها لتلوذ بقطعة من تلك المقرمشات التى يطعمها بها، كانت عينها تعطها طابع النمر الذى يحاول أن يظهر بصورة حسنة لا تتماشى مع طباعه الشرسة، ينظر لها حسن فى توجس شديد، ينظر إلى صمتها بشيء من الرهبة لأنه يعلم جيدًا أنها ستفصح عن شيء ما قريبًا، استعارت نبرة تلك الفتاة التى تقف دائمًا أمامك وتحاول إقناعك بشراء ذلك العطر الجديد.

- فى إيه يا حسن، بتخانق دبان وشك ليه؟؟

تأملها بهدوء لا يخلو من الاضطراب ثم احتاج إلى مجهود عنيف كي يُخرج تلك الكلمات من بين شفثيه.

- ما هو ما ينفعش كده يا رنا، لما حد يعرف إن أم هانى مشيت أنا هاخد جزا وده ما يرضكيش.

- جزا إيه يا حسن، هو أنا هنا بلعب، والله العظيم ما حد يقدر يجبك جزا، بعدين هيعرفوا منين بس إن هى مشيت.

- من أى حد.

- ودينى ما حد هيعرف.

هدأ حسن وصمت نهائياً عن الكلام، مدت يدها إليه بعلبة كشرى مغلقة وعلى سطحها ملعقة بلاستيكية، فى البداية رفض حسن ولكنها أصرت وبشكل غريب أن يأخذها، ضغطت عليه بشكل مُلِحّ وبلا هوادة، لم تعطه مجالاً للرفض أو حتى الرد عليها فقط أخذها منها ووضعها على سطح الكاونتر، نظرت إليه بخبث شديد وبعين يصعب مواجهتها، استفسر عن فعلته وهى تضغط على أسنانها يهدوء مريب، فأخبرها حسن أنه سيأكلها حينما يشعر بالجوع، مدت يدها وراحت بأناملها الرقيقة تُمسك بطرف ذقنه وكأنه ثمرة كمثرى، ضغطت بأناملها على ذقنه بقوة جعلت ملامحه تتأثر.

- حسن، أنا أكثر حاجة أكرها إنى أدى حد حاجة وما ياخدهاش، العلبة دى لو ما إتاكلتش دلوقتى أنا مزعلك يوم السبت.

قالتها بشيء من المزاح، لكنه مُزاح أصفر يحتوى تهديد يتوارى خلف تلك الابتسامة الشيطانية التى ترسمها هى على وجهها، حسن كان على علم بذلك فهى أروع من يستخدم ذلك الأسلوب الخبيث، يهدوء فتح حسن العلبة وبدأ يلتمسها بنهم فى حين بدأت هى ابتسامات انتصار مأكرة قبل أن تتركه وتنصرف.

\*\*\*

بعد مرور نصف ساعة تقريباً

ظهرت سيطرة أمام باب المستشفى مباشرة، توقفت قبل أن يبدأ موتورها تمامًا ويبقى في حالة سكون، مأل حسن بكامل جسده على الكاونتر الخشبي ليتمكن من رؤية تلك السيارة التي بدأت الكلاكسات تنبعث منها بشكل عشوائي مبالغ فيه، نهض حسن وخرج إلى صاحب تلك السيارة الذي لا يزال يوزع الكلاكسات بطريقة عشوائية لا تُعبر للمستشفى ولا لراحة المريض أى اهتمام.

اقتحمت رأس حسن تلك السيارة عبر النافذة المفتوحة المجاورة لكرسى القيادة.

- ما ينفعش حضرتك الكلاكسات دي خالص، تيت، تيت، تيت، دي مستشفى وفي مرضى والمفروض نوفرلهم الراحة التامة.

ابتسم له وائل خطيب يارا ثم سأله ببرود.

- طب بزمك أنت في مرضى جوه في المستشفى المهجورة دي؟

انفعل حسن وكأنه صاحب تلك المستشفى من الأساس.

حتى لو مفيش يا أستاذ، المفروض في نظام وسيستم للمستشفى.

ضرب وائل كلاكسات متتالية فانقلب وجه حسن وتلوى ممتعضًا.

- خلاص يا جدد بهزر معاك والله، مش مضرب كلاكسات تاني علشان خاطرك إنت بس.

- إنت مين أصلاً؟؟؟ وواقف هنا بتعمل إيه؟؟

- أنا وائل خطيب يارا الممرضة اللي شغالة هنا.

- بجد شئ جميل، بس برضو واقف هنا بتعمل إيه؟؟

اقتحمت رنا الحديث القائم بين حسن ووائل.

- إيه يا حسن في إيه، صوتك عالي إيه؟؟





- عمال بييب، بييب، بييب، ينفع الكلاكسات دى قدام المستشفى.

- حسن!!

قالتها بقوة شديدة أخرسته قبل أن تستكمل حوارها يهدوء لا يخلو من تلك النبرة المتكبرة والتعالى الزائدة التى تلجأ إليها عندما تتحدث مع أحد في وجود شخص آخر.

- روح أقعد على مكتبك وشوف شغلك يا حسن، وعلى فكرة الأجازة الطويلة الى إنت طالها مخلصها لك بكرة مع دكتور إبراهيم.

ارتفع حاجباه في دهشه عارمة.

- وإنتِ عرفتى منين إني عاوز أجازة؟؟؟

أجابته بملامح وجه بدأ صبرها ينفذ.

- حسن!! ممكن تتكل على الله وتسيبنى أتكلم مع الراجل كلمتين.

أوما حسن برأسه وانقشع سريعًا من أمامهم، تركها تصب في أذن وائل تلك الكلمات التى لا يعلم هو عنها شيئًا، فقط ظل واقفًا يتابع الموقف من بعيد حتى هبطت يارا وهى ترتدى ملابس تنم على أنها ستترك مكان العمل، وبما أن خطيبها يقبع هنا بسيارته إذا ستذهب بصحبته إلى مكان ما، حاول حسن أن يستوقفها ويمنع حدوث ذلك الهرج الذى لا يوحى بأى نظام أو سيستم داخل المستشفى، لكن تذكرنا وتذكر إجازته التى بسهولة من الممكن أن يتم رفضها إذا أرادت تلك الأناكوندا ذلك، تلك الحية التى يمتلئ ناهيا بالسم فتقتل به كل من يقف في طريقها، تراجع عما كان ينوى فعله والتزم الصمت نهائيًا حتى يفهم ما يحدث حوله، اكتفى بمشاهدة يارا تركب السيارة وتنطلق بصحبة خطيبها.

نظرت إليه رنا بعين خبيثة مأكرة تُجسد ذلك الشر القابع بداخلها، اقتربت منها بهدوء دون أن ترفع عينها عن وجهه الغارق في الضيق والضجر، بنبرة صوت مذيبة للأعصاب سألته عن سبب انزعاجه وكأنها لا تعرفه.

- ما ينفعش كده يا رنا، بجد كده ما ينفعش خالص.
- جرا إيه يا حسن، هو أنا كل ما أعمل حاجة هتتنطط.
- يا رنا، يا رنا أم هانى حتى لو ما جاتش بكرة الجمعة ومفیش حد بيستلم منها لأن مفیش حد من بتوع النظافة بيعبى الجمعة إنما فى ممرضة ودكتور بيعجوا الصبح ولويارا رَوَّجت وحد عرف وأنا ما بلغتش هتنفخ.
- قلتك محدش هيبقى جنبك إنزل من على ودانى بقى.
- أصل هى مش بلطجة وفتحة صدريا رنا.
- لا بلطجة ولا فتحة صدريا حسن، بتمشى بالمحبة والدماغ وأنا عارفه بعمل إيه، إهمد بقى بدل ما ودينى هبوط موضوع الأجازة.
- هدأ حسن نهائياً حينما بدأت هى ابتزازه.
- أقعد على مكتبك ومشي اليوم يا حسن.
- طأطأ رأسه دون رد.
- كلت الكشرى؟؟
- آه.
- ورينى.

فتشت بعينها فوجدت تلك اللعبة فارغة تمامًا ومُلقاه داخل سلة المهملات بجواره، على سطح الكاونتر وجدت أيضًا كويًا زجاجيًا في قاعه ما تبقى من شاي. ابتسمت رنا وطبطبت يهدوء مربب على كتفه.

- شطور يا أبو على.

تركته وعادت إلى غرفة النبطشية.

بعد ربع ساعة حسن كان منكبًا على شاشة هاتفه راغبًا في إنهاء تلك اللعبة العقيمة التي أخذها من زميله وفي الوقت نفسه يفكر فيما تفعله رنا، يحاول أن يجد تفسيرًا لما يحدث، يحاول أن يحلل ما حدث أمامه ليعلم هل هو على صواب أم كان يجب أن يزار في وجهها ويستدعي الدكتور عصمت لكنه توصل في النهاية أن تجنب شر تلك الشيطانة هو الحل الأسلم خاصة أنها وعدته بالحماية، بدأ يشعر بتقلصات غريبة في معدته، لكن لم يأخذ الأمر في اعتباره، تجاهل الألم وراح يتابع اللعب متناسيًا ذلك الشعور المقيت الذي بدأ يتصاعد بسرعة كبيرة، كلما مر الوقت شعر بأن هناك شيء غريب يحدث في معدته، شيء أشبه بشفرات حادة تقطع جدار معدته وتقلصات تُنذره بالذهاب إلى الحمام، حاول أن يتناسى ما هو فيه ولكن في أقل من خمس دقائق إضافيه كانت لديه رغبة جامحة للذهاب إلى الحمام وإلا سيحدث له ما لا تُحمد عقباه، هبّ واقفًا وهرع إلى الحمام بسرعة فائقة توحى بأنه عداء محترف.

حسن داخل حمام المستشفى يُعاني من معدته، شعور غريب ومُليح بالملكوث هناك حتى يشعر بالراحة الأبدية، تقلص غريب ورهيب يوحى بأنه على وشك الإصابة بحمى تيفودية، ظل يعاني من ذلك التقلص لمدة تزيد عن عشر دقائق حتى بدأ يتحرج ذلك الشعور قليلًا، وقف أمام صنوبر المياه يغسل وجهه الذي بهت لونه حتى يفيق، يضع يديه على معدته متسائلًا عن ذلك التقلص الذي ظهر فجأة، هل كان ذلك بسبب الطعام الذي قدمته له رنا!!، هل هو طعام فاسد، جفف وجهه بمنديل ورقي ثم خرج من الحمام عائدًا إلى الكاونتر الخشبي فيتفاجأ بوجود فتى الجرائد - عمرو - يجلس على تلك الدبّة الخشبية المجاورة للكاونتر، بجواره مجموعة من الجرائد والمجلات، في

يده جوال حديث يتصفح بين يديه، اقترب منه ويده اليسرى تحتضن قولونه وعلى وجهه آثار ذلك الألم الرهيب الذي يغتصب معدته، ألقوا على بعض التحية الحارة فهم لم يلتقوا منذ عشرة أيام ثم سأله عمرو مستفسراً عن سبب وجهه الملتوى ويده التي تحتضن معدته، فأجابه بأنه يعاني من تقلص غير مبرر منذ أن أكل علبه الكشرى التي أعطتها له رنا.

- طب خلى حد تانى يقول الكلام ده، حد مش واخد على أكل الشوارع.

- أهو اللى حصل بقى يا عمرو.

- ياعم تلاقيه برد فى معدتك ولا حاجة، بعدين أنا مش قللتك كلم المدير علشان ما تطلعش لوحدهك ياعم، أدبك تعبان أهو، إفرض بقى عاوز تروح، دا غير إن فى إنفلات أمنى ولازم عدد كبير يكون موجود فى المستشفى.

- والله يا عمرو كلمته كذا مرة وقالى ربنا يسهل.

- بس كده!!

- لا قالى هيدبنى مسدس صوت.

- مسدس صوت!! الناس بتثبت بعض فى الشوارع بالآلى وإننت هيبقى معاك مسدس صوت، إنت ما سمعتش عن البنك اللى أتسرق من كام يوم ولا إيه.

- سمعت بس ده بنك يعنى فلوس وبتاع، إنما يا حسرة اللى هيسرق المخروبه دى مش هيلاقى فيها حاجة.

- أدبك قولت يا حسن، بنك، بنك!! والشرطة شدت يومين وبعدين ولا أى أندهاش ولا أكن فى حاجة حصلت، أحنأ فى قوضى يا حسن والإنفلات الأمنى ده بقى مقرف وحاجة زى الزيت.



- ربنا يرحمنا يا عمرو، أهو هيبقى ليانا ريس قريب، هيبقى أول رئيس جمهورية مُنتخب من بعد الثورة، ربك إن شاء الله هيكرم والدنيا هتقوم وهنتغل.

- إبقى قابلنى.

نظر له حسن وأبتسم، فسأله عمرو عن سبب ابتسامته.

- يعنى غريبة إن حد فى سنك وببتكلم فى السياسة.

- مصر كلها بقيت بتتكلم فى السياسة فجأة والكل بقى خبير إستراتيجى وبتاع، بعدين أنا بيع جرايد يا حسن، يعنى كل ده بيعدى عليه بمس أنا شايف أن إحنا جيل مش هيشوف أمل تانى لا فى عهد ثورة ولا فى عهد أى رئيس بينتمى لأى فصيل سياسى، إحنا هنفضل إحنا فاشلين وضايعين لحد يوم القيامة علشان ربنا سبحانه وتعالى بيقول "إِنَّ اللَّهَ لَا يُغَيِّرُ مَا بِقَوْمٍ حَتَّى يُغَيِّرُوا مَا بِأَنْفُسِهِمْ" واحنا وحشين أوى يا حسن كلنا وحشين مع بعض يا أخى، محدش بقى بيعحب التانى.

- خلاص بقى يا جدع ما تخرطش على قلبى بصل الله يباركلك، كفاية اللي أنا فيه شغل بالليل وشغل الصبح ونوم العصر وحاجة تقرف، حتى يوم الجمعة بيتبخر.

- هو انت شغل واحد مش مكفيك صح.

- يا عمرو شوف الشقة بكام والعفش بكام ومصاريف الجواز عاملة ازاي.

- على رأيك، خلاص أنا هسكت أهو ولا أقولك أنا مسيبك ومطلع أبيع جرايد.

- مش هتبيع حاجة.

- ليه؟؟؟

- دكتور عصمت هو النبطشى.

تلقى وجهه وراح يُلوح بيديه في ضجر.

- والله أنا كل ده فاكراينه دكتور كريم علشان كده جايب معايا كل مجلات السيارات.

يستعرض المجلات أمام وجه حسن الذى بدأت ملامحه تتلوى فقد باغته ألم معدته مرة أخرى. أردف عمرو معاتبًا إياه.

- بس أنا زعلان منك، مش كنت تقولى عصمت النبطشى والله ما كنت جيت يا أخى.

- هو حد بيشفوك، ما إنت بقالك عشر أيام ما بتجيش.

- قال يعنى لو كنت هنا كان سأل.

- كنت فين طيب؟؟

- كنت فى البلد وجبت معايا الحقة دى.

استعرض أمامه الجوال الحديث الذى ابتاعه منذ أيام من هناك، يعرضه أمام عيني حسن التى اتسعت على أثره، أخذه منه وراح يقلب فيه بإعجاب شديد وازداد إعجابه به حينما أخبره عمرو بذلك السعر الذى ابتاعه به "مُسْتَعْمِل"، أخبره عمرو أيضًا أن الكاميرا الخاصة به نقية جدًا تسجل مقاطع الفيديو بتقنية HD، أبدى حسن إعجابه الشديد بالهاتف قبل أن يسأله عمرو بعد ذلك عن النبطشية من الممرضات فأخبره أنها رنا وبارا ولكن يارا ذهبت لأمراض ضرورى وسوف تعود فى الصباح الباكر.

- رنا، دى حبيبتي أصلاً.

- رنا حبيبة المستشفى كلها يا عمرو.

- وتكه بنت اللذينة، أنا هطلع أسلم عليها بس لما الكشف يخلص علشان مش عاوز أشوف دكتور عصمت ده.

التوى وجه حسن فجأة.

- كشف!! كشف إيه؟؟؟

- هو مش فى كشف شغال فوق!!

- لأ مفيش.

- إزاي يعنى!! أنا شايف من بعيد إثنين واقفين على باب المستشفى لابسين كابات يا حسن، شايفهم بعينى داخلين المستشفى، دا بالأمانة كان فى واحد معاه تقريباً شنطة سمسونايت.

- يا عمرو مفيش حد دخل.

- يا عم إنت كنت فى الحمام، ما أنا دخلت وإنت مش موجود.

بدأ الألم يداهمه بوحشية هذه المرة، شعروكأن تلك الآلة الحادة عادت مرة أخرى لتقطع معدته من الداخل، ارتفع منسوب الاحتياج إلى دخول الحمام بشكل سريع جدًا دفعه للنهوض سريعًا والركض فى اتجاه الحمام وقدميه تلتصق ببعضها لتمنعه من حدوث كارثة، أخبر عمرو بسرعة رهيبة أنه ذاهب إلى الحمام فى حين أن عمرو أخبره أنه ذاهب إلى رنا ليطمئن عليها وليعلم منها هل هناك كشف أم أنه بات مريضًا يُخيل إليه أشياء لا وجود لها.

هرع حسن إلى الحمام، دخل قبل أن تنفلت من يديه زمام الأمور، جلس بسرعة فائقة وراحت عضلات وجهه تنبسط شيئًا فشيئًا، شعر بسعادة غريبة تغمره حتى النخاع، الألم الذى يشعر به جعله لا يستطيع أن يترك الحمام ويتصرف، حالة غريبة لا يوجد تفسير لها سوى أن ذلك الطعام فاسد لا محالة، بعد مدة تزيد عن عشرة دقائق استمع إلى أصوات هرج غير طبيعية وإلى أصوات عشوائية ناتجة عن كروفر غريب،



شيئًا ما يسقط على الأرض مُصدرًا صوت ارتطامه بالأرض، شيء يبدو ضخماً، يليه شيء آخر في السقوط مباشرة مُصدرًا صوت آهات ناتجة من حنجرة رجل بالغ، قُرب الحمام من ساحة الاستقبال التي يقع فيها الكاونتر الخشبي جعله يستمع إلى كل شيء يحدث بها علاوة على أن الهدوء الذي في المكان يجعلك تستمع إلى أي صوت قد يحدث حتى ولو كان بسيطًا، أنهى سريعًا ما هو فيه وهرع إلى الخارج ليكتشف أن الديكَّة التي كان عمرو يجلس عليها مقلوبة على الأرض ومُزحزحة من مكانها إلى الأمام وكأن أحدًا قد دفعها بقوة، الكاونتر الخشبي سقط على الأرض في وضعيه بعثرت الورق الذي كان على سطحه وأطاحت بالهاتف الأرضي بعيدًا، بجواره تقبع في هدوء قبعة أو "كاب" أسود مكتوب على وجهته الأمامية باللون الأصفر "VIP"، الجرائد والمجلات التي كان يحملها عمرو مبعثرة في كل مكان وكأنه تعمد أن يفتersh بها الأرض، حسن ينظر حوله في حالة من الذهول الممزوج بالاندحاش، عيناه تتسع وهو يشاهد هذه الفوضى التي على الرغم من أنها حدثت في دقائق إلا أنها تشعرك وأن قطع من الحيوانات مرَّ من هنا وهو يجاهد للفرار من حيوان مفترس يريد أن يفتك به.

آخر شيء يذكره وهو يركض إلى الحمام أن عمرو أخبره أنه صاعد إلى أعلى ليصافح رنا ولعلها تباع منه شيئًا، نادى عليه بصوت عالٍ لكن لم يتلقى سوى صدى صوته، طرحت نفسه عليه سؤالًا، هل تشاجر مع الدكتور عصمت؟؟ مستحيل فدكتور عصمت لا يستيقظ أبدًا إلا إذا كان هناك كشف، تذكر كلامه عن هؤلاء الذين قد ذكر أنه رآهم أمام المستشفى يرتدون كابات، إذا بالفعل ربما يكون هناك كشف والدكتور عصمت قد استيقظ من أجلهم، لكن مهلاً ما سرتلك القبعة الغريبة التي لا تنتمي إلى أحدٍ منا!!! عمرو كان على حق، لكن معنى أنها ساقطة هنا وتلك الجرائد التي كانت بحوزته هنا إذاً واحدًا منهم كان يركض خلف عمرو، وهو أسقط المقعد والكاونتر لإعاقته وهو يركض خلفه، الصوت!! هناك صوت قد تناولته أذني وأنا داخل الحمام، صوت آهات يأتي من حنجرة رجل بالغ!!! هناك ألغاز كثيرة تحتاج إلى حل ولا حل سوى الصعود حيث غرف النبطشية!!!!

التقط القبعة السوداء من على الأرض، أعاد الكاونتر والمقعد الخشبي ثم شرع في حصد الجرائد والمجلات من على الأرض ليضعها بعد ذلك بصحبة القبعة في درج الكاونتر، احتضن قولونه الذي بدأ الألم يضربه مرة أخرى، شرع في صعود درجات



السلم ووجهه يمتعض قليلاً على أثر ذلك الألم الذى بدأ يتصاعد فى معدته، وصل إلى الرواق الذى فيه غرفة النبطشية الخاصة بالمرضات والأطباء فكتشف أن النور مغلق من القابض الكهربى، أضاءه فاستمع إلى صوت باب يُغلق، نظر بعينه نظرة عميقة محاولاً استكشاف مصدر ذلك الصوت، يقترب ببطء من الغرفة وهو يردد بصوت خافت "رنا، رنا"، لا أحد يجيب عليه، اقترب أكثر حتى وصل إلى الباب، طرق عليه طرقات خفيفة فى البداية ثم بدأت تتزايد تدريجياً حتى وصلت إلى طرقات يسمعها كل من هوى نفس الرواق حتى وإن كان فى غرفة أخرى لكن لا أحد يجيب حتى د/عصمت لم يظهر، وضع يديه على مقبض الباب وحركه ببطء إلى أسفل فاكتشف أن الباب مُحكم الغلق، طرق عليه مرة أخرى مُرددًا اسمها بصوت هادئ لكن لا يوجد نتيجة تختلف عن تلك النتائج السابقة، بات حسن فى دهشة عارمة لا يستطيع تفسير ما يحدث حوله، هناك حالة من الجنون الغامض تضرب المكان، امتعض وجهه حينما بدأ ألم معدته يغازله مرة أخرى.

- رنا أنا كده بقى مضطر أصحى دكتور عصمت لأن فى حاجات غريبة بتحصل وأنا مش فاهمها.

أخبرها حسن بما ينوى فعله لأنه يعلم جيداً كيف ستكون عاقبته إذا أبلغ دكتور النبطشية بشيء دون أن يمر على رنا، التفت إلى الخلف وشرع فى الذهاب إلى غرفة النبطشية الخاصة بالأطباء، ارتفع وقع أقدامه وهو يترجل إلى هناك، طرق على باب الدكتور عصمت لكن لم يجيب عليه أحد، صوت "كالون" الباب يتحرك يتبعه صوت المقبض قبل أن يأتية صرير الباب وهو يُفتح، تلك الأصوات المتتابعه جعلت حسن ينتبه إلى غرفة الممرضات، يرمق باب الغرفة بدهشة لكن دون ظهور شيء.

- رنا، إنتِ اللي فتحتى الباب؟!!

لا أحد يُجيب، تحرك شغف حسن وراح ببطء يخطو تجاه الباب حتى وصل إليه فتوقف عن متابعة السير ومطأ رأسه ليشاهد ما بداخل الغرفة فتلقت رأسه ضربة قوية بعصا خشبية أدت إلى سقوطه على الأرض شبه مغشى عليه، العصا كُسِرت على رأسه، تشوشت رؤيته بعدما اتخذت الدماء من رأسه إلى ياقة قميصه ورقبته مساراً لها فصبغت وجهه وسقّت ملابسه، افترش جسده الأرض نائماً على جانبه الأيمن وكأنه

حارس مرمى يُحاول التصدى إلى ركلة جزاء يُسددها لاعب محترف، في أقل من ثانية كان ظهره يتلقى وأبلاً من الركلات العشوائية المتتالية، حاول حسن أن يرفع رأسه قليلاً بعدما توقف الضرب فوجد على ما يبدو أنه شخص نحيف، أصلع، أبيض البشرة، يولى له ظهره، ينحني ليلتقط القبعة التي سقطت منه على الأرض، إنها قبعة سوداء لكن عيناه لم تستطع رؤية تفاصيل أكثر من ذلك، التقطها ذلك الأصلع النحيف قبل أن يلتفت إليه، يتفاجأ حسن بأن ذلك النحيف الأصلع يرتدى على وجهه ذلك القناع الشهير "قناع فانديتا"، كان يحمل في يديه شنطة "سمسونايت" تبدو فارغة، فقد كانت تتأرجح في يده بسهولة، انحنى صاحب القناع وأمسك بنصف العصا المكسورة وهوى بها على رأس حسن مرة أخرى فسُلب وعيه بالكامل وأغشى عليه.

\*\*\*

استرد حسن وعيه في الساعة السادسة صباحاً.

كان يشعر بصداع رهيب يقسم رأسه إلى نصفين، صداع يغتصب رأسه لدرجة أنه كان لا يستطيع أن يرفعها من على ذراعه الذي تستند عليه، هناك تنميل وحشي يشعر به في ذراعه نتيجة وزن رأسه التي ضغطت عليه طوال فترة الإغماء، تعامل على نفسه وجلس بمعاناه نصف جلسة شعر معها وكأن الرواق يلتف به، أغمض عيناه ثم حاول النهوض، سقط في البداية من فرط عدم الاتزان لكنه حاول مرات عديدة حتى تمكن من الوقوف على ركبتيه ثم على قدميه، باب غرفة الممرضات غير مُحكم الغلق، يصنع فرجة صغيرة لا تمكن رأسه من الدخول، ترجل ببطء شديد تجاه الغرفة وكأنه عائد لتوه من الموت (زومي)، أزاحه ببطء ليصدر ذلك الصرير الكتيب الذي يُنذِر بأن شيئاً ما سوف يحدث، الغرفة بها فوضى عارمة وكأن مجموعة من الأطفال كانوا يعبثون بها، التفاصيل كانت كثيرة منها كمية من الأوراق البيضاء تفتersh أرض الغرفة، كوب مكسور على الأرض، سرير الغرفة في حالة فوضى أسفله هاتف جوال ابتعدت أشلائه عن بعضها، رنا نائمة في هدوء وسكون تام على السرير بوضعية غير صحيحة، نائمة بعرض السرير، رأسها تسقط من على السرير وكأنها تشاهد عرضاً بالقلوب، تفرد ذراعها عن آخرهما وكأنها تتأهب لتحضن أحداً، قدمها تتدلى من الجهة الأخرى

للسرير فتلامس الأرض فعرض السرير لم يتسع لجسدها بالكامل بل انتهى عند ركبتيها، عيناها ترتفع إلى أعلى، ثغرها مفتوح عن آخره لتُخبره هيبتها أنها جثة هامة.

صرخ حسن وهرع إلى غرفة الدكتور عصمت، يضرب على الباب كالمجنون لكن لا أحد يُجيب، حاول فتح الباب لكن اكتشف أنه مُحكم الغلق، ركض في الرواق حتى وصل إلى السلم الداخلى فانزلق بسبب عدم الاتزان الذى يعانى منه، هوى على الأرض وانزلق بسرعة رهيبة وبطريقة لا تمتُ إلى الاتزان بصلة، فهو يتدحرج كبرميل فارغ على درجات السلم، لم يأخذ في اعتباره ما حدث فور وصوله إلى الأرض فما رآه بعينه جعله يتناسى أى تعب أو ألم، أمسك بهاتفه القابض في درج الكاونتروالذى أوشكت بطاريته على النفاد، أحضر رقم الدكتور إبراهيم ثم اكتشف أنه لا يمتلك رصيداً له فقط رصيده يُساعده في الاتصال بالدكتور سعيد، أجرى اتصالاً معه أخبره فيه أن هناك جريمة قتل وأن دكتور عصمت لا يجيب في حين أن باب غرفته مُحكم الغلق، طلب منه الدكتور سعيد أن يبلغ الشرطة وهو سيأتى حالاً إليه.

أغلق الهاتف ثم نظر إلى نفسه ويداه ترتعش بلا هوادة من فرط ما هو فيه، اشتم رائحة نلّنه لا يعلم مصدرها، فنش عنها فاكتشف إنه قد تغوط في ملابسه حينما أغشى عليه لأنه كان يعانى من ألم شديد في المعدة يستدعى الذهاب إلى الحمام كثيراً، علاوة على أن جرح رأسه يؤلمه بشدة الآن والدماء قد جفت على ملابسه إذاً هو بحاجة ضرورية إلى التنظيف، هرع إلى الحمام ليستحم وليتخلص من تلك الفضيحة فكيف سيقابل كل هؤلاء بملابس قد تغوط فيها!!!.

اغتسل في حمام المستشفى الذى تعود الاستحمام فيه طوال فصل الصيف قبل أن يذهب إلى عمله الصباحى في أحسن حالاته، استبدل ملابس المستشفى بملابسه الشخصية، وضع المظهر على جرح رأسه قبل أن يلف عليها الشاش وخرج ليتفاجأ أن يارا قد وصلت لتوها إلى المستشفى كما اتفقت معها رنا أمس، وجهها كان مرهقاً لونه أصفر باهت يشى بمدى التعب والإعياء التى تشعر به، تضع يدها على معدتها في ألم، سألت حسن مستفسرة.

- مالك يا حسن!! وإيه الشاش اللى على رأسك ده إنت اتعورت ولا إيه؟؟



نظر لها وعيناه تمتلئ عن آخرها بالدموع، جسده يرتعش بشكل غير طبيعي، شكل يوحى إليك إنه راغب في التبول، فسألته بلهجة أقوى هذه المرة.

- هو في إيه يا حسن؟؟ إنت عامل كده ليه؟؟ وإيه الفوضى دي، تليفون المستشفى على الأرض والحرارة مرفوعة، وتليفون رنا مغلق من امبارح.

نظر حسن على الأرض حيث الهاتف الأرضي، انحنى ووضع السماعة على التليفون فعادت الحرارة، التقطه ووضعها في مكانه على سطح الكاونتر ثم يهدوء مُربب وبملامح وجه من يقع تحت تهديد شيء ما.

- رنا إنتقلت يا يارا.

اتسعت عينها بعدم تصديق في البداية قبل أن يتطور الأمر وتمد يدها لتعصر ملابسها بقوة.

- إنت بتقول إيه!!! مين دي اللي إنتقلت، إنت شارب حاجة ولا إيه.

باستسلام تام دون حتى أن يفكر في زحزحة يدها عنه أو حتى دفعها بعيدًا، طأطأ رأسه وراحت ملامح الحزن والأسى تتشكل على وجهه.

- رد على أمي إنت لسه هتمثل.

- يارا إنتقلت، إتخبطت على دماغى بالليل من حد لابس قناع غريب ولما فوقت الصبح لقيتها إتقتلت.

دفعته بقوة وراحت تركض إلى غرفة النبطشية وهي تصرخ كالمجاذيب، دخلت إلى الغرفة، شامت جثتها وهي تصرخ وتلطم على خديها بلا رحمة، التفتت إلى حسن فجأة، وراحت تعصر ملابسها مرة أخرى بجنون أم أمسكت بقاتل ابنها الوحيد، اعتصرت ملابسها بقوة كاد معها قميصه أن يتمزق، تحدثت إليه بنبرة صوت عبرت حدود الجنون، تحدثت معه بملامح وجه باتت تحت تأثير هياج عصبي جامع فعقلها يرفض تمامًا تصديق أن زميلتها وصديقها باتت في عداد القتلى.



- إنت اللى قتلتها يا حسن, إنت اللى قتلتها.
- حاول حسن أن يدفعها بعيدًا وهو يصرخ في وجهها هو الآخر.
- أنا ما قتلتش حد, والله العظيم أنا ما قتلت حد.
- آمال مين اللى قتلها؟؟
- ما أعرفش.
- يعنى إيه ما تعرفش.
- صمت وعيناه راحت تدمع بحزن ممزوج بخوف شديد.
- إنت هتعيطلى, رد عليا.
- قالتها بقوة فأجابها بصراخ هو الآخر.
- ما أعرفش, إمبارح الباب بتاع الأوضة ما كانش عاوز يفتح وفجأة الباب فتح ولقيت حد بيضربنى على دماغى, حد رفيع وأصلع وكان لابس كاب إسود وقتاع غريب , ما عرفتش أشوف وشه, ضربيتى على دماغى وجرى.
- يعنى إنت شفته أهو, آمال بتقول ما تعرفش إزاي.
- هو ده اللى شفته وأعرفه, أكثر من كده ما أعرفش, ما أعرفش.
- قطع حديثهم صوت طرق الدكتور عصمت من داخل الغرفة وهو يحاول فتح الباب متساءلاً عن من أحكم غلقه, تغلص حسن من مغالب يارا القابضة على ملابسها وركض إلى غرفة نبطشية الطبيب ليتحاور معه وليكتشف منه أن باب غرفته مُحكم الغلق وأن المفتاح ليس بحوزته, أصابته حالة انهيار عصبي حاد حينما أخبره حسن أن رنا وجدوها مقتولة في الصباح, ظل يضرب الباب بقدميه حتى كُسِرَ الكالون وخرج دكتور عصمت كالمجنون في اللحظة التى وصل فيها الدكتور سعيد يلهث مُحاولاً

التقطات أنفاسه بعدما ركض بسرعة قصوى من سيارته حتى باب غرفة النبطشية، نظرفي عين دكتور عصمت وأطال النظر وكأنه يقول له أننى أعرف من الذى قتلها، سأل حسن هل قام بإبلاغ الشرطة؟؟، نفى حسن ذلك فنهزه د/سعيد قبل أن يبلغ هو الشرطة بنفسه، يارا تجلس القرفصاء تبكى بحرقه مُرددة بصوتها الحزين الباكي " ياريتنى ما كنت سيبتك يا رنا، ياريتنى ما كنت سيبتك"، دكتور سعيد يستمع إلى كلماتها بإمعان ثم يسأل حسن.

- هو مين اللى كان نبطشى معاها.

- يارا.

- آمال سابتها إزاي!!!

- دى قصة كبيرة أوى هبقى أحكيها لساعدتك.

- إنت بلغت الدكتور إبراهيم.

- لا مش معايا رصيد إلا لرقم حضرتك بس.

- أنا هبلغه.

أخرج د/سعيد الهاتف وقام بالاتصال بالدكتور إبراهيم فى تمام الساعة السابعة ليُبلغه بتلك الكارثة ثم ذهب لإبلاغ الشرطة.

\*\*\*

سليم أبو فرحة يستمع إلى حديث وكلام حسن الذى لا يزال قابلاً أمامه يقص عليه ما حدث فى ليلة أمس، سليم ينظر له بانتباه شديد وتركيز عميق وكأنه يحاول تخيل كل مشهد يحكيه على تقنية ثلاثية الأبعاد، يهتز بالكُرسي قليلاً وهو ينظر له بإمعان شديد، رأسه ملفوفة بالشاش وتلك البقعة الحمراء ظاهرة على جبهته، يجلس أمامه بملابسه الخاصة، لا يرتدى زى المستشفى الرسمى.

- بس يا باشا بعد كده رجالة المعمل الجنائي جت بعد كده حضراتكم.
- أه، طب دكتور إبراهيم وصل إمتى.
- بعد رجالة البحث الجنائي بشوية كده يا باشا.
- ضحك سليم ببطء فى البداية وراحت ضحكاته تتزايد تدريجيًا حتى وصلت إلى أقصى صوتٍ لها، ضحك لدرجة أنه كان من السهل إذا نظرت إلى فمه أن تشاهد حنجرتَه عبر فمه المفتوح عن آخره.
- حلو أوى الفيلم الأجنبى ده يلا، إنت منزله من على النت بقى ولا شفته على قنوات الأكشن.
- يا باشا أنا.....
- شششششش، مش عاوز كذب يا أبو على.
- يا باشا أنا ما بكذبش.
- بتكذب يا أبو على، قولى بس قتلها ليه؟؟
- حالة لا توصف من الانفلات العصبى والعقلى قد أصيب بها ذلك النحيف.
- والله العظيم ما قتلها، ومقتلها ليه؟؟، هستفيد إيه؟؟
- إخرس يلا واتكلم بصوت واطى بدل ما وشرف أُمى أعلقك من رجلك زى الدبيحة.
- هدأ حسن وبدأ يتحدث بصوت خافت.
- طب يا باشا هقتلها ليه.
- علشان تنتقم منها.

- ليه؟؟
- علشان النذل اللي بتذلهولك ده كل شوية.
- والله العظيم ما حصل، والله ما حصل.
- لم يترك سليم الفرصة تمر هكذا، يجب أن يدلى بدلوه ليستفيد من حالة الارتباك التي أصابت حسن.
- طب قولى مين اللي قالك إقتلها، إبراهيم.
- والله ما حد قالى.
- يعنى قتلها من نفسك.
- والله ما قتلها.
- طب مين اللي قتلها؟؟
- أنا قلت لسعادتك مواصفاته، وكان لابس قناع.
- طب القناع كان شكله إيه؟؟
- ما أنا قولت لسعادتك قناع فانديتا.
- يابن اللعيبه يا حسن تصدق ملعوبه، تعمل الجريمة وتنتقم منها وتلبسها لحد مجهول المصدر، لا ولد، لعيب، شابوه يا ابو على.
- كلام سليم يثير استفزاز كل خليه من خلايا حسن، سليم يتفرس فيه ويتابع كل ردود أفعاله بشيء من العمق.
- والله العظيم يا باشا ما حصل والله ما حصل.



- طب استنى جاتلى فكرة يا أبو على.
- بصمت مذهب استمع فيه إلى كلام سليم الذى أردف بخبث شديد.
- إنت قلت أن الكاب والجرايد والمجلات إنت شيلتهم فى درج الكاونتر بتاعك من إمبارح ، والمفروض أنك لسه مجيتش جنهم صح.
- صح يا باشا.
- روح هاتهم يا أبو على ورهملي.
- بدت على وجهه أمارات النصر، هذه فرصة ذهبية أعطاها له سليم.
- حاضر يا باشا.
- انتفض من مكانه بسرعة البرق، استوقفه سليم.
- أبو على.
- أيوة يا باشا.
- هاتهم فى كيس علشان البصمات.
- حاضر.



## ( الفصل الثامن )

سليم أبو فرحة يجلس على مكتب الدكتور إبراهيم، يعيث في أدراجه وفي تلك الملفات الراقدة على سطح المكتب، يزفر دخان لفافة التبغ التي ملأ دخانها المكان وهو في انتظار وصول حسن بالجرائد والمجلات والكتاب الأسود الذي احتفظ به، هناك شخص يقترب من باب غرفة المكتب الغير محكم الغلق، يقترب بهدوء مريب متعمداً ألا يصدر صوت وكأنه لا يريد أن يجرح ذلك الهدوء الذي يُخيم على المكان فبدأ كلص يتسلل إلى مسرح الجريمة، نظربعيناه من فرجة الباب على سليم المنهمك بالتنقيب في مكتب الدكتور إبراهيم، تعالت أنفاسه ثم مدَّ يده وراح يفتح الباب الجرار فيصدر ذلك الصوت الذي يدل على أن حلقه في أمس الحاجة إلى مادة بترولييه لتسهيل حركة سريانة وليُخرس ذلك الصوت المزعج الذي انتزع انتباه سليم وجعله ينظر إلى سليمان، ذلك الشحاذ ذو الهيئة الرثة الذي كانت رنا تحاول الفرار منه كلما أرادت الدخول إلى المستشفى، ينظر إليه سليم طويلاً، يحاول أن يتعرف عليه، إنه يُشبه تمامًا ذلك الشحاذ العجوز الذي وصفه له وهو يحاول التعدي على رنا وهي تلوذ بالفرار منه، يرتدى ملابس مهلهلة، مُتسخة للغاية تكسوها الرقع الملونة، ملامحه لا تظهر من كثرة التجاعيد التي ترتسم على وجهه، شعره الكثيف الملتحم مع ذقنه يدفن هيلته، يقف متصلباً ينظر بثبات إلى سليم الذي لم يزحزح عيناه عنه، ظللاً هكذا يتبادلون النظرات لمدة تزيد عن دقيقتين، خرج سليم عن صمته.

- في حاجة يا راجل إنت؟؟

قالها بعدة فأجابه العجوز.

- أنا عارف مين اللي قتل رنا الممرضة.

- !!!!!

هنا انتفض سليم وراحت ملامحه تتباعد عن بعضها كقط رمل شينا ما يتحرك بسرعة تحت ملاءة كبيرة، بلل شفتاه السفلى بلسانه كأنه أصيب بنوبة ارتفاع سكر، اتسعت عيناه وبدأ يُنقب في وجه ذلك الرجل الذي يقف أمامه بثبات غريب، يُدقق النظر فيه مستخدماً كل الدورات والكتب التي قراءها في علم النفس.

- يعني إنت عارف القاتل؟؟

- آه، وشوفته كمان وهو بينفذ الجريمة.

قطب سليم جبهته في استغراب شديد، يحاول استيعاب كلام ذلك الرجل الكبير الذي لا يبدو عليه أى نضوج فكري أو فصاحة، سليم لا يريد أن يندفع وراء ذلك الكلام فربما هو مجرد رجل مجنون خاصة أن هيئته تشي بذلك.

- ولما أنت شفت الجريمة ما منعتهش ليه؟؟

- وامنعها ليه؟؟ دا أنا كنت في غاية الإنبساط وروحها بتطلع قدامي.

قالها وهو يبتسم ابتسامة مخيفة تضعه في خانة القتل الساديين، شعر سليم برجفة غريبة لم تعتريه منذ وقتٍ طويل.

- بقولك إيه إنت شكلك كده مجنون وبهرتل، إطلع بره يا راجل إنت بدل ما وديني أخذك القسم أظبطك، متعملي فيها مجنون ساعتين هرفع عنك الكتاب العمر كله.

قالها بحده فتجهم سليمان وراحت عيناه تجحظ لدرجة أنها كادت أن تخرج من تجويفها.

- أنا لا مجنون ولا بهرتل، أنا عارف مين اللي قتلها بجد.

يُشير بيديه إلى عيناه.



- شوفته بعينيا دول وهو بيقتلها، شوفتها وهي بتفرفر في إيدته وبتترجاه إنه يسيبها تعيش، بس هو طلع راجل، ذكر، قتلها علشان يحررها من اللى كانت هي فيه.
- إنت بتعمل إعلان فيلم يا جدع أنت ؟؟ ما تقول مين اللى قتلها وأخلص .
- قالها بغضب وبغنف شديد فجاءه الرد المباغت الذى لم يتوقعه، جاءه ليسقط عليه كالصاعقة من السماء.
- أنا اللى قتلها.
- !!!!!!!!!
- ارتعدت فرائضه وظل ينظر له بعدم فهم، سادت ملامحه الدهشة العارمة في البداية ثم بدأ بعد ذلك يبتسم وكأنه لا يصدق ما يقوله ذلك المخبول.
- تانى كده يا حج الله يباركلك، مين اللى قتلها كده؟؟
- أنا اللى قتلها.
- إنت عارف لو طلعت شارب ولا مبرشم أنا هعمل فيك إيه.
- ابتسم ذلك العجوز وراح يحرك رأسه يمينًا ويسارًا في بطاء شديد وكأنه لا يصدق ما يسمع.
- ما هو اللى بيعي على طول ويقول كلمة الحق حتى ولو على رقبتة يبقى يا إمّا شارب أو مبرشم، ولا يمكن سعادتك إتغيرت في اللى أنا لابس، كنت تعالى يا بيه شوفنى زمان قبل الدنيا ما تحط عليا ورنّا تعمل فيا اللى عملته، أهو كل اللى أنا فيه ده بسيبها.
- لا بقولك إيه يابا أنا رئيس مباحث مش موظف في الشئون الإجتماعية علشان أقعد اسمع إنت كنت إيه وبقيت إيه، إظبط نفسك معايا كده وخليك مُحدد، قتلها ليه؟؟؟

بهدهوء وبرود لا يتناسب مع قاتل يجلس أمام رئيس مباحث.

- هي المجنى عليها اسمها إيه؟؟

- هو احنا داخلين لجنة امتحان شفوى؟؟ ما تتكلم علطول يا راجل إنت بدل ما أخذك القسم وأعلق في أنبوبة لحد ما بيان لك صاحب.

- يا باشا دا سؤال مهم في صُلب القضية.

- اعتبر إني أنا اللي سألته وجاوب أنت.

- اسمها رنا سليمان حواس، وأنا سليمان حواس والد المجنى عليها.

تباعد فكى سليم وراح ينظر له بلامح رجل اكتشف خيانة زوجته، أردف العجوز بتلك الطريقة التقريرية.

- رنا هي بنتى الوحيدة وكان لازم أقتلها.

ضرب سليم جبينه بيده مُصدراً ذلك الصوت الناتج عن التصادم.

\*\*\*

قبل وقوع الجريمة بسنوات كثيرة.

سليمان وقتها كان على حافة الثلاثينات، ربما لم تمر سوى سنتين على اقتحامه ذلك العقد الجديد من عمره، يجلس مع زوجته ذات الجمال المتوسط دكتور بدين يُعد الأشهر في مجال علاج العقم وتأخر الإنجاب، يجلس سليمان أمامه بصحبة زوجته في عيادة ذلك الدكتور الذى يطلع بإمعان على مجموعة تحاليل عبر عويناته الدقيقة التى انزلقت حتى مقدمة أنفه، على وجهه يظهر رد فعل يثبى بالتوجس والقلق الشديد، زوجة سليمان ترتجف وتنظر له وكأنها تنتظر ظهور نتيجة الثانوية العامة برغبة دخول كلية الطب، تمد يدها المرتجفة فتلتقى مع يد زوجها سليمان الفارقة في العرق من شدة التوتر، الدكتور ينتزع عويناته وينظر لهما وعلى محياه لمسة حزن شديدة لا

يمكن تجاهلها، بشيء من الأسى أخبرهم أنهم غير قادرين على الإنجاب، لابد أن تكون هناك معجزة حقيقة في زمن انتهت فيه المعجزات من أجل حدوث ذلك.

الخبر كان صادماً وكافياً لدخولهم في حالة اكتئاب حاد لكن إيمانهم الشديد بقضاء الله وقدره لم يدفعهم نحو اليأس بل جعلهم على يقين بأن كلما ضاقت عليهم حياتهم وأظلمت فلا بد أنهم على شفى فرج قريب.

ولّى سليمان حياته شطر الله سبحانه وتعالى فكان يلجأ إلى كل النوافل التي تجعله قريب من الله عز وجل، استمر على هذا الأمل وعلى هذه الحياة الدينية حتى أتاه الله باليقين، حملت زوجته وأصبح في رحمها طفلاً لهما، الخبر كان بمثابة انتصار يضاهي انتصار مصر في حرب أكتوبر، ارتفع التهليل والتكبير وراح سليمان يوزع الحلوى والهدايا على كل سكان الشارع دون حساب أو حتى تفكير، أصابته حالة فرح غريبة دفعته لفعل كل هذا، بدأت زوجته تشعر بإعياء شديد فحجمها الضليل وصحتها الوهنه كانت لا تتحمل آلام الحمل والولادة ولكن إصرارها الشديد على الوصول إلى ذلك الحلم كان يجعلها تتحمل على نفسها وتجاهد حتى يأتي إلى تلك الدنيا مولودها الأول.

في مساء ليلة بهاء مشنومة استيقظ سليمان على صوت صُراخ زوجته، تغلغل الصُراخ في أذنيه ففزع وهرع إليها ليجدها ماقطة على أرض الحمام بعدما انزلقت قدمها وهي في طريقها إلى باب الخروج، اتسعت عيناه وراح الهلع يتجسد بسرعة فائقة على وجهه وهو يُخَيِّلُ إليه أن طفله المسكين الذي يتمناه بات في خطر، صرخ وهو يقترب من زوجته ليكتشف أنها راقدة على بركة من الدماء، حملها كالمنجنون وهبط بها إلى الشارع، اقتحم عنوة سيارة أجرة كان سائقها في طريقه إلى البيت، صرخ في وجه السائق حينما أخبره أنه أنهى عمله وهو الآن في طريقه إلى البيت، صرخ في وجه جنونية أن يذهب بهم إلى المستشفى حالاً وإلا قتله في الحال، انطلق السائق وهو يسب ذلك القرار الخاطيء الذي جعله يتأخر بسيارته إلى مثل ذلك الوقت من الليل، وصلوا إلى المستشفى، حملها سليمان بين يديه كالجريدة وهرع بها إلى داخل المستشفى ليتلقى بعدها تلك الصفعة الغاشمة، انتهى الحمل وتوفي الجنين.



لا شك في أن هذا الخبر كان بمثابة فاجعة بالنسبة له ولكنه ظل متمسكاً بذلك الأمل مواسياً نفسه بذلك الوعد المقدس الذي لا ريب فيه " وَإِذْ تَأَذَّنَ رَبُّكُمْ لَئِنْ شَكَرْتُمْ لَأَزِيدَنَّكُمْ "، الحمد لله تعالى بما ينبئ لجلال وجهك وعظيم سلطانك، ظل يُردها بيقين وبصدق حتى حملت بعدها زوجته على أثره، حملت في مولودتها الجديد (رنا) عدة أشهر حتى أتت إلى هذه الدنيا ولكن كُتِبَ عليها أن تأتي عَجِيَّةً " فاقدة الأم من الصغر فتريت بلبن غير أمها " فقد توفت زوجة سليمان أثناء الولادة.

عكف سليمان على تربية ابنته رنا، كان يعمل ليل نهار حتى لا يشعرها بنقص أو بأنها عَجِيَّةٌ تربت بلا أم، أو أنها محرومة من حنان يلوذ به تقريباً كل من هم في نفس عمرها.

كبرت رنا والتحقت بمعهد التمريض لتعمل بعدها في عدة مستشفيات حتى انتهى بها الأمر في مستشفى 15 مايو العام فور انتقالهم إلى تلك المدينة البعيدة، وفي يوم من الأيام تحديداً قبل وقوع الجريمة بعدة أشهر جاءت إلى والدها الذي كان يجلس في شرفة المنزل يحتسى فنجان القهوة المحبب إلى قلبه، قبلته بحنان قبل أن تجلس بجواره تتحدث إليه بلهفة شعر هو منها أنها على أعتاب ترك حياة العزوبية، تظاهر بالبلاهة حتى أخبرته هي أن هناك من يود أن يقابله من أجل الزواج، ابتسم سليمان من أعماق قلبه ثم طلب منها أن يأتي إلى مقابلته في نهاية الأسبوع القادم خاصة بعدما عَلِمَ منها أنه يعمل طبيب في نفس تلك المستشفى التي تعمل هي بها.

## يوم الخميس مساءً

كان الموعد المحدد ليلتقى سليمان بذلك الطبيب الذي يرغب بالزواج من ابنته الوحيدة، ظل سليمان مُستعداً له حتى قرع الجرس، تبختر بسعادة وهو في طريقه إلى الباب، فتحه على مصراعيه مرحباً، راسماً تلك الابتسامة التي تتسع من الأذن إلى الأذن ولكن سرعان ما تلاشت تلك الابتسامة وحل مكانها استغراب شديد ودهشة عارمة، فقد وجد أمامه رجل عجوز في سنه تقريباً، يحمل في يديه علبة تبدو أنها كعكة



الخطوبة الشهيرة، لا تتسرع يا سليمان ربما هو والد العريس ولكن أين هو العريس هل تبخر أم أرسل والده فقط، لا لا هذا العجوز الذى ومن العظم منه هو العريس!!!!

التمعت عيناه وبدأ وجهه غير مرحبًا بمجرد أن رأى ذلك العجوز، ظل سليمان متسمراً أمامه دون جراك فقط ينظر له باستغراب شديد انعكس على ملامح الرجل العجوز فبدأ عليه الاستياء الشديد من ذلك الاستقبال الذى لا يليق به ولا بمكانته، خرجت رنا من الداخل لتشاهد ما يحدث بين والدها والعجوز، اقتحمت تلك الجلسة البكماء وبدأت بالحديث.

- بابا، دا الدكتور إبراهيم مدير المستشفى وجاى علشان يتقدملى!!!!

صرخ سليمان رافضاً تماماً إتمام هذه الزيجة بل رفض الجلوس مع الدكتور إبراهيم من الأساس، رفض لدرجة أنه منعه حتى من الدخول إلى شقته، زفر إبراهيم وشعر أن ما يحدث إهانة كبيرة له، هذا الرجل الذى يدعى سليمان لا يعير له أى إحترام فقفزه ببعض الكلمات الحادة قبل أن يولى له ظهره وينصرف في اللحظة التى نشب فيها شجار عنيف بين رنا ووالدها، تعالت الأصوات وتراشقت الاتهامات، حاولت رنا أن تعبر للدكتور إبراهيم عن مدى استياءها الشديد لهذا الفعل المشين الذى فعله والدها في الوقت نفسه حاول هو أيضاً أن يوقفها من غفوتها، فهو لن يتركها لهذا الرجل المسن الذى هو في عمر والدها بعد كل ما فعله وبذله من أجلها، لا لن يتركها هكذا، اشتد الشجار بينهم لدرجة أن سليمان صفعها على وجهها بقوة أطاحت برأسها بعيداً، صفعة قوية تركت بصماته على خدها الأبيض بلا شفقة أو رحمة، استفاق في وقت كان لا يصلح فيه أى رجوع فلا يمكن لرصاصه أن تعود إلى سلاحها بعدما ضُغِطَ على الزناد، نظرت له معاتبة إياه بتلك النظرة الدامعة ثم هرولت إلى غرفتها دون أن توجه له أى لوم أو عتاب، دخلت إلى صومعتها ولم تخرج منها على الإطلاق.

ندم سليمان على فعلته فهذه هي المرة الأولى التى تمتد فيها يده على ابنته الوحيدة، لم يستطيع النوم في تلك الليلة الهباء إلا سُويَعات قليلة استسلم فيها إلى الإرهاق الفكرى والذهنى العنيف الذى اجتاح رأسه، يومها أتته زوجته في المنام تعاتبه بشدة على ضرب ابنتها في ذلك السن الكبير، استيقظ من نومه وذهب إلى غرفتها فلم يجدها، بل وجد ورقة مطوية كُتِبَ فيها أنها تركت المنزل وذهبت إلى الدكتور إبراهيم

فقد أحبته ولن تعيش بعيداً عنه، هنا أصابته الصدمة الشديدة التي لم يتحملها جسده المريض، شعر أن قواه قد خارت تماماً، شعر بدوار شديد يكتنف رأسه قبل أن يسقط على الأرض مغشياً عليه بغيوبة السكر الأولى التي زارته بسبب ذلك التصرف الأهوَج من ابنته الطائشة.

ظل ملقى على الأرض مغشياً عليه لأكثر من عشرين ساعة دون أن يهتم لأمره أحد وعندما أفاق لم يجدها معه فقط وجد آثارها، تلك الورقة الحمقاء التي تركتها له تُخبره فيها أنها تنازلت عن كل شيء من أجل الدكتور إبراهيم حتى أباهما لم تعد في حاجة إليه لأنه ببساطة سيشكل عائلاً بينها وبين حبيبها.

حاول الذهاب إليها في المستشفى مرات عديدة لكن لم يسمح له د/إبراهيم بلقائها بل كان يأمر الأمن بطرده من المستشفى نهائياً ويُمنع دخوله حتى وإن كان مريضاً.

ساءت حالته النفسية والصحية يوماً بعد يوم حتى أصبح سليمان ملازم الفراش، عدد من الجيران نصّبوا أنفسهم مسئولين عن حل ذلك النزاع، ذهبوا إليها في المستشفى وحاولوا أن يصلحوا ما أفسده العناد ولكن الدكتور إبراهيم رفض بشدة وأعلن أن كل من سيقرب من زوجته فليكتب وصيته قبل أن يفكر في فعل كهذا.

أخبره كل من نصّب نفسه لحل ذلك النزاع بهذا الكلام، حاول سليمان أن يتفاهم مع ابنته لعل قلبها يرق تجاه من أفنى عمره من أجلها، ولكن فوجيء بأنه كلما ذهب إليها وجدها تفر منه بهلع وكأنه مُصاب بمرض جلدي قاتل تتحاشاه وكأنه جرثومه قاتلة سوف تقضى على حياتها إن اقتربت منه، تركت هذه الأفعال في نفس سليمان ما تركته، فما أصعب أن تجد نفسك منبوذاً من أقرب الناس إليك وأنت لم تفعل شيئاً يبرر ذلك الكُره!!

أراد سليمان بكل ما أوتي من قوة أن يتحدث معها فذهب إلى المستشفى في صباح يوم باكر، إختبأ لها خلف إحدى السيارات القابعة أمام مبنى المستشفى ليصل إليها، شعرت به، لمحته وهو يختبئ فأدرك ذلك العجوز أنها سوف تلوذ بالفرار فأسرع من خطواته وكأنها فريسة يُقبل على اصطيادها، يريد أن يصل إليها بأي صورة ممكنة ليتحدث معها فركضت هي بسرعة تجاه باب المستشفى، توقف سليمان عن متابعة

المسير وظل يرشق نظراته المهمة العميقة تجاهها، لا يدرك ماذا فعل ليجد منها كل هذا الجحود، ماذا فعل معها د/إبراهيم ليجعلها هكذا!!!، هل جعلها تتجرع قسوة وجحود، رفع رأسه ليجد الدكتور إبراهيم يطل عليه من نافذة مكتبه التي تطل على وجهة المستشفى مباشرة، رفقه سليمان بنظرة طويلة عميقة تحمل توعداً وانتقاماً قاسياً لا ريب فيه، أغلق إبراهيم النافذة بعدما اطمأن أن رنا دخلت من بوابة المستشفى.

\*\*\*

سليمان يجلس أمام رئيس المباحث يقص عليه ما حدث، يكشف له النقاب عن أبعاد ودوافع الجريمة، يقص عليه ما حدث بطريقة تجعله يتعاطف معه لكن سها ذلك العجوز عن أنه يتحدث مع ضبع اسمه سليم أبو فرجة، انضم إليهم حسن وقد جلب معه الكاب والجرائد والمجلات التي طلبها منه سليم حينما دخل الغرفة شاهد سليمان يجلس مع رئيس المباحث، حاول أن يتدخل في الحوار لكنه سليم أخرسه وأشار إليه أن يصمت نهائياً حتى يُنهي كلامه مع سليمان.

- علشان كده يا باشا أنا كان لازم أقتلها، خليك مكاني بعد ما تعبت فيها وكبرتها وضيعت عمري عليها تعمل معايا كده.

استنشق سليم بقوة وكأنه يعاني من سيلان في الأنف، حك أنفه وعيناه تستقر على ذلك العجوز البائس في صمت طويل، يفكر سليم ويحاول أن يمنح نفسه الوقت الكافي لاكتشاف ذلك العجوز الذي يجلس أمامه، بدأ يتحدث معه برصانة.

- مش هيفرق معايا إنت قتلها ليه، دى حاجة تخصك إنت ما تخصنيش أنا، يعنى فى النهاية إنت هتبقى بالنسبالي قاتل، إنت بقى جاحد، هى جاحدة كده كده هتتعدم بالإعتراف ده.

- ياريت تعدمونى دلوقتى وتخلصونى من النار والعذاب اللى أنا حاسس بيهم.

قالها وعيناه تدمع بلا توقف فنهز سليم بكل قسوة.



- لا بقولك إيه ما تعيطليش، أنا مش فاتحها شؤون معنوية أنا رئيس مباحث  
يا حبيبى، بعدين إتقل على العياط شوية دا مشوارك معايا لسه طويل أوى بالإعتراف  
العسل ده.

- أنا تحت أمرك يا باشا بس إعدمنى وريحنى.

- ما تهمد بقى يا راجل إنت وخلينى أعرف اشتغل.

- حاضر.

التزم الصمت وظل ينظر إلى عين سليم التى تلمع لمعاناً مُربباً لا ينم عن خير أبدًا.

- الجزء الأخير اللي حصل قدام المستشفى ده، لما حاولت تروح تكلمها وجريت  
منك وفوجئت بدكتور إبراهيم واقف فى الشباك، حصل قبل الحادث بشهر تقربياً مش  
كده برضو؟؟؟

صمت قليلاً ثم أوما له برأسه على استحياء.

- دكتور إبراهيم حكاى الموضوع ده بس طبقاً من غير الأبعاد دى دا كمان.....

توقف عن الحديث فجأة، لمعت عينه قبل أن يميل برأسه قليلاً إلى أسفل  
اليمين وكأنه يحاول أن يضع تركيزه فى شىء ما ارتطم برأسه، تذكر حديثه مع الدكتور  
إبراهيم الذى لم يمر عليه سوى ساعة واحدة، تذكر كلام رنا مع صديقتها يارا التى  
تعتبر متممة أمامه الآن بعد استجوابها، كانت تجلس معها فى استراحة الممرضات بعد  
تعرضها لمضايقات الدكتور سعيد.

- عمال يطلعلى فى الرايحة والجاية زى عفريت العلبة وياريت اكتفى بكده لأ  
النهاردة حط أيديا على كتفى ومسكنى، هو مش واخد بالوا إنه فى سن أبويا ولا إيه.

- مش قلنا بلاش موضوع أبوكى ده بالذات، هيفكر ك بالذى مضى.



جعلت تلك الكلمات طاقة نفسية سلبية تحيط برنا على الرغم من أن صديقتها قالتها كنوع من المزاح والدعابة، اتسعت عينها وبدأت ملامحها في غاية الشراسة وكأنها قطعة تستعد للهجوم على من يعيث بأطفالها.

- مش قلنا مليون مرة ما تجيبيش سيرة أبويا دي، أنا ما عملتلوش حاجة، سامعة ولا مش سامعة، هو اللي أذاني وأذى نفسه.

تذكر أيضاً حديثها مع دكتور إبراهيم في مكتبة حينما جاءت لتعرض عليه فكرة الزواج من د/عصمت.

- هو في بس موضوع صغير كده كنت عاوزة حضرتك فيه.

باهتمام زائد.

- خير أومري يا رنا.

- طبعاً قبل ما أتكلم وأقول أي حاجة حضرتك عارف إنى بعثرك زى أبويا بالضبط.

قاطعها دكتور إبراهيم مازحاً ذاك المزاح الأصفر الملىء بالحقائق المستترة.

- ما بلاش موضوع أبوكي ده بالذات.

فهم سليم الآن سر ذلك الكلام الذي كانت تتوارى خلفه تلك القصة المحزنة التي بطلها الجحود الشديد.

- علشان كده بقى كل شوية ما بلاش موضوع أبوكي، بلاش موضوع أبوكي، يا ولاد الهرمة.

- بتقول حاجة يا باشا؟؟

- لا ما تركزش إنت يا سولى دا حوار تافه كده ما تركزش معايا مشوارك إنت أكبر من كده بكثير، بس إبراهيم ده لازم يتضبط، مش مريحنى كده.
- إبراهيم ده رأس الأفعى فى كل مصيبة بتحصل هنا فى المستشفى.
- تحجرت عين سليم وهو ينظر له بعمق شديد وكأنه ينتظر ظهور زاوية مناسبة لباغته سليمان العجوز بتلك الطريقة التى لا تخلو أبدًا من السخرية.
- بقولك إيه يا سولى، أنا عندي استفسار صغير كده؟؟، طبقًا لكلامك دكتور إبراهيم إتجوز رنا أول ما سابت البيت صبح؟؟
- صبح يا باشا.
- الله ينور عليه، تمام، اليوم بقى اللى إنت أستخبيت فيه ورا العربية قدام باب المستشفى هى كانت جاية وأول ما شافتك جريت منك صبح؟
- صبح يا باشا.
- تسلمى، قومت إنت بقى باصص لفوق، قال إيه!! لقيت دكتور إبراهيم واقف فى الشباك مش كده؟؟
- كدة يا باشا.
- طب يا سولى هو ينفع برضو حد يروح الشغل بالعربية بتاعته ويسيب مراته تيجى لوحدها، مش منطق برضو ولا أنت شايف إيه؟؟
- نظر له سليمان طويلًا قبل أن يجيبه بهدوء لا يخلو من كرهه للدكتور إبراهيم.
- آه ينفع، دكتور إبراهيم ده أوسخ منه أنا ما شفتش، بعدين هو كان متجوزها عُرْفى ومش عاوز حد فى المستشفى يعرف.

- يعنى متجاوزها عرفى غصب عن أبوها الى هوراشق قدام المستشفى 24 ساعة ومحدث يعرف, لا مش مقنعة دى يا سولى بعدين إنت قولت أن فى ناس إندخلت فى الحوار علشان تحله, يعنى المفروض جملة تنتظر كده, تنسمع كده, إنت فى مصر يعنى.

- ده اللي حصل يا باشا, بس خد بالك سعادتك دكتور إبراهيم ده أفعى مش هتقدر تمسك عليه حاجة.

- لا يا حبيبى إذا كان هو أفعى أنا حاوي وبعرف اللاعب الأفاعى حلو أوى وعمومًا مشواره معايا أنا اعتبرته بدأ لأنه كده كده متورط فى قضية سرقة باعتراف ناس هنا.

نظر سليم إلى حسن فوجده فى حالة غريبة, يجلس أمامه بعدم ثبات ويبدو أن لديه شيئًا هامًا ليقوله, منذ أن دخل إلى المكتب وعيناه تتسع عن آخرها ويرمقنا بنظرات غريبة وقد جاء الوقت المناسب لمعرفة تفسير تلك النظرات.

- فى إيه ياض يا حسن, بتبصلى كده ليه؟؟
- أصل ده عم سليمان وما ينفعش أصلًا يبقى هنا.
- إشمعنى يعنى ما ينفعش يبقى هنا, جريان مثلاً!!
- لا علشان هو مجنون وبيتعالج من التوهم أصلًا.

هاجت الأجواء فى الغرفة بعدما تناولت مسامع سليمان ذلك الكلام من حسن, ظل يصرخ وهو يوجه ركلات محمومة إلى الأرض بقدميه مُدعيًا أن هذا النحيف متواطئ وخائن وعميل للدكتور إبراهيم الذى يعطى له الأموال مقابل تضليل العدالة, صرخ سليم فى وجهه أمره بالسكوت وإلا سَيَصُوبُ عليه كل أشكال العذاب,

أخرسه ذلك التهديد والأسلوب الشرس الذى يجيده سليم لكنه ظل ينظر إلى حسن بتلك النظرة التى كان يرمق بها الدكتور إبراهيم وقت ما كان يقف فى نافذة مكتبه.

دوى صوت سليم يسأل حسن فى جزع هل أن المجنى عليها ابنة ذلك العجوز أم

لا.

- لا.

تحول المكتب إلى ساحة من الجنون مرة أخرى , هاج سليمان وراح يرشق الألفاظ ويوزع الاتهامات على حسن والدكتور إبراهيم, زعق سليم مُهدداً ومنتذراً إياه بالويل إن لم يتوقف هذا العجوز عن تلك الأفعال الصبيانية الخالية من الرصانة, التزم الصمت رغماً عنه وهو يجز على أسنانه فى ضجر.

- يعنى الراجل ده ما عندوش بنت اسمها رنا.

- لا عنده بس مش رنا دى, رنا تانية خالص.

دفس سليم وجهه فى كفيه وراح يُحركهما فى حيرة شديدة وعدم فهم.

\*\*\*

الأحداث التى قصها سليمان ليست عارية تماماً من الصحة, فهو رجل وحيد رزقه الله بطفلة تدعى "رنا" بعد سنين من المعاناة مع أطباء الإنجاب, طفلة قليلة الحظ توفيت أمها أثناء ولادتها بسبب ضعف جسدها وبسبب صحتها الهزيلة, تربت فتاة عجيبة بلبن غير أمها, كبرت والتحقت بإحدى معاهد النظم, أحببت شاب كان زميلاً لها فى ذلك المعهد, عاشت معه قصة رومانسية تصلح أن تكون رواية ترسم حروف اسم كاتبها من ذهب, وهو فى بداية حياته الأدبية, أحبته من كل قلبها وازداد الحب له بعدما أقسم لها أنه لن يتنازل عنها مهما حدث فهى تمثل له الحياة وهو يمثل لها أنفاسها.



قبل بدء السنة النهائية في المعهد طلب منها أن يلتقى مع والدها سليمان ليخطبها منه بشكل رسمي، عانقتها الفرحة وغمرتها السعادة لدرجة أنها كانت تشعر أنها ترتفع عن الأرض وتحلق في السماء بجناحين من السعادة، ذهبت إلى والدها فوافق بعد إلحاحها الشديد أن يلتقى مع ذلك الشاب الراغب في الزواج منها.

التقى معه ولكن لم يحصل الشاب حتى على تقدير مقبول، لن يستطيع أن يقنع سليمان بأى شيء فهو مجرد شاب تافه لا يتحمل أى مسئولية على الرغم من أنه يمتلك شقة ووظيفة مضمونة في شركة أباه إلا أنه لا يتحمل أى مسئولية فالوصف الوحيد الذى لاذ به بعد تلك المقابلة إنه شاب " جُرْع " .

بكت رنا ودخلت في حالة اكتئاب شديدة بعدما أخبرها والدها بذلك الرأى الصادم، حزنت وابتعدت عنه لدرجة أنها قاطعته تمامًا فكانت حتى لا تلقى عليه السلام حينما تخرج أو تعود إلى المنزل، كلما حاول هو أن يقترب منها نفرت منه وأشاحت بوجهها بعيدًا عنه تعبيرًا منها عن مدى الألم النفسى التى تشعر به والذى يعتبر هو سببًا رئيسيًا فيه، هذه ليست ابنته فقد باتت مخلوقًا آخر لا يعرفه منذ أن رفض ذلك الشاب.

وافق سليمان تحت كل هذا الضغط الرهيب، وافق وهو غير مقتنع بتلك الزيجة من الأساس ولكن بمجرد أن أعلن موافقته ورنا تبدل حالها تمامًا وعادت كما كانت قبل زيارة الاكتناب لها، راحت تضحك وتبتسم وتملأ البيت كله بالبهجة والسعادة.

حدد والدها زمان ومكان الخطوبة، حضر الجيران والأصدقاء أمّا الأهل فلم يكن هناك غير والدها لأن رنا ليس لها أهل سوى والدها وهو أيضًا ليس لديه سواها.

تَزَيَّلت رنا وارتدت ذلك الفستان الملون وأضافت إلى وجهها المساحيق فباتت كسندريلا حقًا في جمالها وهيئتها وحتى ابتسامتها الصافية الجذابة، قبل بدء الفرح والدخول إلى القاعة حضر العريس بسيارة حديثة ذات مظهر غريب يشد الانتباه والأنظار فواجهه السيارة الخارجية غارقة في العبارات والكلمات والرسومات الغريبة

المهمة حتى مظهر العريس كان غريبًا فيكفى إنه كان يعقص شعره بأستك من الخلف!!!

أخذها العريس وجعلها تجلس بجواره داخل السيارة وبدأ بعمل حركات غريبة وخطيرة بالسيارة أمام القاعة وسط الحاضرين، لم تتوقف خطورة الأمر على تلك الحركات التي تصرخ فيها عجلات السيارة بسبب احتكاكها الشديد بالأسفلت وهو يحاول أن يدور بالسيارة حول نفسها بل إنه دفع أصدقائه لسكب كميات كبيرة من الزيت على الأسفلت ليصير الأمر أكثر جنونًا وأكثر إثارة.

ظل العريس يستعرض بسيارته حتى خرجت عن السيطرة والتفت عدة مرات حول نفسها قبل أن ترتطم بأحد اللافتات الإعلانية الكبيرة التي سرعان ما سقطت على السيارة فتعرج سقفها بوحشية شديدة.

\*\*\*\*

أمام مستشفى 15 مايو.

وصل سرب من السيارات الملاكى إلى بوابة المستشفى، دخل شاب يركض بسرعة رهيبة وهو يحمل العريس كأنه يحمل طفلًا صغيرًا غائبًا عن الوعي وملطخًا بالدماء، شاب آخر يركض بـ "رنا" وسط صراخ وعويل كل من حولهم، توقفوا جميعًا أمام مكتب حسن "الكاونتر الخشبي" الذي يقع على بعد خطوات من دخول المستشفى، بعده وشدة تنم عن خطورة الأمر سألوه عن دكتور النبطشية الموجود، رفع حسن سماعة التليفون وضرب الرقم الداخلى ليحبيب عليه طبيب النبطشية، أخبره بما حدث فهرع إلى أسفل بعدما أمرهم بإدخال الحالات إلى غرفة كشف الطوارئ، استدعى حسن المرضتين الجالستين في غرفة النبطشية الخاصة بهم فحضرُوا على وجه السرعة.

دخل العريس ورنا إلى غرفة كشف الطوارئ في حين أن الطبيب هبط سريعًا لإجراء الكشف، بدأ بالعريس بعدما أمره كل الحاضرين بذلك، فمن جاء معه هم أهل

وأصدقاء العريس من الأساس، أخبرهم الطبيب بعد الكشف السريع أن عليهم الذهاب بأقصى سرعة إلى مستشفى أكثر تخصصًا وبها استعدادات أكثر من تلك المستشفى المغمورة فهو بحاجة إلى إجراء عملية فورًا، طلبوا من الدكتور إحضار سيارة إسعاف ولكن الدكتور أخبرهم إنه لا يوجد سيارات إسعاف حاليًا فلا يوجد سوى سائق واحد وهو غير موجود الآن.

حملوه وركضوا به إلى السيارات لينطلقوا في رحلة الذهاب إلى مستشفى أخرى خارج المدينة، في لحظة أصبحت المستشفى خاوية على عروشها مع العلم أن داخل غرفة الكشف لازالت هناك فتاة ترتدى فستان الخطوبة، نظر إليها الطبيب ثم نظر حوله فلم يجد ثمة شخص واحد داخل الغرفة، أين أهلها؟؟، أين أصدقائها؟؟ هل ذهبوا جميعهم وراء العريس الغنى وتركوها هي وحدها تلقى مصيرها، أين جيرانها؟؟ وكأنها فتاة بلا أهل أو أقارب، اقترب منها الطبيب وبالكشف المبدأى عليها اكتشف أنها قد فارقة الحياة!!!!

زفر الطبيب وهو ينظر إلى المريضة التي سألته ماذا ستفعل؟؟، أجابها الطبيب أن لا حل سوى إبلاغ الشرطة، خرج من غرفة الكشف ليكتشف أن هناك رجل عجوز يجلس القرفصاء على الأرض أمام غرفة الكشف، اقترب منه الطبيب وعلى وجهه أمارات عدم الفهم.

- يا حاج إنت قريب البنت اللى جوه دى.

أوما برأسه فى استسلام تام.

- طب يا حاج خد بنتك علشان اتوفت واحنا لو بلفنى إدارة المستشفى هيبقى فيها إجراءات كتير وهتدخل تلاجة وفيها لفة كده، خدها والصبح طلعلها تصرح دفن.

يتحدث الطبيب وكأنه أمر عادى وطبيعى من الممكن أن يحدث، هل هو إهمال أم تعود على مثل هذه الأمور!!، أيًا كان السبب فذلك الطبيب لم يراعى سن أو حالة ذلك العجوز، أخبره بما حدث بطريقة كانت سببًا بعد ذلك لدمار حياته بالكامل، رمقه بعين اتسعت عن آخرها قبل أن يسقط على الأرض مغشيًا عليه.



\*\*\*

غرفة الرعاية غارقة في ضوء النهار، شعر سليمان بشيء ما يضغط على عضلات ذراعه بشكل يمنع الدماء من التدفق داخل العروق مما أدى إلى حدوث تنميل في كفيه وساعده، ذلك الألم المباغت جعله يسترد وعيه ويفتح عينه على استحياء ليجد أمامه طبيب يطمئن على صحته بواسطة سماعة وجهاز ضغط، إذاً ذلك هو ما يضغط على عضلاته، جهاز الضغط اللعين، سأل الطبيب الممرضة .

- بياخذ العلاج اللي كتبته ولا لا.
- آه يا دكتور بس الحقن خلصت أخرواحدة خدتها امبارح بالليل.
- طب ما تصرفي غيرها.
- ما أنا قولت رنا تجيهملى من نص ساعة بس لسة ما جتش.
- رنا مين!!!
- رنا سليمان يا دكتور، حضرتك مش عارف رنا سليمان الممرضة اللي شغالة معانا؟؟
- عارفها طبعا، حد في المستشفى كلها ما يعرفش بنت سليمان حواس ، بس أنا مستغرب أصل رنا دى مديرة مستشفى هو حد عارف يشغلها.
- ابتسمت الممرضة في هدوء دون أن تُعقب.
- عموماً رنا بقى ولا سميحة المهم الراجل ياخذ العلاج في معاده.
- حاضريا دكتور.
- وقعت عين الممرضة على سليمان ثم أخبرن الطبيب.



- دكتور، المريض ده كل شوية يفوق كده ويقعد يبص حواليه بعدين يرجع في غيبوبة تاني .
- أيوة لإنه تحت تأثير صدمة عصبية شديدة جدًا، ربنا يستر عليه بس وهو في السن ده.
- أنهى الطبيب كلماته ثم خرج من الغرفة، ظلت المريضة وحدها مع سليمان داخل غرفة الرعاية، تنظر في عينه التي بدأت تتسع شيئًا فشيئًا، رفع يده ببطء شديد ثم أشار تجاه الباب فأوجست منه خيفة ورجعت إلى الخلف قليلًا، فُتِحَ باب الغرفة على حين غفلة فشقت المريضة بصوتٍ عالي قبل أن تعلم أنها رنا.
- في إيه يا "كلمة بذيئة" .
- والمصحف خضتيني يا رنا.
- ليه يا بنتي ؟؟
- الراجل العجوز ده عمال يعمل تصرفات غريبة.
- قالتها وهي تجاهد لالتقاط أنفاسها، نظرت رنا إلى ذلك العجوز فوجدته ينظر لها وبتسم بطريقة غريبة، اقتربت من المريض وسألها باستغراب، أردف العجوز بهدوء وعتاب.
- هو ماله ده!!
- ما أعرفش.
- إيه يا رنا مش هتيجي تسلمى على بابا ولا انتى لسه زعلانة علشان أنا مش عاوز أقابل العريس.

قالها سليمان بصوت يكاد يُسمع , صوت يدل على الأجهاد والاعياء الشديد , نظرت الممرضة إلى رنا وفكها السفلى يتدلى على الأرض من شدة الدهشة , أردف سليمان وهو مازال يُجاهد .

- يبقى إنتِ لسه زعلانة من بابا.

نظروا إليه ببطء شديد فوجدوه يبتسم ابتسامة غريبة مرببة لا معنى لها سوى أن ذلك العجوز قد تفككت صواميل عقله بالكامل.

منذُ ذلك الحين وعقل سليمان يُهىء له أن رنا سليمان الممرضة هي ابنته, الفكرة في بدايتها كان يتعاطف معها الجميع حتى طلب سليمان لقاء مدير المستشفى الذي كان على علم بحالته الصحية.

سليمان يجلس أمام دكتور إبراهيم على مكتبه الخشبي, يحكى له قصة ابنته التي قاطعته من أجل حبيبها, قاطعه والدها الذي رباها من أجل رفضه اللقاء بحبيبها, ظل دكتور إبراهيم ينظر له بثبات يفكر كيف سيحل تلك الأزمة وكيف سيتعامل مع ذلك العجوز الذي فقد عقله, لا حل سوى ذلك الذي يداعب عقله وفكره الآن.

- ومين بقى حبيبها ده اللى مقاطعة أبوها بسببه.

هز رأسه وعيناه تتسع في جنون.

- ما أعرفش, لسه ما شفتوش, كل اللى أنا فاكهه إنه شغال معاها هنا في المستشفى.

- !!!!!!!

- مالك؟؟

- أصل أنا أعرف أن بنتك بتدرس في معهد مش شغالة في مستشفى.

- لا شغالة هنا في المستشفى.

- مش شغالة.

- لأ شغالة هنا أهو في المستشفى.. هو أنا هتوه عن بنتى ولا إيه؟؟؟

- عم سليمان، بنتك إتوفت في حادث يوم فرحها وعريسها كمان اتوفي، اللي هنا في المستشفى دى رنا تانية خالص، فهمت دى رنا ودى رنا، دا مجرد تشابه أسماء مش أكثر.

حاول دكتور إبراهيم أن يصدد سليمان بواقعه لعله يفيق من تلك الأوهام التي يعيش فيها لكن فوجئ بعينه تتسع أكثر مما كانت عليه، وملامحه تزداد شراسة، في لحظة هب واقفًا ثم انقضَّ على الدكتور إبراهيم، اعتصر ملابسه بطريقة تشعر أن دكتور إبراهيم لص وقد ألقى هو القبض عليه أخيرًا.

- يبقى إنت اللي عاوز تتجوزها، يبقى إنت العريس اللي بسببه هي ما بتكلمنيش، إنت بقى السبب في تفكيك الأسرة بتاعتنا.

يتحدث إلى الدكتور إبراهيم بصوت غليظ محطم للأعصاب وبملامح وجه جنونية يخرج منها الشر والجنون معًا، حاول دكتور إبراهيم أن يدفعه بعيدًا ولكن وجده متشبثًا به كالخفاش الذي التصق بفريسته ليمتص دماها.

- إنت مجنون، أنا أول يوم أشوفك فيه النهاردة، هو أنا شفتك قبل كده ولا حتى أعرفك.

- لا، أنا إفتكرتك، إنت اللي جيتلى البيت علشان تخطيها وأنا ما رضيتش يا عجوز.

- أنا!!

- طبعًا هتكرما إنت ضلالى أصلك.

- أنا أول مرة أشوفك.

- لا إنت جيتلي وأنا طردتك, إنت أفعى عايشة فى المستشفى لازم راسها تنقطع,  
وأنا اللي هقطعها بإيدى.

تحسس دكتور إبراهيم بيده على زر الجرس المتصل بمكتب السكرتارية, ضغط  
عليه دون أن يشعر سليم, فتحت السكرتيرة الباب ليجد سليمان يتهجم على دكتور  
إبراهيم فاستدعى الأمن وطلب منهم أن يتحفظوا على ذلك المجنون حتى يتم إبلاغ  
مستشفى الأمراض العقلية.

\*\*\*

- بعدها بكام يوم لقينا عم سليمان راجع تانى قدام المستشفى قاعد ليل نهار  
بالشكل والهيئة اللي حضرتك شايفها دى, محدش بقى يعرف هو هرب ولا المستشفى  
اللى مَشَيْتُهُ علشان مفيش منه أمل ولا إيه اللي حصل بالضبط بس كل اللي أقدر أقوله  
إننا اتصلنا بالمستشفى كذا مرة بس محدش سأل فينا تانى, وطبعًا كان بيتعدى على رنا  
فى الراحية والجاية علشان كده كانت بتهرب منه.

ذلك كان الدكتور إبراهيم استدعاه سليم ليعرف منه أيضًا قصة سليمان  
المجنون, يقصّ على سليم قصة وتاريخ ذلك العجوز المصاب بالتوهم.

- كذاب, بنى آدم كذاب ووسخ, الكلام ده ما حصلش ولا فى أى شىء من  
الصحة.

قالها سليمان متهجمًا على الدكتور إبراهيم فكشر سليم عن أنيابه وصرخ فى وجه  
سليمان كي يخرس ويدعه يمارس عمله, لكن هذه المرة كان التهديد أكثر غلظة وشراسة  
فأخرس سليمان تمامًا, نظر إلى الدكتور إبراهيم وسأله بحدة:



- وانت بقى يا عم هارى بوتر عرفت كل الأحداث دى منين، كنت راكب على المقشة السحرية بتاعتك وبتطير فوقهم.

- يا باشا المستشفى كلها عارفة قصة سليمان الله يكون فى عونته دا غير إنه فى بداية الغيبوبة كان بيعجى ناس جيرانه بسيطة أوي يسألوا عليه فعرفنا منهم الحكاية والقصة كلها بس لما موضوع الغيبوبة طَوَّل وعرفه قصة جنانه محدش بقى بيعجى زى ما تقول يا باشا كده خافوا.

- أنا مش مجنون إنت' الى كلب وبتكذب.

- ودينى لو ما سكتت يا سليمان لكون معلقك.

- أنا مش بكذب يا باشا.

- إخرس بقى وسيبنى أتكلم.

- إتفضل يا باشا.

- أيوة يعنى سليمان ده خلاص مخه فوت.

سأل سليم دكتور إبراهيم.

سليمان غالبًا بيعانى من وهم مرضى.

- دا إيه ده؟

- ده اضطراب عام فى التفكير ويتميز باعتقاد ثابت خاطئ لا يتزعزع عن عقل المريض حتى لو اللى حوليه اعتقد عكس ده أو حتى ظهرت للمريض نفسه أدلة تنفى اعتقاده، وبيتصف الإعتقاد ده بأنه خيالى أو مبنى على أوهام مش موجوده إلا فى عقل المريض وبس، الوهم بيظهر فى أمراض نفسية كتير زى الشيزوفرنيا والبارافرنيا والنويات الهوسية والفصام، وطبعًا أنا مش متخصص علشان أشخص حالته بس اللى ما يختلفش عليه إثنين إن الراجل ده شايف رنا الممرضة بهينة رنا بنته ودى ظاهرة

معروفه وعادية جدًا بالنسبة لأي حد مُصاب بالفصام الى الوهم جزء منه، في الطب النفسي يتم تعريف الوُهام بأنه اعتقاد مرضى ينتج عن مرض أو عن حدث أثربشكل سلبى جدًا على المريض زى طبعا وفاة بنته الوحيدة، المرض ده بقى بيفضل فيه المريض متمسك بوهمه على الرغم من وجود الدلائل التى بتثبت له عكس الى بيتوهمه لكن مفيش فائدة.

- إنت كذاب، كداه، أنا مش مجنون.

- ماشى يا سليمان ممكن تقولى قتلها إزاي.

سأل سليم سليمان فتبيس مكانه كالصخر.

- إيه مش عارف قتلها أزاي ؟؟؟!!

- إمبراح بالليل فى إثنين كانوا داخلين المستشفى لابسين كابات على راسهم، دخلت فى وسطهم، وفضلت ماشى ماشى بتسحب من غير ما حد يحس بيا، دخلت أوضتها، أول ما لقتنى قعدت تصوت، حطيت إيدى على بقها وزقيتها على السرير، جت تقوم لقيت جنبى سكىنة، لقيت نفسى بشكل لا إرداى باخدها وبغزها فى قلبها، قتلت بنتى فى قلبها لأن عمره ما حبى، عمره ما حبى يا باشا.

بكت عيناه وهو يقوم بذلك الأداء المسرحى المبالغ فيه.

- مين الإثنين اللى بكابات دول يا سولى.

- إثنين كده شكلهم غريب دخلوا يتسحبوا فدخلت وراهم.

- ولو قولتلك إن رنا ماتت مخنوقة مش بسكىنة.

- !!!

- يا باشا ما تضيعش وقت سعادتك قولت لك ده مجنون، مجنون.



قالها دكتور إبراهيم فانتفض سليمان وحاول أن يتهجم على الدكتور إبراهيم، دفعه سليم ليسقط على الأرض، زعق فيه بتلك النبرة القاسية.

- إنت مجنون، عاوز تتهجم عليه قدامى.

هاتف سليم الخلوى بدأ يئن رنينه بتلك النغمة المميزة، أخرجه من جيبه، نظر إلى شاشة الهاتف الكبيرة، ابتسم ابتسامة رضا لا حد لها، نظر في ساعة يده ثم تحدث إلى الجميع.

- إحنا هنكمل كلامنا في القسم بقى يا أبو على إنت وسليمان.

نظر له حسن بخيفة وارتباك واضح .

- ليه يا باشا ؟؟؟ أنت متخدي أنا ليه ؟؟

قالها حسن فصرخ سليم في وجهه .

- إنت متصاحبني يا روح أمك، قوم يلا فز.

سليم يرمق حسن الذى هَبَّ واقفًا وقدماه ترتعش بلا هوادة، فتح الباب واستدعى الأمين راضى، الذى جاء على وجه السرعة، أعطى له التحية كالعادة.

- هاتلى حسن والمجنون التانى ده على البوكس.

قالها وهو يتأجج غضبًا ، فما كان من الأمين راضى سوى طاعة الأوامر ولا نال كل ما لا يتمناه .





## (الفصل التاسع)

### أمام بوابة المستشفى الخارجية.

سليم أبو فرحة يقف وأمامه كل من دكتور إبراهيم والدكتور سعيد، داخل عربة الشرطة - البوكس - يجلس في صندوقها الخلفي الأمين راضى وبصحبتة كل من حسن البادي عليه الذمول الشديد وسليمان الباسم الضاحك وكأنه ذاهب إلى حفل تكريم وليس إلى قسم شرطة مهمًا في قضية قتل، سليم يتحدث إلى دكتور إبراهيم بتلك الطريقة التي يجيدها رجال المباحث.

- أنا هكمل الإستجواب مع حسن وسليمان في القسم وانتم هتجولوا أول ما يتم استدعائكم ، النصيحة اللي عاوز أنصحكم بيها ياريت تبقوا متعاونين معانا علشان أنا الوش التاني بتاع القسم قليل الأدب أوى، أنا عن نفسي بكرهه، هناك سهل أوى إنى أقل من أى حد حتى ولو كان مدير مستشفى، فكروا في كلامي وياريت نتعاون مع بعض.

أنهى كلماته ثم ارتدى نظارته الشمسية وولى لهم ظهره وراح بخطو بثقة تجاه سيارة الشرطة "البوكس"، فتح الباب ثم انزلق في كرسي القيادة، رمقهم من خلف عدساته الغامقة قبل أن يرسم على محياه ابتسامة خبيثة جدًا تنم عن ذلك الشر الآتي لا محالة، أدار محرك السيارة وانطلق متجهًا إلى القسم.

دكتور إبراهيم ينظر بعمق إلى الدكتور سعيد الشارد تمامًا والذي لم يشعر به ينظر تجاهه، دون مقدمات سأله "ماذا بك؟؟" بتلك الطريقة التقريرية التي يستخدمها حينما يتحدث إلى شخص لا يحبذ التعامل معه.

- من ساعة ما الشرطة جت وأنا حاسس إنى شفت وكيل النيابة ده قبل كده.

- وكيل النيابة ولا رئيس المباحث ؟؟

- لا وكيل النيابة .

- أكيد شفته في النيابة.

قالها مستهزءًا فأجابه د/سعيد.

- لا أنا عمري ما روحت النيابة، أنا حاسيس إنى شفته هنا في المستشفى، وتقريبًا كان مع الجدع اللى اسمه تسعة ده قريب رنا.

- آآه، دا واضح إنها علّيت منك ع الآخر يا سعيد.

نظرله سعيد بطرف عينه متغطرسًا ثم سأله بنوع من التعالى الزائد الذى أدركه إبراهيم.

هو ليه محدش حقق معايا ولا خد أقوالى.

- لا أصل هما بياخدوا الناس المهمين اللى شايفين إنهم ليهم لازمة الأول، أقصد فى القضية يعنى علشان ما تاخدش الموضوع على صدرك، بعد كده بياخدوا الباقي على مهلهم.

قالها بسخرية عارمة قبل أن يخطبه على كتفيه ثلاثة خبطات خفيفة مردفًا.

- بعدين ما تستعجلش يا حبيبي دورك حى حى.

صمت قليلاً قبل أن يطرح سؤالاً آخر بصوت مرتفع.

- هما ليه خدوا حسن وسليمان المجنون، أنا شايف إن اللى بيحصل ده مش واقعى أبدًا.

- جرى إيه يا سعيد إنت بتفهم فى القانون كمان.

أنهى كلماته المستفزة ثم أشاح له بيده وانصرف عنه.

\*\*\*

سيارة البوكس تسير في شوارع المدينة الهادئة تمامًا، الشوارع هادئة لدرجة أننا لا نرى تقريبًا أحدًا يسير على قدميه في الشارع بالرغم من اقتراب شعائر صلاة الجمعة، ظلت السيارة تسير في طريقها حتى بدأت تبتعد عن المناطق العامرة بالسكان وتدخل في مناطق أخرى صحراوية لا تحتوى على سكان ولا تحتوى على شيء سوى أنصاف بنايات تحت الإنشاء، يبدو أنها فيلا أو ما شابه، هذه المنطقة تُسمى بالامتداد، منطقة جديدة تقع بالقرب من المدينة ولكنها منطقة أكثر هدوءًا وأكثر ندرية من حيث السكان، تطلع وجهتها على تلك المنطقة الصحراوية التي تقع بداخلها المقابر!!، سيارة البوكس استمرت في طريقها الصحراوي المؤدى في نهايته إلى منطقة جبلية لا حياة فيها ولا سكان، يرتسم على وجهه حسن الدهشة والاستغراب الشديد على عكس سليمان لازلت على وجهه تلك البسمة الحمقاء التي لا محل لها من الإعراب، نظر حسن إلى راضى وراح يسأله بهدوء.

- هو احنا رايعين فين؟؟

فوحى الأمين راضى بذلك السؤال فما كان منه إلا أن يضع إصبعه على فيه مُرددًا "شششششش"

- مش عاوز رغي كثير بدل ما أفرتك مخك بالمسدس.

ظلت سيارة الشرطة مستمرة في طريقها حتى وصلت إلى مناطق نائية تمامًا لا حياة فيها ولا يوجد بها أى كائن حي، فقط منطقة جبلية شاسعة لا تمتلك سوى هضاب ومرتفعات صخرية، فقط طريق واحد ممهد يتلوى كالثعبان بين تلك الهضاب، بدأت أعصاب حسن تتوتر، تسأل مرة أخرى عما يفعلون وإلى أى مكان هم يتجهون، هذه مناطق جبلية لا حياة فيها ولا يمكن أن يكون هناك مبنى لهم!!!!، لم يُجيب راضى عليه فقط تجاهله، حاول حسن النهوض فلكمه راضى بقوة شديدة في وجهه طرخته



أرضًا، تلوى بجسده على الأرض كالسمكة التي خرجت لتوها من الماء وهي الآن ترقص رقصة الموت الأخيرة، أخرج راضى مسدسًا ناريًا وسدده تجاه حسن.

- اللي فيكم هيفكر يتشعوذ هخليه ذكرى، مفهوم.

بعد ربع ساعة ظهر أمامهم شيئًا ما يشبه الكهف، عبارة عن تجويف داخل الجبل، يصلح أن يكون وكر للهاربين والخارجين عن القانون، اقترب سليم من الكهف حتى أصبح أمام مدخله مباشرة، أخرج رأسه من النافذة وراح يتطلع إلى ما بداخله، الإضاءة غير واضحة بالشكل الذي يوفر لك رؤية التفاصيل لكن الذي كان واضحًا هو أن سيارة وكيل النيابة كانت ترقد بالداخل!!!!

دخل سليم بالسيارة داخل الكهف وتوقف بجانب سيارة وكيل النيابة الذي يجلس على مقدمة السيارة يدخن السجائر وقد خلع سترة البدلة التي كان يرتديها، نهض واقفًا حينما توقفت سيارة "البوكس"، المكان من الداخل مجهز بحيث كان هناك من يمكث به لفترة ليست بقصيرة، هناك متاع على الأرض يوحي بأن شخصًا ما كان ينام هنا، موقد يعمل بالغاز لتجهيز الطعام، أواني تمتلئ بالماء، مصابيح تعمل بالغاز تستخدم للإضاءة.

- إيه يا عم كل ده، إنتم بتحققوا في الجريمة بجد ولا إيه؟؟؟

قالها وكيل النيابة ساخرًا فأجابه سليم.

- الحوار كان طويل وفي كام حاجة حصلت ما كنتش عامل حسابها في الخطة.

هناك صوت صراخ يأتي من خلف سيارة الشرطة، إنه سليمان يصرخ مُستنجدًا بأحد بعدما أدرك أن هناك أمرًا ما غير طبيعي، هرع الجميع إليه في حين أن راضى وضع يده على فمه ليمنعه من الصراخ، استغل حسن ذلك الشغب وقفز من السيارة ثم ركض في اتجاهه للخروج من الكهف لكن ركض خلفه وكيل النيابة أو الذي كان يقوم بدور وكيل النيابة بسرعة فائقة، حسن كان سريع علاوة على خفة وزنه ولكن وكيل النيابة لم يستسلم، قفز عليه فأسقطه أرضًا، حاول حسن البكاء والصراخ ولكن وضع وكيل النيابة في فمه بعض الحصى والتراب ليصمت، أنهضه بعنف وسحبه



بسادية من ملابسه جراً على الأرض وهو يسعل بشكل هستيري بسبب التراب الذي دخل فمه، عاد به إلى سليم مرة أخرى، مازال سليمان يحاول الصُراخ وهو في حالة من الهياج العصبي الشديد، أشار له سليم بعيناه وحاجباه مع هذه صغيرة من رقبته مالت على أثارها رأسه قليلاً ناحية اليمين، أما راضي برأسه ثم لوى رقبة سليمان فكسر عنقه، هداً تماماً بعدما انطلقت روحه خارج جسده تبحث عن مكان لها بعيداً عن ذلك المكان الذي يملأه الإجرام والانحراف الحاد الغير مفهوم حتى الآن.

حسن يرقد على الأرض يلتقط أنفاسه بصعوبة بسبب أن وكيل النيابة المزيف يُلْفُ ذراعه حلو رقبته ويقبض عليها بقوة جعلت عروق ساعده بارزة، يحاول حسن أن يخلص رقبته من ذلك الضغط الشديد بيده لكن كلها محاولات لم تسجل سوى الفشل التام، سليم ينظر له وقد بدت عليه ملامح السعادة والدهشة البالغة، مدّ يده وانتزع الشارب من على وجهه ثم انتزع " الباروكة " لتكشف عن رأسه الصلعاء بيضاء اللون، بشرة سليم ليست بشرة خمرة إنما هي بشرة بيضاء كانت مستترة تحت ذلك اللون الذي غطى وجهه، حرر أزرار القميص واحداً تلو الآخر أمام عين حسن فتمدد بؤبؤها عن آخره حينما اكتشف أن سليم شخص نحيف لا يمتلك كرش وإنما هي وسادة قطنية ثبّتت بحبل ملتف حول خصره تحت القميص لتصنع ذلك الكرش المزيف، علاوة على أن القميص المفتوح أظهر لون بشرته الأبيض الحقيقي.

- مفاجأة أهويا أبو على زى الأفلام الأجنبي بالظبط، إستنى بقى خد دى كمان.

انزوى في أحد الأركان وأخرج قناع فاندتا، ارتداه على وجهه ثم أعطى له ظهره ليتأكد حسن أن تلك الهيئة مطابقة تماماً لهيئة ذلك الرجل الذي رآه أمس قبل وقوع الجريمة وقبل أن يضربه على رأسه ليسلب وعيه بالكامل، هذا الكلام لا يفسر سوى أن ذلك الظابط هو من قتل رنا ولكن لماذا لم يظهر بهيئته الحقيقية!!! التفت إليه مرة أخرى وابتسم قبل أن يمد يده في جيبه ويُخرج علبة السجائر، انتزع منها واحدة وأشعلها وهو يتحدث إلى حسن الذي بدأ ينتابه سُعال عنيف بسبب ذراع وكيل النيابة المزيف الذي يضغط على قصبته الهوائية بسادية مفرطة .

- بس أنا مش عاجبني الحوار بتاع آخر مشهد ده، محسسنى إنى سطحى، أنا حابب أختم بجملة تبين أد إيه أنا شخص عميق منحرف .

جنا على ركبتيه أمامه واقترب من وجهه، زفردخان سيجارته في وجهه ثم استكمل حديثه.

- إنت أمك شكلها زعلاته منك فدعت عليك وإنت نازل إمبارح وقالت لك ربنا يوقعك في شر أعمالك فأنا بقى شر أعمالك يا أبو على، وأمك دي ست بركة قربنا استجاب لدعاها.

- إنت اللي قتلها يا سليم!!  
قالها بصعوبة بالغة بسبب السعال الذي احتل رنتيه.  
ضحك سليم بوحشية توحى بالتوجس .

- سليم!!! إنت لسه مفكر إني إسمي سليم، ولسه مقتنع إن أنا أصلاً رئيس مباحث، يااااا دا أنا طلعت جامد أوى، والبلد مش عارفه قيمتي يلا مش مهم، عارف يا أبو على أنا حقولك على سر خطير علشان كده كده هيتدفن معاك، بس السؤال هنا إنت هتدفن ليه بقى؟؟؟

ينقر رأسه بإصبعه وكأنه نقار خشب ينقر بمنقاره في جذع شجرة عتيقة.

- علشان إنت شفت وعرفت أكثر من اللازم فمش فارقة تعرف أكثر من كده ولا لا ، أنا مش سليم، أنا الحوافريت.

قال أسمه الأخير بصوت هاديء كالفحيح ، تركه وكيل النيابة ليقبض سليم أو الحوافريت على رقبتة ويضغط على قصبته الهوائية بشكل جنوني.

- هتموت بنفس الطريقة اللي ماتت بيها المرحومة.  
بصوت بالكاد يظهر.

- طب سبني وأنا والله ما هكلم ، بس بلاش تموتني أبوس إيدك .  
أوماً برأسه نافياً .

- نويا أبو على ، نو، أنا مش بعرف أسامح حد ولا أغفر لحد ، ربنا بس هو اللي من حقه يغفر أو يسامح إنما أنا دوري أبعثك ليه بس .  
اتسعت عيناه وظل يضغط على قصبته الهوائية حتى سقط جثة هامدة .

## ( الفصل العاشر )

### الحدوتة من أولها

"عماد أبورواش" وشهرته الحوافريت، اشتهر بذلك الاسم العجيب مجهول المصدر دون سبب واضح أو معرفة حتى بمعناه، كان يُلقب به من قبل أحد الأساتذة في المرحلة الابتدائية، ربما كان يقصد عفريت بسبب كثرة أفعال عماد الشيطانية وتم تحويلها فيما بعد إلى الحوافريت، ثم اكتشف بعد ذلك أنه لقب أطلقه الفنان قواد المهندس في فيلم "مطار الحب"، ولكن وقتها كان قد توقف البحث عن مصدر ذلك الاسم العجيب نهائياً فهمها كان مصدره فهو أفضل بكثير من كونه "عماد أبورواش"، كما أنه كان يشعر ويعتقد من داخله أن ذلك الاسم يليق به.

أنهى دراسته الابتدائية ثم اضطروا والده إلى نقل محل سكنهم إلى مدينة 15 مايو، فانتقل عماد إلى مدرسة إعدادية مشتركة أو مختلطة في تلك المدينة الهادنة، هناك تعرف على صديق جديد له يدعى "طارق الدسوقي" يتميز ببنية عضلية ممتازة ووفره في المال والغشامة، والده كان رتبة هامة في جهاز الشرطة، كان عماد يجلس بجواره في الفصل، وبعد فترة قصيرة صار بينهم صداقة حميمة، شعر كلا منهما أنه يكمل الآخر، عماد يتميز بالدهاء والخبث الشديد أمّا طارق فيتميز بالقوة والسلطة والمال.

طارق دائماً كان يحلم بأن يكون شخص له شأن عظيم ووجود في المجتمع أمّا عماد فكان يحلم أن يكون فناناً مشهوراً لأنه يمتلك موهبة قوية جداً وقدرة غير عادية على تقمص الشخصيات واستحضارها "الحركة، طريقة الكلام، الصوت" كل شيء كان قادراً على فعله مادام هناك تقمص أو بالأحرى فن.

أستاذ غرابي، هو أستاذ اللغة العربية، كان يكره طارق الدسوقي بشدة بسبب والده الذي يعمل في جهاز الشرطة، أستاذ غرابي يرى من وجهة نظره أنه جهاز ظالم مُستبد لذلك كان يصب كل حمم غضبه على طارق، فكان يعتمد إحراجه والاستهزاء به وبجهله أمام الجميع.



طارق وبالرغم من صغره إلا أن الضغط العصبي والنفسي الذي كان يُسببه له الأستاذ عُرابي جعله يعزم على ضربه بعد انتهاء اليوم الدراسي مهما كلفه الأمر، فهو يمتلك قوة بدنية تؤهله لترك بصماته على وجه ذلك المعلم الرجيم بالنسبة له.

عن طريق الصدفة وجد عماد أو الحوافريت صديقه طارق يختبئ في أحد الأركان بفناء المدرسة، في يديه قبضة حديدية، يرتديها في أصابعه، يتطلع إليها وكأنه قد ابتاعها للتو، عيناه كانت تمتلئ بالشرار الذي لا ينم عن خير أبدًا، وجهه جامد الملامح كان يشي بذلك الثأر الذي يستعد له طارق، اقتحم عماد وحدته، ثم سأله بنبرة صوت من يعتقد أنه ولي أمره.

- إيه يا طارق البونية الحديد دي؟؟

حاول طارق إخفاءها وراء ظهره.

- حوار كده يا عماد وخليك إنت بعيد.

- حوار إيه يا بني فهمنى!!

- ما أنا بقولك خليك بعيد يا عماد.

- بعيد إزاي وإنت أقرب واحد ليه، إنت بهزر يا طارق؟؟

- هاخد حقى يا عماد.

- من مين يا طارق، من اللى عاوز تبوظ وشه بالبونيه الحديد دي؟؟

- أستاذ عُرابي.

- الله يخربيت أهلك، إنت عبيط يلا!!

- إنت مش شايف عمال يعمل قيا إيه كل حصه.

- طب ما تقول لأبوك.



- وأبقى قدامه وقدام كل الفصل والمدرسة العيل الهفا الى بيتحامى فى بدلة أبوه الميرى، لا يا عماد أنا هاخذ حقى بأيدى علشان أبقى راجل قدام كل الناس.
- مدام عاوز تاخذ حقك بإيدك يبقى بدماغك يا طارق مش بعضلاتك.
- إزاي يعنى ١١٢٢
- قولتى إزاي، خليك بقى ورا الحوافريت وهو هيمخمخ ويقولك إزاي .
- ضاقت عينا عماد وهو يُخبره بجمليته الأخيرة، تهتز رأسه ببطء وكأنه يعتصر الشر الموجود بكل خلية فى تكوينه الشيطاني.

\*\*\*

تسلل طارق إلى المكتبة، هناك كانت تجلس المشرفة الاجتماعية وأمامها عدد كبير من الصور الشخصية التى طلبت إحضارها من الطلبة والطالبات، تحاول حصرها لتفصل كل مرحلة تعليمية بذاتها، اقتحم طارق المكتبة وراح يتحدث معها وهو يرتجف ويصطنع حالة الفزع التى يُجاهد ليرسمها على ملامحه القوية الجامدة، يخبرها بنبرة صوت مرتعشة أن ابنتها تلك الطالبة فى المرحلة الابتدائية قد سقطت على الأرض بوحشية لا تتناسب مع حجمها الضئيل وصحتها الواهنة، هنا انتفضت المشرفة وهرعت معه إلى فناء المدرسة تاركة كل شىء على سطح المكتب.

هناك فى فناء المدرسة كانت ابنتها قد سقطت بواسطة أحد أصدقاء عماد أو بالاتفاق معه فالتوت قدمها وراحت تبكى بكاءً هستيرياً وسط ذلك التجمع الذى حاصرها من كل اتجاه، جلست المشرفة القرفصاء بجوارها، ضممتها إلى صدرها حتى تتوقف عن البكاء، تبرع من صدمها " عمداً " بالذهاب " للحكيمة " وإحضارها فى مكتبة المدرسة فى الوقت الذى ازدادت فيه نسبة هرمون الذكورة لدى أحد الأساتذة وقرر أن يحمل الفتاة إلى المكتبة حيث مكتب والدتها.

قبل حدوث ذلك بدقائق ذهب عماد إلى الأستاذ عرابى وطلب منه أن يحضر له كتاباً يساعده على تنمية اللغة العربية لديه فهو يريد أن يصبح شاعراً وأديباً، ذهب

معه الأستاذ عُرَابي مُرحبًا بذلك الخبر السعيد إلى المكتبة ليقتنى له كتابًا يُساعده كما طلب منه , دخلوا إلى المكتبة فلم يجدوا المشرفة الاجتماعية والمسؤولة في الوقت نفسه عن المكتبة, تجاهل عدم وجودها وراح يبحث عن كتابًا لعماد الذي استغل انشغاله وراح يسرق صورًا للبنات من على سطح المكتب خاصتها من هنَّ بالثانوية العامة.

بعد دقائق عاد الحشد الكبير إلى المكتبة, كان يتقدم ذلك الموكب الهائل المشرفة الاجتماعية والأستاذ الذي تبرع بحمل طفلتها المُصابه, الموقف كان ينقصه مشاعل موقدة بالنيران ومجموعة من الثائرين المرتدين الجلباب وهم في طريقهم إلى دوار عمدة القرية الظالم بعد موت أحد أبنائهم , دخل الجميع إلى هناك فوجدوا الأستاذ عُرَابي هناك وحيدًا أمّا عماد فقد تبخر, لا أثر له داخل المكان بالكامل.

لم يأخذ أحد ما حدث في الاعتبار إلا بعد أن عادت المشرفة الاجتماعية في اليوم التالي واكتشفت أن بعض الصور قد اختفت!!!

عماد كانت لديه قدرة عالية على التقمص وتقليد الأصوات, حصل على بعض أرقام الفتيات التي سرق صورهم وبدأ يتصل بهم في منازلهم ويقلد صوت الأستاذ عُرَابي بحجة الاطمئنان عليهم وعلى مادته الصعبة.

بعد أيام من البحث طلبت المشرفة الاجتماعية صورًا أخرى من الفتيات بحجة أنها فُقدت, بدأ عماد وطارق وغيرهم بأمر من عماد بالتردد على حجرة مديرة المدرسة يشتكون الأستاذ عُرَابي بأنه مُتعسف, ظالم, لا يراعى ضميره في الشرح داخل الفصل حتى أبلغها عماد ذات يوم بأنه شاهد الأستاذ عُرَابي وهو يبتاع قطعة حشيش ويضعها في شنطته الخاصة, اتسعت عين المديرة وراحت تُنذره بالفصل النهائي لو كان كاذبًا.

استدعت المديرة الأستاذ عُرَابي في حين أنها أرسلت الفراش ليأتى بشنطته من حجرة المعلمين, واجهته لكنه أنكر كل شيء نهائيًا, كان يدافع عن نفسه بذهول وجنون واضح, طلبت منه تفتيش شنطته الخاصة فوافق على الفور, بالتفتيش وجدت صور البنات التي سُرقَت وقد كُتِبَ عليها كلامًا فاحشًا يتنافى تمامًا مع الأدب والاحترام المفروض, عماد قد ذهب إلى خطاط وطلب منه تقليد خط الأستاذ عُرَابي على تلك

الصور بعدما طلب عماد من الأستاذ أن يكتب له قصيدة شعرية في ورقة خارجية لي جعل الأمر أكثر سهولة على الخطاط، وجدت المديرية أيضًا قطعة صغيرة من الحشيش ملفوفة بورقة سيلوفان، ابتاعها عماد ثم دسها ليثبت مصداقيته أمامها، لكن هدفه الأساسي كان تشوية سمعته، هاجت الأجواء وتم استدعاء المشرفة الاجتماعية ليكتشوا أن تلك الصور التي بحوزة الأستاذ عُرابي هي نفسها صور البنات التي اختفت من المكتبة، أكد الحشد الذي كان بصحبة المشرفة وقت إصابة ابنتها أنهم حينما دخلوا المكتبة لم يجدوا فيها سوى الأستاذ عُرابي، وباستدعاء البنات أصحاب الصور أكد أن الأستاذ عُرابي كان يتحدث معهم هاتفياً في الفترة الأخيرة دون مبرر أو سبب واضح.

أصدرت الوزارة قرارًا نهائيًا بتحويل الأستاذ عُرابي إلى وظيفة إدارية بالإدارة التعليمية وحرمانه نهائيًا من التدريس.

\*\*\*

في منزل طارق.

عماد يجلس على الأريكة وأمامه تراييزة امتلأ سطحها بكل ما تشتهيه الأنفس، طارق يحتفل مع الحوافريت بذلك النصر الكبير الذي كان لا يجرؤ أن يعلم به أبدًا.

- تسلم دماغ أهلك.

- شفت الشغل، كنت متودى نفسك في داهية يا حمار على الفاضي، رايح تلبسلى بونية حديد وعامل فيها الأندرتيكر، أديني دمرتولك خالص من غير ولا نقطة دم واحدة.

- إيه الدماغ دى يا عماد، إيه الدماغ دى.

- دماغ متكلفة يا عم، بعدين سيبك بقى من عماد من هنا ورايح تقولى يا حوافريت ويس.



- ماشى يا أجمد حوافريت فى الدنيا.
- ما تلم يابنى السجاير والأكل ده بدل ما أبوك وأمك يطبوا علينا ونروح فى حديد.
- يا عم أبويا وأمى مسافرين وجايين بكرة.
- يرجعوا بألف سلامة يا حبيبى.
- قالها بأسلوب ينم عن مدى سعادته الشديدة بقضاء ليلة لن ينساها بقية حياته.

بعد ذلك الموقف صار طارق وعماد أصدقاء يعلم كلا منهما قدر الآخر، حتى افترقا بعد نتيجة الثانوية العامة، طارق دخل كلية الشرطة بمساعدة والده أمّا عماد فحاول جاهداً أن يسلك مجال التمثيل لقدرته على استحضار الشخصيات وموهبته الرهيبة على التقمص لكنه كان لا يملك الوسطة التى تُعينه على ذلك فاستسلم لكلية الحقوق وهو كاره لها.

بعد التخرج حاول أن يعمل بها لكنه كان لا يجد نفسه فى وظيفة محام تحت التمرين لا يتقاضى سوى الفئات، عاندها المادى كان لا يكفى حتى قوت يومه، حاول عماد أن يطرق باب الفن مرة أخرى لكن لا حياة لمن تنادى، الدخول كان يحتاج إلى تأشيرة يهبها له أحد رجال الوسط الذين يتمتعون بشبكة علاقات واسعة بداخله، موهبته الفريدة وحدها كانت لا تكفى، هكذا أصبح القانون ليس فقط على مستوى المهن الفنية ولكن صار هذا القانون يطبق فى كل ركن من أركان الوطن!!، أثناء مشواره الفنى تعرف عماد على شاب ماهر يدعى "مصطفى"، خريج كلية علوم لكنه لا يهواها فقد أنفق الكثير والكثير على كورسات تعليم المكياج الفنى ليُصبح ماكير مشهور، لكن لم يجد أمامه سوى ذلك الدكتور الذى أخذه سبباً عنده فى الصيدلية، يظل حبيساً بها يعمل لمدة تزيد عن عشر ساعات بثمنٍ بخسٍ جنهات معدودة، فتمكن الاكتئاب منه خاصة حينما أدرك أنه من الصعب أن يمتلك تأشيرة الدخول إلى عالم الفن، وأن تلك الكورسات باهظة الثمن كانت مجرد تجارة وريح لأصحابها.



"صلاح" ابن خالة عماد، ليس لديه عمل ولكن لديه معارف وعلاقات لا حد لها. يعمل بتلك الموهبة التي اكتسبها من حياته وسط أبناء السوق، يتحایل ويُنافق ويستطيع أن يكسب مالا دون جهد أو تعب، يتلاعب بالجميع ليفوز في النهاية بمئات الجنيهات، يرى أن هذا الزمان لا يصلح للمستقيمين والمحافظين على العادات والأصول، فقط يستطيع أن يعيش فيه كل من يستطيع الخداع والنفاق والاحتيال.

في ليلة بهاء جلس عماد أو الحوافريت مع ابن خالته صلاح يُخططا لشيء ما، هناك صديق لصلاح يُدعى "هشام"، لديه كمًا هائلًا من السيارات المسروقة والغير مُرخصة ومفقودة الهوية في الوقت نفسه، عماد يمتلك رأسًا داهية تمتلئ بالسموم القاتلة، لماذا لا يتعاونون جميعًا من أجل بيع تلك السيارات مقابل مكاسب مادية لا كُف فيها ولا تعب.

وافق عماد على العرض، أخذ السيارة من هشام ولكن لإتمام البيع لابد وأن يكون هناك أوراقًا رسمية لها حتى ولو كانت مزيفة، إذا هم بحاجة إلى مُزور محترف، كالعادة الحل دائمًا يكون عند صلاح "شبكة علاقات الفريق"، "علي" صديق قديم لصلاح، لديه قدرة غير عادية على التروير، استعان به البعض في إنهاء أوراق وأختام حكومية هامة كانت تعرقل لهم إتمام مصالح لا حصر لها، علاوة على أنه لم يندم على التعامل معه أي شخص في يوم من الأيام، انضم للفريق وبدأ يعمل على إنهاء الأوراق الرسمية المطلوبة للسيارة.

استعان عماد بعد ذلك بالماكير الذي صار صديقًا له "مصطفى" ليُجعله رجلًا عجوزًا ومن العظم منه واشتعلت رأسه شيبًا، تقمص عماد الدور بإبداع وإتقان غير مسبوق، راح يعرض تلك السيارة صاحبة الورق المُزور على بائع أوهم إياه أنه لواء متقاعد ولا يحتاج إلى تلك السيارة الآن، المشتري لم يشك لحظة في اللواء فقد أجاد عماد الدور لكنه فوجئ به يسأله.

- تمام يا سيادة اللواء، بس أنا عاوز أكشف على ورق العربية وعلى حالتها الميكانيكية.

ابتسم عماد من خلف قناع ذلك الرجل العجوز.

- إكشف براحتك بس أنا راجل عجوز يابني، ورجل جوه الدنيا ورجل بره، والكفن مالوش جيوب ومش معقول أغش حد على آخر أيامي، طب هقابل رب كريم إزاي؟؟ عمومًا يابني اللي إنت شايفه واللى يعجبك إعمله أنا مش هقولك لا.

استغل عماد تلك العاطفة التي تملأ أرواحنا كمصريين واستغل أيضًا احترامنا وتقديرنا لكبار السن منا وظل يتحدث مع المشتري لدرجة أنه شَغَر بِإحراج شديد جدًا من طلبه وقرر أن يبتاع السيارة دون الكشف عليها.

استخدم عماد وقت كتابة العقد تلك البطاقة المزيفة التي زورها له "علي" بطاقة مكتوب في بياناتها أنه لواء ومواليد عام 1945، تمت الصفقة بنجاح واستطاع الحوافريت أن يبيع السيارة بمبلغ رائع لم يكن هشام يتخيله أبدًا.

بدأ بعد ذلك الفريق الذي يضم "عماد أو الحوافريت"، "صلاح ابن خالة عماد ودوره كان العلاقات وتوفير الأشخاص التي يحتاجون إليها" علي "وهو المسدول عن تزوير أى أوراق أو مستندات أو حتى أختام يحتاجون إليها،" مصطفى "الماكير الذي يعد لهم الشخصيات حتى لا يظهر أيًا منهم بشخصيته الحقيقية،" هشام "يوفر لهم سيارات مسروقة أو بدون ورق ليبيعوها،" الحوافريت "استطاع أن يفرض شخصيته بقوة بعدما نَصَبَ نفسه زعيمًا لهم، وضع القوانين الهامة ومن ضمنها ألا يتصرف أى شخص فى أى شىء دون علمه والرجوع إليه، ألا تتم عمليات بيع لأى شخص داخل المدينة التي يعيشون فيها حتى يظل لا يعلم أى شخص عن طبيعة عملهم شيئًا، ابتاعوا شقة صغيرة ليتجمعوا بها كل فترة إمَّا من أجل العمل أو من أجل المزاج والكيف، في وقتٍ قليل لا يتعدى بضعة أشهر استطاع أعضاء الفريق نصب أكثر من فخ واصطياد أكثر من فرسة.

بعد فترة من الزمن وفي ليلة من تلك الليالي التي يتجمع فيها أعضاء الفريق الخمسة حضر صلاح وبصحبته ضيف جديد يدعى "لسعة" يعمل سائق ميكروباص أجرة، الجميع يجلس حول منضدة صغيرة امتلأ سطحها بكل ما يُغيب العقل ويجعلك في حالة نشوة وسعادة غير مبررة، الحوافريت يقف بعيدًا بوجهه وملامح جافة، استدعى صلاح وانزوى به في أحد أركان الشقة.

- جرى إيه يا صلاح، إنت كل شوية هتشدلى واحد من الشارع ولا إيه، كده  
الريشة هتفوح، وأنا مش بعمل شغل فى المدينة خالص علشان نفضل مكممين كده.
- ما تقلقش يا حوافريت، إنت عارف أنا جايب لسعة ليه؟؟
- لسعة!! هو كمان اسمه لسعة، ليه يا سيدى، إتحننى.
- علشان بيعرف يقضى ستاقآت نضيفه فحيت، دا جايب تحت أستفّ  
حشيش مالوش حل، مش مخلوط عليه أى حاجة ولا حتى حنّة.
- صلاح، إتقل شوية وما تمشيش ورا كيفك ومزاجك علشان لو وقعنا واقعة  
واحدة مش هيبقى فيها قومة تانى.
- يا عم لا تقلق، لسعة ده معرفة قديمة وهو مش هيعرف حاجة عن شغلنا  
خليه فى قائمة الفرشة وبس.
- صلاح!!!
- ما قولنا بقى الفرشة وبس.
- امتعض وجهه بشراسة.
- خلاص بقى يا حوافرت والننى لتفكها العملية مش ناقصة خنقة.
- ماشى يا صلاح لما اشوف آخرتها معاك.
- آخرتها خير إن شاء الله، تعالى بقى جرب الأستافاية.

\*\*\*

مع مرور الوقت بدأوا يستعينوا بـ "لسعة" فى بعض العمليات إذا لزم الأمر ولكن  
عماد كان حريصًا كل الحرص ألا يعطى له معلومة إلا إذا لزم الأمر.



في ليلة تجمع كل أعضاء الفريق ومعهم " لسعة " لوضع خطة نصب جديدة، الكل كان يشعر بالإرهاق والتعب الشديد، النعاس كان يداهمهم ويتلاعب بجفونهم.

- جرى إيه يا رجالة مش هينفع كده أنا عاوزكم مصححين وفايقين معايا.

قالها الحوافريت وهو يرتدى عباءة القيادة التي وهبها لنفسه من البداية.

- أنا مسقط جدًا يا حوافريت ومش قادر حتى أفتح عيني.

قالها " علي " فتبعه مصطفى وصلاح " واحنا كمان "

- لا ما ينفعش كده يا رجالة، واللى خلق الخلق ما ينفع، دا وقت شغل وخطط مش وقت نوم.

ذلك كان " لسعة " يخاطبهم بتلك الطريقة التي تُظهر أنه تحت تأثير المخدرات، نظر له الحوافريت بطرف عيناه فأردف لسعة بتلك الطريقة التي تتحرك فيها كل أطرافه وأعضاء جسده.

- بقولك إيه يا كبير أنا عندي حل يفوق الرجالة.

- قول يا جهيز زمانك.

- أنا هروح أقضيلكم برشام مُسكن عالي الجودة هيخبط في النفوخ على طول، وهوبيا هيخبط الكلام تمام.

- مش متعودين نبليع مسكنات، أنا مش بشغل معايا مدمنين.

- حد الله، مين بس اللي جاب سيرة الإدمان، دي هي مسكنة واحدة تُستخدم فقط عند اللزوم.

هندم ملابسه بتفاخر ثم أردف وهو يُشير إلى نفسه.

- وتحت إشراف الطبيب.



- نظر الحوافريت في ساعة يده.
- هتلاقي حد دلوقتي تجيب منه الزفت ده.
- يا كبير اللى بيشتغل في الكلام ده لازم يبقى خفاش، وطواط يخاف من النهار وينتشر بالليل، وحظكم من السما بقي، البت اللى بقضى منها نبطشية النهاردة في المستشفى.
- مين دى؟؟
- بت ممرضة شمال كده اسمها رنا، شغالة في المستشفى اللى هنا في المدينة، بقضى منها مسكنات وحبوب هلوسة ولا مؤخدة فيجا، كل ما يلزم لإتمام سهرة سعيدة، بس حاجتها إيه بريمو بنت الأيه.
- بتجيبها منين؟؟
- وأنا مالى يا كبير هو أكل وبحلقة، تجيبها مطرح ما تجيبها إن شالله تكون بتستوردها.
- والحاجات دى هتفوق الرجالة يعنى؟؟
- واللى خلق الخلق هيقوموا يرقصوا شعبي، وبشكلوا كدهو، كدهو.
- يتراقص لسعة بجسدة كهؤلاء الذين يتراقصون حينما يستمعون إلى أغنية شعبية في فرح ما.
- ماشى يا لسعة نجرب حاجة معارفك الشمال.
- دقايق والحاجة تبقى تحت رجلك يا دولي، تعالى معايا يا صلاح.
- انطلق لسعة بسيارته الميكروباس وبصحبته صلاح إلى المستشفى، في الطريق اتصل بـ "رنا" هاتفياً وأخبرها أن تجهز له كل شرائط برشام عائلة "تيمو" في الحال

فهو على شفا الوصول إلى المستشفى، بعد دقائق كانت سيارته تقبع أمام البوابة، هبط من سيارته وراح يترنح بطريقة تُظهر تلك المادة المخدرة التي ربما هوت تحت تأثيرها الآن، دخل على حسن الجالس في الكاونتر الخشبي الخاص به.

- مساء الجمال والانتعاش الزائد.

قالها إلى حسن الذى ظل ينظر إليه باشمزاز شديد للغاية، دار بينهم ذلك الحديث الذى سبق وقصّه دكتور إبراهيم في الاستجواب على سليم "رئيس المباحث المزيف أو الحوافريت" حتى خرجت رنا ودفعته إلى الخارج بعدما كاد أن يشتبك مع حسن.

- إيه الشبورة اللي إنت داخل بيها دى، اللي يشوفك كده يقول عليك القيمة.

- وليه الغلط ده يا روني يا حبيبة قلبى، أنا غلطان يعنى علشان بسأل عليكى!! والله عيب يا روني الكلمات دى.

دار بينهم الحوار كما ذكره دكتور إبراهيم في التحقيق من قبل حتى مدت رنا يدها بذلك الظرف الأبيض الممتلئ بشرائط البرشام المسكنة، أخذها منها ثم تعلق عيناها على البوابة الزجاجية للمستشفى، رنا لا تدرك سبب ذلك التيبس المفاجئ، التفتت خلفها لتجد دكتور إبراهيم مدير المستشفى يقف على الثلاث درجات التى تصل بك إلى الباب الزجاجي الخاص بالمبنى، يسترق السمع لحديثهما، تلعثمت رنا وارتبكت وكأنه اقتحم غرفتها فوجدتها في وضع فاحش، رمق "لسعة" وهو يدس يده في ذلك الظرف الأبيض الممتلئ التى أعطته هى إياه في جيب بنطاله الخلفى.

- فى إيه يا رنا، إيه اللي بيحصل هنا؟؟

- دا عبد الرحمن ابن خالتى كان جاى ياخذ منى حاجة كده وخلاص خدها.

قالتا بارتباك شديد أثار الشك والريبة في قلب دكتور إبراهيم، أردفت بعجالة شديدة.

- يلا يا عبد الرحمن إمشى إنت علشان تلحق شغلك.

انصرف "لسعة" دون أن ينطق بكلمة واحدة، صعد إلى سيارته "الميكروباس" لكن قبل أن ينطلق بها مَخَّ الدكتور إبراهيم شاب آخر يجلس في المقعد المجاور له، لم يستطيع تحديد ملامحه بسبب الإضاءة الخافتة والسرعة التي انطلق بها هو بالسيارة ولم يعرف أيضًا أنه من سينتحل صفة وكيل النيابة فيما بعد، لكنه كَوَّنَ صورة بسيطة عن هيكله وإطاره الخارجى.

داخل السيارة أعطى لسعة الظرف الأبيض إلى صلاح.

- إيه ده يا ابنى!!! كل دى شرايط برشام.

أجابه لسعة وهو يتابع القيادة.

- جرى إيه يا جدع إنت هتقرولا إيه، ما يحسد المال إلا أصحابه.

- يا عم ربنا يبعدنا عنه، بس البت الممرضة دى عرفت تجمع الكمية دى كلها.

- ما تستقلش بيها دى جن مصور فى صورة ممرضة وبصراحة بقى مش لايق عليها موضوع ملاك الرحمة ده، دى تنفع كده ملاك عذاب، ملاك جهنم الحمراء.

فهقه صلاح ثم سألته.

- ومين الراجل اللى طب عليكم ده وانتم بتتكموا مع بعض.

- دا الدكتور إبراهيم مدير المستشفى.

- يا نهار مش معدى، وعملتوا إيه؟؟
- قالتله ابن خالتي، لأ واسمى كمان عبد الرحمن.
- حلوا الإرتجال ده.
- دى شيطانة، ومش بتعرف تترنق، اللى بيعبى على لسانها بتقوله، مرة ابن خالتها، مرة جارها، مرة أخوها واهى ماشية، مع كل واحد بغنوة.
- المدير كده هيقفشها على فكرة وهنروح كلنا فى ستين داهية، أصلاً هو باين عليه راجل مش سهل.
- ما يبقاش قلبك خفيف، البت خطاه فى جيها.
- إزاي!!
- أصله بتاع نسوان ولا مؤاخذه، والنوع ده بيعبى بسرعة أوى مع رنا، دا غير بقى إنه بيتق فيها جداً.
- لا والله!!
- واللى خلق الخلق بيتق فيها، يا جدع دا بيعاول يزقها على دكتور معقد كده معاهم فى المستشفى موقف المراكب السائرة.
- يزقها إزاي يعنى.
- يزقها يا أبو صلاح.
- مط كلماته الأخيرة وهو يغمز بإحدى عينيه لئنيها بأنه يقصد ذلك المعنى الوضيع، أردف على نفس تلك النبوة.





- يعنى بيحاول يخلها وراه لحد ما تطفشو من المستشفى كلها.
- وانت عرفت منين؟؟
- كانت بتفضفض معايا من فترة، ابن خالتها بقى.
- قال جملته الأخيرة ساخرا.
- ما تعرفش اسمه إيه الدكتور ده؟؟
- لا ما قالتش، بس إنت عيمك فى إيه يعنى.
- مستغرب بس إن كل ده يطلع فى المستشفى المحذوفة اللى محدش بييجى فيها دى.
- ما موقعها المحذوف ده هو سر قوتها يا صديقى.
- صمت الإثنان لمدة لا تزيد عن دقيقتين ثم شرع لسعة فى الكلام مرة أخرى.
- بقولك إيه يا أبو صلاح أنا بعمل معاك واجب.
- واجب إيه؟؟!!
- معرفك على رنا الممرضة وهديك رقمها ولما تعوز تقضى حاجة تعالى لوحذك واتعامل وأنا موصيها عليك.
- زى الفل، بس إنت ضامننا يعنى.
- لأ طبعًا، هي جدعة وهتفضيلك أى حاجة تعوزها، بس وساختها بقى إنها كلبة فلوس، تبيع أبوها علشان الجنية وخدمة اللى يدفع أكثر.

- لا خير ما نتعرفني بصراحة.

قالها صلاح ساخرًا.

- يا عم إنت هتناسبها دا بيزنس.

- ماشى يا بتاع البيزنس.

- بمناسبة البيزنس بقى، أخبار حوارى مع الحوافريت إيه؟؟

- يا عم ما تقلقش مش قلتك مشغلك معانا واديني شغلتك، أنا دخلتله من سكة إنك ديلروهمتقضى مخدرات وحب حبة بتدخل فى وسطينا بحجة إننا محتاجينك برضو، ماتقلقش يا لسعة صاحبك بيتكتك برضو ولا هي التكتكة للحوافريت بس .

صفق لسعة بكفيه قبل أن يرتفع صوته مُهللاً.

- تكتك يا أبو صلاح تكتك، واللى خلق الخلق إنت أجده من أبويا.

فهمه صلاح مُرددًا " الله يرحمه "، انطلقوا إلى شقة الفريق.

\*\*\*

مرت الأيام و" لسعة " يومًا عن يوم كان يقترب من فريق الحوافريت أكثر حتى أصبح عضوًا هامًا فى فريق الحوافريت، يشاركونهم تقريبًا معظم عمليات النصب والاحتيال على كافة أشكالها، توسع الفريق وبدأ يدخر مالا وافرا يكفى حاجتهم حتى توقفوا تمامًا عن العمل بعد جمعة الغضب فى الثامن والعشرين من يناير عام 2011، هناك فى شقة الفريق اجتمع كل أعضائه بعد انتهاء فترة ما يُسمى باللجان الشعبية، حيث الشباب كان يتجمع مع بداية ظهور خيوط الظلام أسفل البنايات وفى مداخل المدينة، الحوافريت يجلس على كرسي خشبي ويفرد قدميه عن آخرهما، حول رأسه

سحابة من الدخان المتصاعد من سيجارته المشتعلة، يفكر بعمق في ذلك الحال الذي وصلوا إليه بعد ما يسمى بالانقلات الأمتى.

اقتحم صلاح وحدته متسائلاً عن انتهاء حالة الخمول التي وصل إليها الفريق منذ قيام الثورة، فالكل من حولهم يسرق وينهب أمّا هم فقد توقفوا نهائياً.

- مش كده يا رجالة إحنا راكنين بقالنا كثير أوى، يللا نعمل أى عملية بدل القاعدة اللى احنا فيها دى.

- مش هينفع يا صلاح.

قالها الحوافريت دون أن ينظر له.

- ليه مش هينفع، ليه؟؟

- علشان البلد في حالة فوضى وكل واحد دلوقتي بيبيع أى حاجة معروف إنها مسروقة، إتقل وبلاش تسرع علشان ما نروحش في ستين ألف داهية.

- يا حوافريت الناس كلها تهب من هنا ومن هنا وانت تقولى مش هينفع.

- يا صلاح إتقل شوية مش كده.

قالها بعصبية وبصبر بدأ ينفذ.

تدخل هشام في الحوار.

- الحوافريت عنده حق يا صلاح إتقل، بعدين الصبيان اللى معايا خدوا كام عربية من مقلب العربيات اللى في المدينة بعد ما الشرطة انسحبت، إتقل بس الدنيا تقوم تانى وهنزق من الشغل.

زفر صلاح وجلس مكانه في حالة من الضجر الشديد، مدّ لسة يده بسيجارة ملفوفة، أخذها منه صلاح وأشعلها في ضيق شديد.

\*\*\*

بعد مرور عدة أشهر.

الحوافريت كان يجلس على أحد المقاهى الموجودة فى تلك المدينة، فى يديه لى الشيشة البلاستيكي، يسحب دخانه ويزفره بغزارة شديدة، تلتابه سعادة بالغة بعدما ابتاع منه شخص يدعى "أبو الذهب" سيارة بضعف ثمنها تقريبًا، سيارة من تلك السيارات التى استولى عليها رجال هشام من مقلب السيارات القابع فى مدخل المدينة وقت انسحاب الشرطة، تلتابه حالة من الفخر بعدما ظل أعضاء الفريق يهتفون بتسمه بعد نجاح أول عملية بعد توقف دام لشهور، تستطاع الحوافريت أن يرسم الشخصية بجدارة مُستغلاً كل موهبته الفنية فى تقمص الشخصية من خلف ذلك المكياج العبقري الذى أعده مصطفى له، يجلس الآن فى حالة من السعادة البالغة، لم يمر الكثير حتى توقفت أمام المقهى سيارة يقودها شاب فى الثلاثينات، تقريبًا فى عمر الحوافريت، جسده رياضى، يرتدى نظارة شمسية، فتح زجاج السيارة مُصدرًا ذلك الصوت الصادر من ماكينة فتح الشباك الزجاجى الأتوماتك، أشار إلى الحوافريت بأن يأتى، نظر حوله الحوافريت، لا يوجد على المقهى تقريبًا غيره.

- أنا!!!!

أوماً ذلك الشاب رأسه، فتقدم نحوه.

- خير يا برنس أى خدمة.

- إركب.

- أيوة إنت مين يعنى علشان أركب أن...

قاطعه بحدة.





- بقولك إركب يا حوافريت.
- أيوة إنت كده شبح يعني , ما كل أصحابي عارفه إن إسمي الحركي الحوافريت.
- يا عم إركب هو أنا هخطفك.
- زفر الحوافريت قبل أن يتزلق في الكرسي المجاور له.
- عاوز اشترى عربية.
- نظر له بعدم فهم مُصطنع.
- مش فاهم بتتكلّم عن إيه يا برنس؟؟
- ليه كده ما تخليك حلو, بقولك عاوز عربية, آه افكرت, إنت مش بتشتغل هنا في المدينة, بس أنا زيون مختلف, أقولك سر علشان تعرف إنى زيون مختلف, أبو الذهب اللي إنت بعتله العربية بضعف ثمنها وعمال تنشط من جواك ده تبعي أنا.
- تيبس الحوافريت قليلاً قبل أن يحاول إنكار ذلك.
- أبو الذهب إيه؟؟ وعربية إيه؟؟ أنا مش فاهم حاجة؟؟
- وبعدين بقى, استنى عندي فكرة.
- أخرج صورة شخصية لذلك الشخص الذي يدعى أبو الذهب وأعطاهما للحوافريت نظرها طويلاً ليعطى نفسه فرصة كافية للتفكير.
- أيوة يعني عاوز إيه إنت؟؟

- لسه ما عرفتنيش.

نظر لوجهه طويلاً ثم أردف بـ "لا".

- طب فاكراستاذ عرابي اللي ضيعت مستقبله علشاني.

انتفضت ملامحه وهو يحتضنه داخل السيارة بحفاوة.

- طارق دسوقي!!!

- الرائد طارق دسوقي يا قرع.

تبادلوا التحيات والسلامات ثم طلب منه طارق أن يقابله في مكان آمن ليتحدث معه في أمر هام، أعطاه الحوافريت عنوان تلك الصومعة أو الشقة الصغيرة الخاصة به واتفقا أن يتجمعا ليلاً للحديث عن ذلك الأمر الذي لا يجوز الكلام فيه إلا داخل الحجرات المغلقة.

في شقة الفريق.

جلس الحوافريت على المائدة وأمامه قبع طارق الدسوقي زميل الدراسة، مدّح كلاهما على الآخر في حين أن طارق أخبر الحوافريت بأنه أصبح يقبع على كتفه نسرًا ويعمل منذ أشهر في قسم شرطة المدينة، الخبر كان بردًا وسلامًا على الحوافريت الذي اعتقد بدهيّا أنه صار له ظهرًا قويًا في المدينة فقط حينما ترجع الأمور إلى طبيعتها وينتهي ذلك الانفلات الأمني، أخبره طارق أنه أراد البحث عنه ليجتمع شملهم ثانية فعلم من مصادر سرية الطرق الغير شرعية التي يتبعها الحوافريت في كسب الأموال.

- ورغم كل شغلك الشمال ده عمري ما شفتك في القسم ولا حتى ليك ملف عندهم ولا محطوط في كشوف المغضوب عليهم.

- ولا عمرك هتشوفنى يا طارق باشا عيب دا أنا الحوافريت.
- أكثر حاجة بحترمها فيك هي دماغك، طبعًا الكلام ده من زمان مش من دلوقتي، على الرغم يعنى من إن الإحترام ده بدأ يزيد بشكل كبير من ساعة ما قررت أرصدك من فترة.
- ابتسامة ضعيفة يحاول الحوافريت بها أن يقضى على معالم الخوف الذى بدأ يتسلل إليه.
- إيه يا طارق باشا إنت محتاج ترقية ولا إيه.
- قهقه طارق بتفاخر ثم أجاب.
- لا مش محتاج ترقية ولا حاجة ولو محتاج مش هاخدها على حساب صاحبي، أنا بس عاوزك فى مصلحة كده.
- تأمرنى طبعًا بس لو كانت يعنى مصلحة فى استطاعتى.
- فى الإمكان يا حوافريت.
- بدأ يتحدث بتلك الطريقة التقريرية الباردة التى تجعلك دومًا فى احتياج إلى الاستفسارات.
- جوز خالى.
- إيه عاوز عربية.
- ابتسم طارق ثم أردف.

- مزعلنى حبتين، يرضيك أروح أطلب إيد بنته يرفض، وباريت يرفض بأدب إنما يقولى أصل عاوز أجوزها لدكتور زها، أنا عارف وواثق إنه مش بيعبني دا غير إنه خايف علشان أنا فشلت فى جوازي الأولانى، وهو عارف إن بنته دى داخله دماغى أوى يا حوافريت فقلك أجيبها فى الطب أصلها دكتورة هى وإخواتها الإتنين، سبحان الله طول عمرى بكره إخواتها دول كُره العمى من واحنا عيال صغيرة أد كده، شباب معقد بنظارات نظروشعر خشن وحاجة تقرف، شكلهم معفن إنما هى حاجة تانية خالص.

- والمطلوب يا كبير واوعى تقولى حد يضرها بمية ناروالشغل القديم ده.

- لا لا لا، دا اللى يمسخها دا أنا أفرمه، أبوها يبقى صاحب شركة الفرماوى للبلاستيك اللى فى المنطقة الصناعية اللى هنا.

- عارفها طبعًا، إيه عاوز تولع فيها.

- لأ مش دلوقتى، فى حاجة أهم الأول، أنا راصده بقالى فترة وعرفت من مصادر موثوق منها إنه هيروح الأسبوع الجاى يحط مبلغ كبير فى البنك حوالى 5 مليون جنية ثمن بضاعة حوالة حاجة كده ما تخصنيش، اللى يخصنى إنه هيبقى فى البنك ومعاها شنطة فيها خمسة مليون جنية.

- والمطلوب.

قالها الحوافريت وهو يخشى أن تتناول أذناه ما يخشاه.

- سطو مسلح من شوية ناس ملثمة زى ما بيحصل من ساعة الثورة بالظبط، هتدخل البنك تاخد الشنطة وتقلب البنك وتمشى.

- جرى إيه يا طارق باشا، هو اللى جاب لسعادتك المعلومات عنى قالك إنى بقيت زعيم عصابة ولا إيه؟؟



- الموضوع مش محتاج عصابة ولا حاجة، الموضوع كله أسهل مما تتخيل.
- إزاي يعنى؟؟
- سادت ملامحه التدبير وظل ينظر له بعيون تخر منها الحَصَافَة والاتزان.
- إحنا فى انفلات أمنى يا حوافريت ولازم نستفيد منه، إنت دماغك شغاله ومتعرف تخططها كويس وبعدين إنت متطلع بمبلغ محترم.
- بس دى مجازفة.
- خدها ثقة من حد شغال فى الجهاز، فى تراجع أمنى رهيب من بعد الثورة، والخطوة اللى بناخدها بنحسها مية ألف مرة الأول.
- زئير تلك العواصف التى بدأت فى رأس الحوافريت كانت عالية ومستمرة بشكل انعكس بشكل واضح على ملامحه الغارقة فى الحيرة الشديدة، أردف طارق ليجذب انتباهه بتلك النبذة الرقيقة وهو يحاول أن يلعب معه دور الصديق الناصح.
- الفلوس اللى هتعمل الأيام دى مش هتعمل تانى يا حوافريت، إنت يوم ما بتبيع عربية بيطالعك عشرين ولا ثلاثين ألف، إنما الطلعة دى فيها قرشين كويسين، أحنا فى فترة عروض يا حوافريت حتى نفاذ الكمية، فعاوزين نغتنم الفرصة.
- إحنا مكسبنا هيبقى كام.
- أنا اللى يخصنى من الشنطة النص أمّا النص التانى باللى هتلاقيه فى البنك حلال عليك إنت وفريقك، وده يوم فى وسط الأسبوع يعنى خير ربنا هيبقى كثير.
- ولو ما لقيناش الفرماوى ولا كان معاه الشنطة.

- هطير النسر الى على كتافى يا حوافريت, عيب الكلام ده إنت بتكلم الرائد طارق الدسوقي.

أغاضته طريقة طارق الوثائق المتعالية.

طيب إدينى فرصة أفكر.

- قدامك النهاردة بس علشان تلحق تشغل الجمعة علشان ساعة الصفر الأسبوع الجاى.

هز رأسه متفهّمًا ثم غادر طارق الشقة.

\*\*\*

عقد الحوافريت اجتماعًا لكل أعضاء الفريق داخل شقته فى نفس تلك الليلة, عرض الأمر كما سمعه بالضبط من الرائد طارق الدسوقي, سأله صلاح مستفسرًا.

- بقولك إيه يا حوافريت, المشواره ممكن يكون كمين صاحبك ده ناصبه علشان النسر الى على كتفه تقريبًا كده حاسس بالوحدة.

قال كلماته وهو يخطب بيده على سطح الترايزة.

- إستحالة, مفيش ظابط مجنون على وجه الأرض ممكن يخاطر ويعمل حاجة زى كده خصوصًا فى التوقيت ده, الشرطة مش ناقصة يا صلاح كفاية الى هما فيه.

- صلاح بيتكلم صح يا حوافريت, البلد دلوقتى فى أمس الحاجة لأى مادة إعلامية علشان خبطة زى دى متقول إن الشرطة بتحارب الانفلات الأمنى.

- الكلام ده مش صح يا مصطفى، أنا اعرف طارق من زمان، كان معايا في المدرسة، حركة زى دى ما تجيش من واحد زى طارق، بعدين أنا عارف العداوة اللي بينه وبين جوز خالته ده من زمان.

- ما هو لازم يدخل من ثغرة يا حوافريت علشان نحاسب إحنا على المخابرات في الآخر.

- ما تقلقش حتى لو الموضوع طلع كمين وده مش صح هنعرف نخرج منها.

- إزاي.

أخرج عماد هاتفه الخلوي وضغط على شاشته ليستمع الجميع إلى الحديث الذي دار بينه وبين طارق الدسوقي.

- أنا فكرت زيكم علشان كده سجلت الإتفاق اللي ما بيننا علشان لو فكر يلعب بديله هفضحه وكفاية أصلاً إن الناس هايحج على الشرطة بحجة تلفيق القضايا، يعني تسجيل زى ده لو اترفع ع النت هيخرب الدنيا.

بدأت كتلة القلق المتراكمة على صدور أعضاء الفريق تذوب بعض الشيء بعدما أخبرهم الحوافريت بتلك الفكرة التي خطط لها جيداً، جدد الجميع الثقة فيه عدا "لسعة" الذي بات مرتباً بشدة فالموقف كان أكبر منه بكثير، الحوافريت كان يلاحظ ذلك لكنه تظاهر بعدم الفهم حتى تعالى صوته المرتعش.

- أنا مش معاكم في اللعبة دى يا حوافريت.

حرك الجميع وجوههم شطر "لسعة".

- الموضوع ده كبير والحكومة لسه قايلة إن السطو المسلح دلوقتى فيه إعدام، الموضوع مش سهل يا جدعان زى ما أنتم فاكرين، البلد بقى فيها أحكام عرفية يا حوافريت.

- يا لسعة الموضوع هيبقى سهل وفلوسه حلوة.

ذلك كان صلاح.

- الله الغنى يا عم, سامحوني يا جماعة الحوارده كبير, واللى خلق الخلق الحوارده كبير وأنا مش هقدر عليه.

- إنت مش هتعمل حاجة إنت هتسوق العربية وبس, إنت سواق شاطر واحنا محتاجينك.

- سامحنى يا حوافريت, مش هعرف أسوق وأنا اعصابى بايظة, معلىش يا رجالة مش هينفع, أنا لازم أمشى.

تركهم لسعة وانصرف حتى لا يتعرض لضغط من أي منهم ولكن قبل أن يصل للباب استمع إلى صوت الحوافريت الذى أصبح غليظاً فجأة وهو ينادى عليه, توقف أمام الباب مباشرة, دون أن ينظر إليه وبلهجة جافة خلت من أى رقه أو تقدير لأى معرفة سابقة.

- لسعة, سيدياتك عندي, لو فكرت تقل بعقلك هتزعلى منى.

التفت إليه لسعة وقد قطب جبينه وانكمشت ملامحه على إثر تلك الكلمات.

إنت بتهددنى يا حوافريت؟؟

- سمها زى ما تسمها يا لسعة وحط فى دماغك إنك طول ما إنت كويس أنا كويس إنما هتقل معايا أنا عارف كويس إنت بتحب أمك أد إيه.

اتسعت عيناه وجحظت بشكل كنت أعتقد أنه لا يصلح فيزيائياً, الحوافريت يعلم جيداً تعلق " لسعة " بوالدته لذلك استغل ذلك الحب وصار يهدده بإيذائها إذا فكر فى أى شىء خبيث, خرج دون أن يجيب على الحوافريت الذى أردف للجميع عقب انصراف ذلك السائق.



- كل واحد منا لو فكر يخون قبل ما يفكر هيكون زعلان، أمين.
- تبادل الجميع النظرات فاستكمل الحوافر.
- نبدا الخطه، بس قبل اى شىء عاوز واحد مكان الواد ده يا صلاح، ويكون سواق يعرف ياكل الأسفلت زى الواد ده وواحد يقضيلنا كام حته سلاح.
- إعتبره حصل.
- مش عاوزين الموضوع يكون فى دم.
- ذلك كان مصطفى ماكير الفريق، أجابه الحوافر.
- الموضوع سهل وهيتم من غير ولا نقطة دم واحدة واللى خايف من دلوقتى يحصل لسعة.
- لا شىء جديد يحدث، الجميع فى حالة سكون، استكمل الحوافر.
- زى الفل نبدا الخطه.

\*\*\*

أمام مبنى البنك.

مبنى مكون من دور واحد، عبارة عن بوابة حديدية تليها بخطوات بوابة أخرى زجاجية تحتاج منك إلى صعود أربع درجات حتى تدركها، على اليمين يجلس عسكري قد تحمص وجهه من الشمس طوال الصيف وتفقع جلده من البرد طوال الشتاء، بعد مرور البوابة يجلس رجل أمن كبير فى السن لا يُغنى ولا يُسمن من جوع، اضطر إلى العمل فى تلك الوظيفة ليدخر مصاريف العلاج ويستطيع الإنفاق على أبناء الإنجاب المتأخر المبنى على الزواج المتأخر الناتج من ضيق الحال والوظائف ذات المبالغ

الواهنة!!، بعد مرور البوابة الزجاجية هناك عدد ثلاثة شبابيك يجلس خلفهم ثلاثة موظفين يرتدون البدلات الأنيقة، على يمين البوابة الزجاجية مكاتب خدمة العملاء وإجراءات فتح حساب جديد، أمام مكتب موظف يمتلك جسد يبدو أنه بُني في صالات الألعاب القتالية يجلس صلاح، يتوارى خلف ذلك المكياج الذى صنعه له مصطفى الماكير ليظهر ملامحه وهيئته تمامًا، يصنع صلاح أنه يريد فتح حساب جديد.

على بعد خطوات تحديدًا أمام الكراسى القابعة بالقرب من الشبابيك الثلاثة يجلس " على " مسئول تزوير الأوراق والمستندات في الفريق مرتديًا زى سيدة منتقبة، يتوارى خلف زهبا الأسود الفاحم، ويضع عدسات لاصقة ليُغير من لون عينه وتصير خضراء.

استتر هشام في هيئة وزى رجل عجوز انحنى ظهره ويسير بعكاز، بيد مرتعشة يطلب من العسكري المساعدة بخُجة أنه رجل عجوز تصرخ فقرات ظهره حينما يصعد درجات سلم حتى ولو كانت سهلة، اقترب منه العسكري فاستند عليه هشام وتعمد أن يلقي بحمله على العسكري ليستنفذ قواه ففي تلك الأوقات كان مسموح لأى عسكري باستخدام الطلق الحى دون نقاش أو جدال، العسكري كان يتحامل على نفسه، وضع سلاحه على ظهره ودخلوا إلى البنك في اللحظة التى وصل فيها الفرماوى إلى البنك حاملاً شنطته، تلقى الحوافريت إشارة من على الذى كان يجلس بجواره الفرماوى واضعًا شنطة سمسونيت على قدميه، لمح على مسدس يظهر من جيب الفرماوى، دقائق وضربت المكان حالة من الجنون والهيياج بعدما اقتحم البنك ثلاثة أشخاص يرتدون أسود وملثمين، لا يظهر منهم سوى عيونهم التى تم تغيير لونها بعدسات لاصقة أمّا باقى الشال الأسود الذى يغطى وجههم فقد رُسِمَ عليه عظام وجه جمجمة.

دخلوا إلى البنك في اللحظة التى ضرب فيها هشام عسكري الأمن بالعكاز على مؤخرة رأسه فسقط مغشيًا عليه، مصطفى أغلق الباب والحوافريت أطلق عبارات النار في الهواء فاستلقى كل عملاء وموظفين البنك على الأرض.

حاول موظف البنك ذو الجسد العملاق أن يركض تجاه هؤلاء مستعينًا بكل خبرات تلك الرياضة القتالية التي يمارسها يوميًا بعد يوم ولكن فاجأه صلاح بشيء ما على رأسه أسقطه في الأرض وجد فوهة سلاح صلاح تلتصق بمؤخرة رأسه مهددًا إياه بعدم الحركة وإلا فجزّ رأسه بذلك المسدس.

الفرماوى يفتersh الأرض وسط العملاء، يحتضن الشنطة التي بها النقود، يهدوء أخرج مسدسه من جيبه فانقض عليه على وأخذه منه، وضعه خلف رأسه فجعله الموقف، يهدوء جاء الحوافريت وحاول أن يأخذ منه الشنطة، في البداية اعتصرها ولكن ركله الحوافريت وأخذها منه عنوة، في حين أن " عبد المتجلى " ذلك الضخم الذي استعان به صلاح ليأتهم بالسلاح وقد انضم إلى الفريق حديثًا من أجل تلك المهمة أخذ شوال فارغ وبدأ يملأه من تلك الخزنة الموجودة بجوار الموظفين الذين يرتدون البدلات ويجلسون خلف الشباك الزجاجي.

استغل الموظف ذو الجسد الرياضى انشغال صلاح وتشتيت ذهنه في أمر ما وانتفض دافعًا الأرض بيديه لينقلب صلاح على الأرض، في أقل من ثانية كان يضع رقبة صلاح بين ذراعيه ويضغط عليها بقوة مُهددًا الجميع.

- لو ما سيبتوش كل حاجة مكانها وخرجتم أنا هكسر رقبتة.

صلاح يحاول أن يتملص منه لكن خبرته الطويلة في مجال الألعاب القتالية جعلته تحت سيطرته، نظره الحوافريت وسدد فوهة سلاحه الناري بالقرب منه، ضرب طلقات عشوائية فتراخت أعصاب ذلك الموظف فهرب صلاح قبل أن يسدد له ركله في وجهه، انحنى على الأرض والتقط سلاحه مرة أخرى في حين أن الحوافريت وجّه سلاحه تجاه ذلك الموظف، هرع إليه مصطفى وهو يختبئ خلف زبه الأسود.

- بلاش دم، بلاش دم.

قالها للحوافريت فلم يتغير من الأمر شيئًا، أطلق طلقات نارية على قدميه فأصابه في قدميه.



ذلك كان مصطفى، دفعه الحوافريت تجاه الباب، خرج الجميع، الحوافريت يحمل شنطة النقود وعبد المتجلى يحمل شوال النقود الذى ملأه من خزنة البنك المجاورة للموظفين، انزلق الجميع فى السيارة الجيب وانطلق "ياسر" ذلك السواق الذى استعان به صلاح بدلاً من لسعة بأقصى سرعة.

\*\*\*

### بعد يومان من حادث السرقة.

"لسعة" يجلس القرفصاء على باب إحدى غرف الكشف بمستشفى ما خاصة فى حى الدقى، على عينه طبقة من الدموع تكاد تجعل رؤيته متعذرة بعض الشيء، تتدثره حالة من القلق الشديد والتوتر على والدته التى حدث لها بعض التشنجات وسقطت على الأرض فى مشهد مهيب وهى فى زيارة خاصة إلى أحد أقاربهم، تلقى "لسعة" مكالمات من أقاربه يخبروه فيها بأن والدته أصابها فجأة حالة من تشنجات غريبة وإغماء فاضطروا لنقلها إلى أقرب مستشفى لهم، أصابته حالة من الذعر الشديد والقلق، انطلق بسيارته إلى المستشفى، حبات العرق تتكاثر على جبينه بشكل مبالغ فيه وقلبه راح يدق بقوة كبيرة خلف ضلوعه التى أحرقها القلق، أحس أن رأسه غير مترن وهو يضغط على دواسة البنزين بكل عنف.

وصل إلى المستشفى، هرع إلى الداخل كالمجنون، فأخبره أقاربه أنها داخل حجرة الكشف مع الطبيب، جلس على الباب فى وضع القرفصاء وعينه تدمع خوفاً مما انتابها، يخشى أن تفارقه أو أن تُصاب بأى مكروه، فهو رغم قسوته والأخطاء التى تملأ حياته إلا إنه كان يتعلق بها بشدة ومرتبطاً بها ارتباطاً قوياً.

فُتح الباب وخرج الطبيب وهو يرتدى البالطو الأبيض ويلق السماعاة حول رقبته، بمجرد أن خرج من الغرفة التفت حوله لسعة وبعض أقاربه الذين يُصنفون بـ "كبار العائلة"، أخذوا يتأملون وجه الطبيب الذى أخبرهم بتلك الطريقة التقريرية.



- الحالة الى جوه دى محتاجة تدخل جراحى بأسرع وقت، يعنى ياريت الأسبوع ده أوالى جاى كحد أقصى.

- ماشى يا دكتور إحنا موافقين، واللى خلق الخلق موافقين.

قالها لسعة بسرعة خشية أن يسبقه أحد فى الرد، فأجابه الطبيب باستياء

- أنا مش باخد موافقتك أنا عاوزك تروح تدفع الفلوس فى الحسابات وهما هيبلفونى علشان نبدأ العملية.

ذهب لسعة كما أمره الطبيب المتعالى إلى الحسابات ليصطدم بذلك المبلغ الذى يحتاج منك إلى حقيبة لتضعه فيها وأنت فى طريقك إلى المستشفى، والشرط الذى يجعلك إنسانًا عاجزًا هو دفع المبلغ كاملاً قبل إجراء العملية، حاول لسعة أن يتحدث مع الطبيب فى نقل والدته إلى مستشفى حكومية ولكنه أكد له أن حالتها حرجية ولن تجد أى رعاية فى المستشفيات الحكومية، فقط فى بلدنا ينحصر المريض بين إهمال المستشفيات الحكومية ومبالغ المستشفيات الخاصة الباهظة.

تذكر لسعة الحوافريت وأعضاء الفريق وتذكر أيضاً سرقة البنك التى حدثت منذُ يومان فهرع إلى شقتهم كالمجنون، ظل يطرق على الباب وكأنه منفذه الوحيد للنجاة لكن دون استجابة، الشقة خاوية تمامًا وقد اختفى كل أعضاء الفريق.

تذكررنا فقد صار بينها وبين صلاح والحوافريت ودّ غير طبيعى خاصة فى الفترة الأخيرة، هبط درجات السلم وهرع كالمجنون إلى المستشفى، فى غرفة الممرضات التقى مع رنا وراح يتحاور معها طالباً معرفة مكان أعضاء الفريق، مظهره كان مخيفاً يدعو للتوجس، عينه زائغة ووجهه متفوخ وكأنه يعانى من مرضٍ ما، عقله كان شاردًا ويبحث عنهم كالمجنون، رنا كانت بالفعل لا تعلم أين هم ولكن بدأت تشعر وكأن هناك ثمة أمر غير طبيعى خاصة حينما أخبرها أن صلاح والحوافريت لا يُجيبو على اتصالاته.

- يابنى يردوا ولا ما يردوش أنا مالى هو أنا وَلِيّة أمرهم.

- اشترى نفسك يا رنا وقوليلي هما فين، أنا أمى بتموت فاهمة يعنى إيه أمى بتموت، وإنّ مش هتبقى أغلى عندى منها.

قالها لسعة فأجابته رنا بكل حده.

- تموت ولا تعيش وأنا مالى، أنا أساسًا مالىش صلة بهم، ناس وكنت أعرفهم عن طريقك وخلاص بيج، كل حى راح لحاله، ومن النهاردة بقى مش عاوزه يبقى ليا صلة ببك إنت كمان.

- يا رنا ما تركيبش دماغك واللى خلق الخلق مضرك، أنا لحد دلوقتى مش عاوز أذيكى يا بنت الحلال أنا أمى بتموت ولازم اتصرف، واللى خلق الخلق لازم اتصرف.

- بابنى وأنا مالى، روح اتصرف بعيد عنى.

- ماشى يا رنا، بس إنت كده جيبتيه لروحك واللى خلق الخلق جيبتيه لروحك بقى.

انقض لسعة على رنا، جدل خصل شعرها بلا رحمة فى حين وضع يده على فمها حتى لا تطلق صرخات مسموعة، الغرض من ذلك هو وضعها تحت ضغط ليعلم هل هى بالفعل لا تعرف أين مكانهم أم أسكتتها بعض النقود، الغريب أن رنا لم تسأله ما علاقة شفاء والدتك بهؤلاء المشردين الذين لا يمتلكون حتى عمل، هذا التصرف الغريب هو ما جعله يشك بأن رنا على علم بكل شىء تقريبًا، اعتصم رقيبها بعنف ليضعها تحت ألم رهيب، ملامح وجهه لا تنم أبدًا عن خير، الشرر يتطاير من عينه بجنون، فتُفتح الباب ليتفاجأ بدكتور إبراهيم أمامه، تراخت ملامحه وكذلك أعصابه وبدأ يترك رنا شيئًا فشيئًا، نهره دكتور إبراهيم ثم بكل عنف طلب منه الرحيل مُحذّرًا إياه بعدم العودة وإلا تلقى مصيرًا غير محمود، ذلك الحوار الذى سرّده دكتور إبراهيم لـ سليم أبو فرحة " رئيس المباحث المزيف " فى الاستجواب من قبل.

بعد انصراف الدكتور إبراهيم حركها فضولها لى تُخرج هاتفها الخلوى وتستدعى رقم صلاح، ها هو صوت جرس، ظلت تستمع إليه طويلًا حتى انتهى دون إجابة، فضولها

لم يهدأ وما فعله لسعة بها جعلها متعطشة بشدة للشرب من دمايه، واصلت الاتصال به حتى أتاها صوته الضعيف فيبدو أنه في مكان ما يعاني من فقر شديد في شبكة الاتصال، سألته عن أحواله وعن رغبته في تعاظم المسكنات، إن رغب في ذلك فهناك صنف جديد والكمية محدودة، لم تجد في إجاباته ثمة شيء غريب فـ "صلاح" أدى الدور الذي طالبه به الحوافر ببراءة، فاضطرت هي أن تقص عليه ما حدث مع لسعة فوجدت منه توتراً وأرتباكاً واضحاً ثم طلب منها الانصراف الآن، أغلق الهاتف دون أن ينتظر حتى إجابتها.

- دا إيه يا خويا العيال المجانين دول.

شردت قليلاً ثم ضاقت إحدى عيناها.

- في حاجة غريبة ورا صلاح ولسعة ولازم أفهمها.

\*\*\*

أفراد الفريق جميعهم داخل ذلك الكهف الذي يبدو كتجويف داخل جبل ضمن جبال تلك المنطقة النائية الصحراوية، كهف يصلح أن يكون وكر للهايين والخارجين عن القانون، كل أعضاء الفريق يضعون النقود داخل كراسي السيارة ويقوموا بحياكة القماش لتصبح النقود تملأ مع الإسفنج حشو كراسي السيارة، الفريق كان يخطط لترك المدينة بالكامل والذهاب إلى مدينة أخرى لبدء حياة جديدة لا تخلو من الإجرام، فقط كانوا ينتظرون انتهاء الانتشار الأمني الذي غزا المدينة فور الإعلان عن سرقة البنك، طارق الدسوقي أخبرهم وهو يأخذ منهم أمواله أن الأمر لن يتعدى الأربع أيام فهناك أمور في البلد أهم بكثير من سرقة بنك في ذلك التوقيت، بعدما استطعوا ترك المدينة بسهولة ويسر، الحوافر يفرق قدميه ويدخن سيجارة بتركيز شديد ويستمع إلى تلك الرواية التي يقصها عليه صلاح بعدما أنهى مكالمته مع رنا، أعضاء الفريق يستمعون إلى صلاح بإمعان حتى انتهى ثم طرح على الحوافر ذلك الاستفسار.

- منععمل إيه دلوقتي؟؟ دا غبي وممكن يودينا كلنا في 60 داهية.

- هو ده مش مجايبك برضويا عم صلاح.





- جرى إيه يا حوافريت!! ما كل اللي في الفريق دول مجايي هو إنت جبت حد.
- في إيه يا صلاح ما تتكلم عدل!!
- ما إنت اللي بتقول كلام غريب يا حوافريت.
- تدخل هشام سريعًا لفض ذلك النزاع الذي نشب بين الإثنين.
- خلاص يا رجالة خلونا نفكر في المصيبة دي الأول.
- المصيبة دي حلها عندي.
- قالها الحوافريت وعيناه تضيق، بعدها مباشرة تلقى اتصالًا هاتفي من لسعة،  
أجاب عليه هذه المرة ثم أعطاه موعدًا بعد ساعة في شقة الفريق.

\*\*\*

- في شقة الفريق بعد مرور ساعة واحدة.
- الحوافريت يجلس وحيدًا أمام لسعة الذي يبدو من خلال لغة جسده أن حالته في غاية السوء، قدمه لا تقف عن الاهتزاز وهو يقضم أظافره بأسنانه ويبصقها على الأرض، الحوافريت بيرود متناهي يحاول حرق ما تبقى له من أعصاب.
- خير يا لسعة عاوز إيه؟؟
  - هو باقي الناس فين؟؟
  - إنت مالك ومال الناس هو إنت جاي تقابلني علشان عندك كلمتين ولا احنا عزمينك على الغدا.

- لا يا عم مش عازميني على الغدا ولا حاجة أنا بس محتاج فلوس.

- فلوس!!!





- أه فلوس، محتاج 150 ألف جنية، أمى بتموت ومحتاجة عملية يا حوافريت.
- دا بقى على أساس إنى أنا الهلال الأحمر ولا الشئون الاجتماعية.
- على أساس إنتا أصحاب.
- أنا عمري ما بصاحب حد.
- بلاش صحاب على أساس الخدمة اللى قضيتها معاكم.
- كنت بتاخذ حقك كامل بعد كل عملية.
- يا حوافريت المبلغ ما يجيش نقطة فى بحر اللى إنتم سرقتموه.
- أجابة ببرود متناهى لا يخلو من السخيرة.
- إحنا نسرق، تؤتؤ تؤ، ما حصلش.
- إزاي يعنى، آمال الخطة والاتفاق مع الضابط ده كان إيه.
- دا مقلب، من مقالب رمضان بتاعت رامز جلال.
- ما تخلينيش أجيب عاليها واطيها.
- إيه ده!! إنت بتهددنى يا لسعة، ما كانش العشم، بس أنا برضو معتبر ده مقلب زى مقلب سرقة البنك اللى عملناه فيك.
- بات لسعة لا يتحمل ذلك الضغط وتلك السخيرة المستمرة.
- ماشى يا حوافريت، أنا هروح وزارة الداخلية، واللى خلق الخلق لأروح وزارة الداخلية وهقول إنك إنت والناس اللى معاك اللى سرقتم البنك بتعليمات من طارق الدسوقي.

فعل حركة بذينة بضمه بسخرية عارمة.

- تصدق مش هعرف أنام النهاردة، إنت كرجعتنى.

- إنتقل يا حوافريت وما تخليش السكينة تسرقك، لما قضية زى دى ييجى فيها إسم ظابط مش قليلة، فى ألف قناة هتذيع الموضوع ده وحصرى كمان، دا غير بقى إن من الصدفه اللى هتخدمنى قريب الظابط اللى كان موجود فى التوقيت ده بشنطة الفلوس، وطبعًا الدنيا كلها عارفه الخلافات اللى ما بينهم، العيار اللى ما يصيبش يدوش، واللى خلق الخلق يدوش، دا غير إنى هجيب لهم القديم والجديد وشغلنا كله بالأسماء.

تخلت ملامح الحوافريت عن السخرية وراحت تتشكل بتلك الملامح الجادة التى يمتزج فيها القلق مع الخوف، أردف لسعة.

- واللى خلق الخلق أنا ما كنت عاوز حاجة بس أمى عاوزة عملية وعلاج وانت عارف أمى بالنسبة ليا إيه، عمري ما كنت ههدك بس لما تيجى رقبتك ولا رقبة أمى، تبقى رقبة أمى يا حوافريت.

كلمات لسعة بدأت تنشب مغاليتها فى روحه، القلق بدأ يتجسد فى جحوظ عينيه، زم شفثيه وراح يبيحث بداخله عن رد مناسب محاولاً أن يظهر كل هذه التغيرات التى ظهرت عليه، حاول لسعة أن يعدل دفة الحديث ويكسب الحوافريت بعدما أخبره بقوة موقفه.

- أنا مش جاي أهديك زى ما قولتلك، أمى بتموت وأنا ما ينفعش أشوفها كده واسكت، أنا جيت أطلب منك الفلوس فى الأول بصورة ودية بس إنت اللى خليتنى أوصل معاك لكده، واللى خلق الخلق إنت اللى خليتنى أوصل معاك لكدة.

ثمة ابتسامة خفيفة بدأت تشق طريقها على وجهه الجامد.

- ماشى يا لسعة بكرة تقابلنى وتاخذ فلوسك.

- موافق.

- بس عليها الحرام من ديني اى لعبة كده ولا كده هيبقى عليها وعليك وعلى أعدائي كلهم، إذا كنت إنت لسعة فأنا أبو الجنان كله.

\*\*\*

ذهب الحوافريت إلى رنا في ذلك اليوم مساءً راغبًا في مقابلتها، وقف بسيارته أمام باب المستشفى، استدعى رقمها، اتصل بها فخرجت مسرعة وركبة معه السيارة، دكتور إبراهيم يقف في نفس تلك اللحظة خلف زجاج شباك مكتبة يستنشق الهواء ليساعده على التفكير والتركيز وهو يعاتب نفسه على عقابه لونا حينما نهرها بعدما اقتحم الغرفة ووجد ابن خالتها يُحاول الاعتداء عليها، كان يتناقش مع ذاته ليعلم هل كان مخطئًا فيما فعله معها أم لا، فجأة رأى من خلف زجاج مكتبة رنا تتجه إلى سيارة شخص غريب، ركبت السيارة بسرعة فائقة ثم انطلقت سريعًا، ذلك الموقف هو ما أثار دهشته وهو أيضًا ما أخبر به سليم أبو فرحة " رئيس المباحث المزيف"، ما يحدث أمامه الآن يُشعره وأن هناك أمرًا ما غير طبيعي يحدث مع رنا، كان دكتور إبراهيم لا يدرك أبدًا أن ذلك الشخص الذى كان ينتظر رنا في سيارته ولم يستطع هو رؤية أى شئ فيه سوى جزء من ذراعه هو الحوافريت الذى قام بعد ذلك بدور رئيس المباحث سليم أبو فرحة.

\*\*\*

في اليوم التالي

سيارة الأجرة " الميكروباص " الخاص بـ لسعة تتوقف أمام باب الكافية الذى يطل على شارع عمومي يبدو مزدحمًا قليلًا في النهار، نزل من السيارة متجهًا إلى الباب، أصر لسعة على أخذ المبلغ في ذلك الكافية الذى يطل على الشارع العمومي وأصر أيضًا على أن يكون التسليم الساعة الثالثة عصرًا بحيث تكون هناك حركة سريان في الشارع في ذلك التوقيت لأنه لا يأمن مكر الحوافريت، رفض لسعة استلام النقود في أى مكان آخر هادئ يخلو من المارة والسكان، دخل إلى الكافية وطلب من النادل مشروبًا باردًا



ليطلب حرارة جسده المرتفعة، ظل ينتظر حتى قطع العقرب الكبير مشوارًا لا يقل عن ثلاثين دقيقة، ارتفع رنين هاتفه الخلوي، إنه رقم غريب غير مسجل، ضغط على زر الرد.

- ألو.

- إطلع بره وعدى الشارع هتلاقيني واقف بالفلوس.

أغلق الحوافريت الهاتف ولم ينتظر حتى ردًا منه، عاود الاتصال به مرة أخرى بالرقم فوجده مغلقًا، شعر للحظة أنه فخ قد نصبه الحوافريت له لكن منظر والدته المريضة كان لا يفارق عيناه، لا يهم سأخرج له مهما كان التسليم سيتم في شارع عمومي، خرج من الكافية فوجد الحوافريت يقف بعيدًا وفي يده شنطة تبدو أنها شنطة النقود، شرع في عبور الشارع فإذا بسيارة تأتي بسرعة رهيبة تصدمه ليطيير إلى أعلى ثم يسقط على الأرض، التفت حوله الناس بين مررد لا حول ولا قوة إلا بالله وبين من يسب السيارة التي يقودها صلاح بسرعة رهيبة، طلب أحدهم نقله إلى المستشفى في حين أن الحوافريت اختفى.

\*\*\*

جزء من تلك الخطة التي وضعها الحوافريت للتخلص من "لسعة" بعد إصراره المقابلة والتسليم في ذلك المكان هو حالة عدم وفاته بسيارة صلاح المسرعة بدميًا سيُنقل إلى مستشفى المدينة لذلك ذهب الحوافريت إلى هناك وأبرم اتفاقًا مع رنا كونها كائن جشع عاشق للمادة حصولها على مئة ألف جنية في حالة التخلص منه حال وصوله إلى المستشفى حتى أمّا إذا وصل ميتًا فلها نفس الأجر، معرفة كل المستشفى بأنه شخص ضمن عائلتها سيُسهل عليها المهمة في الوقت نفسه لن يشك فيها أي شخص، المبلغ بالنسبة لها كان كبيرًا يستحق المجازفة، تسلمت في مساء ذلك اليوم الذي وصل فيه لسعة إلى الرعاية، وفي يدها حقنة هواء ستضخها في عروقه لينتهي أمره في ثوان معدودة، المستشفى هادئة، تأكدت في بداية الأمر أن الممرضات الموجودات في النبطشية مشغولة بتناول الطعام فهرعت إلى غرفة الرعاية، بهدوء تعمدت فيه ألا تصدر صوتًا دخلت إلى الغرفة وهي تتلفت حولها، أخرجت الحقنة من ذلك الغلاف البلاستيكي الذي يحيط بها من كل جانب، وضعت السن عند مقدمة



الحقنة ليخترق جسد "لسعة" ويضخ كمية الهواء الكافية للحصول على ذلك المبلغ، نزعَت تلك الأسلاك عن الشاشة التي تعلو سريره حتى لا تصدر صوت إنذار تنبيهه حال توقف قلبه.

- معلىش بقى يا لسعة ولا معلىش ليه إنت أصلاً ما تساويش عندى ربع المبلغ اللى اتعرض عليها فيك.

استمعت إلى وقع أقدام تتابع الخطى وتقرب من باب الغرفة، ألقت بالحقنة أسفل الكرسي وراحت بسرعة البرق تنكب على سرير المريض، رمقها دكتور إبراهيم وهي تفعل ذلك فاعتبرها تبكى على ابن خالتها، لم ينتابه أى شك فى شيء آخر، وضع يده على ظهرها يهدوء فانتفضت وكأن عقرباً ساماً لدغها.

- إيه يا رنا بتعملى إيه هنا؟

- قاعدة جنب ابن خالتى.

حرّكت قدمها بشكل غير طبيعى تجاه السرير لتزيج الحقنة قليلاً بقدمها وتطمرها تحت سرير المريض، شعّر دكتور إبراهيم بتلك الحركة فاعتبرها كما ذكره "سليم أبو فرحة" فى الاستجواب أنها مجرد حركة لا شعورية ناتجة عن التوتر الشديد، دار بينهم ذلك الحديث الذى سبق وذكره دكتور إبراهيم فى الاستجواب، حديث حاول هوفيه إقناعها بأن تترك ابن خالتها وتعود إلى البيت ولكن قبل أن تنهض وقعت عينه على شاشة التلفاز المعلقة فوق السرير، استفسر منها عن سبب تعطل الجهاز فأخبرته أنها بحاجة إلى صيانة.

خرجوا سوياً من الرعاية ولكن قبل أن يبتعدوا بعيداً عن الغرفة طلبت منه رنا العودة لإحضار هاتفها الخلوى الذى سهت عنه وتركته على الكومود المجاور للسرير، أثناء عودتها وقبل وصولها إلى الغرفة ارتفع رنين هاتفها التى تظمره داخل جيب زى المستشفى التى ترتديه، إنه الحوافريت يطمئن منها على تسليم روح لسعة إلى بارئها،

تجاهلت المكالمات وخفضت صوت الهاتف، انحنيت سريعاً، التقطت الحقنة من على الأرض، رشقتها في جلده وضخت الهواء في عروقه بلا هوادة، وضعت الحقنة في جيبها ولكن قبل أن تخرج كانت على يقين بأن دكتور إبراهيم سيسألها على هاتفها الذي سمع رنينه، تذكرت هاتف لسعة الذي وضعوه في الكومود المجاور للسرير، أخذته معها وحينما خرجت سألتها الدكتور إبراهيم فأخبرته أنها كانت قد عادت لتأتي بهاتف ابن خالتها بدلاً من أن يستولى عليه أحد.

\*\*\*

في منزلها ظلت تعبث بهاتف لسعة حتى وجدت ذلك التسجيل الصوتي للحوافريت وهو يتحدث فيه عن سرقة البنك لكل أعضاء الفريق، ذكر في ذلك الحديث أيضاً اسم الضابط المتورط معهم طارق الدسوقي، لسعة لم يخبر الحوافريت عن تلك التسجيلات فربما كان يدخرها لوقت آخر.

أدركت رنا الآن لماذا دفع الحوافريت كل هذا المبلغ للتخلص منه لكن مهلاً هو لم يخبرني بشيء عن تلك التسجيلات، ربما في الأساس هو لم يعلم عنها شيئاً.

\*\*\*

في اليوم التالي ...

رنا تجلس مع الحوافريت داخل أحد الكافيات العامة، يتحدث معها بإعجاب شديد، يشعر بسعادة عارمة تغمره حتى النخاع بعدما تخلص من "لسعة" نهائياً، يمد يده بشنطة بها صغيرة تحتوي على مائة ألف جنية بعدما استمع إلى خبر وفاة لسعة وأن القضية ستقيد ضد مجهول، أخذت منه الشنطة وهي ترمقه بذات النظرة الخبيثة التي لا تنذر بخير أبداً.

- شكراً على العربون الجميل ده يا أستاذ حوافريت.



نظر لها الحوافريت وهو يتسم بسخرية قبل أن يُعيد الكلمة مرة أخرى.

- عربون!!

- إخس عليا هو أنا ما قلتكش!!

قالتها بسخرية مبالغ فيها.

- لا ما قليتلش.

- مش أنا وأنا بدعبس في مويابل لسعة الله يرحمه لقيته مسجل حوارليك إنت وشوية ناس كده وبتتكموا على سرقة بنك.

اتسعت عيناه وكأنه لا يصدق ما تتناوله أذنه الآن، تبخرت بالكامل حالة النشوة والسعادة التي كان يشعر بها، أردفت رنا سريعًا.

- آه والله البنك اللي اتسرق من كام يوم ده في المدينة.

ابتلع الحوافريت ريقه مُصدرًا صوت مرتفع، أردفت رنا بطريقة مستفزة للغاية.

- لأ وكمان معاكم ظابط اسمه إيه يا روني، اسمه إيه يا روني، آه طارق الدسوقي.

تقلصت أحشاء الحوافريت وهو يستمع إلى كلامها، يجاهد كي لا يظهر أمامها بردود أفعال تترجم حالة التوتر التي يشعر بها فقط ابتلع تلك الحالة التي تعتريه دون صوت لكن عينه التي امتلأت بالارتباك جعلت كل شيء واضح أمامها.

- عاوزه إيه يا رنا.

- مليون جنية.

- كام!!

- مليون جنية, خدت منهم 100 ألف عربون يا حوافريت, والباقي في أقل من أسبوع يبقى عندي.

- بس دا خيانة للأتفاق اللي كان بنا .

- الجميع يخون الجميع يا عزيزي .

مسحت بيدها على رأسه الصلعاء.

- مستنية ردك عليا يا عنيا, ونصيحة بلاش تلعب مع رنا وأظن لسعة الله يرحمه كان مديكم ال C.V بتاعي, بالإضافة بقى إن التسليم هيبقى على أرضى وسط جمهورى يا حوافريت.

\*\*\*

حينما حل مساء تلك الليلة السوداء الخالية سمائها من أى قمر منير, كان الحوافريت يجلس فى الكهف الذى بات وكراً لهم, التف أفراد الفريق حول طارق الدسوقي الذى انضعلت كل خلية وذرة فى كيانه حينما قصَّ عليه الحوافريت ما حدث منذ سرقة البنك, بلهجة جادة ظهرت فيها شراسة قوته الحالية.

- إنت بتستهبل, إنت بعد ما خربت ما جاي تقولى الحقنى, إنت كل تصرفاتك غلط فى غلط.

- يا سلام والمفروض بقى كنت أعمل إيه يا طارق باشا؟؟

- كنت إديله الفلوس اللى هو عاوزها وخليه يغور فى 60 ألف داهية.

- وهو بقى بالسذاجة دى, هياخد الفلوس وهيسكت, إذا كان ما جابليش سيرة التسجيلات اللى معاه يبقى كانت الفلوس اللى طلبها دى مجرد مرحلة أولى وبعد كده اللعب هيشغل.

- برضو إنت اتصرفت بغباء.





- طارق باشا بلاش اللهجة دى الله يباركك، إحنا كلنا فى مركب واحدة.
- لا يا حبيبى كنا فى مركب واحدة، ووصلنا الميناء سواء، إنتم بقى اتشاقيتو، شيلوا بقى.
- شيلوا بقى!!
- آه شيلوا يا حوافريت علشان تبقى تستنصح تانى.
- ماشى يا طارق باشا يا دسوقى، والمركب الواحدة اللى كنا فيها دى كانت علشان مين مش علشانك إنت، مش إنت اللى سرقنا البنك علشان، علشان ننتقم من قريبك الفرماوى، جاى دلوقتى وتقولنا شيلوا.
- بقوك إيه يا حوافريت، جو الصعبانويات ده مش هياكل معايا، إنت اللى عملت كده فى نفسك وإنت برضو اللى هتخلص نفسك.
- كان يتحدث بتحدى وكأنه مُصِرّ على خلق جو عدائى رهيب.
- أنا كنت بأتب ضميرى على اللى عملته معاك بس واضح كده إني كان عندى حق.
- أخرج هاتفه الخلوى ووضعهُ على قِمْهِ وردد بصوت عالٍ.
- طارق باشا دسوقى اللى شغال رائد فى القسم خد فلوسه من سرقة البنك وخلع.
- فَهِمَ طارق أن الحوافريت كان يُسجل حديثهم معاً.
- إنت بتسجلى يا حوافريت.
- وغلاوتك دى ما أول مرة، كل كلامنا متسجل.

ضغط على زر التشغيل فاستمع إلى الحديث الذي دار بينهم أثناء الاتفاق على سرقة البنك، غلى الدم في عروقه وانتفض من مكانه ليضرب الحوافريت ولكنه فوجئ بكل أعضاء الفريق يوجهون تجاهه فومات السلاح الناري، الحوافريت ينظر له مصعوقًا.

- عاوز تضربني يا طارق، هي غلطة بس أنا هعذرك ولوإنها حركة فيها قلة أصل ونكران جميل للى عملته معاك زمان ودلوقتي ولكن واضح إنك متربى على كده، عمومًا مش مهم دى تربيتك وإنك حرقها، إنما اللى مش حرقه بقى هو الموضوع اللى إنت من الأول دبستنا فيه، ما ينفعش يا باشا تيجى فى نص اللعبة وتقول مش لاعب علشان إحنا المفروض إننا بنلعب مع رتبة كبيرة مش مع عيل صغير، استهدى بالله كده واقعد علشان نفكر بهدوء.

هدأ طارق وجلس بهدوء على مقعده مرة أخرى، ملامح وجهه بدأت تتوتر وهو يستمع إلى تهديدات الحوافريت الباردة التى يعتمد فيها الضغط على ما تبقى له من أعصاب، علاوة على أنه يعلم جيدًا قدرات الحوافريت التخطيطية للإيقاع بالخصم.

- طارق أنا مش هقع لوحدى، عاوزين حل.

- هي عاوزة كام؟؟

- مليون جنية.

- تخدهم ونخلص.

- يا سلام، دا إيه الحل الجامد ده، طب ما أنا كنت قادر اعمل كده بس مش هنخلص، اللى زى رنا دى كلبة فلوس ومفضل تنلط بالتسجيل اللى معاها.

- طب ناوى على إيه؟؟

- مخلص منها.

هنا انفعل طارق ثانية.

- إنت إيه يا عم، خلاص بقيت قتال قتلة.

- عندك حل تانى قوله ما عندكش يبقى تسمعنى.

زفر طارق بقوة.

- وهتخلص منها إزاي يا عم البلطجى؟؟

- الست هانم لسه قافلة معايا من شوية بتسألنى جهزت الفلوس ولا لأ، طبعا قتلها أه، قالتلى التسليم هيبقى يوم الخميس اللى جاى علشان هى هتبقى نبطشية فى المستشفى، طبعا هى وخدانى المستشفى علشان ما أعرفش أغدربها زى ما غدرت بـ "لسعة" بس أنا بعمل اللى هى مش متوقعاه وهغدربها هناك لأن هى أكيد عاملة حسابها إن محدش يشوفها وهى بتستلم الفلوس، اللى زى رنا دى ذكية جدا وأكيد حاسبه كل خطوة بتعملها ليه وإزاي؟؟

- ولو طلع فخ يا فالج.

- كده كده إحنا تحت ضررنا فمض فارقة، اللى أنا بعمله ده مجرد محاولة يمكن ننقذ بيها نفسنا، بعدين كلاب الفلوس مش بيفكروا غير فى الفلوس، هى اللى يهمها المبلغ اللى هيتدفع، لو فكرت تبلغ عنا وتأخذ 10% من المبلغ مش هياكل معاها، إحنا نكسب بالنسبة لينا.

- عموما الخميس ميعاد كويس.

- اشمعنى؟؟

- فى مليونية يوم الجمعة وتقريبا كل القوة بتاعت القسم هتبقى مسحوبة فى التحرير وأنا اللى هبقى نبطشى فى القسم.

- زى الفل، ده هيساعدنا كتير.

\*\*\*



الخميس 2011/6/6

يوم الجريمة.

بدأت أحداث اليوم كما ذكرتها يارا لسليم أبو فرحة في الاستجواب من قبل.

رنا داخل غرفة استراحة الممرضات في بداية النهار، تتحدث مع يارا عن النبطشية اليوم، سألتها عن الدكتور النبطشي "وهي على علم بذلك" ثم أخبرتها لا شعوريًا بأنها ليست لديها وقت للتشاكسه، فلما أعادت عليها طرح السؤال تلاعبت بها رنا وذكرت أسباب أخرى وحاولت تغيير الموضوع بدهاء شديد، تركتها بعد ذلك وانصرفت محذرة إياها بعدم شراء الطعام اليوم فقد أحضرت معها طعام للجميع.

بعد مرور ساعة تقريبًا تسلمت إلى غرفة الكشف الخاصة بالدكتور عصمت، فتحت حقيبته الخاصة فوجدت أغراضه، بحثت فيها حتى وجدت هاتفه الخليوي والكوب الخاص به، أخذتهم من الشنطة ووضعهم في ذلك الكيس الأسود الذي كان بحوزتها لتداعبه وتلاعب بأعصابه كما كلفها دكتور إبراهيم، خرجت من غرفة الكشف فوجدت يارا في طريقها إلى المعمل لتسليم العينات، استدعتها وبأسلوب بدت فيه كمريضة نفسية أخبرتها أنها سرقت تلك الأغراض الخاصة به من حقيبته الخاصة لتداعبه ثم صار بينهما ذلك الحديث الذي سبق وزوّته يارا مع سليم في الاستجواب.

\*\*\*

بعد مرور ساعة أخرى وقبل أن تبدأ النبطشية اتصلت رنا بـ "أم هاني" المسئولة عن التنظيف في الفترة المسائية، طلبت منها إحضار ثلاثة علب "كشري" معها وهي قادمة إلى المستشفى وشددت عليها ألا تنسى مقابل ذلك ستجعلها تذهب إلى بيتها في بداية الوردية، أسلوب إغراء لتشجيعها كي لا تنسى أن تبتاع الطعام وفي الوقت ذاته تفسح المجال لنفسها لمقابلة الحوافريت اليوم.



- بصي يا ستي، الساعة سبعة بالدقيقة تدخل على عليه أنا وبارا وتقولى إن إبنك عيان ولازم تروحي وأنا هروحك.

- بس النهاردة الدكتور عصمت.

- مالكيش فيه، المهم تقلى وشك واللى بكلمك تقوليله هروح يعنى هروح.

\*\*\*

الساعة السابعة.

رنا تتحدث إلى الحوافريت عبر الهاتف الخلوى أمام غرفة النبطشية الخاصة بالمرضات.

- أيوا يا حوافريت، تعالى على الساعة 9 كده أكون ظبطت حالى والدنيا هنا، تعالى عند الباب ورنلى، إوعى تدخل قبل ما تاخذ منى الإشارة، حوافريت ودينى لو فكرت تغدربها لأندمك على كل حاجة، ماشى.

فى نفس تلك اللحظة خرج دكتور عصمت ذاهبًا إلى الحمام فوجدها تقف أمام غرفة النبطشية تتحدث فى هاتفها الخلوى وهذا ما رَواه إلى سليم أبو فرحة أثناء الاستجواب، سدد لها نظرة بطرف عينه وذهب إلى الحمام، رنا كانت مستمرة فى الحديث مع الحوافريت حتى ظهرت أم هانى كما اتفقت معها رنا، قطعت كلامها فى الهاتف وقالت لها بنبرة عاجلة.

- خشى يا أم هانى على يارا وأنا جاية وراكى.

بمجرد أن دخلت أم هانى على يارا التى كانت تاكل الكشرى بهم هرعت رنا بعدما أغلقت الهاتف إلى غرفة النبطشية الخاصة بالدكتور عصمت، وجدت كوب الكافيين الذى أعده، أخرجت من جيها أنبوبة وراحت تقطر منها نقاط معدودة، أغلقت الأنبوبة وأخذت مفتاح الغرفة الموجود على الكومود وهرعت إلى غرفة النبطشية.

اقتحمت الغرفة وهي تستمع إلى يارا تُخبر أم هاني بأنها سوف تستأذن الشخص  
القريب من المدير.

- والقريبة من المدير بتقولك روى يا أم هاني أمّا إنتِ بقى يا سوسة  
فحسابك معايا بعدين.

ثم اكتمل الحديث كما روته يارا مع سليم أثناء الاستجواب.

\*\*\*

هبطت أم هاني إلى أسفل ثم حدث بينها وبين حسن ذلك الحديث الذى سرّدهُ  
حسن إلى سليم أبو فرحة فى الاستجواب، من بعيد كانت رنا تتابع ذلك الحوار الذى  
نشب بينهم وفى يدها علبة كشرى فتحتها ووضعت بداخلها بعض القطرات من زجاجة  
شفافة كما فعلت من قبل مع تلك العلبة التى أعطتها إلى يارا، هبطت درجات السلم  
فور خروج " أم هاني "، اقتربت من حسن وعينها تعطيها طابع النمر الذى يحاول أن  
يظهر بصورة حسنة لا تتماشى مع طابعه الشرس، استعارت نبرة تلك الفتاة التى تقف  
دائمًا أمامك وتحاول إقناعك بشراء ذلك العطر الجديد.

- فى إيه يا حسن، بتخانق دبان وشك ليه؟؟

صار بينهم ذلك الحديث الذى انتهى بأعطائه علبة الكشرى قبل أن تنصرف  
مُنذرة إياه بعدم التقصير فى شىء أعطته هى إياه.

تركته وصعدت درجات السلم وهي تستحضر رقم وائل خطيب يارا بعدما سرّفته  
من هاتفها فور علمها بذلك الخصام الذى وقع بينهم، عراك انتهى بغلق كلاً منهما  
الهاتف فى وجه الآخر، هاتفه بحجة فض النزاع بينه وبين صديقة عمرها.

- يا وائل يارا منهارة من أول اليوم ومقصر فيها أوى إنك بقالك يومين ما  
كلمتهاش.. عارفة إنها هى اللى غلطت والمفروض تاخذ على دماغها بس معلىش إنتِ  
الراجل يا وائل، إنتِ اللى تستحمل .. إتفضل تعالى خدّها دلوقتى وروحوا اسهرّوا بره  
سهرة حلوة وما تزعلهاش دى بتحبك.. مالکش دعوة بالنبطشية أنا مظبطة كل حاجة..

وائل إوعى تقولها إني أنا اللي كلمتك.. قولها إنت كلمتني.. يا سيدى مش هتغلب خدته من أى حته مش فارقة.. يلا ما تتأخرش بس.

نجحت خططها الأولى وأصبحت ليست بحاجة إلى استخدام الخطة البديلة ( B ) في حالة عدم موافقة وائل للتخلص من يارا وزحزحتها بعيدًا عن المستشفى وعن طريقها ليخلو المكان لها لاستلام المليون جنية.

بعد نصف ساعة.

استمعت هي ويارا إلى الكلاكسات العشوائية ثم صار بينهما ذلك الحديث الذى قصته على سليم أبو فرحة فى الاستجواب، هبطت رنا إلى وائل بعدما أقنعت يارا بتغيير ملابسها وترك المستشفى والوردية كلها فى الحال، تقابلت مع وائل بعدما نهزت حسن وجعلته ينقشع من أمامها، انحنت عليه واقتربت من أذنه.

- إوعى تقولها يا وائل لحسن أزعل منك، إنت اللي اتصلت وطلبت منى ده.

حضرت يارا فأخذها وائل وانطلق بالسيارة، تأكدت رنا من أن حسن أكل علبه الكشرى ثم صعدت إلى أعلى، الدور العلوى خالى تمامًا من أى شخص سوى الدكتور عصمت الذى يغط فى النوم بسبب ذلك المنوم الذى وضعته هى له فى كوب الكافيين.

أحكمت غلق باب غرفته بذلك المفتاح الذى سرقته من على الكومود، وضعته فى درج الكومود المجاور لسريرتها فى غرفة التبطشية الخاصة بالمرضات، أخرجت هاتفها الخلوى بعد مرور ربع ساعة وهاتفت الحوافريت، طلبت منه أن يظل بالقرب من باب المستشفى وحينما تعطى الإشارة يدخل ويصعد للدور الثانى.

- أول ما أرنلك تدخل على طول.. لأ مش هتلاقى حد فى طريقك... لأ يا حبيبي دى شغلتى وخطتى بقى... المهم إنجز قبل ما حد يشوفك.

\*\*\*

بالقرب من باب المستشفى يقف الحوافريت بصحبة صلاح، يرتدون قبعات سوداء كُتِبَ عليها باللون الأصفر كلمة "vip"، الحوافريت يحمل في يديه شنطة سمسونايت، من بعيد يأتى عمرو ذلك الطفل الصغير الذى يبيع الجرائد، لمح الحوافريت وصلاح ولكن لم يستطيع تحديد ملامحهم بسبب ضعف الإضاءة، من زاوية أخرى يجلس سليمان خلف شجرة بالقرب من الباب يتابع الحوافريت وصلاح بعين باتت مستيقظة.

لم تمر دقائق حتى استقبل هاتف الحوافريت اتصالاً، مرع هو وصلاح إلى الداخل، رُكَّضًا على السلم الداخلى وصعدوا إلى الدور الثانى، أخذتهم رنا إلى غرفة النبطشية الخاصة بالمرضات، رنا أحضرت كرسي وجلست أمام الحوافريت وصلاح الجالسين على سرير النبطشية، تنظر إلى الشنطة السمسونايت التى بالتاكيد هى شنطة النقود بشغف شديد، بأسلوب رهين يُجسد مدى ثقته بنفسها.

- كنت عارفة إنك عاقل وهتجيب الفلوس وتيجى.
- طبعًا عاقل هو أنا معقول أجازف بنفسى مع واحدة عميقة زيك.
- ولو إن حاسه إنها تريقة بس هعمل نفسى مش واخدة بالى، جيببت المليون جنية.

- لا.

- احتدت قسمات وجهها وبدت أكثر شراسة.
- وبعدين بقى، أنا ما بحبش اللف والدوران.
- أنا أقصد مليون جنية ناقصين المية ألف جنية اللى خدتهم منى عربون.
- ابتسمت ابتسامة باهتة وكأنها تُخبره أن دمه بات لزجًا أكثر من اللازم.



- مات الفلوس يا خفيف الظل.
- مدت يدها لتلتقط الشنطة فأبعد يدها بسرعة.
- لما اشوف التسجيل الأول يا عميقة.
- حقت.
- أخرجت الهاتف الخلوى الخاص بـ "لسعة" أشهرته في وجه الحوافريت.
- موبایل لسعة أهو.
- مدّ يده لياخذه فأبعدته وهى تصدر صوت من فهما بالنقى.
- لا يا بيبى، ممنوع الاقتراب أو اللمس لحد ما اخذ الفلوس.
- طب وأنا أضمن منين إنك ما معاكيش نسخة ثانية.
- مفيش حاجة تضمنلك، الحاجة الوحيدة اللى تضمنلك هى كلمتى ومفيش قدامك غير إنك تصدقنى.
- ماشى يا رنا مصدقك بس يا ويلك لو فكرتى تلعبى بيا.
- لمح الحوافريت كوب وهاتف خلوى على سطح الكومود المجاور للسريـر.
- ما فىن الفلوس؟؟
- وضع الحوافريت الشنطة على السريـر، فك الأقفال التى تحكمها ثم طلب منها أن تفتحها، نظرت فى عينه التى يملأها الغدروالمكر الشديد، فضلت أن تعطى له تهديدًا صريحًا لترهب به أعصابه وتذكره ألا يفعل شيئًا غبيًا تجاهها.
- ودينى لو فى لعبة كده ولا كده هى صريخة واحدة وكلنا هنروح فى داهية، إحنا بينا وبين دكتور غبى ما بيتفاهمش حيطة، هونايـم فى الأوضة اللى جنبى.

ابتسم الحوافريت ابتسامة صفراء ولم يُجب، أخرجت هاتفها الخلوى وأمسكته في يدها، اقتربت من الشنطة فتحتها ببطء من يخاف أن يتفجر شيء في وجهه، نظرت بداخلها فانقض الحوافريت عليها، اعتصم رقبتهما بعدما ألقاها على السرير ثم جثا فوقها، ظل يعتصم رقبتهما بقوة ليمنع عبور الأكسجين إلى رثتها، يدها ضغطت بالخطأ على الاتصال السريع بالدكتور إبراهيم الذى يجلس الآن فى صالة شقته يقرأ فى الجرنال مقال عن سرقة البنك الذى يقع فى المدينة ولا يدري أن سارق البنك هو قاتل رنا هو نفسه من سيحقق معه غداً فى الجريمة!!!، رن هاتفه الخلوى ثم نشب ذلك الشجار الذى حدث بينه وبين زوجته فى الوقت الذى التقطت فيه عين صلاح الاتصال فهرع إليها وأخذ منها الهاتف وأغلق الاتصال فى الوقت الذى دخل فيه دكتور إبراهيم إلى غرفته ليعاود الاتصال بها فوجد أن هاتفها مغلق!!

فشلت كل محاولات الأكسجين فى الوصول إلى رنة رنا فى الوقت الذى بدأت هى فيه بالمقاومة الأخيرة أو ما يسمى برقصة الموت، تضرب بقدمها الكومود فيسقط الكوب متهشماً وكذلك الهاتف الخلوى أيضاً، خارج الغرفة يقف عمرو يستعد للدخول، أراد أن يفاجئ رنا فأخرج هاتفه الخلوى الجديد وقام بفتح تسجيل الفيديو وفتح الباب وهو يقول "رنا وحشتينى يا مزة المستشفى كلها" تفاجأ بهول ذلك المشهد الذى كان يملأ عدسة كاميرته، صلاح يقف بجوار السرير والحوافريت يجثو على صدر رنا، يعتصم رقبتهما بقوة أدت إلى بروز عروق ساعديه، وقد سقط الكاب من على رأسه ليكشف عن تلك الصلعة اللامعة وعن وجهه الذى بات واضحاً فى الفيديو وضوح الشمس فى كبد السماء، صرخ فى وجه صلاح أن يلحق بذلك الصبى الصغير فوراً.

هنا انطلق صلاح خلفه كالرصاصة بعدما استنشق كمية كبيرة من الهواء ملأ بها صدره قبل أن يركض فى اتجاه السلم الداخلى، عمرو يهبط درجات السلم بسرعة فائقة جعلت قدمه تفقد اتصاليها بالجاذبية بالكاد تمس الأرض، صلاح خلفه يحاول أن يمسك به، أطفأ قابس النور قبل أن يهبط درجات السلم فتحول الرواق إلى كتلة من الظلام، بمجرد أن وصل عمرو إلى الكاونتر الخشبي دفعه على الأرض فسقط مصدراً

صوت ارتطامة بالأرض، ذلك يفسر صوت الارتطام الذي سَمِعَهُ حسن وهو داخل الحمام، كل الأشياء التي كانت على سطح الكاونتر تبعثرت على الأرض بشكل يُنمُّ عن فوضى عارمة، حاول صلاح أن يتفادى الكاونتر ويقفز من فوقه ولكن تعرقلت قدمه وسقط على الأرض مُصدرًا تأوُّهاً بصوتٍ غليظ، ذلك يفسر صوت التأوُّه الصادر من حنجرة الرجل البالغ الذي سَمِعَهَا حسن وهو داخل الحمام، الجراند والمجالات التي كانت يحملها عمرو سقطت على الأرض وكذلك الكاب الذي كان يرتديه صلاح، الذي نهض سريعاً واستمر في الركض خلفه وسها عن انتشار ذلك الكاب الذي وجده حسن فيما بعد.

خرج حسن مسرعاً ليجد الاستقبال في تلك الحالة التي وصفها إلى سليم في الاستجواب.

### في غرفة النبطشية.

الحوافريت يُلملم تلك الأوراق التي سقطت على الأرض حينما انقلبت الشنطة السمسونيات وتطايرت الأوراق التي بها في كل ركن في الغرفة، استمع إلى وقع أقدام تتابع الخطى قادمة في اتجاه الغرفة، حسن أضأ قابس الرواق فأغلق الحوافريت الباب مُصدرًا صوت الارتطام بحلقه الخشبي، تقدم حسن ببطء وهو همس بصوت خافت "رنا، رنا"، يطرق طرقات خفيفة على الباب، يهدوء أحكم الحوافريت غلق الباب، ويهدوء أيضاً أخرج قناع فاندتا الذي كان بحوزته في الشنطة، ارتداه على وجهه، الحوافريت كان بحوزته قناعين ليستمر هو وصلاح خلفهم في حالة ظهور أي شخص.

استمع إلى حسن وهو يُخبرنا بأنه ذاهب ليُوقظ دكتور عصمت لأن الأمربات غامضًا، هنا انتفض الحوافريت وبات في وضع سيء، وجد بجوار الباب عصا خشبية رفيعة، أخذها، فتح الباب ببطء، استمع حسن إلى صوت صريره فعاد متسائلاً عن رنا، بمجرد أن اقترب وقع أقدامه من الباب خرج الحوافريت وضربه على رأسه بقوة جعلت العصا تنقسم إلى نصفين، تشوشت رؤيته بعدما اتخذت الدماء من رأسه إلى ياقة



قميصه ورقبته مسارا لها، افتقرش جسده الأرض، فانهال الحوافريت عليه بالركلات العشوائية ثم بمجرد أن توقف التقط نصف العصا وهوى بها على رأسه فأغشى عليه وركض الحوافريت إلى خارج المستشفى.

\*\*\*

حالة من التوتر الشديد تضرب المكان بشكل غير طبيعي، جميع أفراد الفريق في حالة من الاضطراب غير مسبوقه، اضطراب أبرز ملامح الخوف على وجههم، ما حدث جعل كل الخيالات السوداء تتجمع في رؤسهم، صلاح يفرك يديه على بعضهما البعض وكأنه يشعر بنوبة برد قارس، حالة التوتر ظلت تُصلية عرقًا على عرق، عقله الباطن يُخيل له أنهم يساقون إلى حبل المشنقة واحدًا تلو الآخر، بصوت هُلوع سأل صلاح الحوافريت المُنكَب برأسه على كفيه يبحث عن حل للخروج من تلك المصيبة التي باتوا ضلعًا من أضلاعها.

- الحل إيه يا حوافريت، ولا خلاص سافرنا كده كلنا.

نظر له بوجه شخص يحاول أن يظل متماسكًا إلى اللحظة الأخيرة.

- أنا عندي خطة بس محتاج فيها مساعدة طارق الدسوقي.

بنبرة صوت واجسة متوجسة قال صلاح.

- الله يخربيت طارق زفت دسوقي، من يوم ما ظهر في حياتنا وهي متشقلبة.

- ما عنديش حل غيره يا صلاح.

- وإيه الحل ده يا حوافريت إن شاء الله.



طلب منه الحوافريت أن يقف عن الزن ويستمع إلى الخطة وهو يشرحها إلى طارق في الهاتف، اتصل به وأخبره بما حدث، انهار طارق وظل يوتخه بنبرة صوت من هو على شفا خسارة كل شيء، انفجر فيه الحوافريت وأخبره أنهم ليس لديهم متسع من الوقت، أخبره أيضاً بنبرة صوت جامدة أن لديه خطة ربما تكون طوق النجاة الوحيد ولكن يريد فيها مساعدته.

شرح الحوافريت الخطة إلى طارق الذي بدا منه بعض السباب حينما سمعها لكنه وافق مع الضغط الشديد الذي مارسه الحوافريت عليه خاصة حينما جسد له ذلك المصير الأسود الذي ينتظره في حالة عدم موافقته فالموقف بات صعباً وطارق لا يملك رفاهية القبول أو الرفض، ذلك كان رد الحوافريت قبل أن ينهي المكالمة ليجد كل أفراد الفريق ينظرون إليه بوجوه غير مستوعبة وقد تدلت أفواههم بغباء واضح بعدما تناولت أذهنهم ما ينوى الحوافريت فعله.

تحدث إليهم وكأنه قائد حرب قد أوشكت معركته على البدء.

- هو ده الحل اللي قدامنا يا إمّا نسترجل ونعمل اللي علينا يا إمّا كلنا كده هنبقى في خير كان.

- بس يا حوافريت ده....

قاطعته بغضب جامح.

- مش عاوز حد يقاطعني، مفيش عندنا وقت للمناقشة، أنا مرتب كل حاجة من ساعة ما العيل ابن.... ده صوري وجري.

التقط أنفاسه ثم بدأ يشرح خطته بتمرس.

- من واقع كلية الحقوق اللي درست فيها أن أي حد هيبغ النجدة بتحولوه على القسم الواقع في دايرة البلاغ أو بتلقى هي البلاغ وبتبلغه هي للقسم، في كل الحالات أكبر راس في القسم النهاردة وبكرة تبعنا وده بسبب المليونية بتاعة بكرة، طارق

الدمسوقي هيستلم البلاغ وهيبلفنا إحنا علشان نتحرك ونروح على المستشفى، القوة بتاعتنا هتقسم على ثلاثة شرايح، الشريحة الأولى هتبقى رجال المعمل الجنائي أو البحث الجنائي ودول هيكونوا هشام وعلى، دول أول ناس هتوصل تقريبًا بعد البلاغ بربع ساعة، كل المطلوب منكم إنكم تمسحوا أى بصمات أو أدلة خاصة بينا يعنى حاجة وقعت مننا كده وما خدناش بالناس منها، يعنى بالعربى مسح أى أثر لينا هناك، على فكرة أنا كنت لابس جوانتى أنا وصلاح بس الإجراء ده هيبقى احتياطي طبعًا ده فى المقام الأول وفى المقام الثانى علشان نُحبك الدور صح ونقنع الناس إننا قوة شرطة فعلاً.

أومأوا برءوسهم دون نقاش وكأن حالة الذعر التى يشعرون بها لُجّمت أفواههم عن الكلام

- صلاح هيبقى بيمثل الشريحة الثانية وكيل نيابة، كل المطلوب منك هو إنك تعالين مسرح الجريمة وتأمر بنقل الجثة للطب الشرعى، عاوز واحد ابن ناس فى نفسه وفى تعاملاته ويتكلم من حته فى ثقة بالنفس عالية أوى، ثقتك فى نفسك هى اللى هتخلى الكل يثق فيك، كلامك يبقى ثقيل وموزون، عاوز كل كلمة لها معنى ولها هدف ورايحة فى مكانها.

- بس أنا مش هقدر يا حوافريت.

صرخ فى وجهه.

- مفيش حاجة اسمها مش هقدر، اللى أقول عليه تقول حاضرو بس.

أخرسه ذلك الهجوم الشرس المفاجئ، أردف الحوافريت.

- عبد المتجلى هيبقى أمين شرطة، مباحث طبعًا علشان صعب تلاقى زى شرطة فى يوم وليلة، هتاخذ الجثة على إنك هتسلمها للطب الشرعى وتاويها بمعرفتك مش عاوز الجن الأزرق يعرف عنها حاجة، إنت حافظ الجبل كويس وزى ما لقيت الوكر اللى إحنا فيه ده هتتعرف إزاي تخفيها.

- ما همكش، إعتبره حصل.
- تدخل صلاح في الحوار سريعًا.
- يا سلام على البساطة، وهو أمين الشرطة يباخذ الجثة على كتفه ويطلع بها على الطب الشرعي.
- لا طبعًا يبقى عن طريق سيارة إسعاف ومُسْعِف.
- حلوه تجيبهم منين بقى يا حوافريت دول.
- من المستشفى يا صلاح.
- !!!!
- النهاردة وأنا في المستشفى لمحت عربية إسعاف هناك طبعًا بكل حال من الأحوال السواق مش هيبقى هناك لأن بكرة الجمعة هعمل مشكلة وهخلى عبد المتجلى اللى هيبقى طبعًا ليه إسم تانى هو اللى ياخذ عربية الإسعاف ويمشى، ولو حتى السواق كان موجود علشان عارف إنك هتسأل السؤال ده يا صلاح هتلكك بحجة إنه ما ينفعش يسبب مسرح الجريمة لأنى هبقى الشريحة الثالثة رئيس المباحث، وبالنسبة للجرائم اللى زى دى، رئيس المباحث بيبقى الفِرود بتاع الأحداث، المهم يا عبد المتجلى زى ما قولتلك مش عاوز حد يعرف للجثة طريق.
- هتاوبها يا حوافريت وغلاوتك.
- قالها بتلك اللهجة الصعيدية القوية التى تَنُمُ عن قوته وصلابته.
- باختفاء الجثة يبقى مفيش جريمة أصلًا حتى ولو فى شهود اللى هما هيمختفوا.
- نظر الجميع إلى بعضهم البعض فى بلامه.

- أمّا ياسربقى فده هيسوق عربية البوكس اللى هيجيبها هشام دلوقتى، ولا صعب عليك.

بتردد أجابه هشام.

- لا مش صعب أنا العيال اللى معايا حطوا أيديهم على كذا عربية من مقلب العربيات اللى على أول المدينة وقت الانفلات الأمنى وانسحاب الشرطة وكان منهم عربيات شرطة بوكس، بس يا حوافريت إحنا لو اتقفشنا مش هنشوف النور تانى.

- ولو قعدنا حطينا أيدينا على خدنا هنتعدم كلنا، إحنا بنعمل محاولة وفرصة للنجاة.

لا أحد يُجيب الكل تحت تأثير صدمة ما سمع، أردف الحوافريت إلى هشام.

- عاوزين كمان عربية نعملها لوكيل النيابة.

- سهلة برضو.

- تمام أوى.

حوّل وجهه شطر "على" مُزور الفريق.

- على، عاوزك تعملى ورقة نلزمها على إزاز العربية، ورقة فيها شعار النيابة العامة.

أجاب هشام بصوت مرتجف.

- أنا كنت عامل التصميم من فترة على اللاب علشان لو حبيننا نبيع عربية ونقول إن صاحبها كان مشتريها من حد شغال فى النيابة، يعنى اللى إنت عاوزه ده يادوب واقف على الطبع.

- زى الفل، مصطفى إنت اسمك هيبقى راضى وهتبقى أمين شرطة مباحث.



- حاضروا لى مش مقتنع.

- مش مهم تقتنع المهم تعمل اللى بقولك عليه وبس.

أوما برأسه فى استسلام تام بوجه بادی عليه عدم الرضا، أردف الحوافريت.

- أنا بقى هبقى رئيس مباحث غتت وهعرف أعمل الدور وأسبكه صح، دور هتتعجن فيه موهبة التمثيل مع دراسة القانون اللى خلانى أدرسها التنسيق بالعافية فى كلية الحقوق، هشوف من خلال استجواب سريع كده الناس اللى فى المستشفى تعرف حاجة عن الموضوع ده ولا لأ، وأى حد عارف أى حاجة عننا أو عن الاتفاق اللى بيننا وبين رنا هقبض عليه ونخلص منه بمعرفتنا، أنا عاوز ما يبقاش فى أثر لينا خالص، عاوز أعمل جريمة كاملة فعلاً.

نظر إلى مصطفى ثم أردف.

- مصطفى معاك كام ساعة بس، عاوز أبص فى وشوش الناس دى ما أعرفهاش.

أوما برأسه قبل أن يسأله صلاح بجسده.

- والواد اللى صورنا يا فالج، كل ده وما جتش سيرته.

- الواد ده هيعمل حاجة من اتنين يا إمّا هيروح على القسم يبلغ وفى الحالة دى طارق هيستقبله وهيعمل معاه الواجب لأنه عنده خلفية بالموضوع يا إمّا هيبقى الصبح المستشفى علشان يسلم الفيديو ده للظابط اللى بيعقق فى اللى حصل وفى الحالة دى هنقبض عليه ونجيبوهنا ونشبعه ضرب وتعرفوا منه الفيديو ده حد تانى شافه ولا لأ.

- ولو ما عملش لا ده ولا ده، عمل تصرف نالت إحنا مش متوقعينه؟

- ساعتها يحلها ألف حلال، هنتصرف، لما نبقى فى قلب الحدث هنعرف نتصرف إنما هنعقد نقول لو ولو مش هنعمل حاجة، وخلي بالك يا صلاح إحنا كده كده رايحين فى داهية يعنى دى للمرة الألف مجرد محاولة للنجاة.

- طب ما نهرب يا حوافريت.

- ما ينفعش يا مصطفى، الفيديو هيوصل للشرطة وهيجيبونا حتى ولو تحت سابع أرض، طارق هيلاقى اللى يقف جنبه واللى يقول إن التسجيل ده تركيب على الرغم من إنه حقيقى، بس طارق ليه ظهر إنما إحنا لأ، والبلد هنا اللى مالوش ظهر ما بياخدش غير على وشه.

- تفتكر اللى إحنا هنعمله ده هينجح يا حوافريت؟؟!!

- هينجح يا مصطفى، والناس هتصدقنا لو احنا وثقنا فى نفسنا وصدقنا نفسنا، الواثق فى نفسه دائماً يقود الآخرين، وعلشان نثق فى نفسنا لازم ما نخافش، كنت مرة بمثل مسرحية فى الجامعة وأنا فى كلية الحقوق، وكنت بقول جملة لسه معلقة فى دماغى لحد النهاردة، لا تأتى الثقة بالنفس من خلال كونك على حق، بل تأتى من خلال كونك غير خائف.

نظر الجميع إلى بعضهم البعض ثم أردف الحوافريت.

- عارف إنت لما بتدخل السينما وتتفرج على فيلم رعب بتلاقي نفسك خايف ومرعوب لما بتروح البيت وتتفرج على نفس الفيلم بتقول إيه الهبل اللى كنت أنا فيه ده، معقول أنا كنت خايف من الفيلم ده، عارف إيه اللى عمل كده فيك، جو السينما من الصوت والإضاءة دخلك جو الفيلم أوى لدرجة إنك صدقته، تخيل بقى لو شوفت نفس الفيلم 3D هتصدقته أكثر، كل ما تدخل جوه الحدث أكثر كل ما تصدقه أكثر، إحنا بقى المطلوب مننا إننا نعمل للناس دى جو السينما علشان يصدقوا إننا فعلاً شرطة.

\*\*\*

في نفس ذلك التوقيت داخل القسم.

طارق استدعى أحد المحجوزين إلى مكتبة ثم طلب من العسكري أن يغلق الباب ولا يدخل أحدًا مهما كان، جلس ذلك المحتجز الذي يدعى "فار" على الكرسي المواجه للمكتب، ظل ينظر إلى طارق الدسوقي البادى عليه التوتر.

- إسمع يا ض يا فار، أنا عاوز منك خدمة.

- إنت تؤمرنى يا طارق باشا.

- أنا عارف إنك كنت شغال فى السنترال قبل ما تتفصل، عاوزك بقى زى الشاطر كده تقطع الإتصالات عن كل القسم وتغلى التليفون بتاع مكتبى ده بس هو اللى شغال، تعرف.

- دى حاجة مفيش أسهل منها، بس السؤال هنا بقى، لماذا؟؟؟ ليه يعنى يا باشا. قالها ذلك الضئيل وهو يغمض إحدى عينيه ويهز رأسه وكأنه اكتشف أمرًا ما مُشِينًا، انفعَل طارق وراح يُوبِخه.

- إنت هتصاحبينى يا روح أمك، إنت تعمل اللى أقولك عليه وبس.

- والمقابل يا سيادة الرائد.

- هقطع المحضر والبرشام والحشيش اللى مسكناه معاك هيتبخر.

- أمين يا باشا.

\*\*\*

يوم الجمعة 2011/6/7

الساعة السابعة

تلقى هاتف مكتب الضابط طارق بلاغ من الدكتور سعيد بأن هناك جريمة قتل داخل مستشفى المدير، أخبر طارق الدسوقي الحوافريت وفريقه بأن يتحرك فور الانتهاء من مكالمة الدكتور سعيد.

انتقل كل أفراد الفريق إلى المستشفى، تقمص الحوافريت دور رئيس المباحث سليم أبو فرحة بشكل رائع، لم يتوقع أحد أنه مجرد ممثل رائع فشل فى الحصول على



فرصة حقيقية أمام الكاميرات فقط لأنه وَلَدَ في بلدٍ لا تُمكنك من أى نجاح باهر مادمت لا تمتلك علاقات.

وصل عمرو إلى المستشفى كما توقع الحوافريت من قبل ليقدم الفيديو الذى صورته عن طريق الصدفة إلى الشرطة المتواجدة بديهيًا فى مسرح الجريمة أو تسليمه إلى أحد المسئولين فى المستشفى لكنه تفاجأ برئيس مباحث يُشبه تمامًا ذلك الشخص الذى التقطته عدسة كاميرته بالأمس على الرغم من تغير ملامحه بالمكياج ولكن حاسة الصبى وشعوره الغريب تجاهه جعله يتعرف عليه بسهولة، كان لا يدرى هل من قتلها رئيس المباحث بالفعل أم أنه شخص محتال يستتر خلف ذلك المنصب، لم يجد حلاً سوى الهروب فى الوقت الذى أمر فيه سليم أبو فرحة الأمين راضى بالركض خلفه، وحينما لم يتمكن من متابعته نقل ذلك التكليف إلى ياسر الذى كان جالسًا مسترخيًا داخل سيارة البوكس، فعضلاته ورثته لم تُنهكا مثله.

ياسر وبكل سهولة أدرك أن ذلك الفتى هو الفتى المنشود، ركض خلفه وتمكن من القبض عليه ثم هاتف صلاح ليأتى إليه بسيارته وينتقلوا سويًا إلى ذلك الوكر المخصص لهم.

هناك تلقى ذلك الفتى ضربًا موحش وتعذيبًا بشعًا حتى أقسم لهم أنه لم ير ذلك الفيديو سواء وأنه لم يخبر به أحدًا ومن سيُخبر من الأساس!! هو يعيش مع أمه المريضة وإخوته الصغار، أخذوا منه الهاتف وتم تحطيمه أمام عينه، ثم قيدوه بالحبال وألقوا به فى شنطة السيارة.

أثناء التحقيق أدرك الحوافريت أن رنا لها قصص وروايات مع كل طاقم المستشفى فهى ليست الفتاة الجميلة المدللة فقط بل إن تاريخها يعج بالصولات والجولات مع الجميع، تُدرك جيدًا كيف تتعامل مع كل شخص، لكنها لم تحب أى شخص مهما كان قريب منها وإن كانت هناك مصلحة شخصية تتطلب التخلص منه فعلتها فى الحال.

أثناء التحقيق أيضًا شعر الحوافريت أن كلام حسن وسليمان المجنون يمثلان خطرًا عليه وعلى فريقه فأمر بالقبض عليهما فى الحال للتخلص منهما.



حينما عاد بسيارة البوكس إلى وكر الفريق " الكهف " كان صلاح يجلس على مقدمة السيارة يدخل السجائر وقد خلع سترة البدلة التي كان يرتديها، نهض واقفاً حينما توقفت سيارة البوكس.

- إيه يا عم كل ده، إنتم بتحققوا في الجريمة بجد ولا إيه.

بعد دقائق معدودة كان سليمان قد فارق الحياة وحسن حاول الهرب فركض صلاح خلفه وأسقطه على الأرض، اقترب من الحوافريت وبدأ ينقر رأسه بإصبعه وكأنه نقار خشب ينقر بمنقاره في جذع شجرة عتيقة.

- علشان إنت شفت وعرفت أكثر من اللازم فمش فارقة تعرف أكثر من كده، أنا مش سليم، أنا الحوافريت، الحوافريت يا روح أمك.

تركه صلاح ليقبض الحوافريت على رقبتة ويضغط على قصبتة الهوائية بشكل جنوني.

- هتموت بنفس الطريقة الى ماتت بها المرحومة.

دقائق معدودة مرت عليه سنين طويلة قبل أن يفارق حسن الحياة ويُسلم روحه إلى بارئها، صلاح أخرج عمرو المقيد تماماً، على وجهه وجسده العارى آثار ضرب وكي بالنار ليتزعوا منه تلك الاعترافات التي أرادها الحوافريت وفريقه، أحضروه بالقوة أمام الحوافريت الذي ظل ينظر إليه بجمود.

- عاملى فيها دكرا بتاع الجرايد.

أصيب حسن بحالة من الفزع والانهيار حينما وجد حسن جثة هامة تمكث بهدوء على الأرض، انتصب الحوافريت وهرول تجاهه، اعتصر ملامح وجهه بيده التي أخذت هيئة مغالب النسر للحظة من اللحظات، سأل صلاح وهو لا يزال يعتصر ملامحه بقسوة.

- الواد ده حكايته إيه يا صلاح؟؟؟
- لا ما تفلش نظيف خلاص، محدش عرف موضوع الفيديو إلا هو.
- متأكد
- عيب يا حوافريت دا شاف عذاب محدش شافه.
- خلاص إخلص منه.
- دفعه الحوافريت بكل قوة ليسقط على الأرض.

\*\*\*

بعد قتل عمرو والتخلص من جثثهم جميعًا استقل الحوافريت وصلاح ومصطفى السيارة التي امتلأت مقاعدها بالمال الذي تم سرقة، وضعوا النقود في الإسفنج الذي يستخدم لحشو المقاعد وتمت حياكة المقاعد عليها، في السيارة الأخرى التي كان صلاح يستخدمها استقلها باقي أعضاء الفريق عدا عبد المتجلى الذي لم يعد حتى الآن منذ أن أخذ سيارة الإسعاف وجثة رنا المجنى عليها للتخلص منها نهائيًا، الجميع في انتظار وصوله.

- كده خلصت يا حوافريت، هنعيش حياتنا بقى.
- نظر له الحوافريت بملامح وجه مأكرة.
- مين اللى قال إنها خلصت دى يادوب ابتدت يا صلاح.
- إزاي يعنى!!
- هو إنت مفكر إني هسيب الفلوس لشوية العيال دى، الفلوس دى هتقسم عليا أنا وإنت ومصطفى والباقي كله هيبقى فى خبر كان.
- اتسعت عين مصطفى وكذلك صلاح وهما يرمقا بعدم تصديق الحوافريت الذي أردف .
- الله يرحمها قالت ، الجميع يخون الجميع .

تمت



شكر خاص للأستاذ / حسام محمود موسى

على المعلومات القانونية الخاصة بالرواية



صدر للكاتب

• كليبتو - عام 2015

للتواصل مع الكاتب

Facebook account : [islamwaheib@gmail.com](mailto:islamwaheib@gmail.com)

للمزيد من الروايات والكتب الحصرية  
انضموا لجروب ساحر الكتب

[sa7eralkutub.com](http://sa7eralkutub.com)

او زيارة موقعنا





سبعة الكتب الحصرية



انضموا لجروب سحر الكتب



جميع حقوق الطبع والنشر محفوظة للناشر



noon\_publishing@yahoo.com  
0235860372 - 01127772007



"بعض الناس يقرأون الروايات ليطمئنوا أن كل شيء  
سيكون على ما يرام في النهاية، ولا بد للخير دوماً أن  
ينتصر، أنا لا أكتب هذه النوعية من الروايات"

المطبعة  
المصرية  
للطباعة  
والتوزيع

